

# ବଡ଼ ବସ୍ତ୍ର ମା







პინეზი თბილისში,  
დიდი დიდიკოშვილი  
1კვ.მ. - 450\$

599 499 994

# № 11(79)

მარტი, 2016

ჟურნალის ეს ნომერი იბეჭდება  
ბატონ რამაზ გოცირიძისა და  
ქალბატონ მარინა სანაძის  
უშუალო თანადგომით

5

სარელაქტორო

როცა სამშობლო შენი სიცოცხლეა!

16

ქართული

მედის ანატომია

17

ტყუილი

ხშირად დარჩენილხართ მოტყუებული?

18

ია ანთაძის

შეთავაზება მთავრობას

19

ჩვენი

ხმაწართმეული ისტორიები

22

ლაშა ბუღაძის

პუტინის დედა

26

ამერიკული ვესტერნის

გურული გმირები

28

კაღამ, კაღამ, კარიზ!

შენ ნამყოფი ხარ საფრანგეთში?

36

ნიკოლოზ ჩხეიძე

ჩვენ დღეს სხვა ემიგრაცია ვართ

42

მისეილ ქვლივიძის

უცნობი ნარკვევი ამერიკაზე

46

„ილუზიონი“ კაბადონეზში

ვარსკვლავები არ კვდებიან

50

ტალანტი „შვისბუპიდან“

სულ სხვანაირი ირინა მიქაბერიძე

54

მსოფლიოს ქართული ბესტსელერი

პაპაშვილის „ყველაფერი შეიძლება მოხდეს“

60

სიმონ არველაძე - 95

ორი ემიგრანტის პორტრეტი

63

რეზო ინანიშვილის


მოთხრობა „ცეტები“

64

ჯემალ აჯიაშვილი

მეტაფორები





ერთ-ერთი უცუდეის ოსკარის გახსნა, რაც კი მინახავს...

პოლიტიკა ყოველთვის იჭრებოდა ამ სცენაზე, მაგრამ ასეთი დოზის რასიზმი, თან ამ კონტექსტში, და 21-ე საუკუნეში, - პირველად ვნახე.

„Disgusting“ - ასეთი სიტყვაა ინგლისურში.

მე ქართულად მოვერიდები ამ ყველაფრისთვის სახელის დარქმევას, რადგან უზრდელობა ჩემი ხზე არაა.

წლეკანდელი საღამო შაკანთან მიყავდა...

შარშან, ელენისგან განებიერებულები, სასწაულს მოველოდით.

იცე, რა უსამართლობაა, შავმა ან თეთრკანიანმა მიაღწიოს „ოსკარის“ წამყვანობას, 85 მილიონი მაყურებელი უყურებდეს და მაინც უსამართლოდ დაიჩვილოს, რომ შავებს ბედი არ წყალობს, აქაოდა, რასიზმი მეფობს აკადემიაში, და მთელი მონოლოგი ამაზე ააწყო.

სიმართლე თუ გინდა, -

- ისინი ისევ წინა საუკუნეში დარჩნენ!

- ქვეყნის პრეზიდენტად შაკანთან ავირჩიეთ, ისინი ისევ რასიზმზე სტირიან!

თორე მე ვგიჟდები მორგმან ფრიმანზე, დენზელ ვაშინგტონზე; მახოდებს ჰალი ბერიზე; ვიტორე ფორესტ უითაქერის შესრულებულ როლზე „მსახურში“; თპრაზე და ვუპიზე ჩემი აღტაცება შორს წავკეყვანს...

ამით, წამყვანმა, და ყველა იმათმა, ვინც ეს ტექსტი წაიკითხა, მე კი არ მომაცენეს შეურაცხყოფა, არამედ, ჰეტი მაკდანიელს, „ქარწალებულის“ შაკანთან მსახიობს, მის სულის, ჯერ კიდევ 1939-ში რომ მიიღო ოსკარი.

დავანებოთ თავი, პოლუკუდის ბულვარი შაკანთანთა ვარსკვლავებით რომაა სავსე, ოსკარზე საჩივარი როგორ შეიძლება დაგცდეს, როცა ზემოთ ჩამოთვლილთა გარდა, ოსკაროსანები არიან: სიდნი პოითერი, ჯემი ფაქსი, ლუის გასეტი, ჯენიფერ ჰადსონი, ოქტავია სპენსერი, შარშანდელი ოსკარო-

სანი ლუპიტა ნაიონგი...

სულ 35-მდე ოსკარი მოვთვალე, - 35-მდე მათში აღმოჩენილი ნიჭიერება.

„ჯადა პინკეთ სმითმა ბოიკოტი გამოუცხადაო ოსკარსო, რასიზმიო ოსკარზეო“.

ნეტავ ჯერაც მისი მეუღლეა ვილ სმითი?

250 მილიონი წლიური შემოსავლით და ოთხი გრემით? თუ ჩემი მეგობრის, მარინესი?

2009 წლის ნობელის დაჯილდოების ცერემონიაზე ვინმემ დაბლოკა ჯადას სიმღერა?!

32 ფილმშიც გაუხსნეს კარი... ცხრა უმაღლესი ჯილდოც მის ანგარიშზეა. ეს მაშინ, როცა პოლივულს ჯერაც არ აღმოუქნივარ მე - თეთრკანიანი ქუთაისელი, არცთუ უნიჭო.

გულისამრევი იყო წამყვანის, ქრის როკის კომენტარი „სსოვნის ბლოკის“ წარდგენისას, როცა დაამატა: ხსოვნა იმ შაკანთანისო, ვინც კინოში მიდიოდნენ და პოლიციელებმა ესროლესო.

და ამას ვისმენ რამოდენიმე საათის შემდეგ იმ ტრაგედიიდან, როცა დღეს, გამთენიისხანს, 48 წლის ქართველი ბესიკ შენგელია, საკუთარ მანქანასთან მდგომი ქვეითი მოსიარულე, ქვინსში მანქანამ გაიტანა და მიიმალა.

და მთელი 30 წუთი ოსკარის ტრიბუნიდან მესმის წარსულის მონოლოგები...

მე არ ვიცი, რომელი „შავი ისტორიის თვეში“ ვცხოვრობთ ახლა, მაგრამ „ოსკარი“, ვიცოდი რომ არც თეთრი იყო, არც შავი, - ოქროსი თუ ოქროსფერი მეგონა.

და მისმა სიშავემ გადაფარა ლეონარდოსთან ურმით მისული სამართალიც, გაგა-ბაიდენის უძლიერესი მესიჯიც და ვატიკანის შემაზანზარებელი ფილმიც ჩემი პროფესიის სიდიადეზე.

ერთმანეთს შევხვდებით მომავალი წლის 26 თებერვალს!




უბედულესი დროიდან კაცობრიობა მიღ-  
ტვოდა მისტიკრიულ სიმდიდრეთა მოსაპო-  
ვებლად და ეძებდა, პირველყოვლისა, გო-  
ნებაში გამონათებას, რათა მარადი საგან-  
ძური დაენახა მასში. სწორედ ამ მიუწ-  
ვდომლობას აზღაპრებდა კიდეც და თაო-  
ბიდან თაობას ანდერძად უტოვებდა ღმერ-  
თთან მიახლოვების სიხარულის განცდას,  
სრულყოფილებამდე რომ დაეხვეწა სავა-  
ლი გზა. ზოგი რაში პოულობდა ამ სიხა-  
რულს, ზოგიც კიდეც რაში -

ზოგმა მითი შექმნა,  
ზოგმა დაიჯერა ამ მითის ნამდვილობა,  
ზოგმა ამ მითის სიცხადეში გადმოტანა  
მოისურვა,

ზოგმაც კიდეც ცხადლივ დაიწყო ძიე-  
ბა ცხოვრების ყოველ კუთხე-კუნჭულში  
მისი რეალიზებისთვის.

ევროპა ჯვაროსნული ომების თავგადა-  
სავლებში ჩაერთო იმ იდეით, რომ გათავი-  
სუფლებულიყო საქრისტიანოს მარადი სამ-  
შობლო - იერუსალიმი სარაცინებისაგან...  
და ყველაფერი ეს ქრისტეს სახელით!

პარალელურად ქრისტიანობამ ფრთები  
შეასხა კელტური მითოსის იდუმალებას.  
იოსებ არიმათიელის ისტორიული პერსონა  
იდილიურ სახებად იქცა. მის სახელს  
დაუკავშირდა ქრისტიანობის ერთ-ერთი  
მთავარი სიმბოლიკა - ბარძიმი, რომლითაც  
მაცხოვარმა ჩაატარა საიდუმლო სერობა  
და საფუძველი დაუდო წმიდა ზიარების  
საიდუმლოს. წმიდა გრაალით დაუკავშირ-  
და სახარებისეული პერსონაჟი მითიურ  
მეფე არტურისა და მრგვალი მაგიდის  
რაინდების ლიტერატურულ-ფოლკლო-  
რულ ლეგენდას. მოგვიანებით პარსიფალის,  
ლანსელეტისა და მოხეტიალე რაინდების  
პერსონიფიცირებული სახისმეტყველება  
სრულიად იდეას თავიანთი თავგადასავლე-  
ბით ერთიან სისტემად კრავდნენ. იქამდე  
ჯვაროსნულმა ომებმა და გრაალის მისტე-  
რიამ ერთმანეთი იპოვეს, რამეთუ რაინდუ-  
ლი ორდენები იბრძოდნენ მესოპოტამიაში  
მუსლიმანთა წინააღმდეგ, ორდენები, რომელ-  
თა შექმნის უმთავრესი მიზანი იყო გრაა-  
ლის პოვნა. თვით ეს საღვთო ატრიბუტიკა  
მათი დაფუძნების ფილოსოფიურ საწყისს  
წარმოადგენდა. სწორედ გრაალი ვახდა  
მარადი იდეა მარადი სამშობლოსკენ ლტო-  
ლვისა. ამიტომ მთელი ევროპული საშუა-  
ლო საუკუნეები, ვიდრემდე რენესანსი გამო-  
ავლენდა თავის პოტენციალს, სხვა არა  
იყო რა, თუ არა ბრძოლა ადამიანის გონისა  
და მკლავის წმიდა მიწისთვის და სიწმი-  
დეებისთვის. არც სარაცინები თმობდნენ  
თავიანთ სამშობლოს, თავიანთ სარწმუნო-  
ებრივ წმიდა ადგილებს. კაცობრიობამ ის-  
წავლა ბრძოლა იდეისათვის.



სამშობლო ყველაფერი  
ისაა, ურთმლისოდაც  
სიცოცხლე არ შეგიძლია.  
ნოდარ დუმბაძე

# ჰოცს სამშობლო შენა სოცოცხოუს!

მაგრამ ჩაცხრა მისტიკური ალტკინე-  
ბა ევროპის. ამ ბრძოლებმა და რაინდულ-  
მა ხეტიალებმა გონი დაუწმინდა ადამიან-  
ებს, სამყაროს აღიქვამდნენ მხოლოდ რო-  
გორც რეალურ პროდუქტს აზროვნების  
სიცხადისათვის, განიდეგვა ირეალური თვა-  
ლთახედვები, მითოსიც კი ერთიან, მაგრამ  
მანც იდუმალ სისტემად აღიქმებოდა სამ-  
ყაროსთან მიმართებაში. ევროპის აზროვნება  
დაიხვეწა და შემოქმედებითმა იმპულსმა  
მომდევნო საუკუნეებში მოიპოვა ნაყოფი -  
მხატვრობაში, ლიტერატურაში, მუსიკაში,  
არქიტექტურაში. რენესანსმა, ბაროკომ, რო-  
კოკომ და კლასიციზმმა ხელთუქმნელო-  
ბის მომხრობის მიზნით ხელთა ქმნილი

(ე.ი. ადამიანური ნაქმნი) შერწყა თვით  
ხელთუქმნელობასთან (ანუ ღვთის მიერ  
შექმნილთან, იმასთან, რაც ადამიანის ხელით  
არ არის ნაქმნი, იგივე ბუნებასთან) იდილი-  
ური კავშირით... და ყველაფერი ეს ადამი-  
ანის ღრმა შუასაუკუნეობრივი ნაზრების,  
ჯვაროსნული ომებისა და რაინდულ ხეტი-  
ალობათა შედეგად. პარალელურად ევრო-  
პაში მძვინვარებდა ინკვიზიციის კოცონი.  
ეს არის ევროპის გენეტიკური კოდი.

ის ეძებს,  
ეძებს,  
ღღემდე ეძებს მარადი სამშობლოს.  
ეძებს იმ მითებს, რომლისთვისაც გაი-  
სარჯა და დაქცია ბიზანტია ოსმალეთ-

თან სეპარატისტული კავშირით. დაიარე-  
ბა, მაგრამ წასასვლელი აღარსადა, დედა-  
მიწა პატარა გამოდგა, თვითონ კი ვერ  
მოიცვა კაცობრიობა. ამ ხეტილში დაბერ-  
და და გამოიფიტა.

ჩვენ, ქართველები, ბევრს ვამბობთ და  
ვამტკიცებთ ძველი ევროპელები ვართო,  
მაგრამ ამას პოლიტიკური ელფერი დაპ-  
კრავს მხოლოდ და ანგარებიდან გამოძი-  
ნარეობს. თუ ჩვენ სიღრმისეულად შევის-  
წავლით საშუალო საუკუნეების მენტალი-  
ტეტს, დავერწმუნდებით, რომ ქართველობა  
ევროპისთვის გაცილებით უფრო ღირე-  
ბული იყო, ვიდრე რიგითი ევროპელობა  
ევროპის ერთიან ოჯახში.

ჩვენ ჩვენული ხაზი გავატარეთ გრაა-  
ლის ისტორიაში,

ჩვენ ჩვენული დადი დავასვით ჯვარ-  
როსნულ ლაშქრობებს,

ეს იყო რომ საქართველოში არ დანთე-  
ბულა ინკვიზიციის კოცონი, რადგან ჩვენ  
სამშობლო ქრისტეს კუნძული იყო, ისეთი,  
და იქნებ უფრო მეტიც, ვიდრე იყო კელ-  
ტური მითოსის კუნძული ავალონი, ან  
თუნდაც არტურის ზღუდემუხგრეველი  
ქალაქი კამელოტი. ქართული გონის აზ-  
როვნებამ გააკეთებდა, იქნებ სულაც  
წარმოშვა ევროპული მისწრაფება - მძლავ-  
რი, მომსიბლავი და უცნაურობამდე გასა-  
ვირალი სიყვარული იმ დაკარგული სამ-  
შობლოსი, იმ მოკლული ღმერთის, ვის  
წიაღშიც ყველანი ვიყავით.

ჩვენმა მენტალიტეტმა ის შესძლო, რომ  
მთელი ევროპის ყურადღება საქართველოს-  
კენ მომართა. აქ, ჩვენში, ტაძრულ რაინ-  
დებს (ასე არის მოხსენიებული ქართულ  
მატიანეებში ტამპლიერთა ორდენი) რეა-  
ლურად დაუხვდა მეფე და ხუცესი ერთ  
პერსონიფიკირებულ ისტორიულ პიროვ-  
ნებაში განსახიერებული. დავით აღმაშენ-  
ებელი იყო ის მეფე-ხუცესი (ევროპულ  
ისტორიოგრაფიაში პრესვიტერ იოანედ  
მოხსენიებული), არტურ მეფის რეალური  
ანალოგი, რწმენის სიძლიერე და ურყევი  
ნება მებრძოლი ქრისტიანობის. ისწრა-  
ფოდნენ საქართველოსკენ ჯვაროსნები, ტაძ-  
რელები, მერმე კი მისიონერები. ეწაფე-  
ბოდნენ ივერიელთა საკრალურ სიბრძნეს  
ევროპელები იმისდა მიუხედავად, უჭირ-  
და თუ უღნიდა ჩვენს სამშობლოს.

ქართულ ფესვებში გაცილებით მეტია  
ის ევროპული მენტალიტეტის კეთილ-  
შობილება, ვიდრე ეს ჩვენ გვგონია. ევრო-  
პა თუ საშუალო საუკუნეებიდან ეძებდა  
გრაალს, ქართულმა წარმართობამ ქვეს-  
კნელითგან გამოიბატა გრაალი. ქაჯავე-  
თის მაღალი გოდოლი თეთრმა გიორგიმ  
აიღო და წამოიღო ბარძიმი, ღვთაებრივი  
ბარძიმი. სწორედ რომ ევროპულ რაინ-  
დულ ორდენთა საფუძველი ჩვენშია, გე-  
ორგიანულ მებრძოლ ქრისტიანობაში, რად-

გან ჩვენ - ქრისტეს კუნძული - ვიყავით  
და ვართ გარემომრტყმული გოგისა და  
მაგოვის ბოროტულ ძალთა ოკეანით.

და ჩვენ ვიბრძოდით,

და ჩვენ ვიბრძობთ,

და ჩვენ ვიბრძობებთ.

ესაა ჩვენი გენეტიკური კოდი.

იქნებ მეფე არტურის მისტერია წმი-  
და თეთრი გიორგისგან, თუნდაც შენაბა-  
და წმიდა გიორგისგან მოდის (არა კაბადო-  
კიელი წმიდა დიდმოწამის, არამედ თვით  
მიქაელ მთავარანგელოზისგან - მისი ქარ-  
თული გააზრება რომა ჩამოყალიბებული  
ამ წარმართულ დვთაებად). ჩვენ წმიდა  
გრაალის მცველი ვიყავით ყოველთვის  
და ამიტომ ყველაზე მეტად ურჯულ  
გადაძლიე ჩვენ გვაწიოკებდა და გვემტე-  
რებოდა. ექსკალიბურც ივერიის ქვაში  
გამჯდარიყო და ტიროდა ქვები მსხნელის  
მოლოდინში.

საშუალო საუკუნეების გერმანული მწე-  
რალი ვოლფრამ ფონ ეშენბახი მიანიშ-  
ნებს გრაალის სიბრძნის სამშობლოზე და  
ესაა ტაბორნიტი, ანუ კავკასიის მთიანეთი  
- ასკენის ზვიად გამსახურდია. ახალ-  
ახალი ტალღა მოდიოდა ივერიისკენ ევრო-  
პელი რაინდებისა, რადგან ჩვენმა სამშო-  
ბლომ ევროპისთვის ძნელბედობის ჟამს სა-  
კუთარ თავზე იტვირთა მესიის მახვილის  
ფუნქცია აღმოსავლელ ველურ ტომებთან  
ბრძოლაში ახლო აღმოსავლეთში, ევროპას  
საკუთარი თავგანწირვის ფასად მისცა  
თავისუფლად განვითარების საშუალება.

როცა ჩვენ ვიბრძოდით, ევროპა ჩველი  
ბავშვივით ენის ამოღებას სწავლობდა.  
ჩვენ კიდევ ამ ბრძოლაში ამირანივით მი-  
ვეჯავჯვით სამშობლოს, ყვავ-ყორნები კი  
გვეხვევდა და აკაკის ხატოვანი თქმისა  
არ იყოს, - „დაფლეთილი ვეჭონდა გული“.  
ბიზანტიის წაქცევამ ჩვენ ფასი დაგვაღო.  
თვით ბიზანტია სულეირად გაიხრწნა -  
ექიშპებოდა ევროპას, ვერ უმკლავდებოდა  
მუსლიმანურ მოძალბას და ამავე დროს  
მეწებლობას არ გვაკლებდა ჩვენ - ერთმორ-  
წმუნეებს. ის თუ ჩრდილავდა ივერიის  
სულიერ სიძლიერეს, ახლა უკვე, ანუ 1453  
წლის 29 მაისის, კონსტანტინეპოლის და-  
ცემის შემდეგ სრული სახით წარმოჩინდა  
ქართველი ერის საქმთა სიღიადე. საქარ-  
თელთა მარტო დარჩა ურჯულთა წინაშე  
უთანასწორო ბრძოლაში. მანამდე კი მონ-  
ოლოთა ურდომ ვერ გაგვტეხა და მიუხე-  
დავად ამისა ქართველმა ერმა შეიფარა  
თავის წიაღში ტაძრელთა (ანუ ტამპლიერ-  
თა) განადგურებული ორდენის ნარჩენე-  
ბი. გაუკუღმართებული ევროპა (გაუკულ-  
მართებული რომაული კათოლიციზმისა-  
გან) ვერ შეეგუა მებრძოლი ქრისტიანობი-  
სა და მლოცველი ქრისტიანობის სინთეზს  
და ეს მაშინ, როცა ინკვიზიცია მძვინვა-  
რებდა შუა ევროპაში, ხოლო რომის პაპე-

ბის ქრინიკებში ეს-ესაა გაჩენილიყო ახალი  
ეპოქა ავინიონური პერიოდი, ანუ თვით  
რომის პაპები თავიანთი უკეთურობის გამო  
ფრანგ მეფეთა შანტაჟზე წამოიგენ. ამ  
მომენტამც ითამაშა გარკვეული როლი  
ტაძრელთა ორდენის განადგურებაში. აქ  
უკვე მატერიალური დაინტერესება თამ-  
შობდა გადამწყვეტ როლს - ვის ღარჩე-  
ბოდა მეძვიდრეობად ტამპლიერთა სიმ-  
დიდრე - პაპს თუ მეფეს. მარადი იდეა  
საერო და სასულიერო მამის ერთარსად  
წარმოჩენისა, რაც საქართველოში იპოვეს,  
ერთიანად განადგურდა ევროპისთვის საშ-  
ვილთაშვილოდ. მოხეტიალე რაინდების  
ეპოქა ევროპაში მწარედ მთავრდებოდა,  
რისი უკანასკნელი გაფრთხილებაც სერ-  
ვანტესის დონ კინოტმა იტვირთა საკუ-  
თარ თავზე. დასანანი და სევდიანი ფინა-  
ლია რომანტიული თავდავიწყებისა.

ამის შემდეგ ევროპა დაცილდა საქარ-  
თველოს, საქართველომ კი თავი ვეღარ  
მიაბრუნა ევროპისკენ და ესეც მხოლოდ  
მაშინ მოახერხა, როცა მტერმა გადააგვა-  
რა ქართველობა და შიგნიდან გატეხა გა-  
დაძლიემა ჩვენი სამშობლო. სხვა აღარა-  
ფერი დაგვრჩენოდა, თუ არა ევროპის ქვე-  
ნების სამეფო კარებზე ხვეწნა-მუღართი  
სირბილი. ეს იმას ჰგავს, დონ კინოტი  
რომ ქარის წისქვილებს ებრძოდა და ბო-  
ლოს მაინც წისქვილებს შეაფარა თავი,  
რადგან დონ კინოტი იგივე პარსიფალია  
რანდულ ორთაბრძოლებში მძიმედ დაჭრი-  
ლი (ზოგი ვერსიით ძლეული, ან ძლევა-  
მოსილი) და რწმენაწართმეული, მაგრამ  
საბოლოოდ წითელი პარასკევის მაღლით  
სარწმუნოებადარუნებული... და მაინც  
ეძებს მარადი სამშობლოს - გრაალს.

\* \* \*

ჩაიარა საუკუნეებმა, ჩაიარა ეპოქებმა,  
ჩაიარა დამპყრობლებმა. ჩვენ ახლა დამო-  
უკიდებელი და თავისუფალი ქვეყანა ვართ,  
მაგრამ მაინც გვეტანებთან მტრები, მაინც  
გადახვეწილები ვართ, ვინ სად და ვინ  
სად. მაინც დავეძებთ ჩვენ სამშობლოს, -  
სიზმარში თუ ცხადში,  
ახალგაზრდობაში თუ სიბერეში,  
სიბრძნეში თუ სისულელეში.  
ყველგან გვინდა ჩვენი მამულის პოვნა,  
ამ გადასაკარგავშიც კი. სიზმრებშიც ვხე-  
დავთ და ცხადშიც გველანდება. პარსი-  
ფალივით დავეხეტები ქვეყნიერებაზე და  
ვეძებ ჩემი სულის სანუკვარ საგანძურს -  
სამშობლოს, რადგან ჩემი გრაალი ჩემი  
სამშობლოა. თუ აქამომდე ევროპა ეწაფე-  
ბოდა ქართულ სიბრძნეს, შემდეგ როლები  
შეანაცვლა არსთა განმრიგემ სავალალო  
და ირონიული რაკურსით. ოდიოვანვე  
ასე იყო და ახლაც ასეა:

„საფრანგეთს ვთხოვთ:

გვიშველისო, - სასაცილო!

შენი ვახტანგი ლუდოვიკოს



ფეხზე ჰკიდა“.

ევროპა გამობრძმედა სარწმუნოებრივ-მა ფაქტორმა, როგორც ყველაფრისადმი ინდიფერენტული საზოგადოება, ოღონდ თვითონ ჰქონდეთ კეთილდღეობა. მე ვუყუ-რებ მათ და ვფიქრობ, რაოდენ დააკლდა სულიერება ამ კონტინენტს საქართველოს-თან დამაკავშირებელი ძაფების გაწყვე-ტის შემდეგ. არადა, გვიან საშუალო საუ-კუნეებში, -

როდესაც აღარ არსებობდა ბიზანტია, როდესაც გაუფასურდა გრაალის სუ-ლიერი საწყისი,

როდესაც მესამე რომის სიცივის სა-შიშროებას ვერ გრძნობდა კაცობრიობა, საშიშროებას, რომელიც ახალ ეპოქაში საშინელებად გადაექცეოდა მსოფლიო ცი-ვილიზაციას,

როდესაც გარშემოსილი იყო საქართვე-ლო ურიცხვი მტრების სიმრავლით, -

მისიონერები მისიონერებზე გვსტუმ-რობდნენ ათასი მიზეზით, ათასი მიზნით, ოღონდ არა დასახმარებლად. ასე ძაღლი-ნეგამოცილები რუსეთის უღუფად გადა-ვიქცეოდა, ევროპამ სინზე დადებული ჩაა-ბარა რუსეთს საქართველო, გამოვგლიჯეთ რა სპარსეთს და ოსმალეთს ჩვენზე თავი უმაგალითო გმირობის წყალობით. ევრო-პამ აღარ იცოდა ვინ იდგა მის წინ, რუ-სეთი საკუთარ თავს დაეხმარა და გადაგ-დებული და მათ კარზე თხონა-მუდარად გადაგებულნი მიგვიტოვალა თავის მერამდე-ნიმედ ნაწილად.

ახლა კი ვეძებთ, სამშობლოს ვეძებთ სამშობლოდაკარგულები და სამშობლოწარ-თმეულები.

მე უცხოეთში გადახვეწილი პირველ-ყოვლისა საკუთარ თავში ვეძებ მამულს, რათა არ დაკარგო ის სანუკვარი მარგა-ლიტი, რასაც საქართველოს სიყვარული ჰქვია.

სხვები თუ ეძებდნენ ჩემი სამშობლოს მარადისობის წყაროსათავეს,

თუ ეძებდნენ და პოულობდნენ ოქროს საწმისს,

თუ ეძებდნენ და პოულობდნენ გრაა-ლის დიდებას,

ბოლოს და ბოლოს თუ ეძებდნენ და პოულობდნენ თავშესაფარს იმ უღმობელ დროში, როცა თემურ-ლენგისა და მონ-ღოლების, სპარსებისა და ოსმალების ფეხ-თქვეშ ქართული მიწა იწვოდა, ბოლოს რუსეთის ჩექმის ქვეშ ლაზარესავით მოკ-ვდა და ელის მხსნელის მეორედ მოს-ვლას, რათა აღადგინოს მისი გარდასული დიდება, მე მით უფრო ვაღივლები ვარ ვეძებთ საქართველო, კი არ გავექცე მას, არამედ ამ სიშორიდან დავიხსლოვით. არა-თუ მხოლოდ ბაღ-ვენახები, მთები, ზვრები და ზღვები, არათუ გეოგრაფიული არეა-ლი, არამედ უმთავრესად ის სამშობლო

ვეძებო და ვიპოვო, რომელსაც ასე გულ-მოდგინებით შენატროდა რუსთაველი, რომ-ლისთვისაც გულმხურვალედ ლოცულობ-და თამარი, რომლისთვისაც იბრძოდა და-ვითი. ვეძებო ის უნიკუმი, რაც ოდითგან ჩვენი იყო და ვიდრემდის ცოცხლები ვიქნებით, ჩვენზე იქნება, რადგან სამშო-ბლო მხოლოდ მიწა არაა ნახევარსფერო-ებზე, განედებსა და გრძედებზე მოცემული. ჩვენ კი „არ გავცილებულვართ მერიდიან-ნებსო“, - დაილინა ერთხელ ირაკლი აბაშიძემ.

ვეძებ, რადგან მიწა-წყალი მარტო ჩვენ კი არ მოგვმალდა უფალმა, არამედ ეს



ხელთუქმნელობა მთელს სამყაროში გა-ნავრცო მომზიბლობად;

ვეძებ, რადგან ჩემს სამშობლოში მარტო გეო-პოლიტიკურ მდებარეობას არ უყუ-რებს არც მტერი და არც მოყვარე;

ვეძებ, რადგან სამშობლო მარტო მატე-რიალურით თვალსაზრისით არ განისაზ-ღვრება;

ვეძებ, რადგან მთელი სიმდიდრე ეროვ-ნული სულისკვეთებისა უპირველეს ყოვ-ლისა ადამიანებშია, ჩემს თანამემამულეებ-შია განიფთებული უკვდავებად;

და მე, როგორც მოაზროვნე, ვეძებ ადა-მიანებს, ჩემს ქართველ ძმებსა და დებს, მამებს და დედებს, ბაბუებსა და ბებიებს, შვილებსა და შვილიშვილებს, არათუ გათი-თოკაცებულს რაღაც ნიშნის მიხედვით, არამედ მთლიანად, ყველას ერთად, ყველა ერთმანეთს რომ ჰკვანან, და მაინც, ყველა მათგანი რომ განუმეორებელ ინდივიდად რჩება;

მე ვეძებ ქართველი კაცის კრებით სახეს, მის სრულ სახისმეტყველებას, რადგან ამ სახის მოდემამია დამალული ოქროს საწმისიცა და გრაალიც. ჩემი სამშობლოს ამ ცოცხალ ორგანიზმში, რასაც ქართველი კაცი ჰქვია, ლაზარეს საკრალური სიკვდი-ლი და მისი აღდგინებაა დამალული, ვიდ-რემდე უფალი დიდებით მოვა მეორედ,

განსჯად ცოცხალთა და მკვდართა.

იქნებ ამ კაცის სახებრად მიდიოდნენ არგონავტები, ტევტონები თუ ტამპლიე-რები. იქნებ მრგვალი მაგიდის რაინდები ასეთ კრებით სახეს ეძებდნენ ქრისტეს კუნძულზე, განსახიერება რომ იქნებოდა სიბრძნის, რწმენისა და ხელმწიფების. იქ-ნებ ერის მარადი მამის საზოგადო სახე ჰქონდა დავით აღმაშენებელს, ადგილის დედისა კი - თამარ მეფეს, როდესაც ეს სახეები არავის არა ჰკავს ქართველთაგანს, ხოლო ყველა ქართველი მათ ჰკავს.

მე პირველად საკუთარ თავში ვეძებ, როგორც ქართველი, ერის გენეტიკურ კოდს, მომადლებულს ღვთისაგან - იმ დიდ მად-ღმოსილებას, რაც გადმოედინება მაცხოვ-რის კვართიდან, ელიოზ მცხეთელს რომ მოჰქონდა ხელის კანკალით თავისი დის-თვის მართალი სიდონიასთვის, ახლა ჩემი სამშობლოს გულისგულში რომ არის ჩა-მარხული ყველაზე დიდ საგანძურად. მე იმ ცხოველსმყოფელი სვეტის გადმონა-დენ ღვთიურ კეთილშობილებას ვეძებ ჩემში, ასე-რიგად რომ გაბნეულია ყველა ქარ-თველში, სვეტი-ცხოვლისა, მთავარანგელო-ზის ხელით რომ დაიდგა სვეტიცხოველ-ზე და იმ დღიდან მოისმის ქართული გულისცემა ღვთისთვის და ერისთვის. ამ გულისძგერას ვეძებ მე ჩემი მამულისას აქ ამ შორეულ ქვეყანაში და ვეძებ ჩემს გულისძგერაში. ვეძებ და ვიპოვი, და ამა-ში დარწმუნებული ვარ, მეც ქართველი ვარ, და მიტომ. აქ სიზმრები განზე უნდა გადავდოთ, რადგან სიზმარი ცდომილება-ცაა და ნოსტალგიის აღმძვრელი არარა-ისიც. წმიდა ნინოს ნაწნავით შეკრული ვახის ჯვრის ძლევა მოსილება მე ჩემდა-წილ სამშობლოს მაპოვნინებს, იმას და ისეთს, როგორც სანეტაროა ყველა დროის მამულიშვილისთვის. სამშობლოზე ფიქ-რი ყოველთვის უსაზღვრო სვედის აღმძვრე-ლია, სვედისა, რომელიც საუკუნეობრივ ქურაში იწრთობა.

ალბათ ყველაზე მთავარს ვეძებ ჩემს თავში - ამირანის ცეცხლს, ასე-რიგად რომ გამოატარა საკუთარ გულებში ჩვენმა პაპებმა და დღესამოდის მოიბანა ცეც-ხლოვანი შემართება ქართული სულის, მეც რომ მეწილადა ჩემი წინაპრებიდან სვანეთის მალაღა მთიდან, რამეთუ ჩემი წარმომავლობა სვანურია, იმერეთს რომ ჩამოსახლდნენ ბოლოს. სვანეთშია ის სი-ახლოვე ამირანთან, იმ ცეცხლის დაუწვა-ვი სიმხურვალის მუხტი იქედან მოგვ-დგამს. ნალვერდალი ღვთის ნაცარში, ქარი და ნიაფი რომ არ აძლევს ჩაქრობის სა-შუალებას.

მეც, რამდენ ქარიშხალგამოვლილს, მწყურია ამირანის ცეცხლით დავიწვა გონება, რათა სხვა განზომილებაში მყოფს ისე დავინახო ჩემი მამული, როგორც არა-

ვის დაუნახავს აქამოდის, ან დაუნახავს და არ აღმოხდენია მისი სადიდებელი, ან უთქვამს და ხმა მლაღადებლად დარჩა უდაბნოსა შინა. დაუწვავ ცეცხლზე უკეთესი რა უნდა იყოს ცეცხლოვან ჟინში აღტკინებული ყმაწვილკაცობისთვის. მე რომ მიყვარს ჩემი სატრფო და ვიწვი სიყვარულის ცეცხლით, ესაა ამირანის ცეცხლის პატარა მონაკვეთი, მე რომ ქართული ოფლით გამონაჟურ ღვინოს ვსვამ და ბახუსის ნაპერწკლები თავდავიწყებაში გადამისვრის, ესაა იმ ცეცხლით განათებული გონება, გრაალს რომ ვიპოვი ჩემში და ზედაშით უფლის სადიდებელს ვიტყვი პირველ ლოცვად, აქ, ჩემში განისვენებს ცხოველ სვეტად მაცხოვრის კვართის მადლი, სიდონიას სიყვარული და ელიოზის ერთგულება უფლისადმი...

ქვეყნიერების ზურგზე რომ დავეხეტები და ვეძებ ყველგან ჩემი სამშობლოს ნიშნს, მსგავსებას მასთან, ამაში ვენათესავები პარსიფალს, ლანსელოტსა და ტამპლიერებს, ისინიც ეძებდნენ რაინდული შემართებით წმიდა გრაალს, უფლის სიმბოლიკას, სატრფოსთვის რომ თავს გაწირავდნენ, ეს სატრფო კი სამშობლოს აღგვორია რომ იყო ამ შემთხვევაში, რადგან სატრფოს, ანუ სამშობლოს ხსნა სჭირდება ქაჯავეთის ციხიდან. ევროპული რაინდობა ხომ რუსთველისეული რაინდობაა, იგივე გრაალის რაინდობა, ევროპამ ჩვენგან ისწავლა ამ ნიჭის გამოძღვარების უნარი, და მიტომ. ჯვაროსნებსავე ვაგებ მარადი სამშობლოს ოცნების კოშკებს, რათა საბოლოო ჯამში მწარე რეალობამ დაანგრის მისი გოლოლი, მე კი ისევ და ისევ ვეძებო, ამჯერად გამსხვრევები ჩემი ოცნების, რათა მის გამო ყოველგვარი უაზრობა და უმსგავსობა გადავლახო, შემრცხვეს ჩემი ნამოქმედარის იმიტომ, რომ სამშობლოა თვითონ სისპეტაკე და უნდა განვიწმიდოთ ამ გზაზე, რათა სამშობლოში პირნათელნი დავბრუნდეთ სამშობლოსავით მართალნი.

და მაინც, მე ვარ ადამიანი, მოკვდავი, ჩემი მისწრაფებებითა და სურვილებით მიწიერი, ამიტომ სულიერი სამშობლოს მოპოვების შემდეგ მისი განამდვილების სურვილი მიჩნდება, რადგან სამშობლო მართო აბსტრაქცია არაა, ის რეალურად არსებულ სამყაროს ნაწილს წარმოადგენს და შორეულ ქვეყანას თავმუფარებულ იმ ყოველის მხრივ ცვდილობს შევივსო დანაკლისი მამულის ხილვისა.

თითოეულ ფოტოსურათს საქართველოს პეიზაჟისას თვალებით ვჭამ და ვერ ვძლები მათი ცქერით, ტელევიზიით ვუყურებ სიუჟეტებს და როგორც კი ქართული სიტყვა შემომესმება, იქვე მძაფრდება ჩემი ყურადღება. მართალია, შემიცირდა საქართველოდან ამერიკის მიმართულეობით ქართველთა გადინება, მაგრამ ვინც

კი სტუმრად ჩამოდის, პირველყოვლისა ხარბად ვუსმენ მათ მეტყველებას, ასე-რიგად რომ გადაჩვეულია ჩემი სასმენელი მშობლიური მეტყველების მოსმენას. შემდეგ ვეკითხები, ყველაფერს ვეკითხები, უმნიშვნელოდ წვრილმან დეტალებამდე ისე, რომ შეიძლება თავიც მოვაბეზრო ათასგვარი კითხვებით, ასე უაზროდ რომ ეჩვენებათ ზოგიერთებს. ისეთ რამეებზე ვუმახვილებ ყურადღებას, რომ არ დაკვირვებია საქართველოში ყოფნისას იგი ამას.

აი, რასაც არ დაკვირვებია და რაზეც ჩემი ინტერესი შეჩერდა, სწორედ ესაა სამშობლო, მისდამი ნოსტალგიური წყურვილი. ალბათ, მეც არ დავაკვირდებოდი ასეთ დეტალებს, საქართველოში რომ ვყოფილიყავი, ალბათ მეც ასე მომაბეზრებდნენ თავს უსამელო კითხვებით, სანამ არ მაპოვნიებდნენ სამშობლოს ამ კითხვა-პასუხებში.

იქნება ასეც იყო ამ თქქსმეტიოდ წლის წინ, როცა პირველად დავედი ფეხი ამერიკის კონტინენტზე?!

პარსიფალისგან განსხვავებით, მე კითხვებს კითხვებზე ვსვამ იმიტომ, რომ ყოველგვარი უტიკეტების გარეშე ვარ მოწადინებული, ვიპოვო ის სანუკვარი ათვლის წერტილი, სამშობლო რომ ჰქვია, რადგან ჩემი გრაალი ჩემი სამშობლოა, კითხვების დასმა არ მეუხერხულება, და მიტომ. ამით ცხოველ მოქმედებაში მოდის სტუმარმასპინძლობის საკრალობა და სიცოცხლე ივსება ცხოვრებით.

გარდა ამისა, ვსარგებლობ სატელეფონო თუ კომპიუტერული ურთიერთობით მეგობრებთან საქართველოდან. იქნებ თავსაც ვაბეზრებ ჩემი საგანგებო კითხვებით, მაგრამ ისინი გაგებთ მეკიდებიან და მიამბობენ იმას, რასაც თუნდაც ფანჯრის მიღმა უყურებენ და მე ამით ვსაზრდობ იმიტომაც, რომ ჩემს თვალწინ გადაშლილია მშობლიური ქალაქები, სოფლები, სამშობლო ბუნება - მდინარეები, მთები, გზები, ასე-რიგად რომ გვატარებს და გვაბრუნებს ცხოვრების ხვეულ-ხლართებში.

კილო-კვზე, რომლითაც მესაუბრებიან, ვხედავ იქაურ განუყოფელ ბუნებას, რომელიც არსად ისეთი ტკბილი არაა, როგორც ჩემში აქ - ის,

გონებაში რომ დატრიალდება ჩუხჩუხა თერგივით და გაიტანს ამ ზღვა ენერგიას საქართველოს ფარგლებს მიღმა და ვერავინ საზღვრებს ვერ დაუდებს თერგს, ან ენგურსავით გზაჩაკეტულ თავშეკავებულ გადარევისავით ჩაივლის განხორციელება მთისა და ბარის ურთიერთშერწყმისა, იმ ენგურს მიღმა რომ ღია კარშია დარჩენილი დიდი ოცნება მთელი თაობების, - ტკივილი, საფლავები და მოსაგონარი, ან რიონსავით მითად გადაქცეული

ერთიანი კოლხური ფესვითი მარღვები გადაშლილი ვაკე-დაბლობზე, სიზმრად რომ ხედავს აიეტის ცრემლგამშრალ დარდებს, ან ჭოროხსავით მოქნილად მოტეხილი სხარტ სწრაფვას სილამაზისა და მარადისობისკენ, ასე-რიგად რომ ატყვევებს ზღვისფერი თვალების ხიბლი ზღვაში ჩაძინებულ ოცნების ხომალდებს,

ან მტკვარსავით მეფურ ღუღუნში მოსმენილი არასდროს არმოხილი წყნარი ღამის ზღაპრები, სიჩუმეში რომ იძირება მთვარე ვარსკვლავების მომხიბლავ სიზმრებში,

ან არავაკვივით ასხლეტილი ბუმბერაზი სიდიადე მამულის, ზეცამდე რომ ადის სიშმაგე მამულის შვილების, სიმღერასავით გადაფრენილი მთიდან მთაზე ექონამდერი ცრემლის მომგვრელი.

მიყვარს მამული, მისი ყოველი პატარა წვრილმანით, სადღეგრძელოსავით ტკბილსასმენარი რომაა.

შინ ქართულ კერძებს ვამზადებ ისე, როგორც საქართველოში იციან, მათში ჩემი სამშობლოს გემოს ვაყოლებ - ყოველი კუთხის სპეციფიკურ კერძში თითოეულ მათგანს ვუყურებ, თითოეული კუთხის არომატით ვივსები. ღვინოსაც ვსვამ, მხოლოდ ქართულ ღვინოს, სამშობლოდან გამოვზავნილს და ვივსები საქართველოთი ისე, რომ დახრჩობას ვერ ვახერხებ, ძლიერ მიყვარს იგი, და მიტომ.

სანელებლები ხომ თითქოს მტკვრია დაფქვილი ყვავილებიდან, მაგრამ საქართველოს ფეხის მტკვრია ასე სათუთად შეგროვილი და მე ამიტომ ვიძირები ჩემი მამულის სურნელებში. სადღეგრძელოდ ვამბობ სადიდებელს ჩემი გენისა და მოდემისა, რადგან ამ ყველაფერში მე ჩემს თანამემამულეებს ვხედავ - რა მოხდენილები არიან კაცები, რა მომხიბლავები არიან ქალები...

ცეკვა გინდა?

გამალე ხელი და იცეკვე, ფეხების მონასმევიდან წამოცვივდება ნაპერწკლები სამშობლოსი, ამირანმა საკუთარი მარადი ტყვეობის ფასად რომ დაგვიტოვა ყველა მამულის შვილს. ცეცხლავ, თუნდაც მოუქნელად, მაგრამ იმ ცეცხლის ნაკვესები ისეთივე ძალით იბნევა, როგორითაც გაიბნევა პროფესიონალ მოცეკვავეთაგან, მეც ქართული ვარ, და მიტომ. თავში ვარდება ის ცეცხლი, და ისე ღვივის, რომ გონებიდან გონებას გადაეცემა...

და ეს არ არის ხანძარი,

ეს ზეიმია ეროვნული აღტკინებისა!

მე მიყვარს ჩემი სატრფო, არათუ განსახიერება დაჩაგრული სამშობლოსი, რომელსაც სჭირდება გამოსხნა ქაჯავეთიდან, არამედ მიყვარს ადამიანი, ქართველი, თვალწარბ-წამწამი რომ ქართული მოხაზულობითა აქვს დამშვენებული და მიყვარს



ართუ მხოლოდ იმიტომ, რომ იგი ესოდენ ლამაზია და მომხიბლავი, არამედ იმიტომაც, რომ მასში ვკითხულობ ქართველს, თორემ აქ შესაყვარებელი და გადასაყვარებელი ბევრია -

სხვადასხვა ფერისანი,  
სხვადასხვა ხორცისანი,  
სხვადასხვა რჯულისანი,

მაგრამ მე მიყვარს მხოლოდ ის, ვისკენაც მიმიწევს გული და გულიც იმიტომ მიმიწევს, რომ იგი უადრესად ჩემეულია, ჩემი ფერისაა და ჩემი მოდგმის. გული ამიტომაც ირჩევს მახლობელად მონათესავე სულს და არა უცხოსა და მითუმეტეს საუცხოოს. ქართველი ქალის კდემაზე ლამაზი არაფერია ამქვეყნად, მისი კდემამოსილება ქვეყნიურ სილამაზეებსა და მშვენებებს მირჩევნია. მხატვრული აზროვნება სხვაა და ცხოვრებისეული რეალობა კიდევ სხვა, მაგრამ როცა ერთმანეთს ავსებენ სათქმელი და სამზერალი, ამაზე მომხიბლავი არაფერია, რადგან სიყვარული ასეთი მართალი მხოლოდ ჩვენში თუ იციან.

მე დონ კიხოტი არა ვარ, მაგრამ დულსინეა ტობოსელის მშვენება მეც მხიბლავდა და ვიპოვე სწორედ ის, ვინც ჩემს დონ კიხოტურ ბუნებას შეეფერება და მიყვარს, იმიტომ მიყვარს, რომ ასეთი სატრფონი დედამიწის არც ერთ წერტილში არ მოიძებნება, გარდა საქართველოსი. ყველას თავისი უყვარს, ჰოდა, მეც მიყვარს ის, ვინც ჩემს სამშობლოს მომაგონებს. ეს მე მიყვარს ასე, და ამიტომ, თორემ სხვას სხვა კრიტერიუმებით შეიძლება უყვარდეს თავისი სატრფო და სიყვარული, როგორც არ უნდა იყოს, კი არ უნდა გაიგო, უნდა მიიღო და აღიარო ადამიანური გრძნობის ეს იღუმალი აღმოფრქვევა. მე რომ საქართველოში ვიყო, ალბათ ასეთი სიმძაფრით არ მიყვარებოდა არავინ, რადგან მამულში ყველანი ერთად ვიქნებოდით და არ მივანიჭებდი არსებით მნიშვნელობას ბევრ წვრილმან ნიუანსს, აქ რომ გადამწყვეტ მნიშვნელობას ვანიჭებ.

ამ ფიქრებში ვარ და მაკონდება კინოფილმი „ფესვები“ - მთავარ გმირს გიორგი ზაქარეიშვილს სატრფო დაუტოვებია, რომელიც თურმე გულისსწორს ბოლომდე დალოდებია, სიცოცხლის ბოლომდე და ალბათ სიცოცხლის მერეც.

ფიქრობ და მაფიქრებს ფილმის ეს დეტალი.

იქნებ მეც დავტოვე საქართველოში

ჩემი მშვენიერი სატრფო და იგი მელოდება?! სწორედ ლოდინია და ლოდინისკენ მისწრაფება დიადი გრძნობა, რის ეპიცენტრშიც სამშობლო დგას, მისი დაუოკებელი წყურვილი. ვინძლო, უცხოობაში მთელი ცხოვრება გავატარო, მაგრამ ყოველთვის მექნება შინ დაბრუნების შეგ-



რძნება, რადგან ვიცი, მოუთმენლად მელიან ჩემი თანამემამულეები და ჩემი დატოვებულები და ჯერარწაშლილი ნატერფალეები. სხვანაირად არც შეიძლება იყოს,

თუ  
ლოდინი  
დაივიწყა  
სამშობლომ,  
მამინ  
თვით  
სამშობლოც  
წარიხოცება  
პირისაგან  
მიწისა.

სამშობლოს რომ ტკივა, იმიტომ მტკივა

მეც, რადგან ჩვენ ერთმანეთთან სულიერად გადაპარდვულნი ვართ და ერთმანეთის გადაცემით ჩვენ-ჩვენს გრძნობებს.

თავადაც არ ვიცი რა არის ლოდინი, რადგან არავის ველი. თუ ვინმე შემოაღებს ჩემს კარს, ეს ჩემთვის სასიამოვნო მოულოდნელობა იქნება, მეტი არაფერი. ლოდინით კი მხოლოდ სამშობლოში ელოდებიან სხვაგან წასულს, მხოლოდ შინ, სახლში, ოჯახში ელოდებიან გარეთ გასულ ოჯახის წევრს. თუ ოჯახს არ გააჩნია ეს შეგრძნება, დაქვეულია ის ოჯახი.

მიხარია, რომ ჩემს სამშობლოს გააჩნია ლოდინის გრძნობა და უსაშველოდ ძლიერი, მთლიანად საკუთარ სახეს რომ წარმოაჩენს კაცობრიობაში.

მაცხოვარი - კეთილი მწყემსი ყოველთვის დაეძებს გზაბნეულ ცხოვარს. სამშობლო - სამწყსოა უფლის, სადაც თავი უნდა მოიყაროს ადამიანთა ცხოვრებამ, სადაც არ უნდა იყვნენ ისინი. მეც ერთ ასეთ ცხოვარად მიმაჩნია ჩემი თავი, არათუ მამულს მიღმა, არამედ მამულის გარეთ მყოფ ცხოვარად, ჩემი ცხოვრებაც მამულით სულდემულობს მამულს გარეთ.

ამიტომ დამელოდება ჩემი სატრფო,

ამიტომ დამელოდება დედამის საფლავები,

ამიტომ დამელოდებიან ჩემი დედამამიშვილები,

რადგან ამ ლოდინში იწრთობა სამშობლოს უსაშველო მითიმინება. ჩემში მონატრებაა ამ ლოდინის ფუჭად არჩავლის ძალამო, მანძილია მხოლოდ შორი.

ჩემი გარდასული ფიქრების სიმყარე, ნამდვილობა სწორედ ნოსტალგიაში ვლინდება, რადგან აზროვნება არ არსებობს ზოგადი კონკრეტულის გარეშე, ხოლო კონკრეტულის ზოგადეროვნული არსი პიროვნულის გარეშე. ყველაფერი ეს ჯგავსისებური რეაქციაა ჩემგან გამომდინარე და არამარტო ჩემგან.

სხვათა გრძნობები და განცდები მე არ ვიცი, რადგან ამერიკის შეერთებული შტატები დიდია და ეს ქვეყანა ემიგრანტების მიერაა შექმნილი.

აქ მე ვერავის გავაკვირვებ ჩემი გრძნობებით, ვერც სხვა გამაკვირვებს თავთავიანთი გრძნობების გადმოფრქვევით, მაგრამ ჩემში დავანებული ქართული სული განსაკუთრებული ძალისაა ისე, როგორც განსაკუთრებულია

ჩემი მამული!



# ფეისბუქის სისუსტიკე

სწორად მიფიქრია, რატომ მოიპოვა სხვადასხვა სოციალურ ქსელებს შორის ფეისბუქმა ასეთი პოპულარობა საქართველოში? ევროპაში (მაგალითად, გერმანიაში) ფეისბუქი ყოფის „დამატებითი ღირებულებაა“, ხოლო საქართველოში, ჩემი დაკვირვებით, უკვე ამკარად გამოიკვეთა ფეისბუქზე დამოკიდებულთა მასშტაბური ჯგუფი, რომლის წევრებისთვისაც ფეისბუქით კომუნიკაცია ყოველდღიური ცხოვრების წესის არსებით შემადგენელ ნაწილად იქცა და უმისოდ ცხოვრება, უბრალოდ, უინტერესო გახდა.

ეს საკითხი სერიოზულია და იმსახურებს კვლევას. ფეისბუქს უთუოდ აქვს ის უნიკალური უპირატესობები, რამაც იგი, დღესდღეობით, ერთ-ერთ ყველაზე უფრო ეფექტიან მედიატორად აქცია.

თუმცა, ამ წერილში მსურს საკითხი „დაავიწროვო“ და გუპასუხო შეკითხვას: როგორ შეიძლება აიხსნას ადამიანთა შეურაცხეთის ის დაუოკებელი ვნება, რომლითაც გაუღენთილია ფეისბუქი? მე, პირადად, არ მეგულება სხვა ასპარეზი, სადაც ხალხი ასე თანმიმდევრულად, უშეღავათოდ, გამწარებით და დაუმსახურებლად ლანძღავს ერთმანეთს. ფაქტია: ფეისბუქი გადაიქცა ადამიანთა შორის სიტყვიერი ანგარიშსწორებისა და სიძულვილის სასტიკ ველად, რომელსაც არაფერი აკავებს. ეს ველი, არსებითად, ფსიქოლოგიური ძალადობის სივრცეა, რომლის ნეგატიური ეფექტი ჯერჯერობით არავის გაუზომავს, თუმცა,

ჩემი ღრმა რწმენით, ადამიანთა დათრგუნვასა და დასტრესვაში ფეისბუქის წილი მნიშვნელოვანია. და მაინც: რატომ ხდება ასე? რატომ ხდება ადამიანი ასე დაუნდობელი ფეისბუქის წილში?

ჩემი აზრით, ფეისბუქს შემდეგი თავისებურებები ახასიათებს:

1. ფეისბუქი მედიის ისეთი საშუალებაა, რომელიც ნებისმიერ ადამიანს აძლევს საკუთარი აზრების, განწყობების, დამოკიდებულებებისა და ემოციების საჯარო სივრცეში გამოხატვის საშუალებას, საჯარო ფიგურად ან „ცნობად სახედ“ ყოფნის გარეშე. ჩვეულებრივ, არ არის იოლად ხელმისაწვდომი სატელევიზიო სივრცე (მაგალითად, თოქ-შოუში მონაწილეობა). ამას იმდენად უნდა იმსახურებდეს, რომ ტელეარხის მენეჯმენტს (ან გადაცემის პროდიუსერს) შენი დაპატიჟება მოუნდეს. ტელეგადაცემებში მიწვეულთა წრე, ზოგადად, არ არის ფართო, ხოლო საქართველოში განსაკუთრებით დავიწროებულიც კია - ერთი და იგივე ხალხი მონაცვლეობს გადაცემიდან გადაცემაში. კიდევ უფრო რთულია ბეჭდური მედიის ავტორად ყოფნა - ინტერვიუებს „რჩეულებისგან“ იღებენ, ხოლო სტატიის დაწერის მოტივაცია და უნარ-ჩვევები კიდევ უფრო ნაკლებად ადამიანს აქვს. საჯარო ასპარეზზე გამოჩენის ამ წყურვილს სულზე მიუსწრო ფეისბუქმა - საჯარო სივრცეში მოსახვედრად ადამიანს არ სჭირდება „ელიტის“ წევრობა, მან აუღიბორია შინიდან

გარეთ გაუსვლელადაც შეიძლება მოიპოვოს. და, რაც მნიშვნელოვანია, ეს აუღიბორია იმაზე მრავალრიცხოვანიც შეიძლება აღმოჩნდეს, ვიდრე რომელიმე საგაზეთო სტატიისა თუ ინტერვიუს შემთხვევაში. შესაბამისად, ფეისბუქმა დააკმაყოფილა „სოციალურ მე“-დ შედგომის მოთხოვნილება, რომელიც, როგორც აღმოჩნდა, ადამიანთა უმრავლესობაში არსებობს.

2. ფე-მა ადამიანი უფრო თამამი გახდება იმით, რომ მას სპეციფიკურ ერთობაში გაწევრიანების საშუალება მისცა. ამ ერთობას ფეისბუქის „მეგობართა“ წრე შეადგენს, ხოლო თემის ყველაზე მტკიცედ შემკვრელი ინსტრუმენტი „ლაიკებია“, რომლებიც ახდენს ადამიანის პიროვნული გამოხატვის აღიარება-დადასტურებას. შესაბამისად, ფეზე ადამიანს დიდი შანსი აქვს, არ დარჩეს მარტო, იპოვოს თავისიანი და „ლაიკების“ მეშვეობით გამოსცადოს „ძალა ერთობაშია“-ს ხიბლი.

ამრიგად, ფეისბუქით გამოხატული სიმძულვილი კორპორაციულია, და არა ინდივიდუალური. კორპორაციის (იმავე ფეისბუქის „მეგობართა“ წრის) შექმნის კრიტერიუმები სხვადასხვაა: პოლიტიკური სიმპათიები, საერთო ღირებულებები, ინსტიტუციური (მაგალითად, სამსახურებრივი) გავლენები, ნათესაური მიკუთვნებულობა და სხვა. ამ კრიტერიუმებმა შეიძლება გადაფაროს ერთმანეთი (მაგალითად, პოლიტიკურმა სიმპათიამ გადაკვეთოს ღირებულებითი ორიენტაცია), თუმცა ფაქტია, რომ



ყველაზე სტაბილური კორპორაციები სწორედ პოლიტიკური სიმპათიების ნიადაგზე იქმნება: „ნაცი“; „ქოცი“ და „შუამისტი“, დღესდღეობით, ისეთ იდიომებზე მოგვევლინა, რომლებიც არა მხოლოდ პოლიტიკური დისკურსის, არამედ მთელი სოციალური ყოფის უნივერსალურ მარკერებად გადაიქცა. საინტერესო ისაა, რომ ამ კორპორაციების საზღვრები საკმარისად მყარია და ერთმანეთში შეჭრას, როგორც წესი, ვერ იტანს: „ნაციები“, „ქოციები“ და „შუამისტიები“ ერთმანეთს (ვგუფის შიგნით) „ულაიკებენ“ სტატუსებს და თუ აღმოჩნდა ვინმე ურჩი, რომელიც კორპორაციულ იდენტობას უღალატებს და სხვა ერთობის წევრს რაღაცას მოუწონებს, მას ამისათვის ახსნა-განმარტებების გაკეთება უწევს; მეტიც: ზოგჯერ, შესაძლოა, კორპორაციის წევრებისგან გარიყვა, ანუ „დაბლოკვაც“ დაიმსახუროს (ყველაზე ნაკლებად ხისტები, ამ თვალსაზრისით, „შუამისტიები“ არიან, თუმცა, ცხადია, მათაც აქვთ ე.წ. „აკრძალული ზონები“).

3. ფეისბუქზე გამოჩენილ სითამამეს კიდევ ერთი საფუძველი აქვს: ადამიანი სრულიად თავისუფალია გამოხატვაში და მას არ ევალება არანაირი მედიასტანდარტის დაცვა. ვაზეთი არ დაბეჭდავს უკიდურესად უწმინდობას (უშვერი სიტყვებით ლანძღვას), ამის უფლებას არც ტელევიზია იძლევა, ბოლოს და ბოლოს, ბეჭდურ ან ტელემედიაში მიყენებული შეურაცხყოფისთვის შეიძლება სასამართლოშიც გიჩივლონ და ა.შ. ფეისბუქი ამ შეზღუდვებისგან თავისუფალია: თქვი და დაწერი, რაც გინდა, ამისთვის ვერავინ გიჩივლებს ვერც სასამართლოში, და ვერც მედიაეთიკის რომელიმე კომიტეტში; ამ გზაზე არ არსებობს არავითარი ბარიერი, სინდისის გარდა.

სწორედ ამ ბოლო სპეციფიკიდან გამომდინარე, ფეისბუქი არ არის კლასიკური საჯარო სივრცე, რადგან ადამიანს არავითარ პასუხისმგებლობას არ აკისრებს; თუმცა, ის არც პირადი სივრცეა, რადგან ათასობით ადამიანის მობილიზება შეუძლია. ამდენად, ფეისბუქი კვანძოვარო სივრცეა, უფრო სწორად, საჯარო და პირადი სივრცის ერთგვარი ნაზავი.

ჩემი აზრით, ზემოთ ჩამოთვლილ თავისებურებებში იმალება ფეისბუქით გაცხადებული დაუნდობლობისა და აღვირაზნისლობის საიდუმლო: ადამიანს აქვს მოთხოვნილება, ვინმეს მიმართ საკუთარი ანტიპათია თუ ზიზღი გულში კი არ ჩაიხვიოს ან მხოლოდ „სამზარეულოებში“ და განდობილთა ვიწრო წრეში გადმოაფრქვიოს, არამედ მეტ-ნაკლებად ფართო საზოგადოებასაც აუწყოს; მის პროვოცირებას „ლაიკებით“ გამოხატული მხარდაჭერა ახდენს და ამ მხარდაჭერით შთაგონებული, ის კიდევ მეტად ამძაფრებს სიძულ-



ვილის ენას. თანაც იცის, რომ ასეთი თავაშვებულობისთვის მას სამართლებრივად (სასამართლოსა თუ რაიმე სხვა ოფიციალური გზით) პასუხი არ მოეთხოვება.

რასაკვირველია, აქ მაინც არსებობს რამდენიმე საფრთხე, რაც ფეისბუქს არცთუ „უწყინარ“ და „ჩუმი“ (განუზრახველი) ძალაუფლების მატარებელ სივრცედ აქცევს:

ა) ფეისბუქზე ადამიანის პიროვნება, როცა ის ამ ქსელის მეტ-ნაკლებად აქტიური მომხმარებელია, ისე მორჩანს, როგორც ხელისგულზე. სოციალური ქსელის მეშვეობით მოკლე ხანში ადამიანი შეიძლება იმაზე გაცილებული უკეთ გაიცნოს, ვიდრე მრავალი წლის „ფიზიკური“ ურთიერთობის მანძილზე. თუმცა, სწორედ ასეთი „გამომვლებისთვის“ ადამიანმა შეიძლება სერიოზულად ზღოს: ის შეიძლება სამსახურიდან დაითხოვონ (მაგალითად, ქსენოფობური აზრების გამოთქმისთვის, ან ავტორიტარულ საზოგადოებაში ხელისუფლების არმოსაწონი სტატუსის „დალაიკებისთვის“); მავანმა, შესაძლოა, ისეთი სტიგმა აიკიდოს, რომელიც მის რეპუტაციას სამვილიშვილოდ დააზარალებს (გავისხენით ოპერის მომღერლის, თამარი ივერის შემთხვევა, როცა მან ჰომოფობიური აზრები გაავრცელა ფეისბუქით) და ა.შ. თუმცა, მორე მხრივ, ადამიანს მაინც რჩება ლეგიტიმური უფლება, საკუთარი „მე“ ორად გაყოს: ფეისბუქის „მედ“ და საჯარო „მედ“ (ასეთი დაყოფა განსაკუთრებით უყვართ ტელეჟურნალისტებს, რომლებიც დაბეჯითებით აცხადებენ, რომ ფეისბუქზე მათი საქციელი მათსავე ეთერზე არ აისახება).

ბ) ფეისბუქის საშუალებით შეურაცხყოფილმა ადამიანმა შეიძლება მაგინებლის პირად (ფიზიკურ) ანგარიშსწორებაზე

იფიქროს. თუმცა, ამ საფრთხეს სხვადასხვა ფაქტორი ანეიტრალებს: ა) როდესაც შეურაცხყოფა დისტანციაზე ხდება, ანგარიშსწორების რეალიზაციის უნარი და შესაძლებლობები იკლებს; ბ) შეურაცხყოფლისა და ანგარიშსწორებლის პასუხისმგებლობები შეუდარებლად არათანაზომიერია: ფეისბუქით ლანძღვაზე ფორმალური პასუხისმგებლობა ნულოვანია, ხოლო შეურაცხყოფლის მიმართ ფიზიკური ანგარიშსწორება მავანს შეიძლება პატიმრობადაც კი დაუჯდეს; გ) შეურაცხყოფილს შეუძლია „ხურდას“ ფეისბუქითვე დაუხურონოს მაგინებელს და სიტუაცია „დაბალანსოს“.

ფეისბუქზე განსაკუთრებული სიძულვილი მაინც პოლიტიკურ ნიადაგზე გაჩენილ რადიკალურ კორპორაციებს („ნაციებსა“ და „ქოციებს“) შორის ტრიალებს. ყველაზე მარტივი და საღი აზრიც კი მოწინააღმდეგის ბანაკში მყისვე გარდაიქმნება სატანურ აზრად, ხოლო მისი ავტორი გამოცხადდება სატანის მოციქულად, რომლისკენაც ნიაღვარივით მიედინება აგრესია და სიძულვილი.

ისეთი შთაბეჭდილება მექმნება, რომ, რაც უფრო საღია აზრი, მით უფრო იმატებს აგრესია და გამანადგურებელი იარაღივები. ამ ნაკადში კორპორაციის ერთგული წევრები წვეთი წყალივით ემსგავსებიან ერთმანეთს: აქ მნიშვნელობას კარგავს ვინმეს განსხვავებული განათლება, სოციალური კაპიტალი, თანამდებობა, „ოჯახისშვილობა“ და სხვა ფონური მახასიათებლები. ასე გადაიქცევიან კორპორაციები ეგზალტირებულ მასებად, რომელთაც თავიანთი აღიარებული ბელადები ჰყავთ...

საბოლოო ჯამში, ფეისბუქით გამჟღავნებული სისასტიკე ჩემთვის ამ საზოგადოების ერთ-ერთი დიაგნოზა - ჩვენ ვერ ვახერხებთ იმ ბუნებრივი ინსტინქტური მდგომარეობისგან დისტანცირებას, როცა „ადამიანი ადამიანისთვის მგელია“, ვერ ვახერხებთ, კომუნიკაციაში აქცენტები დაუსვათ იმაზე, თუ რა ითქმება და არა მხოლოდ იმაზე, თუ ვინ ამბობს, ვერ ვეგუებით ჩვენგან (ჩვენი თემისაგან) განსხვავებულს, გეძულს მრავალფეროვნება და გვიყვარს ხაფანგების დაგება არაჩვენანთა პარალიზებისთვის...

რასაკვირველია, ფეისბუქს ჰყავს არაკორპორაციული და არაეგზალტირებული „მარტოხელა მონადირეები“, ერთგვარი დისიდენტები, რომლებსაც, მართალია, ასევე ჰყავთ „ფრენდების“ თავიანთი წრე, მაგრამ ეს „მეგობრობა“ მათ არაფერს ავალდებულებს, ან, მით უფრო, აიძულებს. შესაძლოა, ზოგჯერ ისინიც ბილწისტყვობდნენ, მაგრამ ეს კიჩური ესთეტიკის ნაწილი უფროა, ვიდრე მიზანმიმართული სისასტიკისა.

მათზეც დავწერ, ალბათ, ოდესმე...

**იანგი კაჭკაჭიშვილი**

# ნახატები, რომელიც „თვითგველი ღვთისმშობლის“ გვერდზეა კიბა

ღია უკლებას ნახატს, რომელიც საფეთქელზე პისტოლეტმიზანტილ ღვთისმშობელს ასახავს, ერთი ნაკლი აქვს: ტილოს ფონი არ უნდა დარჩენილიყო ცარიელი.

ღვთისმშობლის ფონად, მის გარშემო, დატანებული უნდა ყოფილიყო ყველა ის საგანი თუ ფიგურა, რომლებიც გამოფენილ მის და სხვათა დანარჩენ ფერწერულ თუ ფოტოგრაფიულ ნამუშევრებზე გამოსახული. კერძოდ: საქართველოს ინდუსტრიულ ცენტრებში არსებული კატასტროფული მდგომარეობა; ყოველგვარ სოციალურ და ეკოლოგიურ პასუხისმგებლობას მოკლებული - ქართველი თუ უცხოელი - ინვესტორის ხელში ჩაგვარდნილი, ფაქტობრივად, მონობაში მიყვანილი მშრომელები; საკერავი მანქანა და თავადაც მანქანად ქცეული მკერავი ქალი, რომელიც მიზერული ხელფასის, არაადამიანურად გაზრდილი სამუშაო დროისა და ჯანმრთელობის შერყევის ფასად არჩენს საკუთარ თავს და ოჯახს. ანუ ყველა და ყველაფერი ის, რაც დღემდე ვერ ახერხებს, ფართო საზოგადოების ყურადღება მიიპყროს და შესაბამისი პოლიტიკური თუ ეკონომიკური ინსტიტუტები აიძულოს, აღარ დაუშვან, რომ „ეკონომიკური ზრდისათვის“ ხარკად ვიხდიდეთ „დერეგულირებულ“ ბიზნესის მიერ დანერგულ მშრომელთა ფიზიკურ და სულიერ სიმრთელეს. ვიხდიდეთ ხელისუფლება და ყველა ის მოქალაქე, ვინც მხოლოდ და მხოლოდ ბედის შემთხვევითობამ დაგვიფარა, რომ ჭიათურაში, კახეთში, ქუთაისის სამკერავლო ფაბრიკაში თუ თუნდაც „იოლსა“ და სხვა სუპერმარკეტებში დასაქმებული ახალგაზრდების მსგავს საგალალო პირობებში არ გვიწევს შრომა და ცხოვრების გაღვევა.

ღვთისმშობლის ამსახველ ტილოზევე ფონად მთელი ეს ჩაგვრა და გაჭირვება იმიტომ უნდა ყოფილიყო წარმოდგენილი, რომ ამ შემთხვევაში, კონფერენცია-გამოფენიდან ერთი კვირის თავზე პოლიტიკური მანიპულაციის მიზნით ვილაცამ უცებ რომ გადაწყვიტა, კონტექსტიდან ამოგლეჯილად წარმოეჩინა და სკანდალის საგნად ექცია ღია უკლებას ერთი ცალი ტილო, ფართო საზოგადოებას აღარ შერჩებოდა მხოლოდ და მხოლოდ თვითმკვლელი ღვთისმშობელი, რომელიც თითქოს ვინმეს გაღიზიანებისა და პოპულარულობის მიღწევის იარაღად იყო ჩაფიქრებული. ვეღარ მოხერხდებოდა იმ პრობლემებისათვის კვლავაც თვალის არიდება, რომლებზე ყურადღების მიქცევასაც ასეთი მძაფრი და საკამათო ფორმით ცდილობს მხატვარი და ვცდი-

ლობ ამ ნაწერში მეც.

„თვითმკვლელი ღვთისმშობელი“, მიუხედავად იმისა, რომ მოდელად აღებული აქვს ღირბის ტაძარში აღმოჩენილი ფრესკა, არ არის ხატი, არამედ - გაპრანჭულად რომ ვთქვათ - ხელოვნების მიერ კანონიკური იკონოგრაფიის „ციტირება“ საკუთარ საერო კონტექსტში. ღია უკლება ტაძარში არ შეჭრილა და ფრესკა ან ხატი არ შეურყვია. ქრისტიანობის ისტორია ქრისტიანული (სახვითი) ხელოვნების ისტორიაა და თავად კანონიკური ხატწერის შინაგნითვე ყოველთვის იმდენად არაერთმნიშვნელოვანი და ცვალებადი იყო რელიგიური შინაარსის გამოხატვის ფორმები, რომ ძალიან დიდი ფარისევლობა და ქრისტიანული კულტურული კონტექსტის მიზანმიმართული დამახინჯება იქნებოდა უკლებას ამ ერთი ნახატის ჯერარნახულ მკერხელობად გასაღება.

„შარლი ებლოს“ კარიკატურებთან ანალოგია უაღვილოა, რადგან ქრისტიანულისგან სრულიად განსხვავებულია ისლამის თეოლოგიური კონტექსტი და მისი დამოკიდებულება რელიგიური შინაარსების გამოსახვასთან. აღარაფერს ვამბობ იმაზე, რომ, ერთი მხრივ, „შარლი ებლოს“ თანამშრომლების ჩამცხრალივი ტერორისტებისთვის კარიკატურები მხოლოდ ხელსაყრელი პოლიტიკური საბაბი იყო, მეორე მხრივ კი, თავად ეს კარიკატურები ძალაუფლების მქონე ინსტიტუტებსა და ფიგურებს კი არ აშარყებდა, არამედ ისევ და ისევ საფრანგეთის ყველაზე დაუცველ, მოწყვლად სოციალურ ჯგუფებს - აღმოსავლელ, ისლამის მიმდევარ იმიგრანტებს, რომლებიც ორმაგ, ერთმანეთზე გადაბმულ ჩაგვრას განიცდიან - ეკონომიკურს და კულტურულ-რელიგიურს. ამის საპირისპიროდ, ღია უკლებას ნახატი ცდილობს განსხვავებული, თუნდაც შოკისმომგვრელი სანით წარმოაჩინოს ქრისტიანული რელიგიის ის ერთ-ერთი უმთავრესი სიმბოლო, რომელზეც გამუდმებით აპელირებს საქართველოში ალბათ ყველაზე უფრო დიდი ძალაუფლების მქონე ინსტიტუტთა - ეკლესია. აპელირებს ღვთისმშობელ დედაზე და იქვე მოაყოლებს უკიდურესად დამამცირებელ განსჯას ემიგრანტ ქალებზე, სუროგატ დედებსა და მათ „არაბუნებრივ“ შვილებზე, კაცისადმი ქალის უპირობო მორჩილებაზე და ჯიუტად დუმს, როდესაც ქვეყნისა და ქმრის ძალადობის წინააღმდეგ ამხედრებულ ქალთა მკვლელობების ტალღა მოიცავს.

და როდესაც „რელიგიური გრძნობე-

ბის შეურაცხყოფაზე“ მიუთითებენ, განათავად არ ახდენენ ე.წ. „ბნელი“ მორწმუნის მითის ტირაჟირებას? მორწმუნე ადამიანი ისე წარმოჩინდება, თითქოს ცხოველი იყოს, რომელიც ბიოლოგიური რეფლექსების დონეზე რეაგირებს გარედან მიღებულ იმპულსებზე, აზროვნება არ შეუძლია და, შესაბამისად, გაღიზიანების ამოფრქვევისგან თავის შეკავებას ისევე ვერ ახერხებს, როგორც რაიმე ჯვების მიერ შეკავებული ღვარცოფი. და, რა თქმა უნდა, მერე ეს ყველაფერი საზოგადოებაში „დაგროვილ“ ბრანად ირაცხება, რომელიც, მით უმეტეს ბანდიტის ენაზე მოლაპარაკე ქორეპისკოპოსის პირდაპირი მუქარის შემდეგ, რეალური შანტაჟის სახეს იღებს: ან მოკეტავთ, ან ფიზიკურ ძალადობაზე გადმოვალთ, თან მომხდარზე პასუხისმგებლობასაც მოვიხსნით.

ასობით სტუდენტთან მიწვევა კამათი ილიას სახელმწიფო უნივერსიტეტში კურსის „შესავალი თანამედროვე აზროვნებაში“ სწავლებისას და ყოველთვის უდიდესი სიამოვნებით განვიხილავდი მათთან ერთად ყველაზე აქტუალურ და მწვავე საკითხებს. სწორედ მათთან თავდაუზოგავ დებატებში მივხვდი და დარწმუნებული ვარ, მათაც გაცნობიერებული აქვთ, რომ ადამიანი არ არის ავტომატი, რომელშიც რწმენას, ურწმუნობას, იდეოლოგიებსა თუ ორიენტაციას ისევე „ჩატივითავ“, როგორც კომპიუტერში რაიმე პროგრამას ან როგორც ჩაიდანში ჩასახმ წყალს. აკი „ობიექტივის“ ჟურნალისტებიც, ნახატის გარშემო ატეხილი აჟიოტაჟის შესახებ სტუდენტებს შორის გამოკითხვას რომ აჭარბდა, ყველაფერს ეცადა, ჟურნალისტური ნეიტრალურობის ყველანაირი ზომა დაარღვია, ღამის სულში ჩაუძვრა მის მიერ ენის მოჩლექით „ბავშვებად“ მოხსენიებულ ზრდასრულ, სრულფასოვან ადამიანებს, რათა მათგან სასურველი პასუხი მიეღო. მაგრამ რატომღაც „ბავშვების“ უმეტესობის რეაქციები სულ სხვანაირი იყო - „არ მინახავს“, „ვნახე, მაგრამ ვერაფერი აღმამოვითვლი ვერ შევნიშნე“, „ვნახე და არ მომიწონა, მაგრამ ვისაც რა უნდა, ის დაუხატა“.

არადა, დარწმუნებული ვარ, მათი უმეტესობა მორწმუნეა, როგორც ის სტუდენტები, ლექციაზე რომ მისმინდნენ და ვუსმინდი. ვის ვის და „ობიექტივის“ არ შეემღებოდა რადიკალურად დამემობი რეაქციების ჩვენებაც, ასეთი რომ შეხვედროდა. მოკლედ, ეს ყოველივე ამკარად ბევრად უკეთესი მხრიდან წარმოაჩენს „მორწმუნეს“, რომლის „გრძნობებზეც“ გამუდმე-



ბით ხდება აპელირება პოლიტიკური მანიპულაციისა და საჯარო სივრცეზე სრული კონტროლის დამყარების მიზნით.

მაგრამ რა პასუხს ვაძლევ იმ ადამიანებს, ვინც მართლა შეურაცხყოფად მიიღო „თვითმკვლელი ღვთისმშობლის“ გამოსახულება? მხოლოდ ერთი რამ შემძლია ვუთხრა: დასვით კითხვა, თუ რატომ მოუნდა ვინმეს ასეთი რამის დახატვა და გამოფენა. შეხედეთ დანარჩენ ნახატებსა და ფოტოებს - საკერავ მანქანას და მანქანად ქცეულ დაქანცულ ქალს, მონური შრომისგან გამოფიტულ მუშებს, ნაწლავეგამოშინულ ცოლებს, დაბინძურებისგან ჩამპალ მდინარეებს. ეგებ სწორედ ისეთი რამ, რაც ყველაზე დიდ ღვთისგმობად გეჩვენებათ, იყო საჭირო, რათა ბოლოს და ბოლოს ყურადღება მიექციათ საქართველოს სოციალურ კატასტროფაზე.

გაუგებრობების თავიდან ასაცილებლად ხაზს ვაგუსვამ, რომ არავის შეიძლება ჰქონდეს უფლება, ღია უკლებას აუკრძალოს, დახატოს და გამოფინოს პისტოლეტ-მიბჯენილი ღვთისმშობელი. საჯარო სივრცეში რელიგიამ ვერ უნდა დაუშალოს ხელოვნებას ან მეცნიერებას რაიმეს გამოთქმა და მკაფიოდ გამაჯნული უნდა იყოს საერო და სასულიერო სფეროები. მაგრამ სწორედ ამ მკაფიო გამიჯნულობის ფარგლებში, ამავდროულად ნურავის ეგონება, რომ სამეცნიერო, სახელოვნებო თუ უბრალოდ ფართო საზოგადოება საქართველოს მართლმადიდებელ ეკლესიას და მასთან აფილირებულ ჯგუფებს შეატოვებს იმის განსაზღვრასა და გადაწყვეტას, თუ რა არის ქრისტიანობა, და ხმას არ აიმაღლებს დღევანდელი ეკლესიის არათუ უგრძობლობაზე სოციალური საკითხების მიმართ, არამედ მის მიზანმიმართულად ანტიისოციალურ იდეოლოგიაზე.

ეკლესიის უმთავრესი დანაშაული ისაა, რომ იგი მიზანმიმართულად და სისტემურად ამართლებს და ამყარებს იმ მჩაგრულ სოციალურ და ეკონომიკურ წესრიგს, რომლის მიხედვითაც, ქალმა მუშტები და ტყვიები უნდა აიტანოს; მუშა ბედს შეეგუოს, ექსპლუატატორის წინააღმდეგ აჯანყების მაგივრად ღმერთს მიანდოს თავისი შვილების ბედი და ციდან მანანას ელოდოს; სუროვატი ღვდების მიერ განჩინილი შეილები უბედურებად და არასრულფასოვნებად გამოცხადდნენ; მუსლიმი ქართველი ოჯახის შიმშილით გარდაცვლილ ჩვილს სიკვდილიც დაემადლოს; ემიგრანტი ქალები კიდევ, ოჯახის გადასარჩენად რომ გადახვეწილან საზღვარგარეთ ყველაზე მძიმე და დამამცირებელ პირობებში სამუშაოდ, „უწესოებად“ შეირაცხონ, თითქოს პირადი ხუმტურების გამო ტოვებდნენ ქმარ-შვილს; საზღვარგარეთ თუ საქართველოში დატეხილ სტიქიურ უბედურებებს და ჩამოც-



ვნილ ბომბებს ღვთის მოვლენილი სასჯელი დაერქვას; ციხეში წამების სისტემური პრაქტიკა არ გასაჯაროვდეს, რადგან თურმე სირცხვილია.

მორწმუნე ადამიანი არ არის ბრმა და ცხოველივით რეფლექსური, როგორც ეკლესია გვაშინებს მისით. სამაგიეროდ, დღევანდელი ეკლესია სრული სოციალური სიბრმავეთი დაავადებული და შეიძლება მართლაც გულწრფელად ჰგონია, ქართველი ქალები კაპრიზების გამო ტოვებენ სამშობლოს და საქართველოში მიწათმოქმედებით შეძლებენ თავის გატანას ან სხვა სტაბილური სამუშაოს მოვნას. თურმე შრომას გადაეჩვეულვართ. ახალგაზრდებს ჰკითხონ, სამუშაო რომ ნაპოვნი აქვთ და „არაფერს თაკილობენ“, სუპერმარკეტებში რა პირობებში ამუშავენ, არც ხელფასს რომ უხდიან წესიერად და არც პიროვნული განვითარებისა და განათლებაზე ზრუნვის საშუალებას უტოვებენ. ეკლესია ამ ყველაფერზე ან დუმს, ან დაბეჯითებით ამართლებს, ან ხსნილზე ხიზილალის დაყოლებას სთავაზობს მათ.

არ არის ეს ქრისტიანობა. და თუ მოკი და „რელიგიური გრძობების შეურაცხყოფა“ საჭირო იმისთვის, რომ ერთხელ და სამუდამოდ კატეგორიულად დაისვას საკითხი და ყველაზე დაუცველი სოციალური ჯგუფების იდეოლოგიურ ჩაგვრას ბოლო უნდა მოელოს, მაშინ მე მივესალმები ასეთ ღვთისგმობას და ღია უკლებას ნახატმაც თავისი ფუნქცია შეასრულა.

ერთი მხრივ, მიუხედავად გამალებული მცდელობისა, ვერ მოხერხდება, არსებული სოციალური კატასტროფით გამოწვეული რადიკალური პროტესტი, რომლის გამოც ტილოზე „თავს იკლავს“ ღვთისმშობელი,

პოლიტიკურად მანიპულირებულ კამპანიად იქცეს ერთი კრიტიკული უნივერსიტეტის წინააღმდეგ, რომელიც თავის წიაღში სრულიად განსხვავებულ მიმართულებებსა და შეხედულებებს იტევს. აქეთ „ნუ შეურაცხყოფთ რელიგიურ გრძობებს!“, იქით „რასაც მინდა, იმას დავხატავ!“ გასაგებია. მაგრამ რამენაირად გავიდეთ ამ შეპირისპირების მიღმა და გავიგონოთ სწორედ იმათი ხმა, ვის უხილაავობაზეც ვცდილობდით, გვემსჯელა ჩვენს პატარა კონფერენციაზე. თუ არადა, ისევ „ბნელი“ და „ბოროტი“ რელიგიისა და „გონებათთელი“ და „კეთილი“ თანამედროვე სამოქალაქო საზოგადოების ფუჭ ჭიდილში ჩარჩება ყველაფერი და ისინიც, ვის გამოც ღია უკლებამ ტილოზე ღვთისმშობელს ყველაზე ღვთისმგმობი შესტი გააკეთებინა, კვლავაც უხმოდ დარჩებთან.

და ტოტალური ცენზურაც რომ დააწესონ და არათუ მსგავსი ტილოები, არამედ ეკლესიისადმი მიმართული უმცირესი კრიტიკული აზრის გამოხატვაც რომ აკრძალონ, თავად ეკლესიის წარმომადგენელთა ლამის ყოველკვირეული და ერთიმეორეზე უფრო აღმამფთოთებელი ანტიისოციალური განცხადებები თავისას იზამს და კიდევ უფრო გააღრმავებს საზოგადოებაში მომძლავრებულ პროტესტის განცდას. უსამართლო სოციალური სისტემის პირისპირ სასოწარკვეთილი ადამიანი უკიდურესს ფესტს რომ მიმართავს, ბენზინს გადაისხამს და თავს დაიწვავს, ყველას არც ამ სურათის ნახვას ურჩევენ, რათა გრძობები ზედმეტად არ შეელახნოთ. ცენზურის ქვეშ კი მოაქცევ, მაგრამ ვერავინ წაშლის კითხვას: რატომ?

**ლუკა ნახუცრიშვილი**

დიდი ხნის წინ სადღაც წავიკითხე ჩვენნაირი ქვეყნების განვითარების პერსპექტივის ერთ-ერთი ყველაზე ცინიკური ასხნა ე.წ. „სპაგეტის ტესტი“ მეშვეობით. სპაგეტის ტესტი პრიმიტიული ტესტია: იმის გასაგებად, სპაგეტი მოხარშულია თუ არა, მას კედელს ესვრი. თუ კედელს მიეკრა, მოხარშულია, თუ არა, ესე იგი ხარშვა აკლია. მოკლედ, ამ შედარების ავტორი ამბობდა, რომ „განვითარებადი ქვეყნების“ სახელმწიფოებრიობა ისეთი მყოფეა, ყველა რეფორმა და ინვესტიცია დემოკრატიული ინსტიტუტებისა და კანონის უზენაესობის ჩამოყალიბებაში უბრალო ცდა და ექსპერიმენტია - ვთქვათ ისეთი, როგორიც, არც მეტი, არც ნაკლები, კედელზე სპაგეტის მიხლაა.

დარწმუნებული ვარ, ამ დღეებში ბევრმა იფიქრა, რომ სახელმწიფო კი არა, მართლაც ექსპერიმენტია ის, რაშიც ვცხოვრობთ. ჩემთვის ეს სასოწარკვეთილება 2012 წლის სექტემბერში წამების ამსახველი „ცინის კადრების“ ნახვის შემდეგ დაიწყო და გაგრძელდა წამებისგან ცინიკური სანახაობის მოწყობით, წამების მსხვერპლთა რეაბილიტაციის ნაცვლად მათი ღირსების ფეხქვეშ გათელვით, დანაშაუვითა დასჯის მაგიერ, მათთან სრულიად გაუგონარი თანამშრომლობით. აქვე ვიტყვი, რომ ამაში ორივე პოლიტიკური პარტია დანაშაუვდ მიმანია: როგორც ერთიანი ნაციონალური მოძრაობა, ისე კოალიცია „ქართული ოცნება“. თუ ამ წერილის მკითხველებიდან ვინმე რომელიმე ამ პოლუსს მიაკუთვნებს თავს, შევასწავნებდი ერთი აფრიკულ ანდაზას, რომელიც კარგად მიესადაგება ჩვენს მკაფიოდ პოლარიზებულ საზოგადოებას: „როცა ორი სპალო ერთმანეთს ებრძვის, ბალახი ითელება.“ ეს წერილი ამ „ბალახის“, ანუ წამების პირდაპირსა და არაპირდაპირ მსხვერპლზეა, რომელიც ამ დღეებში ორივე ამ პარტიამ დაივიწყა. ამიტომ ცალმხრივი და რადიკალური პოზიციის მოყვარულებს შეუძლიათ, აქვე შეწყვიტონ კითხვა.

როგორც ჩანს, ბოლო დროს, 2012 წელს არჩევნების გზით ხელისუფლების შეცვლა იყო ერთადერთი, რაც ვცადეთ და გამოვიდა, დანარჩენი მცდელობები კი, დიდი მოლოდინის მიუხედავად, სამწუხაროდ, ფუჭი აღმოჩნდა. მაგალითად, დღემდე არ მესმის, რატომ არ ველოდით იმას, რომ 2012 წლის შერევი ვინმე გაბედავდა და წამებას პოლიტიკური ბრძოლის იარაღად გამოიყენებდა? რატომ დავიჯერეთ, რომ იმ სისასტიკის კვალი სადღაც გაქრებოდა? რატომ დავიჯერეთ, რომ აღარაფერ მოგვისმენდა კანონის დარღვევით ან რომ ხელისუფლება აიტანდა მისთვის უხერხულობის შემქმნელ მელას? რატომ დავიჯერეთ, რომ სასამართლოს ეყოფოდა პროფესიო-

ნალიზმი, ეთიკა და არ დატოვებდა სივრცეს „ბრბოს მართლმსაჯულებისთვის“?

2012 წელს, ჩვენ, როგორც საზოგადოება, წამების პრაქტიკას მაინც გავუძივინეთ, როცა ვთქვით, რომ არ ვიცოდით, რა ხდებოდა და ის ყველაფერი ჩვენი სახელით და ჩვენი თანხმობით არ ხდებოდა. ხოლო ის პოლიტიკური ძალა, რომელიც ამ დანაშა-



ულს სწადიოდა (მოქმედებითა თუ უმოქმედობით) გადავირჩიეთ. თუმცა, ახლანდელი მმართველი პოლიტიკური ძალის შეფასებისას წარმოუდგენელ სიზანტეს და დაბნეულობას ვიჩინო. ამის ასხნა შეიძლება ის იყოს, რომ წამების საქმეში ამ ხელისუფლებას მხოლოდ მეორადი როლი აქვს, შესაბამისად, იგი წარმატებით ახერხებს მიუღი ჩვენი ბრაზის გადაამისამართებას პირველადი სუბიექტის, ანუ ერთიანი ნაციონალური მოძრაობის მიმართ. მოქმედი ხელისუფლება არაფერს გვიძლავს, არაფრისთვის გვიხდის ბოდიშს, არაფერს ნანობს, მას მხოლოდ ჩვენი ბრაზი და ემოცია სჭირდება და საშუალებას არ გვაძლევს, წამებას გამოძიებითა და მართლმსაჯულებით გავცეთ პასუხი. პირიქით, მან ყველა ჩავერთო წამებაში თანამონაწილის სახით, რათა თავად მართოს ჩვენი ბრაზი და სასოწარკვეთილება და ის საკუთარი ძალაუფლების შესანარჩუნებლად გამოიყენოს. რატომ ჩაანაცვლა წამების სანახაობამ წამების გამოძიება და მართლმსაჯულება? იმიტომ, რომ მართლმსაჯულება, თუ არ გააქრობდა, კალაპოტში მაინც მოაქცევდა ბრაზს და, შესაბამისად, ის დაკარგავდა პოლიტიკური რესურსის ძალასა და სტატუსს.

წიგნში *The Wound and the Witness, The Rhetoric of Torture* ჯენიფერ ბალენგი ამბობს, რომ წამების ჩვენება არის ის, რაც წამებას რიტორიკულ ინსტრუმენტად აქ-

ცევს და პოლიტიკურ სიბრტყეზე წამების „წარმატებული“ გამოყენებისათვის ძირითადი ელემენტი აუდიტორიაა, ანუ მოწმე. წამების ვიდეოებს მნიშვნელობას აუდიტორია ანიჭებს. მეტიც, ამ მნიშვნელობას აუდიტორიის მონაწილეობა ქმნის.

სამწუხაროდ, რაც უნდა სასტიკად უღერდეს, ჩვენ ყველა ჩართულები ვართ წამებაში გულგრილი მოწმეების სახით და წინა თუ მოქმედი ხელისუფლების პასუხისმგებლობის გარდა, მგონი, დროა, ჩვენი, როგორც აუდიტორიის როლზეც ვისაუბროთ. ყველა, ვინც წამების კადრების საჯარო თუ კერძო ჩვენებას საზოგადოებრივი ინტერესით ამართლებს, ხელისუფლების მსგავსად, წამების მსხვერპლის ღირსებაზე მალა საკუთარ ვულგარულ ცნობისმოყვარეობას აყენებს. წამების მსხვერპლის ადგილას რომ წარმოვიდგინოთ თავი, მივხვდებით, რომ საერთოდ არ არსებობს რაიმე ლეგიტიმური საინფორმაციო ინტერესი, რომელიც უფრო მაღლა დადგება, ვიდრე მსხვერპლის ადამიანობა, რაც მას ამ ძალადობით წართვეს. ამ ყველაფრის სანახაობად ქცევით კი ჩვენ ამ დანაშაულს ვაღრმავებთ.

ამ თემაზე დისკუსიის კულმინაცია პრემიერ-მინისტრის სრულიად უპასუხისმგებლო, ირიბი მოწოდება იყო შურისძიებისკენ, თუმცა უფრო ცინიკური იყო მეორე მხრიდან წამების პრაქტიკის სრული უარყოფის მცდელობა. ამ დროს ისინი, ვინც ცინიკურ არაადამიანური და ღირსების შემლახველი მოპყრობის მსხვერპლი იყო, ჩვენ გვერდით არიან. ვისაც განსაკუთრებით მოკლე მხსიერება აქვს, ვურჩევ, გაეცნოს ორ გამოკვლევას. პირველი, სახელად „ის-ტორიები საქართველოს ცინიკიდან“, 2013 წელს გამოცა საქართველოს წამების მსხვერპლთა ფსიქო-სოციალური და სამედიცინო რეაბილიტაციის ცენტრმა. ეს ცენტრი წამების მსხვერპლებს ეხმარებოდა და წიგნში მათი უშუალო მონათხრობია შეტანილი. აი, მცირე პასაჟი ერთ-ერთი მსხვერპლის ნაამბობიდან:

„ტელევიზიით ნაჩვენებ კადრებში იყო ცინის ცხოვრების ერთი ჩვეულებრივი დღე. მე კი ასეთი სამჯერ სამას სამოცდახუთი დღე მაქვს გავლილი. ამ დღეების განმავლობაში ვუყურებდი, როგორ აუპატიურებდნენ, როგორ სცემდნენ, და მე ხმის ამოღება არ შემიძლია. ე.წ. „ფუქსში“ რამდენჯერ ვყავარ ჩაყვანილი... „ფუქსი“, ეს არის დაახლოებით ერთი კვადრატული მეტრის გალია, „აბეზიანკას“ ეძახიან, სადაც არც დაწოლა შეგიძლია, ვერც დაჯდები, იმიტომ, რომ სკამი არ არის, ბეტონის იატაკი და რკინის ვისოსებია. ნატრობ, ისეთი ძილი მოგერიოს, რომ გაითიშო და ორგანიზმმა ცოტა ხანი დაისვენოს. ხუთი წუთი ამ ბეტონის იატაკზე





# საქმების ბუსტი

თვალს მილულავ, ცოტა ხანი ორგანიზმი აღიდგენს ძალებს, მერე ისევ ფეხზე დგახარ. მე პირადად, სამი დღე და ღამე ვარ ნამყოფი ასე - არა საჭმელი, წყალზე ხვეწნა გიწვედა. ვერ გადიოდი ტუალეტში. იქვე უნდა მოგესაქმებინა და იმ სიბინძურესთან ერთად უნდა ყოფილიყავი ორი-სამი დღე. პატიმრებს ვიცნობდი, რომლებიც ორი კვირა და ერთი თვეც კი ყოფილან ესე. სადღაც მაქვს წაკითხული „ესეც გაივლის“, ხშირად ვიმეორებდი ხოლმე ამ სიტყვებს: „ესეც გაივლის, ესეც გაივლის, ყველაფერი კარგად იქნება.“

მეორე ანგარიში არის 2014 წელს, ფონდ „ღია საზოგადოება - საქართველოს“ მიერ გამოცემული 2003-2012 წლებში პენიტენციურ სისტემაში წამებისა და არადამიანური მოპყრობის პრაქტიკის გამოკვლევა, რომელიც ეყრდნობა 1200 პატიმრის ჩვენებასაც. ამ გამოკვლევაში საერთაშორისო თუ ადგილობრივი ორგანიზაციებისა და საქართველოს სახალხო დამცველის ანგარიშების ანალიზის საფუძველზე, რომელიც პატიმართა ჩვენებებით არის გამყარებული, ვკითხულობთ დასკვნებს იმის შესახებ, თუ რა როლი შეასრულა სასჯელალსრულების სისტემაში წამებისა და არასათანადო მოპყრობის პრაქტიკის არსებობაში არაუფექტური გამოძიებამ და მართლმსაჯულებამ, ზედამხედველობის არარსებობამ.

ანგარიშში ვკითხულობთ: „2008 წელს სისხლის სამართლის კოდექსის 144 მუხ-

ლით (წამება) მხოლოდ ხუთი საქმე განიხილებოდა პირველი ინსტანციის სასამართლოში და ცხრა საქმე 144 მუხლით (არაადამიანური და ღირსების შემლახველი მოპყრობა). 2009 წელს ეროვნულ სასამართლოებს 144 მუხლით არც ერთი საქმე არ განუხილავთ და მხოლოდ ერთი საქმე იქნა განხილული 144 მუხლით.“ საქართველოს მთავრობამ გამოაქვეყნა ინფორმაცია, რომლის თანახმადაც, „2011 წელს გამოძიება დაიწყო დაახლოებით 10 საქმეზე გლდანის №8, ქსნის ციხის და გლდანის №18 სამედიცინო დაწესებულებებში არასათანადო მოპყრობის შემთხვევებთან დაკავშირებით.“ იმავე წელს „დაიწყო 23 საქმის განხილვა 144 მუხლით (წამება), საიდანაც 6 შემთხვევაში გამოძიება შეწყდა და 3 შემთხვევაში დასრულდა სასამართლო განხილვით. იმავე ხანებში, 144 მუხლით (არაადამიანური და ღირსების შემლახველი მოპყრობა ან დასჯა) აღძრული 5 საქმიდან 2 საქმის გამოძიება შეწყდა და ერთმა საქმემ მიაღწია სასამართლო განხილვის ეტაპს.“ ამას ემატება ისიც, რომ მიუხედავად სავარაუდო წამებისა და არაადამიანური მოპყრობის ან ღირსების შემლახავი მოპყრობის თაობაზე პატიმართა საჩივრებისა, სისხლის სამართლის საქმეების გამოძიება იწყება სისხლის სამართლის კოდექსის მხოლოდ 333-ე მუხლით (უფლებამოსილების გადაშეტება) და არა 144 (წამება) ან 144 მუხლით (არაადამიანური ღირსების შემლახავი მოპყრობა).

ეს პასაჟი კარგად ასახავს იმ მდგომარეობის მიზეზებს, რაც წამების ამსახველ ვიდეოკადრებში გამოჩნდა. 2012 წლამდე გამოძიება და სასამართლო, უბრალოდ, არ არსებობდა. ტრაგედია ის არის, რომ გამოძიება და სასამართლო არც ახლა არსებობს, რადგან ჩვენ ამას ისე ხმამაღლა არ ვითხოვთ, როგორც საჭიროა და პროცესებში ისე არ ვმონაწილეობთ, როგორც საჭიროა. არადა, აუცილებელია მსჯელობის განახლება ასეთი სუსტი გამოძიებისა და სასამართლოს ალტერნატივის, სიმართლის დამდგენი დამოუკიდებელი კომისიის თუ სხვა მოდელის შესახებ და საზოგადოებრივი კონსენსუსის მიღწევა, რათა, ბოლოს და ბოლოს, აღვასრულოთ სამართალი და აღარ განმეორდეს ან დაუსჯელი აღარ დარჩეს წამება, წამების ვიდეოზე ასახვა, წამების ამსახველი ვიდეოების გავრცელება, წამების ამსახველი ვიდეოების გავრცელების არაღკვეთა და სიმუღვილის გაღვივება...

წამება, ღირსების შემლახავი და არადამიანური მოპყრობა ნებისმიერ ქვეყანაში შეიძლება მოხდეს, მაგრამ სახელმწიფოებრიობის საზომი ასეთ ფაქტებზე რეაგირება და მათი პრევენციაა.

თუ ქვეყანას არ მოეპოვება გამოძიების ეფექტიანი ინსტრუმენტები და დამოუკიდებელი სასამართლო, თუ შეგნებული არ აქვს, რომ ადამიანის ღირსება ყველაფერზე მაღლა დგას, მაშინ ის იმის ღირსიც არ არის, რომ სახელმწიფოს იწოდებოდეს.

**თამარ ბურჩიანი**

# ქართული მედიის ანატომია



1994 წელი იყო, როცა „დრონი“ ვერ პრაქტიკაზე მივედი, შემდეგ კი იმ დროისთვის ერთ-ერთ გავლენიან გაზეთში სამუშაოდ დავრჩი. 1991-92 წლების თბილისის ომი უკვე ჩავლილი იყო და ის, რომ რამდენიმე წლით ადრე „დრონი“ პრეზიდენტ გამსახურდიას ოპოზიციისთვის თავისუფალი აზრის გამოხატვის მთავარი ტრიბუნა იყო, მხოლოდ საარქივო მასალებიდან და ჩემი კოლეგების ნაამბობიდან შემქმნელი გამეგო. ფინანსური სირთულეების გამო, მოგვიანებით გაზეთი „დრონი“ მედიაარუკიდან გაქრა, თუმცა ამ სახელის სხენებისას, განსხვავებული სუბიექტური ინტერპრეტაციებით, მაგრამ მაინც, ყველას გაასწენდება ის როლი, რომელიც ამ გაზეთმა საქართველოში 1991-92 წლებში განვითარებული მოვლენებისას ითამაშა.

„დრონის“ მაგალითი კარგი ილუსტრაციაა ქართული თანამედროვე მედიის უახლესი წარსულისა და იმ საკითხების გასაზრებლად, რომლებიც პოლიტიკურსა და მასმედიის სტრუქტურებს შორის სისტემურ თუ ფრაგმენტულ კავშირებს შეეხება და რომლის ხარისხი მსოფლიოს სხვადასხვა ქვეყანაში დემოკრატიის განვითარების ხარისხის მიხედვით ვარიირებს. ამ წერილის დაწერის სტიმულად ჩემთვის, ცხადია, ტელეკომპანია „რუსთავი 2“-ის საკუთრებასთან დაკავშირებით განვითარებული დავა, მისი ქონების დაფადალება და ჟურნალისტური ობიექტურობის გარშემო ისეთივე ინტერპრეტაციული დისკურსი აღმოჩნდა, როგორც ობიექტურობის გაგება.

პირველ რიგში, ალბათ, იმ საკითხზე ღირს დაფიქრება, თუ რამდენად არის მედია საქართველოში თვითკმარი ბიზნესი, რაც დავეხმარება იმ პოლიტიკური გავლენების უკეთ გააზრებაში, რომლებიც მედიანის სტიმულზე ზემოქმედებენ. ის დრო, როცა დამოუკიდებლობის პირველ წლებში მრავალტირაჟიანი გაზეთები საკუთარ თავს ინახავდნენ, „დრონის“ მსგავსად, ზოგიერთი გამოცემისთვის ხანმოკლე აღმოჩნდა, ზოგმა სიცოცხლისუნარიანობა სხვადასხვა, მათ შორის პოლიტიკური სუბსიდიით გაიხანგრძლივა, რისთვისაც ასლან აბაშიძისა და სხვათა დაფინანსებული მედიასამუშაოების არდავიწყებაც გემართება. სატელევიზიო მედიის განვითარებამ მედიაბაზარზე კონკურენცია გაზარდა. თუ კომუნიკაციების მარეგულირებელი კომისიის სტატისტიკას გადავხედავთ, ტელევიზიების მაგალითზე კიდევ უფრო ცხადად დავინახავთ, რომ მედია სტაბილურად თვითკმარი ბიზნესი არ არის, ხოლო ბაზარზე არსებული მოთამაშეები ბაზრის მოთხოვნებს სჭარბობენ. უფრო მეტიც, ზოგიერთი ტელეკომპანიის შემოსავლებში რეკლამის ხვედრითი წილი უმნიშვნელოა ან ვერ ამართლებს იმ მასშტაბური პროექტების დანა-

ხარჯებს, რომლებიც ეკრანიდანაც თვალში-საცემია.

თუ მედია ფინანსურად სტაბილურად მომგებიანი ბიზნესი არ არის, მაშინ რა არის ის, რაც მის სიცოცხლისუნარიანობას განსაზღვრავს და რა სარგებელი მოაქვს მას? ქართული მედიის უახლესი ისტორია ცხადყოფს, რომ სწორედ პოლიტიკური ინტერესები და განსხვავებული ინტერესების კონფლიქტი განაპირობებდა და დღესაც უზრუნველყოფს ჩვენში პლურალისტურ გარემოს, როგორც ეს ჩანასახოვანი დემოკრატიის ქვეყნებში ჩვენზე გაცილებით ადრე დაიწყო.

ქართულ მედიაბაზარზე ბადრი პატარკაციშვილის „იმედი“, მოგვიანებით ყოფილი პრემიერის ბიძინა ივანიშვილის „მე-9 არხი“ და GDS-ი და ნაციონალურ მოძრაობასთან დაახლოებული „რუსთავი 2“ პოლიტიკური პარაღელიზმის ნიშნების მატარებელი მედიუმებია:

ბადრი პატარკაციშვილმა, რომელიც 2008 წლის საპრეზიდენტო არჩევნებში იყრიდა კენჭს, 2007 წლის დეკემბერში ტელეკომპანია „იმედის“ თანამშრომლებისადმი ვიდეომიმართვაში დაუფარავად ისაუბრა ხელისუფლების შეცვლის ამოცანის მიღწევის შესაძლო საშუალებების შესახებ.

მას შემდეგ, რაც 2012 წლის საპარლამენტო არჩევნებზე თავის პოლიტიკურ მიზანს მიაღწია და ხელისუფლება შეცვალა, ბიძინა ივანიშვილმა საარჩევნო „პანშელიაზე“ დახურა თავისი ოჯახის კუთვნილი ტელეკომპანია „მე-9 არხი“; მოგვიანებით კი ასევე ივანიშვილების საოჯახო GDS-ი

გასართობი არხიდან იმ პლატფორმად გადააქცია, საიდანაც მიმდინარეობს ყოფილი პრემიერისა და პოლიტიკურ პროცესებზე ამჟამად ექსკლუზიური გავლენის მქონე პირის „მომავლის პროექტის“ - „20/30“-ის ვირტუალურ სივრცეში ხორცშესხმის პროცესი.

„რუსთავი 2“-მა კი, რომელიც ნაციონალურ მოძრაობასთან არის დაახლოებული და რომელმაც „ვარდების რევოლუციის“ შემდეგ ჩვეულ „უიჩლოგურ“ ფუნქციაზე მეტად გასართობ გადაცემებს მიანიჭა უპირატესობა, 2012 წლის არჩევნების შემდეგ ხელისუფლების ცვლილებების კვალობაზე გადახედა სარედაქციო პოლიტიკას და კრიტიკული გახდა ახალი მმართველი გუნდის მიმართ.

ეს მოცემულობა სრულიად არ იძლევა იმის მტკიცების საფუძველს, თითქოს მხოლოდ ერთი არხია პოლიტიკურად მიკერძოებული და ყველა სხვა მედიასამუშაოება პოლიტიკური გავლენების მიღმა დგას. თუ მედია პოლიტიკურად დიფერენცირებულია, ეს უკავშირდება არა პარტიებს, არამედ ზოგად პოლიტიკურ ტენდენციებს, ხოლო მედიაზე პოლიტიკური პარტიების ძლიერი გავლენა სწორედ იმ სისტემებისთვის არის დამახასიათებელი, რომლებიც პოლარიზებული პლურალიზმისკენ არის მიდრეკილი. სწორედ დაპირისპირებული პოლიტიკური ინტერესებია ის მამოძრავებელი, რაც ჩვენს პოლარიზებულ სივრცეში პლურალისტურ გარემოს უზრუნველყოფს. დღევანდელ რეალობაში კი ჩვენში პლურალიზმი სწორედ „რუსთავი 2“-ის ხარჯზე მიიღწევა, ისევე,



როგორც ეს იყო 2003 წელს დაფუძნებული „იმედისა“ და 2012-ისთვის განახლებული „მე-9 არხის“ შემთხვევაში.

როგორი სარედაქციო პოლიტიკაც უნდა ჰქონდეს მედიასაშუალებას, ალტერნატიული წყაროების არსებობა ყოველთვის დადებითად აისახება საერთო მედია-გარემოზე, რადგან საზოგადოებრივად მნიშვნელოვანი, ინფორმაციული ღირებულების მქონე ფაქტების გაზიარება პირველწყაროსთან ერთად სხვა მედიუმებსაც უწევთ და ამოსავალი აქ აუდიტორიისა და საზოგადოების ნდობის შენარჩუნებაა.

ციხის სკანდალური კადრების ეთერში გაშვების პირველწყარო, მართალია, ტელეკომპანიები „მაესტრო“ და „მე-9 არხი“ იყვნენ, მაგრამ ეს მასალა იმავე დღეს, სარედაქციო პოლიტიკის მიუხედავად, ყველა ნაციონალური არხის ეთერით გადაიცა. განსხვავებული ინტერესების არსებობა ამცირებს ერთი დაინტერესებული პირისა თუ ჯგუფის ხელში როგორც მედიასაკუთრების კონცენტრირებას, ისე ერთგვაროვანი საინფორმაციო ნაკადების დომინირებას. ბიძინა ივანიშვილის ძიროვი, რომ იტყვიან, გულწრფელი აღმფოთება საზოგადოებრივი მაუწყებლის, „მაესტროსა“ და, ნაწილობრივ, „იმედის“ გამო, სწორედ საერთო საინფორმაციო პოლიტიკაზე „რუსთავი 2“-ის გავლენას უკავშირდებოდა:

„რამეთუ ნებსით თუ უნებლიეთ, აზრით თუ უაზროდ, გაუგებრობით თუ გაგებით, პრაქტიკულად იმ თემის აჟიტირებას აკეთებენ, რა თემებსაც წამოსწევს „რუსთავი2“... ეს არის წამყვანი ფსონის... ჩემი გააქტიურების ერთ-ერთი მიზეზიც ეს არის“, - განაცხადა ივანიშვილმა „კვირის პალიტრასთან“ ინტერვიუში.

დემოკრატიის ფუნდამენტური პრინციპი, რომ პრესას მთავრობის კრიტიკის უფლება აქვს, ცხადია, ორმხრივი სიამონების მომგვრელი პროცესი არ არის და თუნდაც მედიის მხრიდან გაზვიადებისა და გადაჭარბების შემთხვევაში, მას გაცილებით მეტი სარგებელი მოაქვს საზოგადოებისათვის, ვიდრე მხოლოდ იმ სიმართლის მოსმენას, რაც ყურს ეამება. სიმართლეს იდეათა თავისუფალი მოძრაობა წარმოშობს, და არა საკუთარი მოსაზრებების ერთადერთ ჭეშმარიტებად გამოცხადება.

დასასრულს, ალბათ ისიც უნდა ითქვას, რომ პოლიტიკური პლურალიზმის აუცილებლობით მედიაზე პოლიტიკური გავლენების გამართლება სულაც არ ნიშნავს, რომ უნდა უგულებელვყოთ მედიის ინსტრუმენტალიზაციის საფრთხე, რაც, როგორც ადრეული დემოკრატიის ქვეყნების გამოცდილება ცხადყოფს, მედიის კომერციალიზაციითა და პროფესიონალიზაციით დაიძლევა.

**თამარ კინფურაშვილი**

# ტყუილი

ბიძინა მაყაშვილი

ხშირად დარჩენილხართ მოტყუებულნი? მე ძალიან. ფაქტობრივად, მთელი ცხოვრება მატყუებდნენ. ბავშვობიდან. პირველი ტყუილი, ალბათ, თოვლის პაპა იყო, რომელიც სიბერეში სანტა კლაუსი აღმოჩნდა.

როცა კითხვა ვისწავლე, უკვე რეკლამა მატყუებდა, რომლის თანახმადაც, ქართული ჩაი სასიამოვნო და არომატული სასმელი იყო. ზოგადად, რეკლამას რომ უნდა მოვეტყუებინე, მაშინ არ ვიცოდი.

მერე მატყუებდა სკოლასთან მდგარი ფოტოების გამყიდველი, რომელიც 10 კაპიკად ყიდა სუთი თამაშვებულ ბიჭის ფოტოს რუსული წარწერით: Квартет Битлз.

უმოწყალოდ მატყუებდნენ სკოლის სახელმძღვანელოები. არა მარტო ისტორიის, არამედ ფიზიკისაც, სადაც ეწერა, რომ პოლზუნოვმა გამოიგონა ვატის ორთქლის მანქანა, ხოლო პოპოვმა - რადიო.

იმ ხანებში არ მალელებდა, მაგრამ ძალიან მატყუებდა ამინდის პროგნოზი. მატყუებდა „ლედ ზეპელინი“, რომელიც სხვების დაწერილ ბლუნებს ისე უკრავდა, თითქოს მისი ყოფილიყო. მატყუებდა მალახიის გამყიდველი, როცა წონა და სურდა ყოველთვის თავის სასარგებლოდ ემღებოდა. მატყუებდა მათხოვარი, რომელიც ათას ლეგენდას თხზავდა თავის წარსულზე. მატყუებდა გეოგრაფიული რუკა. მოკლედ, მატყუებდა ყველა, ვისაც არ ეზარებოდა.

მარტო სულხან-საბა არ მატყუებდა, პირიქით, ის ერთადერთი იყო, რომელიც მასწავლიდა, როგორ არ უნდა მოვეტყუებულიყავი. ეტყობა, ცუდი მოსწავლე ვიყავი, რადგან მაინც ვტყუავდებოდი.

მატყუებდა ეროვნული მოძრაობა, ტყუილებს ბოლო მოეღება, როცა ტოტალურ სიცრუეზე აგებული საბჭოთა კავშირი დაინგრევა და საქართველო დამოუკიდებლობას მოიპოვებს. ტყუილები დამოუკიდებლობის მოპოვების მერე უნდა გენახათ!

კომუნისტების დროს ვიცოდით, რომ ტყუილი კანონით გვექონდა გარანტირებული და ამიტომ არ განვიციდით, როცა გვატყუებდნენ. აბა როგორ უნდა გავბრაზებულიყავით, როცა, კონსტიტუციის თანახმად, 1980 წელს კომუნისტში შევიდოდით.

ეროვნული ტყუილები ბევრად უფრო მტკივნეული აღმოჩნდა, რადგანაც მოიტანა სისხლი, ნგრევა, სიღარიბე, ენერგოკრიზისი, ტერიტორიების დაკარგვა, იმედგაცრუება...

მალე დადგა მითოლოგიური ტყუილების ეპოქა. მაგალითად, არსებობდა მითი, სახელად მეცხრე ბლოკი. მითი საზღვარგარეთელი მეგობრების შესახებ. და ყველაზე მთავარი - ნავთობსადენის მითი. ამ მითების თანახმად, საქართველო მალე სამოთხედ გადაიქცეოდა. თავისთავად სამოთხეც რომ დიდი ტყუილი იყო, აღარავის გახსენებია.

21-ე საუკუნის დასაწყისში დაიწყო ახალი - ნაციონალური ტყუილების ფაზა. დიდი არაფერი, მაგრამ მაინც ბევრი ბრყიდებოდა. თქვენი არ ვიცი, მე კი ჩვენი პოლიტიკური ლიდერები ჩრდილოეთ კორეის მატყუარებს მაგონებდნენ, ოღონდ გემოვნება ჰქონდათ არაბული. კორეაში იმას ვგულისხმობ, თავიანთ მოქალაქეებს რომ ატყუებენ, ყველაზე მაგარ ქვეყანაში ცხოვრობთო, ჩვენმა ფეხბურთელებმა ბრაზილიელებს მოუგესო, ჩვენ უკეთ ვიცით, თქვენ რაც გინდათო და ა.შ. არაბულ ასოციაციებს ალბათ ხრიოკ და უდაბნო ადგილებში პალმებით გაწყობილი ინფრასტრუქტურების შექმნა და მათი არქიტექტურა იწვევდა. ეს ძირითადი ხაზი იყო, თორემ წვრილ-წვრილი და მზიარული ტყუილები ყოველდღე გარანტირებული გვექონდა.

ასეთ ფონზე ბევრმა გადაწყვიტა, რომ ტყუილებისგან თავის დაცვის საუკეთესო საშუალება ხელისუფლების შეცვლა იქნებოდა. შეცდნენ. კიდევ ერთხელ. ტრადიციულად. დაავიწყდათ, რომ ჩვენნიარი შეუძღვარი ქვეყნის ხელისუფლებისათვის ტყუილი ხშირად დროებითი გამოსავალია. გამოსავალი ახალ ტყუილამდე. ამიტომაც ტყუილები ტყუილების საფუძველი გახდა. მაგალითად, იტყუებიან, რომ რუსეთის ოკუპანტობა ტყუილია; იტყუებიან, სოჭის ოლიმპიურ თამაშებზე არწასვლით შეიძლება მოტყუებულები დაერჩეთო; იტყუებიან, რომ თავად უფრო ნაკლებს იტყუებიან, ვიდრე ოპოზიცია. სინამდვილეში ტყუილებში ერთმანეთს ტოლს არ უდებენ.

რაც მთავარია, დამოუკიდებელი საქართველოს ყველა ხელისუფლებას ერთი საერთო ტყუილი აქვს: თითქოს ძალიან უყვართ მთავარი კონკურენტი ძალაუფლებებში - ეკლესია.

ერთი სიტყვით, უნდა შევეუთო აზრს, რომ სამყარო ტყუილებზეა აგებული და ყოველთვის შეეცდებიან თქვენს მოტყუებას. მეც ისე შევეჩვიე ტყუილებს, რომ როცა მარტო ვარ და არავინ მატყუებს, მე თვითონ ვიტყუებ თავს, რომ ყველა მე მატყუებს.

**მინდა,** ამ წერილით განვმარტო, როგორ ვხედავ ჩვენი ქვეყნის განვითარების საფრთხეებს და პერსპექტივას იმ კუთხით, რა კუთხესაც ჩემი თვალსაწიერი სწვდება.

დავიწყებ იმით, რომ, ჩემი აზრით, ქვეყნის სახე მის სახელმწიფო ბიუჯეტში ჩანს - რითი ივსება ბიუჯეტი და როგორ ნაწილდება თანხა პრიორიტეტების მიხედვით. ჩემთვის ბიუჯეტის ხარჯვა ორ ძირითად ნაწილად იყოფა - ქვეყნის განვითარებისთვის გამოყოფილი რესურსი და სოციალური ვალდებულებები, რომლებსაც სახელმწიფო იღებს საკუთარ თავზე. ჩემი აზრით, რაც მეტია განვითარება, მით მეტი ვალდებულებების აღების საშუალება აქვს ბიუჯეტს; და პირიქით, რაც ნაკლებია განვითარებისთვის გაღებული თანხა, მით ნაკლები უნდა იყოს სოციალური პროექტების დაფინანსება. ეს არის ლოგიკური ჩარჩო. თუმცა, ცხადია, სხვადასხვანაირი სახელმწიფო არსებობს და ყოველი ახალი ხელისუფლება თავის მოსახლეობასთან ახლებურ ხელშეკრულებას დებს, პირველ რიგში, საარჩევნო პროგრამის სახით.

ჩვენს ქვეყანაში 2012 წლის ოქტომბერში მოსულმა ხელისუფლებამ ერთ-ერთ მთავარ პრიორიტეტად მიიჩნია საყოველთაო ჯანდაცვის სახელმწიფო პროგრამის განხორციელება. ვფიქრობ, ეს იყო ძალიან ჰუმანური გადაწყვეტილება, რომელიც ქვეყნის ყველა ფენის მოსახლეობას ღირსეული ავადმყოფობის საშუალებას აძლევდა. ჩემმა ოჯახმაც, ჩემი ახლობლების ოჯახებმაც ვისარგებლეთ საყოველთაო ჯანდაცვის პროგრამით და საკუთარი თვალთი ვნახე, როგორ ფასდაუდებელ სამსახურს სთავაზობს სახელმწიფო თავის მოქალაქეებს.

მადლიერების გრძობის პარალელურად, მიჩნდებოდა და მიჩნდება კითხვა - რის ხარჯზე ხორციელდება ეს ჰუმანური პროექტი? გვაძლევს თუ არა განვითარების პარამეტრები საშუალებას, რომ ქვეყანამ ასეთი სოციალური პროგრამა განახორციელოს და ასეთი სიმძიმის ტვირთი აიღოს საკუთარ თავზე?

პირადად მე ქვეყნის წარმატების საფუძვლად განათლებისა და მეცნიერების სისტემების განვითარება მიმაჩნია. მართალია, ამ სფეროში ჩადებული ინვესტიცია შედეგს წლების შემდეგ იძლევა, მაგრამ სანამ ცვლილებები არ განხორციელდება, წარმატებაზე ფიქრიც ზედმეტია. საერთაშორისო თუ ადგილობრივი კვლევებიც ადასტურებს და მასწავლებლების მიერ ჩაბარებული გამოცდების შედეგებიც ამაზე მეტყველებს, რომ სასკოლო განათლებაში სერიოზული პრობლემებია. აღარაფერს ვამბობ მეცნიერებაზე, რომლის რეფორმირების კუთხით ნახევარი ნაბიჯიც არ გადადგმულა (თუ არ ჩავთვლით ვია დვალის და


ავტორთა ჯგუფის კონცეფციას, რომელსაც განათლებისა და მეცნიერების სამინისტროს რომელიღაც თაროზე ედება მტკვერი).

ქვეყნის განვითარების მთავარი გასაღები მაინც სასკოლო განათლებაში დევს. კარგი განათლების უპირველესი გარანტი კი კარგი მასწავლებელია. თუ განვითარების პროექტებზე ვსაუბრობთ, პირადად ჩემი ხედვით, სახელმწიფომ პირველი ინვესტიცია სკოლის კვალიფიციური მასწავლებლებით შეესებაში უნდა ჩაღოს. ეს კი ნიშნავს ორი მიმართულებით თანხის გადაწვდომას: კვალიფიციური პედაგოგების მრავალმხრივ წახალისებასა და არაკვალიფიციური პედაგოგების ჩანაცვლებას.

2009 წელს სახელმწიფომ მასწავლებლის პროფესია რეგულირებად პროფესიად აღიარა და მასწავლებლების სკოლაში დარჩენის პირობად სერტიფიცირება დააწესა. სერტიფიკატის ასაღებად საჭირო იყო, რომ მასწავლებელს ჩაებარებინა ორი გამოცდა: საგანში, რომელსაც ასწავლის და პროფესიულ უნარებში. პირველი გამოცდა 2010 წლის ზაფხულში ჩატარდა და ოთხი წლის განმავლობაში სერტიფიკატი დაახლოებით 20 000-მა მასწავლებელმა აიღო, ხოლო 42 000-მა მასწავლებელმა გამოცდა არ ან ვერ ჩააბარა.

„ზოგადი განათლების შესახებ“ კანონის თანახმად, 2015 წლის 1 იანვრიდან სერტიფიცირება სავალდებულო ხდებოდა სკოლაში სამუშაოდ. ეს ნიშნავდა, რომ ყველა არასერტიფიცირებული პედაგოგის ადგილზე ვაკანსია უნდა გამოცხადებულიყო და მასწავლებლები მხოლოდ იმ დრომდე შეინარჩუნებდნენ სამსახურს, სანამ მათ ადგილზე უფრო კვალიფიციური კადრი არ გამოჩნდებოდა. ცხადია, ეს იქნებოდა ძვირადღირებული პროცესი, რომელიც შედეგს მხოლოდ იმ შემთხვევაში მოგვცემდა, თუკი ერთდროულად ორი მიმართულება ამუშავდებოდა: ერთი მხრივ, სერტიფიცირებულ მასწავლებელს დაენიშნებოდა რეალური ხელფასი, ზრდის პერსპექტივით; ხოლო, მეორე მხრივ, 42 000 ადგილი გამოცხადდებოდა ვაკანტურად და სკოლის კარი გაიღებოდა იმ ადამიანებისთვის, რომლებიც სახელმწიფოს წინასწარ დაუდასტურებდნენ თავის კომპეტენციას (ორი ათასამდე სერტიფიცირებული მქონე ადამიანი დღესაც არის სკოლის გარეთ და სკოლაში დასაქმებას ელოდება).

ახალ პირობებში, სავარაუდოდ, სკოლისკენ დაიძვრებოდა ნაკადი იმ ადამიანებისა, რომლებსაც დღემდე განათლების სისტემისკენ არ გაუხედავთ - ახალგაზრდები, რომლებმაც უნივერსიტეტები დაამთავრეს და კარგ სამსახურს ეძებენ; მეცნიერები, რომლებმაც სამსახურები დაკარგეს, ან რომლებიც უმცირეს ხელფასზე მუშაობენ;



## შეთავაზება მთავრობას

ბენ; დაუსაქმებელი, მაგრამ შრომისუნარიანი და მოტივირებული ადამიანები.

რამდენიმე კვირის წინ განათლებისა და მეცნიერების მინისტრმა გამოაცხადა, რომ კანონიდან ამოღებულ იქნება ჩანაწერი, რომლის მიხედვითაც, 2015 წლიდან მასწავლებლის პროფესიით მუშაობისთვის აუცილებელი ხდებოდა სერტიფიკატის ფლობა. ახალი წესის მიხედვით, 42 000 მასწავლებელს კიდევ სამი წელი ეძლევა იმისთვის, რომ თავისი მინიმალური კომპეტენცია დაუდასტუროს სახელმწიფოს; ჩაბაროს გამოცდა თავის საგანში და დააკრავოს კრედიტების გარკვეული რაოდენობა.

რას ნიშნავს ეს გადაწყვეტილება?

მინიმუმ სამი წლის განმავლობაში სკოლებში არ მოხდება იმ მასწავლებლების ჩანაცვლება, რომლებმაც ოთხი წლის მანძილზე არ/ვერ დაადასტურეს თავისი კვალიფიკაცია. ეს ადამიანები რჩებიან საკუთარ ადგილებზე, საკუთარი დაბალი ხელფასით.

ამავდროულად, სახელმწიფომ აიღო ვალდებულება, რომ ხელფასი გაუზარდოს სერტიფიცირებულ მასწავლებლებს (20 000 ადამიანს). მაღე გაირკვევა, კონკრეტულად რას გულისხმობს ეს ზრდა.

გამოდის, რომ სახელმწიფომ მინიმუმ სამი წლით შეინარჩუნა შედარებით იაფი სასკოლო განათლების სისტემა და გადაავადა რეალური ცვლილებები სკოლაში. თუმცა, შექმნა გარკვეული სტიმულები წარჩინებული მასწავლებლებისთვის, რომლებიც ნაწილობრივ ამოქმედდება 2015 წლიდან, ნაწილობრივ კი - 2017 წლიდან



(უფრო დაწვრილებით ახლა აღარ განვმარტავ).

ჩემი აზრით, დღეს საქართველოს სახელმწიფოს აღარ აქვს ძალა განვითარების პროექტებისთვის, რადგან მთავარი სოციალური პროექტი - საყოველთაო ჯანდაცვის პროგრამა - ნთქავს მთელ რუსურსს. 2014 წლის ბიუჯეტის შესრულების ანალიზი კიდევ უფრო ნათლად გამოაჩენს, რამდენად ერევა ქვეყანა თავის მიძიმე სოციალურ ვალდებულებებს.

პოლიტიკური გუნდისთვის თითქმის გადაუჭრელი ამოცანაა, შეამციროს ჯანდაცვის პაკეტი, ან საყოველთაო დაზღვევიდან გადავიდეს სასიცოცხლო რისკების დაზღვევაზე (დაეხმაროს ყველას საჭიროების მიხედვით და არა - ყველას თანაბრად). თამასა ძალიან დიდ სიმაღლეზეა აწეული და მისი დაწვევა მიძიმე დარტყმა იქნებოდა ნებისმიერი ხელისუფლებისთვის. არადა, ქვეყნის განვითარებაში სერიოზული ინვესტირების გარეშე, სოციალური ვალდებულებების ტვირთი სულ მეტად და მეტად დაძვინდება. ჩემი ხედვით, ფაქტობრივად, ჩისწი მდგომარეობაში ვართ, იმის გათვალისწინებით, რომ ამ მეტად მგრძობიარე თემაზე საჯაროდ არავინ საუბრობს.

ნამდვილად მოხარული ვიქნები, თუ ჩემი ეს სტატია გახდება სტიმული იმისთვის, რომ დაეიწყოს დისკუსია კარსმომდგარ სირთულეებზე - რასაც ვთავაზობ კიდევ მთავრობას, როგორც ჩვენი საერთო სამშობლოს გულშემატკივარი ადამიანი. იქნებ, თავად მთავრობისთვისაც სასარგებლო აღმოჩნდეს, რომ გულწრფელად განუძარტოს თავისი ქვეყნის მოსახლეობას, განვლილი ორი წლის გამოცდილებით, როგორ ერევა ქვეყანა სოციალურ ვალდებულებებს; როგორ ბალანსდება განვითარება და მოსახლეობის სოციალური დაცვა; რა პროგრამები ხორციელდება განვითარების კუთხით; თუნდაც, სამი წლის შემდეგ საიდან გაჩნდება ბიუჯეტში თანხა მეცნიერებისა და განათლების (თუ სხვა სფეროს) რეფორმის დასაფინანსებლად.

არაფერი მითქვამს იმ დარგებზე, რომლებზეც ბევრი არაფერი ვიცი. იქნებ მართლაც არსებობს განვითარების დიდი პერსპექტივა, რაც ჩემნაირი დილექტანტის თვალთ არ ჩანს? ან იქნებ დაილოგოში ისეთ საკითხებზე შეთანხმებაც გახდეს შესაძლებელი, დღეს რომ შეუძლებლად გამოიყურება?

ძვირფასო მთავრობავ, თქვენ აგვისხენით და ჩვენ ყურადღებით მოვისმენთ. მჯერა, რომ საუბრის დაწყება საფრთხეებსა და პერსპექტივებსზე თქვენ არანაკლებ გჭირდებათ, ვიდრე - ჩვენ.

ხოლო უფრო მეტი კეთილგანწყობით დიალოგის შეთავაზება, ვიდრე მე ამ წერილით ვცადე, მგონი, შეუძლებელია.

## გლობალური ისტორია და ჩვენი ხმანარმოქმნილი ისტორიები

ჩემთვის მნიშვნელოვანი ავტორით ერთ-ერთი ყველაზე დიდი იმედგაცრუება აგვისტოს ომის დროს მივიღე. იმანუელ უოლერსტაინმა, - უდიდესმა სოციოლოგმა, რომლის „მსოფლიო სისტემების თეორიის“ გაგებასაც მთელი ძალისხმევით ვცდილობდი სტუდენტობის დროს, გამოაქვეყნა ბლოგპოსტი სახელწოდებით „გეოპოლიტიკური ჭადრაკი: კავკასიაში მიმდინარე მინიომის ფონი“, რომელშიც ძალიან გულგრილად, დისტანციიდან აღწერა საქართველოს ტრაგედია. „გეოპოლიტიკა ორ მოთამაშეს შორის ჭადრაკის გიგანტური იცოკლა, რომლის დროსაც მოთამაშეები პოზიციური უპირატესობის მოპოვებას ცდილობენ. უმნიშვნელოვანესია იმ წესების ცოდნა, რომლებიც თამაშს მოცემულ მომენტში წარმართავს“, წერდა უოლერსტაინი და დასავლეთის, უწინარესად შეერთებულ შტატებს, რუსეთთან მიმართებით ამ წესების დარღვევაში ადანაშაულებდა.

ეს დისტანციურობა ბევრი მოაზროვნის ტექსტებს გასდევს უწყვეტ ფონად. მაგალითისთვის, იხილეთ ნიამ ჩომსკის ტექსტები უკრაინის კრიზისზე - ის ვითარებას მხოლოდ დიდი გეოპოლიტიკური მოთამაშეების პრიზმიდან უყურებს და წერს, რომ უკრაინის გარშემო განვითარებული მოვლენების რეალური მიზანი დასავლეთის მიერ რუსეთის დასუსტებაა. მის ტექსტებში, ფაქტობრივად, არაა ნახსენები თავად უკრაინის, მისი ხელისუფლების ან ხალხის პოზიცია და მისწრაფება. ჩომსკი, სხვა ბევრი მემარცხენე ავტორის მსგავსად, წერს დიდ მოთამაშეებზე, გეოპოლიტიკურ გავლენებზე, დასავლეთისა და რუსეთის შორის მეტოქეობაზე და ნაკლებად აინტერესებს მცირე ერების ხვედრი, სურვილები თუ არჩევანი.

ამ ტენდენციის ძალიან მკაფიო კრიტიკას ახლანაზნა წავაწყდი, ტონი ჯატიის ესეების კრებულში. ერთ-ერთ სტატიაში ჯატი განიხილავს, ალბათ, მსოფლიოში ყველაზე ცნობილი და მნიშვნელოვანი ისტორიკოსის, ერიკ ჰობსბაუმის მონუმენტურ ნაშრომს „უკიდურესობათა ხანა: მოკლე მეოცე საუკუნე, 1914-1991“ და აღნიშნავს, რომ ჰობსბაუმი თვალში საცემი გულგრილობით ეკიდება აღმოსავლეთ ევროპას. ჯატი წერს, რომ თითქმის ექვსასწავრიდან წიგნში ჰობსბაუმი სულ ექვს გვერდს უთმობს აღმოსავლეთ ევროპის ქვეყნებში დამყარებული ე.წ. „ნამდვილი სოციალიზმის“ ანალიზს; ხოლო

1950-იანი წლების შავ ფურცელს - საჩვენებელ სასამართლოებს - ახვაცზე ნაკლები აქვს მიძღვნილი.

საბჭოთა კავშირის რეპრესიული განზომილების თაობაზე ჰობსბაუმს ილუზიები არ აქვს, თუმცა, კავშირის შექმნას უწოდებს იმ დამლის და დეზინტეგრაციის ერთადერთ ალტერნატივას, „რომელიც განიცადეს სხვა არქაულმა და დამარცხებულმა იმპერიებმა, კერძოდ ავსტრო-უნგრულმა და თურქულმა. მათგან განსხვავებით, ბოლშევიკურმა რევოლუციამ, სულ მცირე, კიდევ 74 წლით შეინარჩუნა ძველი ცარისტული სახელმწიფოს მრავალფეროვანი ტერიტორიული ერთობის დიდი ნაწილი“. და ეს რომ შემთხვევითი შეფასება არ არის, კიდევ უფრო ნათელი ხდება მოგვიანებით, როცა ჰობსბაუმი საბჭოთა კავშირის დაშლას აღწერს და ამბობს, რომ ამან მეთვრამეტე საუკუნის შემდეგ პირველად შექმნა „საერთაშორისო სიცარიელე ტრიესტიდან ვლადივოსტოკამდე“. იმ ხალხებისთვის, რომლებიც საკუთრივ ამ „სიცარიელეში“ ცხოვრობდნენ, მეოცე საუკუნის ისტორია სრულიად განსხვავებულია აღიქმბაო, წერს ჯატი და დასძინს - საქმე ისაა, რომ ჰობსბაუმს, მარქსის მსგავსად, ეს მცირე ერები დიდად არ აინტერესებს.

ამ პრობლემაზე, ან უფრო მიძიმე ტერმინოლოგიით რომ ვთქვათ, ამგვარ დისკურსულ ველზე - ბევრს ვფიქრობ. მაინტერესებს, მაინც რა არის იმის მიზეზი, რომ შემარცხენე მოაზროვნეებს, რომლებმაც, ხშირ შემთხვევაში, მთელი თავისი ცხოვრება მიუძღვნეს დასავლეთის კოლონიალიზმის კრიტიკას და სამხრეთ აზიის, ახლო აღმოსავლეთის, ან ლათინური ამერიკის ქვეყნების ჩაგვრის ანალიზს, ასეთი ხაზგასმული გულგრილობა ახასიათებთ „ჩვენს“ სივრცესთან მიმართებით.

ამ კითხვაზე ყველაზე მარტივი პასუხი ალბათ ის არის, რომ მათი მხრიდან დასავლეთის კოლონიური განზომილების კრიტიკიდან ლოგიკურად გამომდინარეობს ოცნება დასავლეთის, განსაკუთრებით კი შეერთებული შტატების გეოპოლიტიკური გავლენის „დაბალანსების“ შესახებ. ეს ოცნება კი, თავის მხრივ, რუსეთის, როგორც პოტენციური „გამაწონასწორებლის“ იმპერიულ მისწრაფებებს ანიჭებს ლეგიტიმაციას. ამ ყველაფერს რამდენიმე ნეგატიური შედეგი მოსდევს - საქართველოს და უკრაინის, ინტერესები ეწირება.

მაგრამ ეს პასუხი არ არის საკმარისი.

მთავარი პრობლემა, ჩემი აზრით, სხვაგან უნდა ვეძებოთ. იმ ფაქტში, რომ წარსულში იმპერიული დომინაციის ქვეშ მყოფი სხვა ქვეყნების თუ ყოფილი კოლონიებისგან განსხვავებით, „ჩვენ“ ჯერ კიდევ ვერ მოვიპოვეთ ადგილი გლობალურ ისტორიოგრაფიაში, ვერ შევქმელით ისტორიის ჩვენი პერსპექტივიდან წაკითხვა. კი, ჩვენს რეგიონთან მიმართებით არაერთი აკადემიური დარგი თუ მოღვაწე მიმდინარეობა შეიქმნა. მაგალითად, „პოსტ-საბჭოთა“, „ტრანზიციონის“, ან „ცენტრალური და აღმოსავლეთ ევროპის“ კვლევები; არაერთი გამოკვლევა დაწერილი ცალკეული ერების ისტორიაზე (მაგალითად, სტივენ ჯონსის, დონალდ რეიფილდის, რონალდ სუნის და სხვა ავტორების ღირებული და მნიშვნელოვანი ნაშრომები საქართველოს შესახებ), ეროვნულ-განმათავისუფლებელი მოძრაობების ლიდერებზე, დისიდენტებზე, ისევე, როგორც ტოტალიტარნიზმის საბჭოურ სპეციფიკაზე. მაგრამ ეს ინიციატივები მაინც არ წარმოადგენს გლობალური ისტორიის რეგიონის სისტემურ მკვლევებას და არ ასახავს იმ ხალხების თუ სოციალური ჯგუფების მთელ კომპლექსურობას, რომელთა კულტურული, პოლიტიკური და ტერიტორიული ისტორია რუსეთის იმპერიულ პროექტებთან - დინასტიურთან, სოციალისტურთან და დღევანდელთან - კავშირით შეიქმნა.

სხვა ყოფილმა კოლონიებმა კი ეს შეძლეს. სამხრეთ აზიელმა, ახლო აღმოსავლელმა თუ სამხრეთ ამერიკელმა მოაზროვნეებმა დასავლეთის აკადემიურ სივრცეში შექმნეს მთელი დარგები თუ მიმდინარეობები, რომლებიც მათი ქვეყნების, კულტურების თუ ხალხების გამოცდილების გლობალურ ისტორიოგრაფიაში „დაბრუნებას“ ისახავდა მიზნად.

ამ მიმდინარეობებში ყველაზე ცნობილი ალბათ 1970-80 წლებში ძირითადად ლიტერატურის ფაკულტეტებზე დამკვიდრებული „პოსტკოლონიური თეორია“ - დარგი, რომელიც შეისწავლის კულტურულ ურთიერთობას ევროპულ ნაციებს, მათ შორის ბრიტანეთს, საფრანგეთს, ესპანეთსა და იმ ერებს შორის, რომლებიც აზიაში, აფრიკაში თუ სამხრეთ ამერიკაში ცხოვრობენ და ევროპელებს კოლონიზებული ჰყავდათ. თუმცა, არანაკლებ - და შესაძლოა უფრო მეტადაც - მნიშვნელოვანი იყო კვლევითი ინიციატივები უჩვეულო სახელით, „სუბალტერნის კვლევების ჯგუფი“, რომლის უშუალო მიზანი სწორედ განდევნილი ჯგუფების დაბრუნება იყო ისტორიის დომინანტურ ვერსიებში.

ეს უჩვეულო სიტყვა, უფრო სწორად, ცნება - „სუბალტერნი“ - სპეციფიკურ მნიშვნელობას ატარებს. ბევრს ის ჩაგვრის, ექსპლუატაციის, დაქვემდებარების, ან, თუნდაც, „უფლებების დარღვევის“ სინონიმად

მიიჩნია და ამ მნიშვნელობით იყენებს ხოლმე; მაგრამ სუბალტერნი არ ნიშნავს უბრალოდ ჩაგვრას. „ყველა სუბალტერნი ჩაგრულია, მაგრამ ყველა ჩაგრული არ არის სუბალტერნი“ - ასეთი მკაფიო განსაზღვრება მოვისმინე ახლახან ერთი ახალგაზრდა ისტორიკოსის ლექციაში.

ამ ცნების ფესვებს იტალიელ მარქსისტ მოაზროვნესთან, ანტონიო გრამსისთან მივყავართ. თავის ცნობილ „საპრობოლის რეგულუმში“ - ტექსტებში, რომლებსაც იტალიის ფამისტური რეჟიმის ტუსადი გრამში 1929-დან 1935 წლამდე წერდა - ის ამ ცნებით აღწერს იმ მარგინალური ჯგუფების მდგომარეობას, რომლებიც გარიყული არიან ისტორიის შექმნის პროცესებიდან და წართმეული აქვთ „ხმა“, რომელიც ორგანიზების და ძალაუფლების წესრიგის თავისთვის სასარგებლოდ შეცვლის საშუალებას მისცემდა. „სუბალტერნულობა“ არ არის უცვლელი მდგომარეობა. გრამში სუბალტერნულ ჯგუფებს კონკრეტულ ისტორიულ და კულტურულ კონტექსტებში განიხილავს - სხვადასხვა პერიოდში (მაგ. ძველ რომში, შუა საუკუნეების საზოგადოებებში, თანამედროვე სახელმწიფოში) მას ასეთებად მონები, გლეხები, რელიგიური ჯგუფები, ქალები, არათეორკანიალები თუ პროლეტარიატი ესახება. ამ ჯგუფებს ისტორიის „არქონა“ აერთიანებს; მათი ისტორია საერთოდ არ არის ასახული წარსულის დოკუმენტებში.

სამხრეთ აზიელმა - ძირითადად ინდოელმა - სწავლულებმა ამ ცნების შთაგონებით 1982 წელს ინგლისში ჩამოაყალიბეს „სუბალტერნის კვლევების ჯგუფი“, რომლის მიზანიც, ფართო განსაზღვრებით, ისტორიის რევიზია იყო. უფრო კონკრეტულად კი ჯგუფის კვლევები წარმოადგენდა ისტორიის ახლებურ ანალიზს, რომელშიც სუბალტერნული ჯგუფები პირველად იყვნენ წარმოდგენილი ისტორიის სუბიექტებად, მოქმედ პირებად. ამ ინიციატივის სულისჩამდგმელი მკვლევარი, რანაჯიტ გუპტა, საინაუგურაციო განცხადებაში წერდა, რომ ჯგუფი ემიჯნებოდა თანამედროვე ინდოეთის ისტორიის შესახებ დისკუსიებში გამოკვეთილ ორ ძირითად ტენდენციას - როგორც იმპერიალისტურ საფუძვლებზე დამყარებულს, რომელიც ინდოეთის ეროვნულ იდენტობას აცხადებდა ბრიტანული მმართველების მიერ განსწილ უნივერსიტეტებში ნასწავლი, ინდოელი ელიტის პრაგმატული ნაზრევის ნაყოფად; ისე ნაციონალისტურს, რომელიც ისტორიას ასახავდა ინდოელი გამათავისუფლებლების ჰეროიკულ და ეპიკურ ბრძოლად ბრიტანელ კოლონიზატორებთან.

გუპტასთვის და მისი თანამოაზრეებისთვის ისტორიის ეს ორივე ვერსია ელიტისტური იყო და, რეალურად, მხოლოდ ელი-

ტური კლასების ისტორიას გადმოსცემდა - ბრიტანელები იქნებოდა ეს, თუ ინდოელები. „სუბალტერნის კვლევების ჯგუფის“ მიზანი კი ისტორიაში იმ ჯგუფების „დაბრუნება“ იყო, რომელთა ხმა, როლი და ბედისწერა ამ ორი დომინანტური ნარატივისთვის არ არსებობდა - იქნებოდა ეს გლეხები, ღარიბები, თუ მუშები. ასევე ქალები - რომელთა მარგინალიზაციასაც ეძღვნება მკვლევართა ჯგუფის ცნობილი წევრის, გაიატრი სპივაკის დღეს უკვე ქრესტომათიულ ტექსტად ქცეული ესე, „მუშდლია სუბალტერნის ლაპარაკი?“ (სპივაკის თეორიული მოძღვრების თანახმად, ცივილიზაციური მისიის და ემანსიპაციის სახელით მოქმედ ბრიტანელ კოლონიურ მმართველებს ქალები უნდა „გადაერჩინათ“ არქაული, პატრიარქალური და რელიგიური, ინდუსტური ტრადიციების დამცველი, ადგილობრივი ძალებისგან - და ამ დაპირისპირებაში თავად ქალები უტყვე, უხმო და დეპერსონალიზებულ ობიექტებად იყვნენ ქცეულნი).

1980-იანი წლების შემდეგ „სუბალტერნის კვლევები“ მნიშვნელოვნად გაფართოვდა. სხვა სწავლულებმა, რომლებიც სამხრეთ აზიელი მკვლევრების მაგალითით ხელმძღვანელობდნენ, შეერთებულ შტატებში 1993 წელს ჩამოაყალიბეს „ლათინური ამერიკის სუბალტერნის კვლევების ჯგუფი“, რომლის კრიტიკის ობიექტსაც ასევე ელიტისტური ისტორიოგრაფია წარმოადგენდა, ამჯერად უკვე სამხრეთ ამერიკის კოლონიური ისტორიის კონტექსტში. ამდენად, ისტორიკოს დიპეჩ ჩაკარბარტის სიტყვებით, „სუბალტერნის კვლევები“ ლოკალური აკადემიური ინიციატივიდან თანდათან გადაიქცა ისტორიის წერის ახლებურ, მასშტაბურ, პოსტკოლონიურ პროექტად.

თუმცა, წარსულში ხმაწართმეული ჯგუფების თუ გარიყული კულტურების „დაბრუნება“ ისტორიაში არ ყოფილა მხოლოდ იმ სწავლულების მიზანი, რომლებიც (პოსტ)კოლონიურ კონტექსტებს იკვლევდნენ. პირიქით - ამ ინიციატივებს დასავლეთის აკადემიურ სივრცეში მნიშვნელოვანი მზაობა დასხვდა. ისტორიაში მშრომელთა კლასების მიერ შეტანილ წვლილს ჯერ კიდევ მეოცე საუკუნის დასაწყისში იკვლევდნენ ფაბიანელი ისტორიკოსები; 1960-იანი წლებიდან კი „ისტორიის ქვემოდან წერა“ - იმავე „რადიკალურმა ისტორიამ“ ერთიანი, კონცენტრირებული ფორმა მიიღო. ბრიტანელ ისტორიკოს ედვარდ პალმერ „ი. პი“ ტომპსონს 1963 წელს უკვე დაწერილი ჰქონდა თავისი ტექსტი, „ინგლისის მუშათა კლასის შექმნა“, რომელმაც, როგორც ამბობენ, ინგლისელი მუშების ისტორია დავიწყებისგან იხსნა; კიდევ უფრო ადრე, 1959 და 1960 წლებში კი გამოვიდა ზემოთ უკვე ნახსენები ერიკ



# გლობალური ისტორია და ჩვენი ხმანარმოქმნელი ისტორიები

პოსტსაუმი ტექსტები - „პრიმიტიული მეამბოხებები“ და „სუბალტერნული კლასების ისტორიისთვის“ - რომელშიც სწავლულმა აღწერა „სოციალური ბანდიტი“ (ჩვენი ტერმინოლოგიით, ალბათ „ყაჩაღის“) ფენომენი და გლეხთა ამბოხებები. ამავე პერიოდთან დაკავშირებულია ფემინისტური და ქალთა ისტორიის ტრადიცია - რომელიც ისტორიის ქალების პერსპექტივიდან დანახვას და ისტორიულ მოვლენებში ქალთა როლის წარმოჩინებას ისახავს მიზნად; აშშ-ში სამოქალაქო უფლებებისთვის ბრძოლამ კიდევ უფრო დიდი მნიშვნელობა მიანიჭა ისტორიის შავკანიანთა პერსპექტივიდან წაკითხვას; ბიძგი მიეცა არაპეტრო-ცენტრისტული სექსუალობის კვლევებსაც - ისტორიის ნარატივში „შეაღწია“ ერთი და იმავე სქესის ადამიანთა შორის სექსუალურმა ურთიერთობებმა, რომლებიც, მართალია, უკვე ანტიკურ ცივილიზაციებში გვხვდება, მაგრამ დენის და რეპრესიების გამო საუკუნეების განმავლობაში იყო განდევნილი ისტორიის დომინანტური ვერსიებიდან.

ამ კომპლექსურ პროცესებს უდიდესი შედეგები მოჰყვა როგორც აკადემიური, ისე პოლიტიკური თვალსაზრისით. წარსულში მარგინალიზებულ, ხმაწარმოქმნელ ჯგუფებს მიეცათ ისტორიის რევიზიის, მისი ახლებური წაკითხვის, კითხვების დასმის საშუალება - მართალია, ხშირად არა პირდაპირ და ინტელექტუალთა შუამავლობით, მაგრამ მაინც. ძალაუფლების სტრუქტურებს მოუწია ელიარებისა ამ ჯგუფების არსებობა, ჩაგვრა და მარგინალიზება, რამაც ბევრი, წარსულში სუბალტერნული ჯგუფი შედარებით ხილული გახადა. ცხადია, მათი ჩაგვრა ამით არ დასრულებულა და ყოფილი კოლონიების წარმომადგენლებს, შავკანიანებს, ქალებს, მუშებს თუ ჰომოსექსუალებს დღესაც უწევთ დისკრიმინაციასთან ბრძოლა. მაგრამ „სუბალტერნული“ - ხმაწარმოქმნელი, უნილავი მდგომარეობა - ბევრისთვის შეიცვალა ისტორიის რევიზიით და მის დომინანტურ ნარატივებში შეღწევით.

მაგრამ, როგორც ვთქვით, სხვა ბედი გვერთ „ჩვენი“ - იმ ხალხებს, კულტურებს თუ ქვეყნებს, რომელთა ისტორიაც რუსეთის იმპერიულ პროექტებთან კავშირით დაიწერა. ჩვენ ვერ შევძელით ისტორიის სისტემური რევიზია. ჩვენი პოზიცია კვლავაც მარგინალური რჩება.

ამას ბევრი მიზეზი აქვს - მათ შორის ის დისკურსული ველი, რომელზეც ზემოთ ვწერდი და რომელსაც, სამწუხაროდ, დიდწილად დასავლელი მემარცხენე მოაზროვნეები ქმნიან, რუსეთის იმპერიული მისწრაფებებით დასავლეთის გლობალური გავლენის „დაბალანსების“ სურვილით და აქედან გამომდინარე გულგრილობით მცირე ერების ზედრის მიმართ (ცხადია, ეს ყველას არ ეხება. ზემოთ ნახსენები ტონი ჯაჭი სწორედ საპირისპიროს მაგალითია). მაგრამ ყველაზე მთავარი მიზეზი კი ალბათ მაინც ის ვაკუუმი, რომელიც ბოლშევიკების მიერ ინტელექტუალური ელიტის განადგურებამ და დასავლეთის აკადემიურ სივრცესთან კავშირების გადაჭრამ მოიტანა. ამ ვაკუუმის შევსება დღემდე არ გამოდის, ივანე ჯავახიშვილისეული მასშტაბი და სიღრმე დიდი ხანია დაკარგულია. ჩვენი რევიზიის სოციალური და ჰუმანიტარული კვლევები საკვალად ჩამორჩება დასავლეთის უნივერსიტეტებისას. საიმისოდ, რომ შენი პერსპექტივიდან შეაღწიო გლობალურ ისტორიაში და რევიზიის მცდელობა გაქონდეს, მისი წერის წესებს უნდა ფლობდე. მაგრამ საქართველოში გლობალური კი არა, საკუთარი, ლოკალური ისტორია ვერ დავიწვრილა მითების, სადღეგრძელოების, ქსენოფობიის, თვითგზოტიზაციის და - რაც მთავარია - საბჭოთა პერიოდში ჩამოყალიბებული კლიშეების გარეშე.

არადა, ხმაწარმოქმნელი მდგომარეობის გარღვევა და ისტორიის დომინანტური ვერსიების ჩვენი პერსპექტივიდან რევიზია ძალიან მნიშვნელოვანი იქნებოდა, პირველ რიგში პოლიტიკური თვალსაზრისით. იმ სივრცეში, რომელსაც რუსეთის იმპერიულ პროექტთან ჰქონდა და აქვს კავშირი, უამრავი ადამიანის, თაობის, სოციალური, ეთნიკური, რელიგიური ჯგუფის ისტორიაა დაღდასმული დომინაციით, ოკუპაციით და კოლონიზაციით. სხვადასხვა სოციალურმა ჯგუფმა ეს დომინაცია განსხვავებულად გამოცადა - ისინი ეწინააღმდეგებოდნენ, ადაპტირდებოდნენ, ან, პირიქით, მხარს უჭერდნენ და თანამონაწილეობდნენ მასში.

ეს უამრავი ისტორია ჯერ კიდევ მოსაყოლია, მთელი ეს კომპლექსურობა - აღსაწერი, ჩვენი მარგინალურობა - ან, თუ ვნებათ, „სუბალტერნული“ - გადასალახი. მაგრამ ამ საქმეს დიდი პერსპექტივა არ უჩანს. ამიტომაც წერას ტრივიალური ფრაზით შევწყვეტ - ისლა დაგვრჩენია, იმედი ვიქონიოთ, რომ მომავალი თაობები მაინც ისწავლიან გლობალური ისტორიის ენას. რადგან სხვანაირად - ამ ენის გარეშე - ისტორიაში ჩვენს „ხმას“ ალბათ ვერასოდეს მოვიპოვებთ.

სალომე ასათიანი

## უხელოთაი გაღანვლილ ქათვალთა საგოგლოთი გაღანვინების ხარჯის სახელმწიფო დაფარავს

საქართველოს პრემიერ-მინისტრის გიორგი კვიციანიშვილის დაავლებით საგარეო საქმეთა სამინისტრო უცხოეთში გარდაცვლილი მოქალაქეების გადმოსვენების დაფინანსების საკითხს მთავრობის სხდომაზე განხილვის გარეშე გადაწყვეტს და ყველა საქართველოს მოქალაქეს, რომელიც უცხოეთში გარდაიცვალა, მისი გადმოსვენების ხარჯებს სახელმწიფო დაფარავს.

ამ ინიციატივისთვის საქართველოს პრემიერ-მინისტრმა მინისტრს დიასპორის საკითხებში გელა დუმბაძეს მადლობა გადაუხადა.

„ბატონი გელა დუმბაძის ინიციატივა იყო და მინდა ეს ინიციატივა მოვიწინო, ძალიან ბევრი ჩვენი თანამემამულე საქართველოს მოქალაქე, როცა ისინი გარდაიცვლებიან უცხოეთში, მათი ახლობლები მოგვმართავენ, თუ ვინმემ მონახა ნაცნობი ან კონტაქტი მთავრობაში, ისინი ამა თუ იმ გზას ნახულობენ და შემდეგ ჩვენ ვინილაკოთ ხოლმე მთავრობის სხდომაზე გადმოსვენების საკითხს. ასევე პრობლემაა, რომ ბევრი ადამიანი ვინც ესა თუ ის არხი ვერ მონახა... სამწუხაროდ, არის შემთხვევები, როცა თვითონ არის ცხედარი მაცივარში.

მეგონია, რომ ეს ჩვენი სახელმწიფოს ღირსების საკითხია, ჩვენი თანამემამულეები გადმოსვენებით საქართველოში.

მთავრობის სხდომაზე გადმოსვენების საკითხის განხილვა არ არის საჭირო, ეს ავტომატურ პროცესად უნდა ვაქციოთ. მინდა დიდი მადლობა ვუთხრა გელა დუმბაძეს ამ ინიციატივისთვის და საგარეო საქმეთა სამინისტრომ მიხედოს ამ პროცედურას, მთავრობის სხდომაზე ამ საკითხს განხილვის გარეშე და ის თანამემამულე, ვინც მოგვმართავს, ვუზრუნველყოთ დაფინანსებით და დახმარებით, რათა ისინი გადმოსვენებულ იქნან საქართველოში.

დღესდღეობით ჩვენს მიერ მოკვლეული ინფორმაციით, არაერთი ჩვენი თანამოქალაქე არის გადმოსასვენებელი უცხოეთიდან, რომლებიც მაცივარში ინახებიან, არ მინდოდა ეს სიტყვა მეხმარა, მაგრამ ეს ჩვენი ღირსების საკითხია და მივხედოთ ამ ოჯახებს“, - განაცხადა კვიციანიშვილმა.

# პუტინის დედა

## ლუიზა კულაძე

- არ მინდა მთელმა მსოფლიომ გაიგოს, სად მდებარეობს ჩემი საცხოვრებელი ადგილი. ვიტყვი მხოლოდ იმას, რომ ეს მიწა ცნობილია ვაშლის ხეებით და კიდევ იმით, რომ აქედან ნახევარი საათის სავალზე დაიბადა საბჭოთა კავშირის ბელადი იოსებ სტალინი. მაგრამ ეს ადრე. მე არ ვიცნობდი არც მაგას და არც დედამისს. მე გვიან გავჩნდი.

ეს არაა ჩემი სამშობლო, მე დავიბადე სხვაგან, სხვა ქვეყანაში და სხვა ხალხში, მაგრამ განგებამ ისე ინება, რომ უკვე ათწლეულებია აქ ვცხოვრობ და იმ ენაზე ვსაუბრობ, რომელიც მშობლიური არ არის ჩემთვის, თუმცა მშობლიურზე უკეთ ვიცი ახლა. მაგრამ რად უნდა ენა ძროხას ან ქათამს? მე მათ ვესაუბრები საერთაშორისო ენაზე, რომელიც გასაგებია, როგორც ადამიანებისთვის, ასევე ცხოველთა ყველა სახეობისათვის.

თუკი ჩემს ბიოგრაფიას გადავხედავ, დარწმუნებით შემიძლია ვთქვა, რომ არასდროს დამკარგვია პირადად ჩემი პასუხისმგებლობის ქვეშ მყოფი რქოსანი ან ფრთოსანი. იყო შემთხვევები, როცა ძროხა გაეტყუებინათ სხვა სოფლიდან მოზავნილებს, მაგრამ ჩემი პირუტყვი - არასდროს. სხვისი ძროხები, სულო და გულო, მრავალჯერ მომიბრუნებია მშობლიურ სოფელში.

აქ არ არსებობს არც არც ერთი ცოცხალი და ჯანსაღი ცხოველი, რომელიც მე დამემალება. სოფელში იციან - თუკი რქოსანი სამანქანო ტრასაზე გადავიდა და გაქრა, მაშინვე მე უნდა მომიხმონ.

ამაყი ვარ, რადგან ჩემი ცხოვრების მანძილზე მიპოვნია ასობით ბოჩოლა, თხა, ქათამი და ღორი!

სწორედ მე დაუბრუნე სოფელს ორი წლით გაუჩინარებული კამეჩი და ისიც მე ვიყავი, ვინც ხრამში გადამხტარ ციკანს მიაგნო, მე ვიპოვე მელის ლეკვები და მე აღმოვაჩინე ჯეირანის ნაკვალევი, რომლის შესახებ დღემდე ამბობს ზოგიერთი უნამუსო პიროვნება, რომ ეს დათვიც ნაკვალევი იყო. ამ დროს, სად დათვი, სად ჯეირანი!

რატომ ვინსენებ ამ ყველაფერს? იმიტომ რომ მოგანიშნო: ყველა და ყველაფერი მიპოვნია შენს გარდა!

უკვე აღარც მასსოვს, რამდენჯერ ვცადე შენთან დაკავშირება, სად აღარ ვიყავი, ვის აღარ ვთხოვე შეგლა, მაგრამ მაინც ვერ მოაღწია შენამდე ჩემმა გზავნილმა.

### შესავლის მაგიერ

საქართველოში ბევრმა იცის, რომ ქვეყნის შუაგულში, კასპთან, იმ ქალაქს შორის, სადაც ოდესღაც სტალინი დაიბადა და სადაც 2008 წლის რუსეთ-საქართველოს ომის შემდეგ, სამხრეთ-ოსეთის არაღიარებული, უფრო სწორად, მხოლოდ რუსეთის მიერ აღიარებული და რეალურად კი ოკუპირებული „სახელმწიფო“ გაჩნდა, მოხუცი ქალბატონი, ვერა პუტინა ცხოვრობს. ეს ქალბატონი უკვე წლებია ერთსა და იმავეს იმეორებს, რომ ის რუსეთის პრეზიდენტის, ვლადიმერ პუტინის დედაა და უცნაურ, პარადოქსალურად დამაჯერებელ ამბებს ჰყვება რუსეთის ამჟამინდელი მმართველის ბავშვობის შესახებ.

კასპის რაიონში რომ ჩახვიდეთ და პირდაპირ ჰკითხოთ შემხვედრებს, პუტინის დედა სად ცხოვრობსო, არც დაიბნევიან, ხელად მიგასწავლიან მის საცხოვრებელს: „პუტინის დედა? აგერ ცხოვრობს, სოფელ მეტეხში“.

რამდენიმე წლის წინ მის შესახებ დოკუმენტური ფილმი გადაიღეს, თუმცა მისი ნაამბობის ნამდვილობა არც არავის დაუდასტურებია და არც არავის უარყვია. ერთი კია, არცთუ დიდი ხნის წინ რომელიღაც ქართულ გაზეთში ამოვიკითხე, რომ ქართველ ექსპერტებს ამერიკელთა დახმარებით ჩაუტარებიათ ამ ქალბატონისა და ვლადიმერ პუტინის თმის DNA-ის ანალიზი (თურმე, ამერიკელებს მოუპოვებიათ პუტინის თმის ღერი) და ამ ექსპერიმენტის შედეგად ერთხელ და სამუდამოდ დადასტურებულა მისი დელობა.

ვერ გეტყვით, რამდენად სარწმუნოა ეს ცნობა, მაგრამ თავისთავად იმის გამოძიებაც საინტერესო იქნებოდა, როგორ და რა ვითარებაში მოხდა პუტინისთვის თმის ჩამოწიწკვანა (თან ისე, რომ მას ვერ გაეგო)? ბუნებრივად ხომ არ დასცვივდა? შესაძლებელია, რომ მისი რომელიმე კოლეგა-პრეზიდენტი წაპოტინებოდა?

ასეა თუ ისე, ეს ამბავი ცალკე გამოძიებას საჭიროებს, ჩემი პიესა კი არა იმდენად კონკრეტულ დედაზე, რამდენადაც მოხუც პენსიონერ ქალზეა, რომელიც, ერთი მხრივ, სამართლიანად ჩივის თავისი სიღატაკისა და დაუცველობის გამო, მეორე მხრივ კი - და სწორედ ამ მიზეზთა გათვალისწინებით! - თუკი ვინმე ეიმედება, ეს მხოლოდ პუტინია; პუტინი, რომელიც წარსულის დაბრუნებას, საბჭოთა კავშირის აღდგენასა და მისი უიღბლობისა და შიშის მთავარი მიზეზის, დასავლეთით მცხოვრები ძველი, ძლიერი და უჩინარი მტრის საბოლოო განადგურებას ჰპირდება.

უკრაინის კრიზისის დროს, პრეზიდენტმა პუტინმა თავად აღიარა, რომ მისი ჯარისკაცები (ციტატა) „ქალებისა და ბავშვების ზურგს უკან იდგებიან“, და მართლაც - ბევრმა ნახა ის კადრები, როცა პუტინის ბეტეერებსა თუ სამხედროებს ფაქტობრივად წინ მიუძღოდნენ უსამართლოდ დაჩაგრული, მაგრამ აწ გამაოგნებლად გასასტიკებული და შურისმაძიებელი ბებიები.

პუტინის დასაყრდენი ახლა შეშინებული, მიტოვებული და მძვინვარე პენსიონერებია. დესპოტების უკან ხომ ყოველთვის ეს უმრავლესობა დგას.

პირველად თხუთმეტი წლის წინ გნახე ტელევიზორში და ხელად გიცანი - კედელ-კედელ რომ მოუყვებოდი გრძივ დარბაზს... მეთქი, ესაა ჩემი შვილი, ეს ბიჭი დავკარევი წლების წინ! სახეც შენია, მიხვრამოხვრაც, ფეხის გადმაც - ოდნავ დაქანებულიად მარჯვენისკენ და უდავოდ სიმაღლეც, რადგან ეს თავიდანვე ნათელი იყო, რომ მეტად არც გაიზრდებოდი. ძილშიც გნახე და ასე მითხარი: „დედა, დამაწინაურეს, არდადეგებზე ჩამოვალ“.

დედის გულს რას მოატყუებ!

დიდი სიზმრების მხედველ-მოძეველი არასდროს ყყოფილვარ, მაგრამ 1987 წლის 16 მარტს ცხადად დამესიზმრა ქარელის

რაიონში დაკარგული ბოჩოლა. და სადაც დამესიზმრა, მეორე დღეს სწორედ იქ ნახეს ჩემმა თანასოფლელებმა. ეს შემთხვევაც მსგავსია.

ოთხჯერ მყავხარ ნანახი მრავალრიცხოვან საზოგადოებრიობასთან ლაპარაკის დროს: ვიძინებდი და ვიღვიძებდი, შენ კი ისევ ტელევიზორში იჯექი და მოსახლეობას ესაუბრებოდი. ხოდა, მეთქი, ამაშიც მე მგავს, გაჩერება არ იცის, თავს არ დაიზოგავს, იქმდე მოწველის პირუტყვს, სანამ ბოლო წვეთს არ გამოადენს. პირადად მე ძროხის დამწუტავს მიწოდებდნენ სოფელში და შენც ასეთი ხარ: ცხოველს მანამდე არ გაეცლები, სანამ პირწმინდად არ დაუც-



ლი ბუბუებს. მე დამემგვანე, რას იზამ. დედის ბუნებაც იმგვარია, რომ როგორც ღობეებიც არ უნდა ამოუშენონ და რამხელა მავთულხლართებიც არ უნდა გაუბან, შვილისკენ გასაღწევ დარს მინც მონახავს და თუნდ სიკვდილის ფასად, მინც მიაწვდენს თავის ზმას.

ახლა ისეთი სურათია, რომ შენმა სამხედროებმა - თუმცა ჩემი და შენი რამ გაჰყო, - ჩვენი სოფლიდან რამდენიმე კილომეტრში მავთულხლართებით შემოღობეს მიწა. ამ წუთებშიც კი, როცა მე ჩემს ვაჟთან ვცდილობ საუბარს, დიდი მონდობით მიდის მავთულხლართების ბმა და სასახლვრო ნიშნების დარგობა: „სახელმწიფო საზღვარი“.

საზღვრები კი, უნდა მოგახსენო, გადის კერძო ბაღებში, სახლებში, საძოვრებზე, სახნავ-სათესებზე და სასაფლაოებზე. არის შემთხვევები, რომ სამხედრო პიროვნებების მიერ გაწეული სამუშაოების შემდეგ სახელი საზღვარს აქეთ რჩება, ჩემმა კი, ესე იგი, ტუაღეტი, საზღვრის იქით. მამსადაძამე, ძროხა აქეთ და ბოსელი იქით, მძოველი აქეთ და საძოვარი იქით.

ერთი პიროვნება საზღვარს აქეთ დარჩა თავისი მოხუცი ცოლითურთ, ხოლო მისი მშობლების საფლავეები მავთულხლართების გადაღმა. ხოდა, როცა სამხედროებს პირდაპირ დაუსვა საკითხი, ვაი თუ მოვკვდე, როგორ დამკრძალონ, ღობეში კუბოიანად ხომ არ გამამკრენენო, იმათ მიუგიათ - მოსკოვში უნდა წავიდნენ და იქ აიღონ შენი დამარხვის ცნობაო. მაგრამ ახლა უყურე, რა ხდება: სასაფლაო ყურისძირშია, გორაკზე, ხოლო მოსკოვამდე, სულ ცოტა, ერთი კვირა მინც უნდა ჩასვლას. ხუთ დღეში მკვდარი აყროლდება, ჭირისუფალი მოიქანცება, მაგრამ ისე ნუ იფიქრებ, თითქოს კანონიერების წინააღმდეგი ვიყო: მე რომ მკითხო, კარგმა ჭირისუფალმა არათუ ერთ, არამედ ორ და სამ კვირას უნდა გაუძლოს თავის მკვდარს. ამიტომ დიდად არ ვყვები იმ ხალხს, ვინც ამაზე ვიშვიშებს. როდის აქეთ გახდა საწუწუნო და სათაჯილო მოსკოვში ჩასვლა? ხალხი მიზეზს ეძებდა ჩემს ახალგაზრდობაში, იქ რომ წასულიყო და აჰა, ამაზე კარგი მიზეზი რაღა გინდა! აქაურებს მანდ ჩამოსასვლელ საშვებს აღარ აძლევენ, თორემ მკვდრის დასამარხს ვის დაუკავებენ. ჩააკრავ პასპორტში შენი მკვდრის ფოტოს და ყველა კარი გაგებდა მოსკოვში. ომს ერთი პატარა ცნობის გამო ხომ არ დაიწყებ!

ბევრიც ჯონჯოლის საკრეფად გადის ტყეში და დღე არ გავა, ვინმე რომ არ დაიჭირონ სამხედრო პიროვნებებმა. მაგრამ განა ტყუილად იჭერენ, - ტყუილად რა, ყჩაღები კი არ არიან, - საზღვრის დარღვევის გამო იჭერენ. ზოგჯერ იქ ჩნდება



საზღვარი, სადაც წინა დღეს არ ყოფილა და ეს ხალხიც ჩვეული გზით დადის ჯიუტად - ვითომ არ იციან, რომ ჯონჯოლის ტყე ერთი საათის უკან, ან, უფრო მეტი, წინა ღამეს შესულიყო სხვა ქვეყნის შემადგენლობაში. აბა, რა უნდა ამის გაგებას? ხედავ, ჯარისკაცი მოდის, ან კიდევ ვილისი, თუკი ჭკუა გაქვს, ხომ უნდა მიხვდე, რომ საზღვარი გადავიკეთია? პირადად მე, ერთხელ, განზრახ წავედი ჯონჯოლის საკრეფად სხენებულ ტყეში და ისე ვიარე გუმანით, რომ ერთხელ არ შემომრღვევია საზღვარი; იმდენი ჯონჯოლი დაეკრიფე, სად წამელო, აღარ ვიცოდი. მერე ამბობდნენ: იციან, ვისი დედაც ხარ და ამიტომ არ დაგიჭირეს. დედობა რა შუაშია? არ დამირღვევია და ამიტომაც არ დამიჭირეს-მეთქი. შენ რა იცი, საზღვარი სად გადიოდა, იქნებ დაარღვიე კიდევ და ვერც გაიგეო. მე არ ვიცოდი, მაგრამ რომ მცოდნოდა, არ დავარღვევდი და რახან არ დამიჭირეს, მამსადაძამე, არც დამირღვევია-

მეთქი. მაგრამ ჩემთვის კი ვფიქრობდი, იქნებ და მართლაც შენგან იცოდნენ, ვინც ვიყავი და ამიტომაც არ მომეკარენ-მეთქი. მე ხომ ვიცი, რომ შენ იცი, სად ვარ და რას ვშვრები. სადაც არ უნდა ვიყო, გულით და სულით ვვრძნობ, როგორ მიყურებ და მისმენ, ზრუნვით როგორ მითვალთვალე.

ისიც უნდა იცოდე, რომ ფულის გამო ხშირად ხდება ჯონჯოლის და ფიჩხის შესაგროვებლად გასულთა გატაცება. სამხედრო პიროვნება იტაცებს, როგორც საზღვრის დამრღვევს და მერე ფულს სთხოვენ ოჯახს. ოჯახს კი რა აქვს? ჯონჯოლია აქვს, ისიც დაუკრეფავი. ოღონდ ახლა ისე არ გამიგო, თითქოს სარჩოს შოვნის წინააღმდეგი ვიყო! ვითომ რატომ არ უნდა მოთხოვონ? აქ ჯონჯოლია ფული და ოქროს თუმნიანებს ხომ არ მოთხოვენ?

გული მხოლოდ იმაზე მომდის, რომ ამასაც შენ გაბრალებენ - გეგონება, შენ გინდოდეს ამათი ფიჩხი ან მოსკოვში

აღებული ამათი მკვდრის ცნობა. შენ საიდან უნდა იცოდე, აქ რა აღებ-მიცემობა ტრიალებს! შენ გაჭირვებულების მხარეს ხარ, შენ რა ჯანდაბად გინდა ამათ ღობეებში გაძვრენილი მკვდრები? შენ სამართლიანობა და სიყვარული გინდა, განა მე არ ვიცი! მაგრამ მართო მე როგორ გაქო ამდენ ჰექტარზე? ერთმა დედამ რა უნდა ილონოს! რძალი მაინც მყოლოდა შენგან, გვერდში შედგებოდა და სიტყვას შემაწევდა - სად ერთი ქალი და სად ორი ამხელა მსოფლიოს წინაშე! მაგრამ არ მყავს შენგან რძალი და არც ის ვიცი, ცოლად ვინ გყავს ამჟამად. ან თუ გყავს საერთოდ? გაცივლი? მოკვდა? ორი ცოლი გყავს? ერთი შინაური და ერთი საგარეო? ისეთებს ამბობენ, ყურებს არ ვუჯერებ. შეიძლება დედამ არ იცოდეს, ჰყავს თუ არა თავის ღვიძლ შვილს ცოლი? ან თუ არ ჰყავს, ვინ ჰყავს? შვილები გყავს? რამდენი გყავს? ჩემს შვილიშვილებზე გეკითხები, უცხო ხალხზე ხომ არა! რა გაქვს დასამალი? ცოლი როგორ უნდა დაუმალო დედას - გინდა შინაური, გინდა საგარეო? შვილი რამდენი გყავს? აქეთ სახელები? მამაშენს პლატონი ერქვა, ქვია შენს შვილს პლატონი? არ გახსოვს მამაშენი? მე აღარ მახსოვს და შენ როგორ გემახსოვრება! აგრონომი იყო და ოთხ თვეში დამტოვა. მერე გავიცანი პიროვნება, რომელიც განაწილებით მუშაობდა ჩვენს ქალაქში და ცოლად გავყვევი. სწორედ მას ჩამოვეყვით ამ ქვეყანაში: შენ - შვიდი წლის ასაკში, მე - აბა, რა სათქმელია, არც მახსოვს. ათი წლის იყავი, როცა უკან გაგაბრუნე. ვერ შეეწვევი ამ პიროვნებას. ამათ რომ ბოძავ, სულ შენს მამინაცვალს აბრალებენ ესენი, ამ დროს, არ იყო ცუდი კაცი. ყოველ შემთხვევაში, ამათი დასაბოძები არაფერი უქნია. იყო უხეშობა, იყო პიროვნული შეუთავსებლობა, იყო ფიზიკური დატაკება - როგორც ჩემზე შენს თანდასწრებით, ასევე შენზე ჩემს თანდასწრებით და ჩემს დაუსწრებლად - მაგრამ ზღვარგადასული არასდროს არაფერი უკადრებია. რთული წლები გეწყებოდა: იყო უცხოობის შიში გარეგანად და შინაგანად სხვანაირი ხალხის მიმართ, იყო მოთითება შენზე, იყო კინკლაობა აქაურ თანატოლებთან და ამიტომ ვიფიქრე, იქნებ შენთვის უკეთესიც კი ყოფილიყო სისხლით მონათესავე ჩემს ბიძაშვილთან შენი გახიზნა. ხოდა მანდ წავავე, მაგ გზაზე შევეციდი! იმათ თავიანთი შვილი არ ჰყავდათ - შეშინდნენ, ვაითუ უკან მოგვთხოვოსო და კვალი არიეს, წერილები უკან მომიბრუნეს და სამუდამოდ დაგვაცილეს ერთმანეთს. ასეა, გინდ ბიძაშვილი იყოს და გინდ ღვიძალაშვილი, თუკი ბოროტი ჩაუსახლდა სულში, მით უმეტეს, უშვილოს, ყველაფერზეა წამსვლელი.

მერე იყო ჩვენების კოსმოსში გაფრენა,

ქვეყნის არე-დარევა, შიმშილობა და, აბა, სადღა და როგორ მომენახე! ვიდაცამ თქვა, მშობლები დალუპავა და უპატრონო ბავშვების აღსაზრდელს მიაბარესო. მანდ მეორედ მოკვდი. ნეტა სიმართლეა? თუ ასეა, რატომ არ დაბრუნდი? რატომ არ გადმოკვეთე ჯონჯოლის ტყე და მუხლებში არ ჩაუვარდი დედაშენს? ერთმა დამძლავრებულმა კაცმა როგორ შეგაშინა? ჩემი ბრალია? მე შეგაშინე?

როცა წლების წინ შენი ბრძანებით ბოძავდნენ აქაურობას, კერძოდ ჩემს სოფელში არც ერთი ბოძი არ ჩამოვარდნილა. ერთადერთი, ძროხას დაეჯახა თქვენების ტანკი ტრასაზე. ხოდა აქაურები ამბობენ, რომ რახან აქ ვცხოვრობ, ამიტომაც არ გაეცი დაბოძვის ბრძანება. გენაცვალე, მართლა ამიტომ დაგვინდე? იცოდი, რომ დედაშენი აქ იჯდა? თუ მართლა ეგერა, გახსოვდეს, ათჯერ უფრო მეტად მეყვარები, ვიდრე აქამდე მიყვარდი. მე შენი არ მეშინია! გიჟი კი არა ვარ, შვილის მეშინოდეს! განა მე არ ვიცი, როგორი გული გაქვს, ჭკუა რომ ჰქონოდა შენს ცოლს, საგარეოს, შენგან წავიდოდა სახლიდან? ყოჩად იმ სახლის ცოლს, თუ მართლა სახლში ზის და გარეთ არ გამოდის, რადგან ვისაც შენ უყვარხარ, ის ოთხ კედელში მჯდომიც ბედნიერი იქნება. რად უნდა მოუნდეს გარეთ გასვლა? ამიტომ აქ კი ვამბობდი, თუკი გინდათ, რომ ბოძი არ მოგხედეთ, სანთელი ღვთისმშობელს დაუნთეთ-მეთქი, მაგრამ გულში მეც ვიციდი, რომ სოფელში, სადაც დედაშენთან ერთად ჩამოხვედი, ერთ ბოძსაც არ ჩამოაგდებდი.

მაგრამ მაინც მინდოდა, რომ სანთელი დაენთოთ! და განა მხოლოდ თავმდაბლობის გამო, შეიძლება თავმდაბლობაც იყო, კი, მაგრამ მთავარი მიზეზი მაინც ისაა, რომ ამათ ღმერთი დაივიწყეს, ის კი, მე ასე მესმის, თუკი ვინმეს ახსოვს ახლა, მართო შენ! სწორედ შენ იცავ ჭეშმარიტ რწმენას გარყვნილებისა და გადაშენებისგან და ამდენი უწმინდურიც ამიტომ გესევა. თორემ რა ჯანდაბად გინდა ეს ორი მტკაველი მიწა, ამხელა სუფთა ჯაშუშობის დარაზმვა და ზევით ხსენებული ერთი გაუბედურებული ჯონჯოლის ტყე!

მართალი გული გაქვს და ერთ მეტრ მიწას არ უთმობ უღმერთოთა მსყდრობას. ჯერ კიდევ როდის მინდოდა შენი საზოგადოებრივი გამოსვლის დროს ჩართვა ტელევიზორებში და მთელ ქვეყანაზე გამოცხადება: ეს არაა დავა ერთი ან ორი ჰექტარისთვის, ესაა ბრძოლა ჩვენი სულების გადარჩენისთვის! რას მიქვია ერთი-ორი კაცის სიკვდილი, ან, გნებავთ, ხალხთა ჯგუფების, როცა არის შესაძლებლობა, რომ მილიონობით სული დაილუპოს? ხომ მოგეწონებოდა ასე თქმა? ხომ გეცნობოდა დედაშენი? მაგრამ, აბა, უბრალო ხალხს რას

შეაგებინებ, სუსტები ვართ ადამიანები, ვერ ვხვდებით, ჩვენთვის რა სჯობია! აბა, როგორ დააჯერებ ვიდაც არასათანადოდ მოაზროვნე პიროვნებას, რომ მისთვის ის უფრო აჯობებს ჭეშმარიტი რწმენისთვის მოკვდეს, ვიდრე კაციობრიობის მტრებმა დაისაკუთრონ მისი მიწა-წყალი! რა ჯობია: ურწმუნოდ სიცოცხლე თუ რწმენით სიკვდილი? ჩემთვის ასე დგას საკითხი. გაიგოს მთელმა მსოფლიომ.

ამ დროს, აქ იყო რამდენიმე პიროვნება, იგივე შენი ნახევარძმა და მისი ცოლი - გული მიკვდება, ამათ რომ პირადად არ იცნობ, - ვინც პირდაპირ მეუბნებოდა იმ ომის მერე: რომ გცოდნოდა ასეთი გაიზრდებოდა და ბოძებს დაგვყვრიდა, მაინც აცოცხლებდი, არ მოიშლიდი მუცელს, ან თუ მუცელს ვერა, ბავშვობაში მაინც არ მოგუდავდიო? ეს რა სათქმელია? ჯერ ერთი, დედამ საიდან უნდა იცოდეს, შვილისგან რა გამოვა და მეორეც, რომც იცოდეს, რაც გამოვა, მოსაკლავად როგორ გაიმეტებს?! ჭკუიდან შემცდარი თუ არ ხარ, შვილს როგორ დალუპავ? შვილმა როგორ უნდა შეგაშინოს!

მაგრამ იყო ასეთი ლაპარაკი, კი, დამერთხალი იყო ზოგი და ჩემთვის მიუღებელ შეკითხვებს მისვამდა: მაგალითად, მკითხავს ან წმინდანის ცხოვრებით ნაღვალ მღვდელმონაზონს რომ ეთქვა, ეს შენი შვილი ურიცხვ უგუნურ სულწაწყმედილს, თუმცა მაინც მოკვდავს გაისტუმრებს იმ ქვეყნად, რას იზამდი - არ აჯობებდა, რომ ასეთი არც გაზრდილიყო? არ მოკვლავდი შენი ხელითო? გესმის? სატანად მიაჩნდი ზოგიერთს. მაგრამ ვერ დაძრახავდი, ვერ ხედებოდნენ, რამხელა ომი წამოგეწყო მათივე გადარჩენისთვის. მე არც მაშინ მერიდებოდა ამის თქმა და არც ახლა მერიდება, პირდაპირ ვამბობ: არათუ სატანა, არამედ პირიქით, ღმერთის ღონეზე ხარ ჩემთვის! და არა იმიტომ, რომ ღვიძლი შვილი ხარ, მით უფრო, ასეთი სახელოვანი, დაწინაურებული, ყველაფრისმხედველი და შორსმჭვრეტელი, - შენ ჩემნაირი მშრომელუბის ღმერთად მიმანჩინარ, არავის რომ არ შეარჩენ ჩვენნაირების დაჩაგვრას და მკაცრ პასუხს მოთხოვ ყველას, ვინც ჩვენ ასეთ დღეში ჩაგვყარა - მთელი ცხოვრება რომ ეშრომობოდა, წლებზე ფეხს ვიდგამდით, დამეებს ვათენებდით და ორი კაპიკი პენსიის იმედად რომ დაგვყვარეს სიკვდილის პირას! ოღონდ იმ პენსიებსაც რომ არ გვაღირსებდნენ და შიმშილით რომ გვძვრებოდა სული; წამალი რადაა, წამლის ფული რომ არ მქონდა და არც ერთი კბილი რომ არ შემრჩა პირში. აგერ, შეხედე!

შენ უნდა იძიო შური ყველა დაჩაგურების, ყველა საცოდავის და ყველა დაავადებულის გამო - განა მართო პენსიონერებისას ვამბობ! ყველა საათობით რიგ-





ში მდგომთა გამოც - ერთი ცალი შავი პურის გამო რომ ვასწორებდით დღესა და ღამეს!

შენ ხარ ღმერთი და მოსარჩლე ყველა იმ საწყალთა, ვინც წლებით აგროვებდა ფულს შექნახველ სალაროში და შენაბრებმა, მებაჟებმა, ბანკის ხალხმა, ეშმაკებმა და ბელზებულის ნაშიერმა უსსენებლებმა შეუჭამეს ერთ დღეს! შენ უნდა იდიო შური იმათ გამო, ვინც ოთხზვის და ხუთ-გზის ყოფილა შრომის გმირი და ახლა ტრანსპორტში ასასვლელ შეღავათიან ბილეთს ამადლიან! ამ დროს, რად მინდა ამათი ტრანსპორტი! რა, ტროლეიბუსით უნდა ვიარო ჯონჯოლის ტყეში? თუ რომ ახვალ, ადგილს დაგიომობს ვინმე! ზიზღით გიყურებენ, ჯერაც ცოცხალი რატომ ხარო.

დასაჯე და მოსპე ეს უზრდელი და საჯდომ-წამოუწყველი ხალხი, სისხლის წვიმა მოუვლინე იმათ შვილებს და ცოლებს, ვინც ჩემი ობლიცაციებით შეიძინა გინდა უძრავი, გინდა მოძრავი ქონება, ვინც თავისი პირუტყვივით ნაზარდი ოჯახობა მოასუქა კუთვნილ ცოდვის ბუდედ ქვეულ რეგიონში და მე კი უკბილოდ დამტოვა ოთხმოცი წლის ასაკში. არც ერთი კბილი არა მაქვს, შეხედე!

შეიძლება დედაშენს არ ჰქონდეს კბილები?

დასეტყვე იმ ნადირალა გამგებლის სახელი, ვინც თავისი ქოფაკები გამოუშვა, რათა ჩვენი ბაზარი აეშალა ქალაქის შესასვლელში და სარდაფებში ჩაგვალპობინა გაუსაღებელი ხორცი, ყველი, ვაშლი და მსხალი. დასაკვლავ ბურვაკს რომ მიუგავს სახე - დასცხე მის თავზე ერთი ბომბასავით მეხი, ან კიდევ უკეთესი, - ამბობენ, ღვინის სმა უყვარს მაგ მუცელამოუყორავს, ხოდა ჩააყრევინე ჭიქაში თვალით უხილავე ასაფეთქებელი, ერთიანად რომ გაუგლიჯოს გაქონილი გულ-მუცელი, როგორც ყველა იმ უწმინდურს, ვინც წინ გადავიდდა თუნდაც შენი ქვეყნის საზღვრების გარეთ. ხომ გაქვს ისეთი ბომბი, ისეთი მჟავა, სითხეში

რომ ჩაწურო, გინდა წყალში, გინდა ღვინოში, გინდა ჩაიში - არც ვიცი, ჩაის თუ სვამს საერთოდ, - და სხვების საჩვენებლად, სხვების სამაგალითოდ გახეთქე!

ააფეთქე, დედა გენაცვალოს, დასაჯე ჩვენი შემებნიებელი და ღირსების ამყრელი, წელში გაგვასწორე, მუხლებზე წამოგვაცენე, ჩვენს უკან დადექი და ზურგი გაგვიმაგრე! გვაჩვენე ცოდვილი მუსვრა საზოგადოებასთან შენი საჯარო შეხვედრის მსვლელობების ჟამს, რათა ცქერით მაინც ვიჯეროთ გული, გაეცი ბრძანება შეგვიშვან ბაზარში, იყიდონ ჯონჯოლი, ყველი, ვაშლი და მსხალი - ათობით დაკარგული ძროხა მყავს სახლში მოყვანილი! ბრძანე, კბილები ჩამისვან, იმის მეთაფი მაინც მომიცენ, რასაც წლები ვლებდი იგივე შენთვის, იგივე შენი საწყალი ნახევარძმებისთვის იმ დაწყველილ შექნახველ სალაროში, - აგერ ჩემი სალაროს წიგნაკი, ყველაფერი აღნუსხული მაქვს!

დასაჯე ყველა, ვინც ამბობს, რომ შენ ხარ ყველაზე მდიდარი დედადიწაზე, რადგან მე ვიცი, შენ მდიდარი ხარ შენი სიბრძნით და ყოვლისმცოდნეობით და არა ქონებით, მაგრამ შენი გათხვრა უნდათ და ჩემი წამება: „აი, ვინ გეიმედება“, „აი, ვინ გაგიყენია“. ვინ გამიჩენია? საუკეთესო გავაჩინე, ოღონდ არ მიცნობს.

რისი უნდა მეშინოდეს? რა ვქნა? დღე და დამე ლოცვებში მოგმართავ, შენს სახელს ვიმეორებ! ერთხელ მაკოცნინე. როგორ მოვადწიო შენს მისაღებად? სამოცი წელია ჯონჯოლის ტყეს არ გავცდენივარ. გამოგზავნე შენი ანგელოზი, რათა ხელში ამიტაცოს და საბუთის გარეშე გადმომაფრინოს კავკასიონზე! არ გაქვს შესაბამისად აღჭურვილი თვითმფრინავი? ერთი ორმოცდახუთკილოგრამიანი ქალისთვის - რა მძიმე მე ვარ?

თურმე, ვისაც მოუნდება, შენს პასპორტს აიღებს და სადაც არ უნდა იყოს, სადაც არ უნდა ცხოვრობდეს, გინდ მთაზე, გინდ ბარში, სამარადჟამოდ შენი იქნება, და თუ-

კი ვინმე მოუნდომებს დაჩაგვრას, თუკი იმ ქოფაკების ხელით გადაუყრიან გასასაღებულ საქონელს, ამ კურთხეული პასპორტის მაღლით დაწვავს!

ეს პასპორტი შენი გულის საშვია, ამის ამღები შენი ნაწილი გახდება. თავზე დაგვაყარე ეს მადლიანი ქალაღლები, გადმოაფრინე შენი ვაჟაკები და ზევიდან ამახებინე ჩვენი სახელ-გვარები! ყველასი გეცოდინება, ყველას სახელს გეტყვი, ყველაფერი აღნუსხული მაქვს, ყველანი შენი ვართ. მე ვერ მივატან შენს მომდევნო საჯარო გამოსვლამდე, ლოდინი მომსპობს, მაგრამ ისე არ მინდა მოვკვდე, ერთხელ მაინც არ ჩაგხვდო თვალებში - სად იყურება შენი ცოლი, საგარეო თუ საშინაო, რა ფერი გადევს სახეზე! - ამდენ შენს მწვევლელს მე ერთმა როგორღა ვავაობო? არ მანახო შენი დასუსტება.

კარგად გძინავს?

ყველგან მტრები გყავს, ათი თვალი და ყური უნდა გამოიბა, არავინ იცის, ვინ საიდან გეცემა, სად ჩავისაფრდებიან. რომ გესროლონ? შენი აფეთქება რომ სცადონ? წყალში რომ ჩაგიგდონ უხილავე ყუმბარა? წყალი არ სვა. შენს სამდივნოს შემაერთე, მე უნდა ვიყო შენს გვერდით, თორემ წინ გადამფარებელი არ გეყოლება. შენკენ გამოსროლილ ტყვიას თავის სხეულს არავინ შეუშვერს. რამე რომ მოხდეს, ჩემი სისხლი დაგჭირდება - კიდევ ას წელიწადს გაცოცხლებს! ეს სისხლი უნდა გადაგისხან, მე არ მენანება, რადგან სისხლის მეტი ჯანსაღი აღარაფერი მაქვს. წარმოგზავნე შენი თანამეშვენი, მომხმნოს, წაიღოს ჩემი სისხლი და შენ მოგამარავოს. შენს ლოდინს შენთვის სიკვდილი ჯობია! მიმსახურე!

შემთხვევით არ მინდა, მოკვდე! შემთხვევითმა ბომბმა არ უნდა მომკლას!

შენგან უნდა იყოს პირადად ჩემთვის. და ესეც ჯანმრთელობის მიზეზით, აუცილებლობის გამო. რატომ უნდა მეშინოდეს შემთხვევით სიკვდილის? ამაში მაინც გამოგადგე. ნუ მსჯვი.

# ამერიკული ვესტირნის გურული გმირები

თბალოსა რა ქუთაისა  
სა ჰქონდათ ნანათა  
რა უღებ  
ნაუ-აოღებთა მოხვრენ



კინორეჟისორი და მკვლევარი ირაკლი მახარაძე ცნობილი წიგნების: „გურული მხედრები ამერიკაში“, „ერთხელ ამერიკაში - უცნობი გურული მხედრის ჩანაწერები“, „უაილდ ვესთის მხედრები“, „ერთი მუჭა ვესტერნის“ ავტორია. ამ წიგნებში წლობით ნაგროვები ფაქტებიც არის და ავტორის ემოციაც, უცხოელთა აზრიც და ჩვენი დამოკიდებულებაც. ყველაზე საინტერესო ის მომენტებია, რომ ირაკლი მახარაძემ მოახერხა, არც მოდას აპყლოდა, არც ვინმეს გაგვლენის ქვეშ მოქცეულიყო და ისეთივე გულწრფელობით ჰყვარებოდა ვესტერნი, როგორც ადრეულ სიყმაწვილეში, იმ შორეულ წარსულში ამერიკაში გადახვეწილი გურულებს, რომელთა შესახებ მასალები მისხალ-მისხალ უგროვებია. მერე, ისიც აღმოაჩინა, რომ თურმე ვესტერნის მთავარ ხიბლს - ტრიუკებს, ამერიკელები გურულებს უნდა უმაღლოდნენ...

ირაკლი მახარაძე: - ბავშვობიდან მაინტერესებდა ვესტერნი. ანაგის ქუჩაზე იყო კინოთეატრი „გაზაფხული“, დიდუბეში - „კოსმოსი“. იქ, ომის შემდეგ, გერმანიიდან შემოტანილ ე.წ. „ნადავლ“ ფილმებს, მათ შორის, ამერიკულ სურათებს უჩვენებდნენ, რომლებმაც ჩემზე დიდი შთაბეჭდილება მოახდინა.

ბავშვობაში, გურიაში მსმენია, გურულებმა გადარიეს მთელი ამერიკა, მაგრამ თვითონაც გადარიულები დარჩნენო. 10 წელიწადს ვიკვლევდი ამ ამბავს და ნელ-ნელა გავაცნობიერე, რომ არსებობდა ერთი საინტერესო კავშირი - აღმოვაჩინე, რომ თავად ამერიკელები წერენ: ყველაზე დიდი გავლენა კოვბოების ტექნიკის ჩამოყალიბებაზე რუსმა კაზაკებმა მოახდინესო. „რუს კაზაკებს“ სწორედ ამერიკაში ჩასულ გურულებს უწოდებდნენ...

სხვათა შორის, ვასული საუკუნის დასაწყისში ლუკმაპურის საშოვნელად შორეულ ამერიკაში ჩასულ გურულ მოჯირითეებსა და მუშათებს შორის ქალებიც იყვნენ. ამ მოჯირითე ქალბატონებს გურულ-აჭარულ-ლაზური ჩაქურა ემოსათ ტანთ. მოხერხებულმა და ლამაზმა სამოსმა ამერიკელთა ყურადღება მიიქცია და... სწორედ ჩაქურა დაელო საფუძვლად ამერიკულ ბრიჯებს.

- საინტერესო წერე შეიქმნა. თქვენ დანტერესდით ვესტერნით და იქამდე მიხვედით, რომ ამ ფილმებში ქართველებსაც ჰქონიათ წვლილი შეტანილი...

- მეტიც... ცნობილი მოუმენის ბაფალო ბილ ქოუდის საცირკო სანახაობამ - ველური დასავლეთის შოუმ, კოვბოის მთელ მსოფლიოში გაუთქვა სახელი, როგორც ახალი მიწების ამოვისებელს, თავისუფალ ადამიანს, უბადლო მსროლელსა და ინდიელებთან მეტროლს. ამ მშვენივრად დადგმულ სპექტაკლებში, რომლებიც ამერი-

კული შოუბიზნის საწყისად არის მიჩნეული, კოვბოები ბრძოლისა და დარცვის სცენებს აჩვენებდნენ, ატარებდნენ შეჯიბრებებს ჯირითში, ლერიეტეს ხმარებასა და მიხანში სროლაში. ამ შოუში მონაწილეობდნენ გურული მოჯირითეებიც. თომას ინსმა, ჰოლივუდის სტუდიური სისტემის ფუძემდებელმა, კონტრაქტი გაუფორმა ველური დასავლეთის შოუს და მის მონაწილე ცხენოსნებს ფილმებში იღებდა. ამიტომ ბევრი ფული აღარ სჭირდებოდა ვესტერნების შესაქმნელად. გადმოცემით ვიცი, გურული მხედრები ამბობდნენ, კინოშიც გვიღებენო. როგორც ჩანს, ვესტერნებში იღებდნენ.

- ეს სადმე ხომ უნდა იყოს დაფიქსირებული?

- რაკი სტატისტიკებს არასოდეს აფიქსირებდნენ, მათი გვარებიც ფილმის ტიტრებში ვერ მოხვდა. ისიც არის, რომ ქართველებმა გვარები გადაიკეთეს. სომხები გვარს არასოდეს იცვლიდნენ, ქართველები კი იოლად აკეთებდნენ ამას...

- თუ არსებობდა ცხენოსნობის ქართული სკოლა?

- არა, გლეხები ღარიბები იყვნენ, ამის საშუალება საიდან ექნებოდათ? ხშირად ცხენიც არ ჰყავდათ და დაბმულს თუ წააწყდებოდნენ, ახსნიდნენ და ჯირითობდნენ. იმიტომაც წავიდნენ საქართველოდან, რომ შეჭირვებულნი იყვნენ. თბილისი და ქუთაისი არ ჰქონდათ ნანახი და უცებ ნიუ-იორკში მოხვდნენ, ფული იშოვეს და თავიანთი პროფესიონალიზმით პატივისცემაც დაიმსახურეს. ისეც მომხდარა თურმე, მივრალი გურული ხმლით შევარდნილა კაფეში და დაულეწავს ყველაფერი...

- როგორ ფიქრობთ, რატომ არ შეიქმნა ქართული კინო, სადაც ჩვენი ტრადიციული ცხენოსნობის ილეთებს გამოვიყენებდით? აუცილებლად ამერიკაში უნდა ესარგებლათ გურულების ნიჭიერებით?

- ჩვენთანაც იყო ვესტერნის ზეგავლენით გადაღებული ფილმები, თუნდაც, ივანე პერესტიანის „წითელი ეშმაკუნები“. ამ ფილმის მიხედვით, შემდეგ, რეჟისორმა კეოსაიანმა „მოუხელთებელი შურისმაძიებლები“ გადაიღო, საბჭოეთში ძალზე პოპულარული ფილმი.

- საბჭოთა პერიოდში ჩაკეტილი იყო სივრცე და „წითელი ეშმაკუნებს“ ამერიკაში ვინ ნახავდა?

- მართალს ბრძანებთ... სხვათა შორის, 20-იან წლებში ვესტერნი ძალზე პოპულარული ჟანრი იყო ჩვენში, მაგრამ 30-იან წლებში აიკრძალა, ხალხის მეხსიერებაში კი დარჩა. მას მერე, ეს ჟანრი მსოფლიო კინემატოგრაფს მოედო. იმხანად დიდი პოპულარობა ჯაზმაც მოიპოვა, მაგრამ მოგვიანებით, საბჭოთა იდეოლოგიისთვის მიუღებელი აღმოჩნდა და სას-

ტიკად იდევნებოდა. კოვბოი, როგორც პერსონაჟი, ბორის ბარნეტმა - რუსმა რეჟისორმა განასახიერა ერთ-ერთ მუხჯ ფილმში. ყველა კინემატოგრაფისტი სწავლობდა ამ ჟანრს. საქართველოშიც გადაიღეს რამდენიმე კარგი ვესტერნი - „მაცი ხეტი“, „მიხანი“ და სხვ. მაგრამ ჩვენ ერთი სენი ვგვირს - ბაქაიობა. ყველას გვინდა, ტარკოვსკი, იოსელიანი, მიქელანჯელო ანტონიონი ვიყოთ. ყველას საავტორო ფილმების გადაღება გვინდა.

- არაკომერციული ფილმებს გული-სხმობთ?

- საერთოდ, რა არის არაკომერციული კინო?

- როცა ფილმი კინოს მოყვარულთა მხოლოდ მცირე ნაწილისთვისაა საინტერესო. მე ძალიან მიყვარს იოსელიანის „პასტორალი“, მაგრამ ბევრს არ აინტერესებს...

- მერე რა?! გვქონდეს „მაკდონალდსიც“ და დახვეწილი იტალიური რესტორანიც. საბჭოთა დროს საშუალება გვქონდა, ერთიც გადაგველო და მეორეც. ქართველი ხელოვნები ქედმაღლეები არიან. როცა ვესტერნზე ველაპარაკებოდი, ეს რა არისო? - მხრებს იჩეჩნდნენ. როგორ შეგიძლია თქვა, ეს რა არისო, როცა ჯონ ფორდი, კუროსავა მუშაობდნენ ამ ჟანრში. ამ მხრივ ძალიან საინტერესოა სემ ფექინფა, რეჟისორი, რომელსაც ჩვენთან არ იცნობენ და რომელმაც კინოში ძალიან სულ სხვაგვარად აჩვენა - კაცის მოკვლა სინამდვილეში იოლი საქმე ხომ არ არის, ისე, როგორც ფილმშია ხოლმე ნაჩვენები. რა უძღვის ამას წინ, ეს ხომ სამინელი გრძობაა. ერთი სიტყვით, ვესტერნს, რომელიც 105 წლისაა, დახვეწილი მაყურებლისთვისაც იღებდნენ. ბაფალო ბილი - ველური დასავლეთის შოუსთვის გურულების დამქირავებელი - ლამის ნაციონალური გმირია. მან გაუთქვა სახელი ამერიკელ კოვბოის, თორემ მანამდე ის უმდაბლესი ფენის წარმომადგენელი იყო.

- ისევე, როგორც საქართველოში კინოტოები და ყარაჩოხელები, არა?


- ასეც არის. ძველ თბილისზე ფილმები მაქვს გადაღებული. თავისი ხიბლი ჰქონდათ მათაც. რა იყო ცუდი იმაში, კინტო რომ ხილსა და ბოსტნეულს მოგართმევდა შინ? კინტოებს თავიანთი ამქარი ჰყავდათ, თავიანთი ცხოვრების წესი ჰქონდათ. ასევე იყვნენ ყარაჩოხელებიც.

- ქართველები მხოლოდ ყარაჩოხელობას ვიჩემებთ...

- მერე კარგია? კინოშიც ასე მოხდა, შიგნით ერთი დარჩა და გარეგნულად სხვას იჩემებენ. საშინელებაა.

ესაუბრა:

ლელა ჯიფაშვილი



# პაღამ, პაღამ, პარიზ!

ბეგრის მომსწრე ვარ მე...  
ტკივილის უფრო მეტად, მაგრამ მაინც სიყვარულს მეძახიან...

სახელს ვამართლებ, ჩემს ქებაში ისარშება ცუდიც და კარგიც...  
ტკივილებიც.

ინოვაციურიც ვარ... პირველი ვარ, ქუჩები რომ გავანათე დედამიწაზე.

რომის დასავლური კამპანიებიდან დაწყებული მიწიდან აღმართული თუ აღმოცენებული, ლუტეცია, ისევე რომის დაცემამ გამანადგურა, გერმანიკულმა შემოსევებმა ისევე ქვის ხანას დამაბრუნა...

არავის ეგონა, თუ აღვდგებოდი.

ოო, აღვსდექი, გავლამაზდი, თუმცა ჩემს ქუჩებში დღესაც ისმის გილიოტინის ექო; დამ-ღამობით, კონკორდის მოედანზე, ქარის სახით დაძრწის ლუი მეთექვსმეტისა და მაქსიმილიან რობესპიერის აჩრდილები, და თუ კარგად მოუსმენთ, მათი პირიდან ბოლოს და ბოლოს გამოცრილი პარდონ შეიძლება გაიგონოთ.

ვიცილი ჩემი ცოდვის სიმძიმეც... ამიტომ იყო, დედა ღვთისმშობელს ტადარს ორი საუკუნე ვუშენებდი - არკ-ბუტანტებით, გოთური არქიტექტურით, თუმც - მსუბუქსა და ნარნარს.

შეძელი ჩემი ქუჩების ისე მოკირწყვლა, რომ ქუჩიდან სასტუმროში დაბრუნება არასოდეს მოგდომებოდა; წარსულში სამოგზაუროდ ლუვრი შემოვიინახე; სალვადორ დალის, პიკასოს, ვან გოგის, მოდილიანის, მონეს შესაცნობად მონმარტზე გასეირნების სიხარული გაჩუქე...

ოო, შენს ესმერალდასთან ერთად მხოლოდ ხელჩაკიდებული უნდა მოიარო შანზ-ელიზე, ტრიუმფალურ თაღქვეშ სიყვარულის ფიცი უნდა უთხრა, მარინის

სკვერში დაუვიწყარი კოცნა აჩუქო და დაღლილებმა ეიფელის კოშკში ისადილოთ, რადგან ეს ერთადერთი ადგილია მთელს ილ-დე-ფრანსში, საიდანაც „ის“ არ ჩანს - ნამდვილი და ძველი პარიზელების ტკივილი.

ხო, პარიზს უხდება წითელი ბუშტი, ლამორისის თვალით დაგანახებს ნამდვილ პარიზს, ვიწრო თუ აივნიან კვარტლებს, დაუყვები მთვარიან ღამით და მარცვალ-მარცვალ გაისხენებ ყველა წინადადებას:

ლუდოვიკო მეთოთხმეტე დაიჩემებს - სახელმწიფო, ეს მე ვარ!

ანრი მეოთხეც არ ჩამორჩება

- პარიზი ღირს მესად!

მერე ფრანსუა პირველი გამოჩნდება

- ყველაფერი დაკარგულია, ღირსების გარდაო! - (ნეტავ ასე იყოს, ახლა?)

მარი-ანტუანეტა, იმპერატორის უმცროსი ქალიშვილი და არა მარტო

- თუ პური არ აქვთ, ფუნთოშმა ჰამონო!

მერე დაიღლები, საფუნთოშეს წინ ჩამოვდები და წამის მეათასედში აღმოაჩენ, რომ სრულიად შეიძლება შეგიყვარდეს პარიზი - უნახავად!

თუ გოგონა შეიძლება შეიყვარო უნახავად, პარიზმა რა დააშავა?!

\* \* \*

დღეს პარიზს ძაძები ჩაუცვამს - მსოფლიოს გამოსაფხიზლებელად უკვე მერამდენედ ივლიავს საკუთარ სხეულს - ამის მიუხედავად, მის ქუჩებში კვლავ სიყვარულის და სიკეთის ჩვენში დასაბადებლად მღერის ედიტ პიაფი - პაღამ, პაღამ, პაღამ... Il dit: Rappelle-toi tes amours Rappelle-toi puisque c'est ton tour...

მანუჩარ კახანიძე

# შენ ნამყოფი ხარ საფსანგეთში?

სათაურში დასმულ კითხვას პირველივე წინადადებაში უუპასუხებ: არანაირი მნიშვნელობა არ აქვს ნამყოფი ხარ თუ არა ტოპონომიურ ადგილას სახელად „საფრანგეთი“. არც მე ვარ ნამყოფი, მაგრამ იმდენი ფრანგული წიგნის შესანიშნავი ქართული თარგმანი წავიკითხე მოკლე პერიოდში, რომ ბოლოს უკვე დავიბენი.

- იქნებ ნამყოფიც ვარ? რატომაც არა?

მოკლედ, მინდა გაგიზიაროთ ის სიამოვნება, რომელიც ფრანგი ავტორების ქართულ ენაზე კითხვით მივიღე. ბეგრი ავტორი აღმოჩენა იყო ჩემთვის, უმეტესობა სასიამოვნო აღმოჩენა, რამდენიმე - ისე რა. ყველაზე მეტად კი ერთმა ფაქტორმა გამაოცა და მომჭრა თვალი - მომწონდა თუ არ მომწონდა, აბსოლუტურად ყველა ავტორი ერთმანეთისგან რადიკალურად განსხვავებული სტილით და სათქმელით გამოირჩეოდა. ჰო, ეს უკვე ნამდვილად დიდი ლიტერატურული ტრადიციების სიმპტომია, სხვანაირად შეუძლებელია ასეთი მრავალფეროვნება.



## კლიენტის ყოველთვის მართალია?

ყველა დროს ჰყავს თავისი ტოტემები და ღმერთები, დღევანდელი არის მისი უდიდებულესობა მომხმარებელი ადამიანი. ადამიანი, რომელიც შთანთქავს ხეებს და ქმნის რესტორნებს, შთანთქავს ცხოველებს და ქმნის სწრაფი კვების ობიექტებს, შთანთქავს განვითარებადი ქვეყნების არასრულწლოვნებს და ქმნის ფენსაცმელებს, რომლითაც მერე თავს იწონებს ხელოვნურსაფარიან სპორტულ მოედნებზე სირბილის დროს. მომხმარებელი ადამიანი არის სასტიკი და კაპრიზული, ის ვერ ეგუება თავისი მოთხოვნების შეუსრულებლობას და ვაი მათ, ვინც იქნება შემწეული დაუმორჩილებლობაში! განადგურდნენ, მოკვდნენ, დაიხვრიტონ, ატომური ბომბით აფეთქდნენ ადგილზე!

მამასადამე, ეპოქამ ორად გაგვყო მიუხედავად რელიგიური, ეთნიკური თუ სექსობრივი კუთვნილებისა - მომხმარებლებად და მომსახურებლებად. სახლვარი მათ შორის მუტად მყოფე და არამყარა, რადგან მომხმარებელი თავისთავად მომსახურეც შეიძლება იყოს და პირიქით. მეტიც - კაცობრიობის აბსოლუტური უმრავლესობა ორივენი ვართ, მომსახურეებიცა და მომხმარებლებიც, ოღონდ სხვადასხვა დროსა და სხვადასხვა ადგილას და როდესაც როლებს ვცვლით და ვირგებთ მომსახურის როლს, ერთი წესი ავტომატურად ყველას გვახსენდება, რომელიც მყარად გვიდევს თავში და რომელსაც არას დიდებით არ უნდა გადავუხვიოთ თუ არ გვინდა, რომ თამაშიდან გავვარდეთ საერთოდ - „კლიენტი ყოველთვის მართალია“!

ეს ვალკავთ მომხმარებელი საზოგადოების ქვაკუთხედი და ერთადერთი სიბრძნე, აბსოლუტური ჭკუშიარტება, რაზეც დგას ყველა განვითარებული თუ განვითარებადი საზოგადოება. ეს წესი განსაზღვრავს პოზიციას და გვითითებს ადგილს, საიდანაც უნდა აღვიქვათ სამყარო. იმის იქით უკვე დანაღმული ზონაა!

კლიენტი ყოველთვის მართალია, რადგან ის იხდის ფულს ანუ ის აძლევს სისტემას მარადიული თვითგანახლების საშუალებას, ის ასხამს საწვავს გიგანტურ მექანიზმში და ვაი მას, ვინც კლიენტის სიმართლეში ეჭვს შეიტანს - ეს ტაბუა, კრიტიკას, მსჯელობასა და განსჯას არ ექვემდებარება.

უნდა აღვნიშნო, რომ საქმე მეტწილად გავამარტივე და მარტივ მოცემულობებამდე დავიყვანე არსის გამოსახატად. სინამდვილეში, სისტემის გამართულად ფუნქციონირებისთვის უამრავი ჭანჭიკია საჭირო, უამრავი დეტალია გასათვალისწინებელი. ერთ-ერთი ასეთი ჭანჭიკი გახლავთ ბენჯამინ მალოსენი, დანიელ პენაკის ნა-

წარმოებების შესანიშნავი ციკლის „მალოსენების საგის“, მთავარი მოქმედი გმირი. ბენჯამინი უმნიშვნელოვანეს საქმეს აკეთებს და ამაში იღებს კიდევ მშვენიერ ანახლავურებას, უსამსახუროდ დარჩენის საფრთხეც არ ეშურება თან არასდროს - განტეგების ვაცია. მისი ფუნქციების უკეთ გასაგებად, შევიძლიათ წარმოიდგინოთ თქვენი თავი ხელფასის ალბიდან მეორე დღეს, სადმე ვთქვით ტექნიკის მაღაზიაში, სადაც ყიდულობთ გახეურას და გახარებული მოქმედით სახლში, რადგან გვინდათ რომ ის ძველი გახეურა, რომელიც სიმართლე რომ ვთქვით ვერ კიდევ მშვენივრად მუშაობდა, უკვე შესაცვლელია და კარგი ჰქენით რომ დროზე შეცვალოთ. სახლში მისულს ცოლი გეგებთ, გოცნით, ბავშვებს უხარიათ, მეზობელიც კი ხარობს მომხმარებელი ცხოვრების სასწაულს და ამ საერთო სახალხო სიხარულის უამს აღმოაჩნებთ, რომ თქვენი გახეურა არ მუშაობს, ქარხნული წუნი აქვს! საშინლად ბრაზდებით, იმავე წამს გინდათ მივარდეთ მაღაზიაში და დალწროთ ყველაფერი, ასეც აკეთებთ. თქვენი რისხვა მოუთოკავი და გულწრფელია, თან უსაფრთხო - რისხვა გამყარებულია ერთწლიანი საგარანტიო ფორცლის ნაგლეჯით, რომელიც ჯიბეში გეგულდება და ძალას ემატებთ. მირბიხართ მაღაზიაში და იწყებთ გინებას. თქვენ ხართ უკმაყოფილო კლიენტი, რომელიც მართალია. ვის უნდა ავინთ? თქვენ გინდათ პერსონიფიცირებული სიმბოლო, რომელიც ხელში მოგხვდებათ და უდრტინველად გაგრძობინებთ იმას, რომ თქვენი რისხვა წმინდაა და არავინ ხელის შემშლას არ აპირებს, რომელიც მართლა მიგახვედრებთ იმას, რომ სიმართლე თქვენს მხარესაა! ვუაღა - სცენაზე შემოდის ბენჯამინ მალოსენი, განტეგების ვაცი, რომელიც მორჩილად გიხრით თავს, ისმენს და იტანს თქვენს უხამს გინებებს, აღვარდვარებს ცრემლებს, თავს გაცოდებთ, გულს ვიღობთ და გარდა იმისა, რომ თქვენს სიმართლეს გაგრძობინებთ, ასევე გაგრძობინებთ იმასაც რომ ადამიანი ხართ! თქვენ ის გეცოდებთ, გული ვიღობებთ უხარმაზარი ოჯახის ერთადერთი პატრონისადმი, რომელსაც თქვენი რისხვის გამო სამსახურიდან გააგდებენ, სადაზღვევო ბარათს გაუუქმებენ და ა.შ. თქვენ ის იმდენად გეცოდებთ, რომ პრეტენზიებს არბილებთ და კომპრომისის ძიებას თავად იწყებთ. ესაა ბენჯამინის ფუნქცია.

წიგნში „ფერია კარაბინი“ (მთარგმნელი - ნატა ბალავაძე) დედოფალი ზაბო, რომელიც არის გამოძცემლობის მეპატრონი და დაქირავებული ჰყავს ბენჯამინი აღნიშნული ფუნქციის შესასრულებლად, ერთგან კარგად და თვალსაჩინოდ განუმარტავს მოვალეობებს: „თქვენ განტეგების ვაცი ხართ, ემშაკმა დალაზვროს, ეს

კარგად უნდა ჩაიბეჭდოთ თავში; თქვენ სისხლით ხორცამდე განტეგების ვაცი ხართ, ამაში არ გყავთ ბადალი, ისევე როგორც მე გამოძცემლობის საქმეში. ყოველთვის ყველას თვალში თქვენ იქნებით დამნაშავე და ყველაფრის მიუხედავად ყველაზე უკანასკნელ ნაძირალასაც კი თვალზე ცრემლს მოჰგვრით! მთავარია, თქვენს მოწოდებაში ეჭვი არასდროს შეგეპაროთ. ერთხელ მაინც თუ დაეჭვდებით, მაშინვე ჩაგქოლავენ“.

ბენჯამინ მალოსენი საოცარი ადამიანია. ის ცხოვრობს მომხმარებლური საზოგადოების სასტიკი და საშინელი წესებით და ჰყავს უამრავი ბავშვი (დღემისის შვილები სხვადასხვა კაცებისგან), რომელსაც თავად პატრონობს და რომლებსაც უყვება ათასნაირ ისტორიას. მისი მეორე მოვალეობა ისტორიების მოფიქრებაც გახლავთ - რეალობის დამახინჯება, შელამაზება და ბავშვებისთვის დაღვიპილი ჩინიასავით მიწოდება. ეს ხაზი ძალიან მკაფიოდ გახლავთ გამოკვეთილი და თხრობას ზღაპრის ელფერსაც სძენს და ერთი-ორად აღამაზებს. მთელი ეს ნაგავი, რომელიც გადაამუშავებს ბენჯამინ მალოსენი და რომელსაც მომხმარებლური საზოგადოების ყოველდღიური ყოფა ჰქვია, ბავშვებს მიეწოდება უვნებელი და ლამაზი სახით. ასე მაგალითად, იმავე წიგნში „ფერია კარაბინი“ პირველივე გვერდებზე ამბობს ადგილობრივი ბავშვი, რომ ნამდვილი ფერია ნახა, რომელმაც კაცი ყვავილად გადააქცია. და რას ფიქრობთ, რას გულისხმობდა ის? რა თქმა უნდა ტყვიისგან თავგაპობილ ადამიანს, აბა. აი ასე თანაცხოვრობენ რეალობები ერთმანეთის გვერდით ბავშვების ტვინში.

დანიელ პენაკის ნაწარმოებები „ფერია კარაბინი“ და „კაცობრიობის საბედნიეროდ“ (მთარგმნელი - მანანა ბოსტოლანაშვილი) არის ძალიან დინამიური საკითხავი გაჯერებული იუმორით, მათ შორის შავი იუმორითაც, დეტექტიური და მისტიური ელემენტებითა და საინტერესო, ჩამთრევი სიუჟეტებითა და დაუვიწყარი პერსონაჟებით. კარგი იქნება თუ აღნიშნული ციკლის თარგმნა გაგრძელდება და ქართველ მკითხველებს მალოსენების საგის სხვა ამბების წაკითხვის საშუალებაც მოგვეცემა მშობლიურ ენაზე, რადგან იქნებ რამდენიმე ჩვენგანი დაფიქრდეს, გაბელოს მკრეხელობა და იკითხოოს - კლიენტი ყოველთვის მართალია?

## აქა ამბავი სიყვარულისა

ფრანგებს რომ სიყვარულის საქმისა ყველაზე უკეთ ესმით და ამათ ინტენსიურად გამოხატავენ კინოსა თუ ლიტერატურაში, ხომ გსმენიათ ეს სტერეოტიპი? სწორედ ამ სტერეოტიპს გაგიმყარებთ

ანრი ალენ-ფურნიეს წიგნი „დიდი მოლნი“, რომელიც თარგმნა თამარ აბრამიშვილმა. რომ არ მოგატყუოთ, მე არ მიყვარს ასეთი ცალსახად სასიყვარულო საკითხავი და ეს წიგნი, ასევე რომ არ მოგატყუოთ, სწორედ ასეთია, თუმცა ბანალობასთან საერთო მას არაფერი აქვს, რადგან სიყვარულის ისტორია გახვეწილია ისეთ მძლავრ მისტიურ საბურველში, რომ ჩემიარ სკეპტიკოსსაც კი წააკითხა თავი ბოლომდე. ამ ჟანრის მიყვარულთათვის ფრანგული ილიტერატურის კლასიკად წოდებული ნაწარმოები ნამდვილი მისწრება იქნება და დარწმუნებული ვარ ბევრი მკითხველიც გამოუჩნდება წიგნს.

რამხელა გრძნობებს ეხება საქმე თავად მიხვდებით, როცა გაიგებთ ერთ-ერთი მთავარი პროტაგონისტის, ივონ დე გალეს შექმნის ამბავს: თურმე ნუ იტყვით და ვინმე ივონ მარი ელიზ ტუსენ დე კუვრეკურტს ამ ნაწარმოების ავტორი, ალენ-ფურნიე, 1905 წლის 1 ივნისს შეხვედრია და ძალიან ღრმად შეჰყვარებია. მამაკაცს არაფერი გამოსვლია ქალბატონთან და შემდეგ წელს, იგივე დღეს იმავე ადგილას ელოდებოდა თურმე, თუმცა ქალბატონი არ გამოჩენილა. გულდათუთულ ავტორს დაუჩივლია მეგობართან: „ის არ მოვიდა და რომც მოსულიყო, იგივე არ იქნებოდა“. რვა წელი ატარებდა ამ მწველ გრძნობას ანრი ალენ-ფურნიე და მხოლოდ ამ ხნის შემდეგ გადაწყვიტა ივონ დე კუვრეკურტს ხელმეორედ, რომელიც უკვე დაქორწინებულია და ორი შვილიც ჰყოლია. ეს ქალბატონი ივონ დე გალეს პროტოტიპად იქცა წიგნში, რომელიც ეხება დაკარგულ და ნაპოვნ, დიდ იდეალებს, რომელსაც დრო და ჟამი ვერას აკლებს. დარწმუნებული ვარ, რომ ამ წიგნს თუ 13-14 წლის გოგო-ბიჭები წაიკითხავენ და მოიწონებენ, მთელი ცხოვრება არ დაავიწყდებათ დიდი მოლნის პერსონაჟი და შეიძლება მათი ინსპირატორიც კი გახდეს ის. მე თუ მკითხავთ, სწორედ მათთვისაა პირველ რიგში რეკომენდებული „დიდი მოლნი“.

### პროგრესისტიზმი VS რემბრანტიზმი

1749 წელს დიჟონის აკადემიას კონკურსი გამოუცხადებია და საკონკურსოდ დაუსვამს კითხვა, რომელიც დღემდე აქტუალური და პასუხგაუცემელია: აუმჯობესებს თუ არა ადამიანს, მის ზნე-ჩვეულებებს მეცნიერებისა და ხელოვნების განვითარება? მეთვრამეტე საუკუნის შუაწელში პროგრესის გაგება ოცდამეერთე საუკუნის პროგრესთან რა მოსატანია, სასაცილოდაც შეიძლება მოგვეჩვენოს და სწორედ ამიტომ ეს კითხვა დღეს უფრო მწვავედ გაისმის ალბათ.

ელვის სისწრაფით ვვითარდებით და

ამ პროცესს არ უჩანს საზღვარი. პროგრესი არის შეუქცევადი სტიქია და ვერც ერთი ძალა მას წინ ვერ აღუდგება. ეს ყველაფერი კარგი, მაგრამ რისთვის? რატომ? რა მიზნებისთვის? იქნებ არ გვინდა? იქნებ გვეყოს? იქნებ საკმარისია? იქნებ პროგრესი ჩვენს ყველაზე ბნელ მხარეებს ავლენს და ამბავებს? იქნებ წინსვლა უფსკრულისკენ მიგვაქანებს? ხომ არ იქნება უმჯობესი ბუნებასთან, პირველყოფილ მდგომარეობასთან დაბრუნება? ასე მარტივად თუ დავყოთ საზოგადოებას „პროგრესისტებისა“ და „რეგრესისტების“ ბანაკებად, მე პირველ მათგანს მივაკუთვნებდი თავს ულაპარაკოდ, მაგრამ დიდი ფრანგი ფილოსოფოსის ნაშრომმა „მსჯელობა მეცნიერებისა და ხელოვნების შესახებ“, რომელმაც პირველი პრემია მოიპოვა დიჟონის აკადემიის გამოცხადებულ კონკურსში და რომელიც ქართულად თარგმნა დოლო ლაბუჩიძე-ხოვერიამ, საპირისპიროზეც დამაფიქრა. ცხადია, რუსოს სხვა მოცემულობები ჰქონდა ამ ნაშრომის დაწერისას და კაცმა არ იცის დღეს რა პასუხს გასცემდა აღნიშნულ კითხვას, მაგრამ ჩემი გადმოსახედიდან მას უპირობოდ ჩავწერდი „რეგრესისტების“ ბანაკში. ცუდად ჟღერს ეს სიტყვა და მოაქვს სიბნელისა და უინტელექტობის, ჩაკეტილობისა და ფობიების სურათ-ხატები და რა თქმა უნდა ამ ყველაფერს ჟან ჟაკ რუსოს ძე ხორციელი ვერ მიაწერს, თუმცა მაინც - ბუნებასთან დაბრუნების პროცესის რომანტიზება სწორედ რეგრესისტების ბანაკის სავიზიტო ბარათია. აქვე ისიც უნდა აღვნიშნო, რომ „ბუნებასთან დაბრუნების“ გააზრება 21-ე საუკუნეში სხვა და 18-ში სხვა იყო. ეს იმითმდებოდა დავამატე, რომ ისე არ იფიქროს მკითხველმა, თითქოს ხეების გაჩეხვა და ქარხნების შენება გულს მიხარებდეს. რუსოს მსჯელობა მეცნიერებისა და ხელოვნების შესახებ ამ თემებზე ბევრ საინტერესო მოსაზრებას აღვიძრავთ.

### სახინჩრების ბრძოლა სიცოცხლისათვის

მარკ დიუგენის ნაწარმოები „ოფიცერთა პალატა“, რომელიც თარგმნა ცისანა ბიბილეიშვილმა, ომის შესახებ დაწერილ ნაწარმოებებში, რაც კი წამიკითხავს, ერთ-ერთ გამოჩენილ ადგილს დაიკავებს. წიგნი იწყება თავაწყვეტილი ვნებით და ომში წასასვლელად გამზადებული ახალგაზრდა კაცის შემთხვევითი სექსით უცნობ ქალბატონთან, რომელიც სატრფოს მიაცილებდა იმავე ომში (ღმერთო, რა საოცრად ფრანგული ეპიზოდია!) და მთავრდება ბევრი წლის შემდეგ ამ ქალთან ისევ შეხვედრით და დიდი იმედგაცრუებით.

საერთოდ, ძალიან მიყვარს როცა რაკურსი მეორეხარისხოვან ადგილებსაა მიპყრო-

ბილი ხოლმე, როდესაც ისტორიას მეორეხარისხოვანი გმირები გიყვებიან, როცა მოქმედება უმნიშვნელო დეტალების ირგვლივ კონცენტრირდება და ა.შ. მსოფლიოში პირველი მსოფლიო ომი ბოტოქრობს, ქვეყანა თავდაყირა დგება და ამ დროს მკითხველი ომის პირველივე დღეებში დაჭრილი და დასახინჩრებული ხალხის პალატებში ცხოვრებას აღვებნებს თვალ-ყურს. რა დროს პალატაა, ომი გვაჩვენეთ, რა ხდება მიღმა, გვანახეთ თუ შეიძლება - აღმოხდება ცნობისმოყვარე მკითხველს, მაგრამ მარკ დიუგენი მის გემოვნებას ამ წიგნში არ დაეკმაყოფილებს. ავტორი პირველ მსოფლიო ომს სახინჩრების პალატის მაგივრითვე გავჩვენებს და მე თუ მკითხავთ, ეს საოცრად ეფექტური, შეიძლება ითქვას იდეალური რაკურსიც კია ომის საჩვენებლად მთელი მისი დიდებულებით. ვის რად უნდა ბატალიების სკურპულოზური აღწერისთვის გაზარჯული ფურცლები, პოლივიუდის მაღლი შეგვეწვიოს.

ოფიცრები იზოლაციაში არიან, ზოგიერთი მათგანი იმდენად დამახინჯებულია, რომ სახის დაფარვაც კი უწევს ხალხში გამოჩენისას და არც ჩნდებიან მეტწილად - დემორალიზაციას გამოიწვევს მსგავსად დასახინჩრებული ოფიცრების ხილვა, თუმცა ნელ-ნელა მაინც ბედავენ და არ ვიცი რატომ, მაგრამ მეძავებთან წასვლის სცენამ მე პირადად კენ კიხის ცნობილი ნაწარმოებიდან საგიჟეთიდან გაპარვის სცენა მომაგონა სულისკვეთებით.

ძალიან კარგია, რომ ავტორმა მოახერხა ადამიანი დაეყენებინა ცენტრში და არა - ომი. წიგნში მეორე მსოფლიო ომსაც ვილევთ, სულ ორიოდ გვერდში. ომები აქ მეორეხარისხოვანია. პირველხარისხოვანია ადამიანები და მათი დაუოკებელი მცდელობები სიცოცხლესთან კვლავ დაბრუნების, სიცოცხლესთან შეთავსების, სიცოცხლის გაგრძელების.

### როგორ არ უნდა გვეზინოდეს აუტიზმის ბავშვების

გასული წლის სექტემბერში თბილისის ერთ-ერთ სკოლაში მომხდარმა საზარელომ ფაქტმა მთელი ქალაქის და არამარტო ქალაქის მოსახლეობის აღშფოთება გამოიწვია, თუმცა მე თუ მკითხავთ ეს აღშფოთება მეტწილად ფარისევლური იყო და თუ რატომ, ამას აქვე განვმარტავ.

საქმე შეზღუდული შესაძლებლობების მქონე ბავშვების სასკოლო დაწესებულებებისთვის კარების შეღებების ფაქტს ეხებოდა იმ მოტივით, რომ „ნორმალური“ ბავშვების მშობლები მათი დანახვით წუხდებოდნენ და არ უნდოდათ შეილებს ეს „სიმანინჯე“ ენახათ ყოველდღიურად. როგორი უგულობაა, არა? მე თუ მკითხავთ,



ბუნებრივია ჩვენი საზოგადოებისთვის მსგავსი რეაქცია. აი მაგალითად, არ დაკვირვებინხართ გოგონას სადმე სუფრაზე, რომელიც თავგამოდებით იცავს მანდილის სიწმინდეს? არადა ამ გოგონასთან ერთად გუშინ ან სულაც გუშინწინ უკანასკნელ გარყვნილებაში ხართ გადაკარგული. უყურებთ და გიკვირთ, რატომ აკეთებს ამას? საქმე იმაშია, რომ ეს ბუნებრივი რეაქციაა - ნაკლული საზოგადოება (ნაკლული ადამიანიც. აქვე დავაზუსტებ, რომ ამ გოგონას ქცევა ფარისევლობის მაგალითადაა მოყვანილი და არა იმის, რომ თავისუფალი სექსი აპრიორი ნაკლია) გამაღებელი ცდილობს უნაკლოდ წარმოჩენას. მუდამ აკეთებს აქცენტს იმაზე, რომ მას არ ჰყავს მახინჯი, შეზღუდული შესაძლებლობის მქონე, უუნარო და ა.შ. მუდამ აპელირებს, რომ ის იდეალურია, ის უნაკლოა და ამ აპელირების სიხშირე პირდაპირპროპორციულია მისი ნაკლისა. ჩვენს საზოგადოებაში ბევრი პრობლემა გაქვს, ბევრ რამეს საერთოდაც ახლა ვსწავლობთ და პირველად ვეჩვენებით და რა გასაკვირია, რომ „იდეალურობაზე“ გვექნდეს პრეტენზია. ხომ გახსოვთ - რაც უფრო ნაკლული ხარ, მით უფრო მეტი პრეტენზია გაქვს იდეალურობაზე.

ასე იყო ეს ამბავიც. დაისმევა კითხვა: როგორ გადავჭრათ პრობლემა? კითხვას ბანალური პასუხიც გაუცემა - განათლებით. საყოველთაო განათლებით - პაციენტების, მათი მშობლების, მათი მშობლების მშობლების, მათი მეგობრების და თავად ექიმებისაც, რომლებიც არანაკლებს სცოდავენ რიგი პაციენტების სტიგმატიზების საკითხებში. განათლება უნდა იყოს ტოტალური და ხელმისაწვდომი და ამ დიდ ზღვაში ერთი პატარა წვეთია, მაგრამ მნიშვნელოვანი წვეთი, ოღვა შავერნესა და მარკ ბელასენის წიგნის „აუტისტი ბავშვი“ ქართულად თარგმნა ნინო ზარდიაშვილის, მარინე ტარასაშვილისა და ირინა თავბერიძის მიერ. ეს გახლავთ სახელმძღვანელო მშობლებისათვის და მოცემულია თითქმის ყველა მნიშვნელოვანი ასპექტი მარტივ და გასაგებ ენაზე თუ როგორ უნდა მოეუაროთ აუტისტი ბავშვებს, როგორ უნდა მოვეპყრათ და რაც მთავარია - როგორ არ უნდა გვეშინოდეს მათი!

დღევანდელი მედიცინის სიკეთეები დეტალურად ჩაფლული. „განუკურნებელი დაავადება“ - ეს ტერმინი იმ გაგებით, რა გაგებაც ახლა შეიძლება ტვინში მოგივიდეთ, აღარ არსებობს. მედიცინამ მოახერხა და დაშალა მარტივ ნაწილაკებად ყველა მძიმე სნეულება და ამ ნაწილებში ჩხირკედელაობა დაიწყო. ასეთ დამდილ მდგომარეობაში კი ისეთი მონსტრები, როგორებიც არიან სხვადასხვა გენეტიკური სნეულებები, მენტალური სნეულებები თუ სუ-



ლაც ავთვისებიანი სიმსივნეები, შეიძლება ისე საშინლად არ გამოიყურებოდნენ, როგორც უწინ. ეს წიგნიც შლის და აქუცმაცებს აუტიზმის პრობლემას და ადვილად შესაცნობს ხდის მას მშობლებისთვის და ზოგადად იმ ხალხისთვის, რომლებსაც ამ თემებში ბევრი არაფერი გაეგებათ და უამრავი ცრუ წინასწარგანწყობით არიან აღჭურვილები.

## არამარტო ფემინისტური საკითხავი

არამარტო ფემინისტური საკითხავი წიგნში „ჟამი სულიერების ზეობისა“ შესულია სიმონ დე ბოვუარის მოთხრობები, რომლებიც თარგმნა გიორგი ძნელაძემ და გამოცა 2014 წელს. მართალია წიგნში არაა შესული სიმონ დე ბოვუარის ფუნდამენტური ნაშრომი „მეორე სექსი“, რომელიც ერთ-ერთ უმნიშვნელოვანეს ფემინისტურ საკითხავად ითვლება, თუმცა იმედი ვიქონიოთ რომ ამ ავტორის უკეთ გაცნობის საშუალება კიდევ მიეცემა ქართველ მკითხველს. მკითხველს, რომლისთვისაც ქალთა უფლებები უადრესად აქტუალური გახდა უკანასკნელი წლის მანძილზე.

ჰაერივით აუცილებელია დიდი ფემინისტი მოაზროვნების ნაშრომების მიტანა მკითხველამდე. შესაბამისი დისკუსიების ინიცირება, პროცესის გამოცოცხლება და ა.შ. თუ არ გვინდა, რომ ეს მართლაც მწვავე პრობლემები არასამთავრობო ორგანიზაციების პოზიციონირების საშუალებად დარჩეს მხოლოდ. ბევრი პრობლემა მოდის გაუნათლებლობისგან. განათლების დონის ამაღლების კონტექსტში შეგვიძლია განვიხილოთ თუნდაც ფემინისტი მოაზროვნების ნაღვაწის გადმოქართულება, რაც აუცილებლად გამოიღებს შედეგს დროთა განმავლობაში. შორს ვარ იმ აზრისგან, რომ სიმონ დე ბოვუარის თუნდაც ამ წიგნს ძალუმს მკვლელს იარაღი დაადებინოს, მაგრამ ზოგადად წიგნებს ბევრი რამე შეუძლიათ - მათ შორის ისიც, რომ იარაღის ადების მოტივაცია დაუკარგონ ადამიანს და ღირებულებები გადაუფასონ. ღირებულებების გადაფასებისთვის კი ქართველი მკითხველისთვის ვინ ვინ და სიმონ დე ბოვუარი მისწრება იქნება.

## ერთოთახიანი პიესა

კეთილი იყოს თქვენი მობრძანება ჯოჯოხეთში! ჟან პოლ სარტრის პიესაში „ცხრაკლიტული“ აღწერილია ოთახი, სადაც გამოკეტილია სამი ადამიანი, რომელიც ეძებს ტყეობის მიზეზებს და საუბრობს თავის ცოდვებზე - ეს ძალიან მარტივად და პრიმიტიულად რომ ვთქვათ, სინამდვილეში კი არც ისე მარტივი და პრიმიტიულია სამი ადამიანის ურთიერთ-

ბა ჩაკეტილ სივრცეში, სადაც ძალიან კარგად ჩანს რომ ჯოჯოხეთია ადამიანი ადამიანისთვის და არა რაიმე ობიექტური ადგილი ჩანგლებითა და მისტიური პერსონაჟებით.

სივრცეები, რომლებიც თითქოს მარტივი დასაძლევია, მაგრამ სინამდვილეში ასეთი სულაც არ გახლავთ - ჩემი ერთ-ერთი ფავორიტი თემაა და თქვენი არ ვიცი, მაგრამ მე კი მიზიდავს ყოველთვის იმის წარმოდგენა, თუ რა მოხდებოდა ერთ-ერთ უწყინარ დღეს რომელიმე გვირაბში გავლისას მისი თავი და ბოლო რომ ჩახერგილიყო ან მატარებლის ვაგონში გამოვკეტილიყავით ან თვითმფრინავს დაჯდომა არ შეძლებოდა და სულ ეფრინა. ნამდვილი ადამიანური ურთიერთობები მთელი თავისი სიბინძურით, შემაშფოთებული სიმაბლითა და სინამდვილით სწორედ მსგავს სივრცეებში იწრთობა. თუ ჯოჯოხეთი არსებობს სადმე, ის ალბათ რაიმე პატარა, ჩაკეტილი სივრცე იქნება შიგ უამრავი ადამიანით.

ციხე? რატომაც არა, რაიმე მსგავსი. ჩემი საყვარელი რეჟისორის, ლუი ბუნუელის ფილმი „გამანადგურებელი ანგელოზი“ მახსენდება უცბად, სადაც ადამიანთა ჯგუფს ოთახის დატოვება არ შეუძლია. როგორი მიმზიდველი და საინტერესოა ამ ექსტრემალურ პირობებში განვითარებული ადამიანური დრამები, ერთი-ერთი მიზიდულობა-განზიდულობები, ზიზღი და სიყვარული!

ჟან პოლ სარტრის თაყვანისმცემლებს ან იმ ადამიანებს, რომლებსაც ჩემს მსგავსად ბევრჯერ ვიფიქრიათ რა მოხდებოდა უცბად რომ ოთახის კარები ვერ გაგელოთ და ირგვლივ მყოფ უცნობ ადამიანებთან ერთად გაგეტარებინათ მარადისობა, გელოთ გიორგი ეკიზაშვილის შესანიშნავი თარგმანი სახელად „ცხრაკლიტული“.

### პატარა ტიქსტი დიდია

როლან ბარტის S/Z პირველად გამოქვეყნდა 1970 წელს და ქართულად ითარგმნა 2014 წელს ნინო გაგოშაშვილის მიერ. წიგნი გახლავთ ონორე დე ბალზაკის მოთხრობის - „სარაზინი“ სტრუქტურალისტური განხილვა. ეს არის ტექსტის მეთოდური დაქუცმაცება, სისტემატიზება და კოდებად გაშლა, რაც საკმაოდ რთული წასაკითხია. ამ ნაშრომმა დიდი გავლენა იქონია სტრუქტურალიზმზე და პოსტ-სტრუქტურალიზმზე, მართლაც რომ ვთქვათ.

სიმართლე რომ ვთქვათ - ურთულესი ნაშრომია. თუმცა უსამართლოები ვიქნებით თუ ამ ნაშრომს მხოლოდ ფილოლოგებისა და თითო-ოროლა ლიტერატორის იმედად დავტოვებთ, რადგან მგონია რომ წიგნი იმ ადამიანებსაც დაინტერესებთ,



ვისაც პროფესიული ზრახვები არ ამოძრავებს მის მიმართ. გარკვეული ტესტიცი მაქვს მოფიქრებული თუ ვინ შეიძლება დაინტერესდეს ამ წიგნით, ამ დიდი ლიტერატურული დენოტაციით. ტესტი მხოლოდ ერთ კითხვას მოიცავს: ტელონიუს მონკის კლავიში ვიყვართ? თუ - კი, მაშინ არის შანსი ამ ტექსტით დაინტერესდეთ, რადგან ეს არის ლიტერატურის მეთოდური დაშლა-აწყობა დიდი ტვინის მიერ, ისევე როგორც მუსიკა იშლებოდა და იწყობოდა თავიდან მონკის დიდი ტვინის მიერ. თუ მონკი არ ვიყვართ ან არ გავიგიათ და ახლა ჩართეთ და არ მოგეწონათ, მაშინ ამ წიგნსაც ნუ მიეძალებით, თქვენი ტვინი საამისოდ მომართული არ ყოფილა და ეს სულაც არ გახლავთ ტრაგედია, საინტერესო საკითხავს და საინტერესო მოსასმენს რა დალევს ამ ქვეყანაზე.

მინდა, რომ ტექსტი ბევრმა წაიკითხოს. წაიკითხოს და შუაში მიატოვოს თუნდაც, პირველი გვერდებიც კი ვერ დასძლიოს, ბოლომდე ჩავიდეს და თავიდან დაუბრუნდეს და ა.შ. მინდა, რომ მსგავს ტექსტებთან ბევრ ქართველ მკითხველს ჰქონდეს შეხება. რატომ? იმიტომ, რომ იგრძნონ პასუხისმგებლობა, რაც შეიძლება ლიტერატურული ტექსტის განხილვას შეიძლება ახლდეს თან. მიხვდნენ, რომ თავად უდგებიან ამ საქმეს არასერიოზულად, თორემ სინამდვილეში ტექსტში შეიძლება ძალიან დიდი უწყურული იმალებოდეს, რომელსაც ჩიჩქნა და გათხრა სჭირდება საფუძვლიანი. მინდა რომ ნებისმიერი ტექსტის კითხვისას ეს დაუშვან გონებაში და მერე ვინმელო ხელაღებით და ზედაპირულად, მზა-მზარეული შაბლონებით აღჭურვილებმა არ დააბრუნონ ათასი უმეცრება ამა თუ იმ ტექსტის შესახებ და თუ მაინც მოიქცევიან ასე, გაახსენდეთ მაინც როლან ბარტის ნაშრომი, რომელიც იდეაში ერთ პატარა ნოველას მიეძღვნა და ოდნავ მაინც მოერიდოთ.

### პროფესია - პოლიტიკა

თუკი ვინმეს სადმე ხელი მოეცარა, არ გაუმართლა, ვერ შედგა, ვერ ისწავლა, გამოდებული იქნა და ა.შ. - ყველა პოლიტიკაში მიდის. მით უმეტეს, ღმერთმა არ ქნას და თუ ასეთი ადამიანი მორწმუნეცაა და სიმპატიურიც. პოლიტიკა ათასი რჯულის შარლატანის უკანასკნელ თავმესაფრადაა ქცეული საქართველოში და დამეთანხმებით ალბათ - ამ გაქანებით ევროპამდე დიდი მანძილი გვიდევს კიდევ.

ისედაც უამრავი სტერეოტიპი არსებობს პოლიტიკოსებზე და მე თუ მკითხავთ ამ სფეროში წამსვლელ ადამიანს აქედან გამომდინარე ორჯერ მეტი ძალისხმევა და პასუხისმგებლობის განცდა მოეთხოვება, რათა ეს სტერეოტიპებიც



დაძლიოს და ხალხის სიყვარულიც მოიპოვოს. სამწუხაროდ, ამისკენ მისწრაფებას ქართველი პოლიტიკოსები არ იჩენენ და აგერ უკვე წლებია ვხედავთ ერთსა და იმავე ბრტყელ შუბლებს, უიდეო თვალებსა და ჩამქრალ სახეებს.

იმისთვის, რომ იდეა გაგინდეს, რაღაც ბაზისი უნდა გქონდეს, განათლება უნდა გქონდეს და უნდა იცოდე და გიყვარდეს ის საქმე, რასაც ემსახურები. სწორედ ამისთვისაა განკუთვნილი საერთაშორისო პოლიტიკის სახელმძღვანელო (მეხუთე გამოცემა) პიერ დე სენარკლენისა და ითან არივენის ავტორობით, რომელიც თარგმნა ნანა ცქიტიშვილმა. წიგნში საკმაოდ გასაგებად და ფართოდ გახლავთ მიმოხილული საერთაშორისო პოლიტიკის ასპექტები და საინტერესო საკითხავია არამხოლოდ სოციალურ-პოლიტიკური ფაქტორების სტრუქტურისთვის, არამედ პოლიტიკით დაინტერესებული მკითხველისთვის.

იმედი დავიტოვოთ, რომ მომავლის პოლიტიკოსები უნივერსიტეტის კამპუსებში სხედან ახლა, უამრავ მსგავს წიგნს კითხულობენ, თანამედროვე ტენდენციებს ეცნობიან, საკუთარ საქმეს საფუძვლიანად სწავლობენ და არ თვლიან, რომ პოლიტიკა წარუმატებელი და გაუნათლებელი ხალხის საქმეა.

## საბაზეთო ჯიხურიდან დიდ ლიტერატურაში

ბოლო ათწლეულის ყველაზე გასაოჩნარი აღმოჩენა, ასე შეაფასეს ჟან რუოს გამოჩენა ლიტერატურულ ასპარეზზე კრიტიკოსებმა და გონკურის პრესტიჟული პრემიაც მისცეს. რთულია არ დაეთანხმო მათ, რადგან საფრანგეთისნაირ უცნაურ ქვეყანაშიც კი ბევრ გაზეთის დისტრიბუტორს ვერ იპოვნი ალბათ, რომელიც დიდ ნაწარმოებებს ჰქმნის.

„ღირსების ველები“ ჟან რუოს პირველი სერიოზული ნაშეშეარია, რითიც მკითხველის და კრიტიკის ყურადღება მიიქცია. ნაწარმოებში მოქმედება ვითარდება მეოცე საუკუნეში და ჰყავს სამი ძირითადი პერსონაჟი - ერთი ოჯახის წევრები. ნაწარმოები ავტობიოგრაფიული შტრიხებითაა გაჯერებული და ორიგინალური თხრობის სტილის წყალობით, საკმაოდ საინტერესოდაც იკითხება. სადაც დიდი ანუ პირველი მსოფლიო ომია სიუჟეტში, იქ არის ყველაფერი -

სიკვდილი, სიცოცხლე, სიყვარული, ტრაგედია, სევდა, მოგონებები.

თქვენ არ ვიცი და მე პირადად ამ წიგნის და ავტორის ბიოგრაფიის წაკითხვის შემდეგ მეტი ყურადღებით ვაკვირდები ჩემი საგაზეთო ჯიხურის გამყიდველებს.

## სამედციწო დიქტატურა

ზოგჯერ მედიცინა არ არის მხოლოდ მედიცინა და ექიმი არ არის მხოლოდ ექიმი, სამწუხაროდ თუ საბედნიეროდ. ამ ფაქტს გვაჩვენებს ყოულ რომენის შესანიშნავი პიესა სახელად „კნოკი ანუ მედიცინის ზეობა“, რომელიც თარგმნა ვიორჯი ეკიზაშვილმა. ნაწარმოებში აღწერილია ერთი შარლატანი ექიმის, რომელიც არც იყო პროფესიით ექიმი, აღზვევების ისტორია. მისი წარმატების მთავარი საიდუმლო კი ადამიანურ ბუნებაში უნდა ვეძიოთ - უპასუხისმგებლობით განპირობებული მკაცრი მამის მოთხოვნილება!

უპასუხისმგებლო ადამიანები ითხოვენ აკრძალვებს, სიმკაცრეს, დასჯას. მათ სურთ, რომ მათი წილი პასუხისმგებლობა სხვამ ზიდოს და სწორედ ამ მომენტს იყენებს კნოკი, რომელიც მიიღს დასახლებას ლოგინზე აჯაჭვავს. ცხადია, მას მედიცინასთან არაფერი საერთო არ აქვს, უბრალოდ შესანიშნავად ფლობს ადამიანური ბუნებით მანიპულირების საშუალებებს, პირტექნოლოგიებს და ბრწყინვალედ ასერბებს მოსახლეობის დამორჩილებას, რომლებიც წინა ექიმს დაუმორჩილებლად და ცუდ პაციენტებად მიიჩნდა. როგორც აღმოჩნდა, მთავარია მიდგომა და მეთოდი.

პირად პრაქტიკაშიც დავკვირვებოვარ, რომ მთელი რიგი პაციენტები ითხოვენ აკრძალვებს და შემდეგ ერთგვარი მაზონისტური სიამოვნებითაც აღნიშნავენ, რომ ალკოჰოლი იქნება თუ თამბაქო თუ ცხიმიანი საკვები ექიმმა აუკრძალა.

ისინი ამაყები არიან მორჩილებით. მათ უხარიათ, რომ სანდომიანი ბატონის ხელში ჩავარდნენ, რომლებიც ობიექტურად ცუდ რადაციებს უკრძალავს და მათზე ზრუნავს.

როგორც ჩანს, ადამიანი არ იცვლება.

კნოკმა შეძლო კატა დაეჭირა ბნელ ოთახში და პაციენტები აღმოჩინა იქაც, სადაც ისინი რეალურად არც იყვნენ. მანდ შეძლო ერთი დასახლების მაგალითზე შეექმნა ნამდვილი დიქტატორული მოდელი, იდეალური მოდელი მმართველობისა, რომელიც აგებულია ერთი ადამიანის უსიტყვო მორჩილებაზე, აკრძალვასა და დასჯაზე! ამ კუთხით თუ შევხედავთ დასახლად, ან კუთხით უფრო საინტერესოა ეს პიესა, ნაწარმოები მხოლოდ სამედციწო საკითხავი არ გამოვა, თუმცა მე მაინც ვურჩევდი ამ ნაწარმოების წაკითხვას პირველ რიგში იმ ქართველ პაციენტებს, რომლებიც ექიმთან ექიმამდე დადიან მკაცრი მამა-ბატონის საძიებლად.

სწორედ ეს წარმოშობს ტირანებს, იქნებიან ისინი სოფლის ექიმები თუ დიდი დიქტატორები.

## წიგნი სპეციფიკური მკითხველისათვის

თუ თქვენ იმ მცირერიცხოვან მკითხველთა რიცხვს მიეკუთვნებით, რომლებიც გატაცებით და დიდი სიამოვნებით კითხულობდნენ ჯოისსა და პრუსტს და სხვა უზარმაზარ ლიტერატურულ „რუბიკის კუბიკებს“, მაშინ შემიძლია თამამად განაროთ რომ თქვენთვის მისწრება იქნება ილია გასვიანისა და ანზორ აბუანდაძის მიერ ნათარგმნი „ფლანდრიის გზა“ - კლოდ სიმონის, ფრანგი კლასიკოსის ერთ-ერთი ცენტრალური ტექსტი, რომელიც საკმაოდ რთულად მისაღებებელ-აღსაქმელ-გასაგებაა, რადგან ავტორს თხრობის უნიკალური არა, მაგრამ ძალიან რთული სტილი კი აქვს არჩეული და ერთი წინადადებას რომ იწყებს, იმდენ ხანს აგრძელებს რომ ბოლოს უკვე არათუ წინადადების პირველი სიტყვა გახსოვთ, შეიძლება აზრიც კი გაეპაროთ საერთოდ და სწორედ ამ საფრთხის თავიდან ასაცილებლად ამ სტილის ავტორები იმსახურებენ და მოითხოვენ სკურპულოზურ, ფრთხილ და დინჯ მკითხველებს, რომლებიც არაფერს გამოტოვებენ, არც ერთ ნაბიჯს უყურადღებოდ არ დატოვებენ და რუდუნებით და მორიდებით გაყვებიან ტექსტს ბოლომდე და თუ ამას მოახერხებენ, ნამდვილად ნასიამოვნები დარჩებიან, რადგან ჯერ ზოგადად დამთავრებული ტექსტის მოწონებაა ერთი სიამოვნება და მერე მით უმეტეს ისეთი ტექსტისა, როგორც „ფლანდრიის გზა“, რომელიც მოგვითხრობს ყოფილი კავალერისტის - ჟორჟის რემინესცენციების შესახებ და თხრობა არის ფრაგმენტული და სად გამონაგონია და სად რეალობა და სად რა დეტალია გაბნეული, მხოლოდ დაკვირვებულმა მკითხველმა და ავტორმა თუ იცის, რადგან ეს ტექსტი არ არის მარგალიტი, რომელიც ღორებს უნდა დაუყარო საჯიჯგნად, მსგავსი ტექსტები რჩეული მკითხველებისთვისაა, რომელთა რიცხვიც დიდი ნამდვილად არ არის, მაგრამ რამდენიც არიან, ნამდვილები და ერთგულები არიან და ასეთი კირკიტა მკითხველ-ავტორები აცოცხლებენ და მოდუნების საშუალებას არ აძლევენ სხვა ავტორებსა თუ მკითხველებს, რომლებიც ახლა ამ ჩანაწერის კითხვისას უკვე ნერვებზეც კი იშლებიან, რადგან ავტორი არ ამთავრებს არც აბზაცსა და არც წინადადებას და თუ ეს მართლა ასეა და თუ ამ ელემენტარულ ბოდვასაც კი ვერ უძლებს მკითხველი, მაშინ მინდა მას დაბეჯითებით ვუთხრა კლოდ სიმონის აღნიშნულ ნაწარმოებს ნუ წაიკითხავს, რადგან სამი გვერდიც შეიძლება ვერ გაძლოს, მაგრამ თუ ეს ჩანაწერი რატომღაც აინტერესებს და მოსწონს ახლა მკითხველს, მაშინ უფ-

რო დიდი შანსია გენიოსის შედეგრი, რომელიც სულ ასეა დაწერილი და უფრო საინტერესო ამბების თხრობას ეხება თან, უფრო მოეწონოს და ამიტომ ასეთ მკითხველს ვურჩევ რომ სასწრაფოდ მოიძიოს წიგნი და შეუდგეს სიამოვნებას, რომელიც იქნება ხანგრძლივი და სუნთქვის შემანელებელი.

### **უძრავი მოგზაურის ჩანაწერები**

რა დასამალია და ეს წიგნი ყველაზე ბოლოსთვის მქონდა მოტოვებული, რადგან გაფორმებამ საშინლად არ მიმიზიდა და არც მწერალს ვიცნობდი თან. თუმცა მკითხველმა ჩემი გამოცდილება არ უნდა გაიზიაროს და დაუფიქრებლად ეძგეროს ჟან ჟიონოს წიგნს „ჰუსარი სახურავზე“, რომელიც თარგმნა თამარ კაპანაძემ და რომელიც ფრანგი კრიტიკოსების მიერ მეოცე საუკუნის 50 საუკეთესო ფრანგული რომანის სიაშია შეტანილი.

წიგნში მოთხრობილია იტალიელი პოლკოვნიკის ამბავი, რომელიც სხვა ავსტრიულ სპეც-სამსახურებს ემალება საფრანგეთში. თითქოს არაფერი, მაგრამ თუ გავითვალისწინებთ იმას, რომ საფრანგეთში ამ დროს ნამდვილი სიკვდილის მყარ სუნი დგას, ვგულისხმობ ქოლერის ეპიდემიას, მაშინ მოცემულობები რადიკალურად იცვლება.

საინტერესო სიუჟეტთან, საკუთარი თავის საძიებლად მოხვტიალე გმირებთან ერთად აღსანიშნავია ავტორის წერის სტილიც, რომელიც დედანში უფრო შთამბეჭდავია, ვიდრე თარგმანში, მაგრამ მაინც - ჟიონოს ფრანგული ერთ-ერთი გამორჩეული ფრანგულია მეოცე საუკუნეში და ვისაც შეგიძლიათ, ქართულ კარგ თარგმანთან ერთად აუცილებლად წაიკითხეთ ნაწარმოები ორიგინალშიც სიამოვნების გაორმაგების მიზნით.

მე ყოველთვის მჯეროდა და ვამტკიცებდი, რომ ყველზე საინტერესო ამბები ჩვენს ტვიზში ხდება და არა ჩვენს გარშემო - რეალობაში. ჟან ჟიონო ამის ბრწყინვალე დასტურია - ის მთელი ცხოვრება პატარა ფრანგულ ქალაქ მანოსკს არ გასცდენია, სამაგიეროდ გონება უქროდა შორს იმ კაცით, ფოტოატელიეში რომ იყო გამოკეტილი მთელი ცხოვრება და ლიტერატურა ძლიერ უყვარდა. სწორედ ჟიონოსნაირი უძრავი მოგზაურები ქმნიან ხშირ შემთხვევებში მძაფრ ლიტერატურულ თავგადასავლებს.

### **უკანასკნელი პრემიის ფიში**

არ ვიცით ზუსტად რა სურთ ქალებს, მაგრამ ის კი ვიცით რისი გვემინია კაცებს



- ერექციის მოდუნება, აი რა არის ნამდვილი ტრაგედია.

რომენ გარის წიგნი „ამის იქით თქვენი ბილეთი აღარ გამოდგება“, რომელიც თარგმნა ლია დარაშვილმა, აღწერს 22 წლის ბრაზილიელი გოგონას და ხანში შესული ბიზნესმენი მამაკაცის ურთიერთობას და ალბათ ადვილად მიხვდებით, რომ ამ ურთიერთობის ქვაკუთხედი და ამოსავალი წერტილი არ იქნება ვასშად ბოზბაშისა თუ ჩიხირთის (მათი ფრანგული ანალოგების) მირთმევის დილემა.

ამ ურთიერთობის ქვაკუთხედი არის სექსი - ერთის მხრივ მწველი, ტემპერამენტული არსება, რომელსაც წინ უამრავი მანძილი აქვს ეროსის გზაზე გასავლელი და მეორეს მხრივ მოხუცებული მდიდარი კაცის უკანასკნელი ერექცია.

ნაცნობი, ნაფიქრი და საშიში თემაა, განსაკუთრებით მამაკაცებისთვის, რომლებიც მიდრეკილები ვართ სამყაროს ფალოცენტრული გვრეტისკენ, რაც ნიშნავს იმას, რომ დედამიწა ჩვენი პენისის ირგვლივ ტრიალებს და უნდა ტრიალებდეს, ყოველ შემთხვევაში უმრავლესობას ასე გვეჩვენება და აქედან მომდინარეობს ნევროზები, შიშები, დაუკმაყოფილებლობები, სუბლიმაციები და ა.შ.

ახლა წარმოიდგინეთ რამხელა იქნება ასაკში შესული ფალოცენტრიკის ცხოვრება, რომელიც აცნობიერებს, რომ ყოველი მისი ერექცია შეიძლება ბოლო აღმონდეს? საშინელებაა, სამყაროს აღსასრულია!

60-ს მიღწეული კაცისა და ქორფა გოგონას სექსი რალაციით უკვდავებასთან ზიარების მცდელობასაც წააგავს, რომელიც ცხადია საბოლოოდ კრახით დასრულდება ყველგან და ყოველთვის, რადგან უკვდავებას სექსით ვერ მივალწევთ - უფრო მის გარეშე, თუმცა ეს სხვა საუბრის თემაა.

უკანასკნელი ერექციის შიში და ამ შიშით განპირობებული საინტერესო ფსიქოლოგიური წიაღსვლები შეგიძლიათ აღნიშნულ წიგნში ამოიკითხოთ და ვინ იცის, იქნებ დროზე ადრე გადააწყვთ ფსონები, დაალაგოთ პრიორიტეტები და სიტუაციებს მომხადებული დაუხვდეთ.

\* \* \*

დასასრულს მინდა აღვნიშნო, რომ ეს ზღვაში წვეთი იყო იმ წიგნებისა, რომლებიც ფრანგულიდან ქართულ ენაზე ითარგმნება ამ ბოლო ხანებში. ფრანგული ლიტერატურა ამხელა დოზებით შესანიშნავი ვარიანტია დამწყებ წიგნის მოყვარულთა გასაფილტრად - თუ ფრანგულ ლიტერატურაში ერთი ავტორიც ვერ აღმოაჩინე შენი გემოვნებისა, ე.ი. ზოგადად ლიტერატურაზე დრო არ უნდა დაკარგო.

**ჰაბა ზარქუა**





**Barami**  
LOGISTICS

Tel: 201-333-5555  
www.barami.us

**აპრიკანი:**  
**60უ-00რკში:**  
164 Brighton 11 St.  
Brooklyn NY 11235  
Tel: 718-934-1700  
Alt: 347-500-5037

**60უ-ჰერსში:**  
84 Harbor Drive,  
Jersey City, NJ 07305  
Tel: 201-333-5555

**დელავარში:**  
4 Lewis circle  
Wilmington, DE 19804  
302-930-0705

ფილიალები:  
**თხილისი**  
**ქუთაისი**  
**ჩხსთავი**  
**ხათხაი**  
**ბოკი**  
**ბოლნისი**  
**თალავი**  
**მარნაული**



### ამანათები

4-5 სამუშაო დღეში  
აშშ-დან საქართველოში  
ერთი პაუნტი - 2.50\$-დან;

ამანათების გამოგზავნა **სამხრეთკლდეან**

### ავტომობილების

ყიდვა-გაყიდვა  
საქართველოსა და ამერიკაში;

ავტომობილის, კომერციული  
და პირადი ტვირთის  
**შილა გადარღვევა**  
აშშ-ში.



ჩვენს საიტზე **www.barami.us**  
დარეგისტრირებით თქვენ გაგიადვილდებათ:  
- კრედიტ-კარტით გადახდა;  
- ამანათის სტატუსის შემოწმება;  
- ამანათის ადგილიდან ალების შეკვეთა

www.barami.us  
www.baramicar.com  
www.facebook.com/Barami.us

ნომრის  
1701111



ჩვენ  
დღეს სხვა  
ეზოგისთვის  
პარტი!



- საუბრის დასაწყისშივე, საინტერესოა, ემიგრაციაში ცხოვრების მერამდენე წელს ითვლით?

- ჩამაფიქრეთ პირველივე შეკითხვაზე. უნდა გამოვთვალო, 2000 წლიდან აქ ვარ, გამოდის უსამშობლოობის მეთექვსმეტე წელი მიდის...

- რამდენად პოპულარულია დღეს ამერიკაში რესტორნების ქსელი „TONE CAFE“ და რამდენად კმაყოფილია თქვენი მომხმარებელი? ამჟამად, რამდენი რესტორანია გაერთიანებული ამ ქსელში?

- ჩვენი ქართული კაფეების ქსელი საკმაოდ პოპულარულია. პირველი კაფე 2012 წელს გაიხსნა ბრუკლინში არსებული ქართული თონის ბაზაზე, მეორე კი მანჰეტენზე, შარშან, 2015 წლის მაისში გაგხსენით. პოპულარობა საკმაოდ რთულად მოსაპოვებელია ამდენ რესტორნებსა და კაფეებში, რაც ნიუ იორკშია, არჩევანია დიდი და მრავალფეროვანი, მაგრამ ჩვენი გამორჩეული მენიუთი, გემოთი და ხასიათით ჩვენმა ქსელმა უკვე თავისი ადგილი დაიმკვიდრა ნიუ-იორკის ეთნიკურ სამზარეულოებს შორის.

- რამდენად ჩემთვის ცნობილი გახდა, თქვენ ხელმძღვანელობთ ქართულ დიასპორას? რამდენი წელია უკვე ამ საქმეს ეწეით?

- მე ვხელმძღვანელობ სათვისტომო ორგანიზაციას - ასოციაცია „თვისტომს“, რომელიც 2003 წელს დაარსდა ჩემსა და ჩემი მეგობრების მიერ. მისი მთავარი მიზანი არის გაბნეული და არაორგანიზებული ქართული დიასპორა ერთიან, ძლიერ და კარგად ორგანიზებულ სათვისტომოდ ჩამოაყალიბოს. სათვისტომოდ, რომელიც დაეხმარება ჩვენს თანამემამულეებს აშშ-ში ემიგრაცია ანუ ადგილობრივ სოციალურად ადაპტაცია (და არა ასიმილაცია), თავისთავად საკმაოდ რთული და მტკივნეული პროცესი, შედარებით ადვილად გადაიტანონ და მოერგონ არსებულ რეალობას. ამავდროულად, სათვისტომოს გაძლიერებით, საქართველოსათვის შეიქმნას გარკვეული საზოგადოებრივ-პოლიტიკური ლობი, რომელიც ქართულ სახელმწიფოს აშშ-ში სტაბილურ საყრდენს შეუქმნის და, თავისთავად, საქართველოს სახელმწიფოებრივი აღმშენებლობის სტაბილური გარანტია იქნება.

- საიდან წამოვიდა იდეა და დღევანდელი გადასახედიდან, რამდენად კმაყოფილი ბრძანდებით ამ საქმიანობით?

- იდეას დიდი ხნის ძებნა არ დასჭირვებია - სათვისტომო ორგანიზაციის შექმნა აშშ-ში ჩვენი დიასპორის არსებული მდგომარეობიდან და ასევე, წლების განმავლობაში საქართველოს მიმე სამხინაო თუ საგარეო სტატუსიდან გამოძინარე გახდა აუცილებელი.

ჩვენ ნათლად გვესმის, რომ მყარად მდგა-

ჟურნალის ამ ნომრის დაბეჭდვის წინ, ნიუ-იორკში, ქენისის უძველესმა რესპუბლიკურმა კლუბმა ჩვენი თანამემამულე, ქართულ დიასპორაში ყველასათვის ცნობილი მოღვაწე, ასოციაცია „თვისტომს“ ხელმძღვანელი, ბატონი **ნიკოლოზ ჩხეიძე** „წლის საუკეთესო ბიზნესმენის“ წოდებითა და ჯილდოთი დააჯილდოვა. ჩვენი რედაქცია უერთდება ამ დიდ აღიარებას ჩვენი თანამემამულისადმი და გთავაზობთ საკმაოდ საინტერესო, და ამიტომაც საკმაოდ ვრცელ, ინტერვიუს მასთან. ვეცადეთ, შევხებოდეთ ყველა იმ თემას, რაც ასერიგად აწუხებს დღეს ჩვენს ემიგრაციას.



რი და ფინანსურად ძლიერი ქართული სათვისტომო აშშ-ში თითოეული ემიგრანტის ნაყოფიერი და დაცული ცხოვრებისა და მუშაობის საფუძველი შეიძლება იყოს. ეს კი დღეს საქართველოში ასობით ათასი ოჯახის კეთილდღეობის აუცილებელი პირობაა. თუ იმასაც გავითვალისწინებთ, რომ ქართულ ემიგრაციას ყოველწლიურად 2 მილიარდამდე აშშ დოლარი შემოაქვს საქართველოში, დავინახავთ, რომ ეკონომიკურად ძლიერი და სტაბილური ქართული სათვისტომო არამხოლოდ საზღვარგარეთ არსებულ დიასპორებს სჭარდებათ, არამედ ჯერ კიდევ მშენებარე ქართულ სახელმწიფოსაც, რომლის პოლიტიკურ-ეკონომიკური სტაბილურობა, სახელმწიფოებრივი უსაფრთხოება სწორედ აშშ-სა და მის მოკავშირე ქვეყნების მხარდაჭერასა და თანადგომასზეა დიდად დამოკიდებული.

- რა სირთულეებთან არის დაკავშირებული - იყო დიასპორის ხელმძღვანელი?

- დიასპორის ხელმძღვანელი ხმამაღალი სიტყვაა - „დიასპორული ორგანიზაციის ხელმძღვანელი“ უფრო სწორი ფორმულირება იქნება.

სირთულე ბევრია. უპირველესად ყოვლისა, საკმაოდ რთულია ქართველ ემიგრანტებში საკუთარი სახელმწიფოს მიმართ ნდობის დაბრუნება, ასე ვთქვათ, „ჩატეხი-

ლი ხიდის გამოლიანება“, ვინაიდან, მრავალი წლის განმავლობაში ემიგრანტები არ გრძნობდნენ ყურადღებას და მზრუნველობას სამშობლოს მხრიდან - როგორც საზოგადოების, ასევე, განსაკუთრებით, მთავრობის მხრიდან. ჯერ კიდევ დაწყებული შეგარდნაძის მმართველობის პერიოდიდან იყო მრავალი სირთულე, რომლის აღმოფხვრაზეც არაერთხელ მივიმართია და გავვიმასხვილებია ყურადღება, მაგრამ დარჩენილა ხმად მდლადებისა შინა. პირიქით, გარკვეულ შემთხვევებში, აქაური ცხოვრების გაადვილების ნაცვლად, საქართველოს კანონმდებლობას და შესაბამის ორგანოებს ჩვენი აქაური ყოფა უფრო გაუართულებია.

ამის თვალნათელი მაგალითია 2012 წლის ზაფხული, როცა ისედაც წლებით იმედგაცრუებულ და ნიჰილიზში ჩავარდნილ ქართველ ემიგრანტებს საქართველოს საპარლამენტო არჩევნებში მონაწილეობის უფლება შეუზღუდეს მაშინდელი საგარეო საქმეთა მინისტრის ბრძანებით.

მიუხედავად ჩვენი აქტიური პროტესტისა, ეს შეზღუდვა ძალაში დარჩა, რის გამოც ათასობით საქართველოს მოქალაქემ ვერ გამოიყენა საკუთარ ქვეყნის არჩევნებში მონაწილეობის უფლება და არჩევნებზე არ დაიშვა. ეს და ამგვარი ქმედებები საქართველოს ხელისუფლების მხრიდან, რა თქმა უნდა, აძლიერებდა ემიგრანტებში ნი-





პილიზმს და ჩაურთველობას საქართველოში მიმდინარე საზოგადოებრივ-პოლიტიკურ პროცესების მიმართ, რაც კიდევ უფრო ამორბდა ემიგრაციას სამშობლოსთან.

წლების განმავლობაში ემიგრანტების პრობლემებით დაუინტერესებულობა (პასპორტების გაგრძელება და გაცემა, მინდობილობების გაცემის გამარტივება, ემიგრანტთა საქართველოში სამუდამოდ დაბრუნების შემთხვევაში მათი ქონების ორმაგი დაბეგვრა და ბევრი სხვა) გახლდათ სწორედ ქართული ემიგრაციის საქართველოსთან იზოლაციისა და „დაკარგული ქართველის სინდრომის“ მთავარი მიზეზი. თავად ნოუ-იორკში გენერალური საკონსულოს გახსნის პროცესმა მრავალი წელი დაიკავა, მიუხედავად იმისა, რომ ამაზე ჯერ კიდევ 2000-იანი წლების დასაწყისიდან აქტიურად „ვიბრძოდით“. ასევე „დროებითი თავშესაფრის სტატუსის“ ე.წ. TPS მინიჭების საკითხი, რომელიც ჯერ კიდევ 2005-2006 წლებში საქართველოს მაშინდელ გენ-კონსულთან, ბატონ ზურაბ თინიკაშვილთან ერთად წამოვიწყეთ და საქართველოს იმდროინდელ მთავრობის წინაშე დავაყენეთ, აკერ უკვე 10 წელზე მეტია ისევ ღიად რჩება. იმის ფონზე, რომ ამ სტატუსით აშშ-ში ასიათასობით სხვა ქვეყნების ემიგრანტებმა ისარგებლეს და დღემდე სარგებლობენ. აქამდე ამ და ამგვარი საკითხების ინიცირებას საქართველოს ხელისუფლების მხრიდან პასუხად პოლიტიკური ნება სჭირდებოდა. თუნდაც იმის გათვალისწინება, თუ რაოდენ ძნელი და რთულია საზღვარგარეთ საქმიანობის სტატუსის გარეშე არსებობა, უნდა ყოფილიყო ამ პროცესის დაწყების საფუძველი. თუმცა, სამწუხაროდ იმ წლებში და იმ მთავრობაში ეს არავის აწუხებდა.

ჩვენა დასანანად, ეს პროექტი ბევრს სხვა პროექტებთან ერთად გაჩერდა და დავიწყებას მიეცა. ჩვენ გვსურს ახალ რეალობაში „დროებითი თავშესაფრის“ საკითხი ისევ წამოვიწყოთ, თუმცა მისი დადებითად გადაწყვეტის ალბათობა გაცილებით დაბალია, ვიდრე ეს 2005-2008 წლებში იყო, თუნდაც აკვისტოს ომის პერიოდში.

დღეს ახალი რეალობაა, სხვა სიტუაციაა ქვეყანაში. ხელისუფლების ცვლას ახალი იმედები და ზოგადად იმედინი განწყობა მოყვება ყოველთვის - ასეთი იყო 2003 წელი, ასეთი იყო 2012. არ მინდა იმედგაცრუება ქრონიკულ გრძობად გადაგვექცეს ჩვენ, ვინც დღეს საქართველოდან შორს ვართ. მინდა იმედი ვიქონიო, რომ შეიცვლება დამოკიდებულება ქართულ ემიგრაციის მიმართ, ლოზუნგები ლოზუნგებად არ დარჩება და სუფრის სადღეგრძელოები მხოლოდ სადღეგრძელოებად.

ჩვენი სურვილია, რომ საქართველოს



ხელისუფლებამ ზოგადად ემიგრაციის თემა ერთ-ერთ პრიორიტეტად გაიხადოს და ამ მიმართულებით ნაყოფიერად იმუშაოს ემიგრაციამაც და საზოგადოების მხარდაჭერით სახელმწიფომაც. ჩვენ, როგორც ემიგრაციას, დღეს გვაქვს ამის რესურსი, რადგან ბევრი რამ ვისწავლეთ, ბევრი რამ შევიძინეთ, მათ შორის შრომის კულტურაც და გამოცდილებაც. ჩვენ დღეს სხვა ემიგრაცია ვართ, ვიდრე ვიყავით თუნდაც 10 წლის წინ. ამიტომ ვთვლი, რომ დიასპორის სამინისტრო და სახელმწიფო მინისტრი და მისი აპარატი გაფართოებული უფლებებით და რესურსებით უნდა სარგებლობდეს, ვიდრე სარგებლობს დღეს. ამ სტრუქტურას გაცილებით მეტი ყურადღება და მხარდაჭერა სჭირდება სახელმწიფოს მხრიდან.

დღევანდელი რესურსებით და პოტენციალით, სახელმწიფო მინისტრისა და მისი აპარატის აქტიური მცდელობის მიუხედავად, გარდატეხა მოახდინოს ქართული ემიგრაციის რეალობაში, ჩემის აზრით, სათანადო შედეგს ვერ მივიღებთ. მილიონახევრიან, სხვადასხვა ქვეყანაში გაბნეულ ემიგრაციას სრულფასოვანი სამინისტროს სტატუსის მქონე, ბიუჯეტით და საკადრო რესურსებით შესატყვისი პარტნიორი და მხარდამჭერი სჭირდება საქართველოში. იქიდან გამომდინარე, თუ რა რაოდენობის გადმორიცხვები მოდის ემიგრაციიდან, სახელმწიფოში არ უნდა გაგვიჭირდეს ისეთი მექანიზმების შემუშავება, რომ ასეთი სამინისტრო ჩამოყალიბდეს.

ემიგრაციასთან წარმატებული მუშაობის საფუძველზე, დაწესებული ვარ არამართო სამინისტროს ბიუჯეტი, არამედ გადმორიცხვების რაოდენობაც უკვე ძლიერი და ჩამოყალიბებული სათვისტომოებიდან ჯერობით გაიზრდება.

ჩვენ გვაქვს გარკვეული გეგმა და სხვადასხვა პროექტები, რომლითაც ვფიქრობთ, რომ ქართული ძლიერი საზოგადოებრივ-პოლიტიკური ლობის ჩამოყალიბება საზღვარგარეთ, სხვადასხვა ქვეყანაში, შორეული პერსპექტივა არ იქნება. თუმცა, კიდევ ერთხელ, ამას სჭირდება საქართველოს მხრიდან ხელისუფლების პოლიტიკური ნება და მხარდაჭერა. რეალობამ გვაჩვენა, რომ ამის გარეშე მხოლოდ ჩვენი ინიციატივა და დაინტერესება საკმარისი არ არის.

ჩვენ გვაქვს გაკეთებული არაერთხელ ამგვარი შეთავაზება და წინადადება, თუმცა ჯერ-ჯერობით ეს საკითხი ჩვენი ქვეყნისათვის მომწიფებული თემა კიდევ არაა და პრიორიტეტს არ წარმოადგენს.

სხვანაირად ვერ ვხსნი ამ მიმართულებით პასიურობას ჩვენი ქვეყნის მხრიდან. აქ მხოლოდ ხელისუფლება არ უნდა იყოს ჩართული, ზოგადად საზოგადოება უნდა იყოს მოწადინებული და განწყობი-

ლი შესაბამისად. ჩვენი აქ უფრო მეტად გაძლიერებით ის დახმარება, რაც ჩვენი ქვეყნის ეკონომიკაში შეგვაქვს, ჯეროვნად გაიზრდება თუ ამას სწორად დაგეგმილ და გააზრებულ, თანმიმდევრულ გეგმას მივუსადაგებთ. ასეთი გეგმები, ყველა სხვა ქვეყნის დიასპორებმა, საკუთარ ქვეყნებთან კავშირში დიდი ხანია შეიმუშავეს და დღემდე ამ გეგმით ვითარდებიან. შესაბამისად, ძლიერდება მათი აქაური ლობიც.

ვთვლით, რომ უკვე დადგა დრო, რომ ძლიერი ქართული ლობი ჩამოყალიბდეს აშშ-ში, ქვეყანაში, რომელიც დღესდღეობით განსაზღვრავს მსოფლიოში მიმდინარე პოლიტიკურ პროცესებს, ფლობს საერთაშორისო უსაფრთხოებისა და სტაბილურობის არაერთ ბერკეტს; ქვეყანა, რომელიც დღეს ჩვენი მეგობარია, ჩვენი ქვეყნის უსაფრთხო და სტაბილური განვითარების რეალური გარანტიაა.

ჩვენ დღეს სწორედ ამ ქვეყანაში ვცხოვრობთ. სწორედ ამიტომ, ქართული ძლიერი ლობის აშშ-ში ჩამოყალიბება დღეს ქართული სახელმწიფოს, მისი ხელისუფლების ერთ-ერთი მთავარი პრიორიტეტი უნდა გახდეს. ეს საკითხი მეტად აქტუალური იყო და არის დღესაც.

იმედს ვიტოვებ, შორეულ მომავალს არ გადააბრდება.

- არის თუ არა ქართული დიასპორა ისეთი ძლიერი და გაერთიანებული, როგორც სხვა ეროვნების წარმომადგენლები - თუნდაც, ებრაელები, თინიკურად სომხები, ფრანგები ან სხვა ეროვნების წარმომადგენლები?

- ამაზე თავიდანვე, ერთჯეროვნად ვიპასუხებთ - სამწუხაროდ, დღესდღეობით, ქართული დიასპორა ერთ-ერთი ყველაზე უსუსტი და არაორგანიზებული დიასპორაა ამერიკის შეერთებულ შტატებში. მიზეზებზე ზემოთ მოგახსენეთ და კიდევ ბევრი შემთხვევა ვისაუბრო. ყველაფერს თავის ახსნა აქვს, თუმცა გაცდენილ და დაკარგულ დროს ვერ აანახლაურებ.

- თქვენ პროფესიით ექიმი ბრძანდებით. როგორ ათავსებთ ერთმანეთთან, იყოთ ერთდროულად ექიმი, ქართული დიასპორული ორგანიზაციის ხელმძღვანელი და რესტორნების ქსელის მენეჯერი?

- ეს ხანგრძლივი თემაა, თუმცა მოკლედ შემოძლია ვითხარათ, რომ ამერიკაში ცხოვრებამ, აქ შრომის კულტურამ და მუშაობის ტემპებმა გვასწავლა ერთდროულად სხვადასხვა საქმის კეთება, რასაც აქ ე.წ. „მულტიტასკინგს“ უწოდებენ. ასე რომ, აქ ჩვენ ყველა ასეთ პროფესიონალებად ჩამოყალიბდით.

- ქეისის უძველესმა რესპუბლიკურმა პარტიამ წლის წარმატებულ ბიზნესმენად დაგასახელათ. ასეთივე წარმატებებს მიაღწიეთ თქვენს პროფესიაშიც?

- როგორც ექიმი, პროფესიით არ ვმუშაობ, თუმცა ჩემი ბიზნესი სამედიცინო ბიზნეს-მენეჯმენტს უკავშირდება და შესაბამისად ქართველი ემიგრანტებისათვის სამედიცინო მომსახურების სამსახურის აწოდებას. ჩვენ გვაქვს შემუშავებული სპეციალური გეგმა, თუ როგორ შეიძლება მონიტორინგზე აიყვანო ქართული დიასპორა ამ კუთხით, გამოავლინო და აკონტროლო მაღალი რისკის მქონე ემიგრანტები. ჩვენ 2003 წლიდან ამ თემაზე ვმუშაობთ და გვინდა ქართული დიასპორის ე.წ. სამედიცინო რუკა შევქმნათ. დღემდე შევქმენით ათასობით ქართველი ემიგრანტის სამედიცინო მონაცემები, რომლის დამუშავებით შევძლებთ წარმოვადგინოთ ქართული დიასპორის ჯანმრთელობის მდგომარეობის მეტნაკლებად სრული სურათი.

მოგესხენებათ, თითოეული ემიგრანტი საქართველოში რამდენიმე ოჯახს ინახავს. შესაბამისად, ემიგრანტთა აქაური ჯანმრთელობის მდგომარეობა, სტაბილურობა და რისკების პრევენცია საქართველოში ათათასობით ოჯახის კეთილდღეობასთან პირდაპირ კავშირშია.

- და ბოლოს, რა გახდა ამ ჯილდოს გადმოცემის მიზეზი? რა შტრიხებითა და რა ფაქტორებით ირჩევა წლის საუკეთესო ადამიანი?

- რა შტრიხებითა და ფაქტორებით ამირჩიეს, თავად გამიჭირდება ამაზე საუბარი, მაგრამ შემთხვევით მცირე ინფორმაცია მოგცეთ ამასთან დაკავშირებით.

მე გახლავართ Queens Village Republican Club-ის, აშშ-ში ერთ-ერთი ყველაზე ძველი, 1875 წელს დაარსებული რესპუბლიკური კლუბის დირექტორატის წევრი და ბიზნეს-კომიტეტის თავმჯდომარე.

ნიუ-იორკი, ისტორიულად, მეტწილად დემოკრატიული პარტიის მომხრეების უმრავლესობით გამოირჩეოდა, ესეც ემიგრანტების ხარჯზე, თუმცა სამწუხაროდ, რესპუბლიკელთა ფასეულობებზე და პოლიტიკურ მრწამსზე ემიგრანტთა უმრავლესობას დღემდე არასწორი წარმოდგენა აქვს.

დღესდღეობით, ნიუ-იორკის რესპუბლიკური პარტიის ადგილობრივი ორგანიზაცია და მხარდამჭერები ჯეროვნად ადლიერებენ თავის გავლენას შტატში, ხოლო რესპუბლიკური პარტიის დღეს უკვე წამყვანი პოზიციები აშშ კონგრესსა და სენატში ნათლად ხდის პოლიტიკური ესტაბლიშმენტის ტენდენციებს. ჩვენ ვიმედოვნებთ, რომ საპრეზიდენტო არჩევნები რესპუბლიკური პარტიის კანდიდატის გამარჯვებით დასრულდება და ეს არამართო საქართველოსა და სხვა მრავალი, განსაკუთრებით პოსტსაბჭოური ქვეყნისათვის საადამწიფეობა, არამედ თავად ამერიკის შეერთებული შტატების ეკონომიკური მაჩვენებლების გაუმჯობესების, შიდა საზო-

გაღივრებ-პოლიტიკური სტაბილურობისა, სახელმწიფო უსაფრთხოებისა და ასევე, რაც მთავარია, საერთაშორისო არენაზე მისი როგორც ლიდერი ქვეყნის პოზიციების დაბრუნების აუცილებელი პირობაა.

წლებანდელი წლიდან ვგეგმავ კიდევ უფრო აქტიურად ჩავერთო ადგილობრივ საარჩევნო პროცესებში, უფრო სწორად, მსურს მაქსიმალურად ბევრმა ქართველმა ემიგრანტმა - აშშ მოქალაქემ გაიგოს და გაითავისოს, რომ ადგილობრივ არჩევნებში მონაწილეობა და ადგილობრივ პოლიტიკურ პროცესებში ჩაბმა, ადგილობრივ ამერიკულ ესტაბლიშმენტთან ძლიერი და მყარი ურთიერთობების დამყარება ძალიან მნიშვნელოვანია, როგორც ემიგრაციისათვის, ასევე ჩვენი ქვეყნისათვის.

უკვე დროა, რომ გვიცნობდეს ამერიკული სოციალური და პოლიტიკური ესტაბლიშმენტი, ადგილობრივი მედია. ამის გარეშე ჩვენი, როგორც ეთნიკური უმცირესობის გაძლიერება წარმოდგენილია. ჩვენ „ქართველ-ამერიკელებს“ გვაქვს „საარჩევნო ხმის უფლება“ ე.წ. Voting Power, ყველაზე ძლიერი ბერკეტი, რომელიც სწორად და გონივრულად უნდა გამოვიყენოთ. ამიტომ მინდა, რომ მაქსიმალურად ბევრი თანამემამულე ჩაერთოს აქაურ არჩევნებში. ასე ვითარდება და ძლიერდება ნებისმიერი ეთნიკური სათვისტომო ამერიკაში, იქნება ეს ებრაული, სომხური, იტალიური, კორეული, ბუნარული თუ სხვა. არც ჩვენ არ უნდა ვიყოთ გამონაკლისი - ეს სწორედ ჩვენზე და ჩვენს აქტიურობაზეა დამოკიდებული.

როგორც მოგახსენეთ, მე რესპუბლიკელი ვაზლავართ. ზოგადად საქართველოში, ამერიკის რესპუბლიკურ პარტიაზე და ამერიკელ რესპუბლიკელებზე ცოტა სხვა წარმოდგენა აქვთ, რაც ინფორმაციის ნაკლებობის ბრალია. ჩემის აზრით, დღეს მიმდინარე შიდა და საგარეო პროცესები მსოფლიოში, სამწუხაროდ აშშ არსებული ადმინისტრაციის არასწორი, არათანმიმდევრული და არაპრინციპული პოზიციისა და გატარებული პოლიტიკის ბრალია, რაც ძალიან ცუდად აისახება თავად ამერიკის შეერთებული შტატების ავტორიტეტზე და სტატუსზე მსოფლიოში.

დღეს აქ მიმდინარე პროცესებში მიზანმიმართული სოციალიზაციის პირობების წარმოდგენის, რაც ამერიკის შეერთებული შტატების სახელმწიფოებრიობის მთავარი საყრდენი პრინციპების რღვევას იწვევს. ზედმეტად გაზრდილი და გამსხვილებული სამთავრობო სტრუქტურები, რომლებიც მიმე ტვირთად აწევს თითოეულ მოქალაქეს, ვადასახადების გადამხდელს, სწორედ რომ პირდაპირ უპირისპირდება რესპუბლიკელთა ერთ-ერთ მთავარ პრინციპს - მცირე მთავრობა, მაქსიმალური



თავისუფლება ადგილობრივ მმართველებს შტატების დონეზე; ხელისუფლების დეცენტრალიზება და ასე შემდეგ.

ეს საკმაოდ ხანგრძლივი თემაა სასაუბრო და ამაზე ალბათ ცალკე ღირს საუბარი. პირადად, შინაგანად, რესპუბლიკელი ვარ და რესპუბლიკური პარტიის რეგისტრირებული მომხრე. ჩემი მეგობრები ნიუ-იორკის რესპუბლიკური პარტიის ცნობილი სახეები არიან და ვთვლი, რომ მათი მხარდაჭერა და გვერდში დგომა დღეს მთლიანად ქართული სათვისტომოს ინტერესებში შედის.

მიმაჩნია, რესპუბლიკური პარტიის გამარჯვება დღესდღეობით შტატებშიც და შტატებს გარეთაც - დღეს მსოფლიოში არსებული ისეთი გამოწვევების ფონზე, როგორც პუტინის რუსეთია, ისლამური სახელმწიფო და მრავალი სხვა ტერორისტული ორგანიზაციაა - ძლიერი, თანმიმდევრული, უკომპრომისო და მყარი ლიდერი ქვეყნის სტატუსის დაბრუნების საწინდარია, რაც დღევანდელ მსოფლიოს ვაცილებით უფრო უსაფრთხოს და სტაბილურს გახდის.

ჩემთვის რეიგანის დროინდელი შეერთებული შტატები სწორედ ის ქვეყანაა, რომლის ნოსტალგია დღესდღეობით არამარტო ამერიკელ მოქალაქეებს, არამედ მილიონობით არაამერიკელს აქვთ, რომელიც სწორედ რეიგანის და მისი ადმინისტრაციის მიერ გატარებული პოლიტიკის წყალობით, „ბიორიტების იმპერიის“, საბჭოთა კავშირის ნგრევას მოეწყო და დღეს თავისუფალი მსოფლიოს თავისუფალი ქვეყნის მოქალაქეა.

- *განდობთ მკითხველს „საიდუმლო რეცეპტს“; რამაც თქვენ ამერიკაში წარმატება მოგიტანათ? ერთ სიტყვაში გიხილეთ, თქვენ ქართულ ზაჭაპურზე დიდი სიყვარულით საუბრობდით. რამდენად გაუწია კონკურენცია „აჭარულმა ზაჭაპურმა“ იტა-*

*ლიურ „პიცას“? როგორ მიიღეს?*

- ქართული სამზარეულო, ისევე როგორც ქართული ცეცხლოვანი ცეკვა და ჩვენი უნიკალური პოლიფონიური ფოლკლორი, ქართული სიმღერა, ჩვენი კულტურის ნაწილია და დღესდღეობით ჩვენი ქვეყნისათვის ერთ-ერთ ყველაზე ეფექტურ და წარმატებულ საეკონომიკურ ბარათად წარმოგვიდგება. დღესდღეობით. ქართული რესტორნები წარმატებით მუშაობენ ბრუკლინშიც, ქვინსში და მანჰეტენზეც. ასევე, კიდევ ახალი ქართული რესტორანი გაიხსნა ნიუ-ჯერსშიც.

ეს საკმაოდ რთული ბიზნესია, თუ გავითვალისწინებთ რა დიდი კონკურენციაა დღეს სამომხმარებლო ბაზარზე, განსაკუთრებით ნიუ-იორკში, სადაც მსოფლიოს ყველა ეთნიკის სამზარეულოა წარმოდგენილი.

ჩვენ, ქართველები, ამ ბიზნესშიც პირველ ნაბიჯებს ვდგამთ, თუმცა ამერიკელებისაგან ჩვენი სამზარეულოს მიმართ დიდი ინტერესის გამოხატვის ფონზე, იმედს ვიტოვებ რომ, ახლო მომავალში, ქართული ზაჭაპური აშშ-ში ყველაზე პოპულარული პროდუქტის - იტალიური პიცის თანასწორი ალტერნატივა გახდება.

ამერიკელები საკმაოდ მოძთხოვნები არიან კვების საკითხში და ამასთანავე საკმაოდ მოუადინებელი, ახალი და უცხო გემოს, ზოგადად ახლის ძებნის საკითხშიც. ჩვენ ვფიქრობთ, რომ ჩვენი კაფეების ქსელი დროულად შეიქმნა და ამ ახლის ძიების ფონზე ქართული სამზარეულო თავისი გამორჩეული გემოთი აუცილებლად დაიკავებს განსაკუთრებულ ადგილს ადგილობრივ ბაზარზე.

- *რა გენატრებათ ყველაზე ძლიერ საქართველოში?*

- ქართველი, რომელიც დროებით თუ სამუდამო ემიგრაციაშია, სწორედ მონატ-



**„ქართული დიასპორა ერთ-ერთი ყველაზე სუსტი და არა-ორგანიზებული დიასპორაა ამერიკის შეერთებულ შტატებში.“**

რებით ცხოვრობს და უძლებს განშორებას. ჩვენი ქართულ-ამერიკული დიასპორის სისუსტის და არამყარად ფეხისმოკიდების ერთ-ერთი ახსნა ამაშიცაა - ემიგრანტთა უმრავლესობა აშშ-ში დროებით იმყოფება ანუ არ განიხილავს თავს ამერიკის საზოგადოების ნაწილად და არც ცდილობს ადაპტირებას. მიუხედავად იმისა, რომ ამერიკამ და ადგილობრივმა საზოგადოებამ მაქსიმალურად გაგვიღო ყველა ქართველს კარი და მშობელივით ჩავკიხუტა ჩვენთვის ყველაზე რთულ და მძიმე წლებში, ქართველის გული მაინც სამშობლოშია და მას ეკუთვნის.

ეს შეიძლება ხმამაღალ ნათქვამად ჟღერს და დევიზს უფრო გავს, მაგრამ სიმართლეა. ჩვენი უმრავლესობა მაინც საქართველოსკენ იყურება, სადაც საკუთარი ოჯახები ეგულვით და შესაბამისად, ეს ნოსტალგია ძალზედ ძლიერია. მე ჩემი მშობლები მენატრებიან, ჩემი დიდი ოჯახი, ნათესავები და მეგობრები.

ბევრი რამ შეიცვალა საქართველოში, მიხარია რომ ჩემს ქვეყანაში აღარ არის ტოტალური შიში, აღარ არის ჩემი ქვეყნისთვის უცხო, თავისი ხარისხით და მას-შტაბებით უპრეცედენტო ძალადობის ატმოსფერო, მაიმედებს რომ ძალიან ბევრი რამ კეთდება.

ბევრი რამ შეიცვალა, რაც წამოვედი. მათ შორის, შეხედულებები და წარმოდგენები ბევრ საკითხზე და ფასეულობაზე; შეიცვალა საზოგადოების მენტალიტეტიც. სამწუხაროდ, ემიგრანტული გადმოსახედიდან ისეთ ფასეულობებზე, როგორცაა სიკეთის კეთების სურვილი, მიღებული სიკეთის დანახვა და დაფასება, გაჭირვებულის და სუსტის შებრალება, ურთიერთ-სიყვარული და ურთიერთობის მოფრთხილება, ერთმანეთის ერთგულება, მეგობრობა, შენიანის მონატრება და თანადგომა, სხვისი აზრის და პოზიციის სწორად დანახვა, დაფასება და გათვალისწინება, - ეს ბოლო 15-20 წელია დღევანდელი რეალობა ქართულ საზოგადოებას სერიოზულ გამოცდას უტარებს. მინდა, რომ ეს გამოცდა ემიგრაციაშიც და საქართველოშიც ყველამ ღირსეულად გავიაროთ.

- როდის აპირებთ საქართველოში დაბრუნებას?

- ჩემი საქართველოში სამუდამო დაბრუნების დრო, სამწუხაროდ, ჯერ არ დამდგარა, თუმც სხვანაირად არც ვგეგმავ ჩემი ოჯახის მომავალს.

**იზა შაქარაშვილი**



# უნახავმა რა ნახა?! მიხეილ ძვლივიძის ახამდე დაუზიჭდავი ნარკვევი

იმ დღიდან, რაც შეერთებულ შტატებში ჩამოვედი, სულ ვფიქრობ: „ღმერთო, მოვეცი ჩვენც, ქართველებს ასეთივე ცხოვრება (მე მხედველობაში მაქვს მატერიალური ღონე და ის ფუფუნება, რასაც ადამიანს განვითარებული ტექნიკა უქნის!). რა ბედნიერები ვიქნებოდით, რა ნოყიერი ნიადაგი ექნებოდა ჩვენს ნიჭს, ყველა ჩვენს შესაძლებლობას! ჩვენ ხომ მართლა კარგი ხალხი ვართ: ოჯახიც გვიყვარს, ნათესავიც, მეგობარიც, კარის მეზობელიც კი ახლობლად მიგაჩნის! მოყვასთან ურთიერთობა ჩვენი უპირველესი სულიერი მოთხოვნილებაა, ამის გარეშე ქართველ კაცს არსებობა არ შეუძლია! მიუხედავად იმისა, რომ დრო გაფუჭდა, პირადად მე ბევრი ნაცნობი და უცნობი ქართველი მეგობარია, ვინც საზოგადოებრივ მოღვაწეობას უანგაროდ ეწევა.

აქ კი, ამერიკაში, სულ სხვანაირი ხალხია. მეგობრობას ისინი „პარტნიორობას“ უწოდებენ. თუ ამერიკელი ბიზნესმენი ან სახელმწიფო მოხელე ადამიანთან საქმიანი ინტერესით არ არის დაკავშირებული, მასთან ურთიერთობა დროის დაკარგვად მიაჩნია. დრო კი, მათი გაგებით, ფულია და მისი გამოყენება საჭირო! დიან, უანგაროდ, უმიზეზოდ, უბრალო სიმპათიის გამო აქ არავინ არავის დაუახლოვდება! უდარდელი დროსტარება აქ ყოვლად წარმოუდგენელია! ერთად თუ შეიყრებიან და სადმე რესტორანში წავლენ, - მეგობრები კი არა, თანამშრომლები ან საქმიანი ინტერესით დაკავშირებული ხალხი უნდა იყოს. იქაც, სუფრასთან, ძირითადად, საქმეზე საუბრობენ, უქმად რომ არ ჩაიაროს მათმა შეხვედრამ და რაიმე ხელსაყრელი შედეგი გამოიღოს...

...და კიდევ, საკუთარ ჯანმრთელობაზე გადაყოლილი ზრუნვით გამოირჩევიან ამერიკელები! ექიმებთან განუწყვეტელი კონსულტაციები, სმა-ჭამის რეჟიმის დაცვა, თამბაქოს მოწვევაზე უარის თქმა და ა.შ. არსად სხვაგან ასეთი რამ არ შემხვედრია!

... ვინც ამ ჩემს ნარკვევს წაიკითხავს, ალბათ, მისაყვედურებს, რომ ამერიკის ღირსშესანიშნაობებს კი არ ვათვალიერებდი (კათამბეჯენებს, მუზეუმებს, ძეგლებს, თეატრებს, გამოფენებს), არამედ უფრო ადამიანებსა და მათი ცხოვრების წესს ვაკვირდებოდი. ეს მანტერესებდა. მე და ჩემმა თაობამ საბჭოთა კავშირში ისეთ არაადამიანურ პირობებში გავატარეთ ცხოვრება, რომ ჩემი ინტერესი 21-ე საუკუნეში ფეხბადადგმულ ამერიკისადმი სავსებით გამართლებულია.

... ნიუ-იორკში, ჰუდონის ქვეშ გაყვანი-

ლი სამკილომეტრიანი გვირაბიდან რომ ამოხვალთ, მანჰეტენის შუაგულში აღმოჩნდებით, მანამდე კი თქვენს თვალწინ ცათამბეჯენების გადასარევი პანორამა იშლება. ღმერთო ჩემო. რამდენი სისულელე არ წამიკითხავს საბჭოთა პრესაში ამ ცათამბეჯენების შესახებ?! არადა, ასეთი ლამაზი სანახაობა ჩემს სიცოცხლეში არ მინახავს! კავკასიონის ქედს რომ უყურებ თვითმფრინავიდან ან სხვა მაღალი წერტილიდან, სწორედ ისაა ნიუ-იორკის ცენტრში განლაგებული მანჰეტენი!

... მაგრამ ამერიკა, ჩემი შთაბეჭდილებით, მაინც ცათამბეჯენის კი არა, ორ-სამსართულიანი სახლების ქვეყანა და კიდევ, გადასარევი ავტოსტრადების - საავტომობილო გზების სახელმწიფო! ეტყობა, ამერიკელებმა ჯერ თავიანთი საცხოვრებელი სივრცე მოაწყვეს, ლამაზი და მოხერხებული კოტეჯები დაიდგეს, მერე კი, მოთვლილი გასაკვირვებლად, ცაში სართულები აისროლეს და, თუ შეიძლება ასე ითქვას, „ღმერთს ფეხისგულები დაფხანეს“?

მე უკვე ვითხარით, ამერიკა ის ქვეყანაა, სადაც ადამიანი მომავლის იმედით და ოცნებით კი არ ცხოვრობს, დაუყოვნებლივ ახორციელებს იმას, რაც დღეს სჭირდება. მე ვგულისხმობ კარგად მოწყობილ ყოფას, ყოველდღიურ მოთხოვნილებათა დაკმაყოფილებას და სხვა. მაგრამ ამგვარმა მუდმივმა სწრაფვამ კეთილმოწყობილი ცხოვრებისაკენ რიგითი ამერიკელი შეძლებული ცხოვრების მიძევადება გახადა, იგი იძულებულია ავანსად მიღებული კეთილდღეობა დაუღალავი შრომით გამოისყიდოს. დიან, თავაუღებელი, გამანადგურებელი შრომით! ეს კი თავისუფლების ერთგვარი შეზღუდვაა, რადგან გულისხმობს აღებულ ვალდებულებათა აუცილებელ შესრულებას!

ამერიკელი სულ რაღაცა გადასახადებს იხდის და სულ მუდამ ყელამდე ვალებშია ჩაფლული! ღმერთი-ჯეული, არ ვინატრებდი ასეთ ცხოვრებას!.. პრაქტიკიზმი ამერიკელებს ძვალსა და რბილში აქვთ გამაჯდარი და მე უკვე რამდენი ხანია აქ ვარ, მაგრამ ჩემსავით არაპრაქტიკული, იდეალისტი კაცი, რომელიც თავის 12-ლარიანი პენსიით კმაყოფილდება, ჯერ არ შემხვედრია! ჩემს შემოსავალზე რომ მეკითხებიან, არ ვპასუხობ, რადგან ვიცი, ხუმრობა ეგონებათ და გაიცინებენ...

მაინც კარგია, რომ ამერიკაში ჩამოვედი! აქ საბოლოოდ დავრწმუნდი, რომ მატერიალური კეთილდღეობა ადამიანის ბედნიერების საფუძველი არ არის. კეთილდღე-

ობას კაცი ისევე მალე ეჩვევა, როგორც სიღუჭიერეს. ადამიანი სხვა რამისათვის არის გაჩენილი. მირჩევნია, გაცილებით უფრო ღარიბად ვიცხოვრო, მაგრამ იმ სულიერ კმაყოფილებას განვიციდდე, რასაც ჩემს გაჭირვებულ სამშობლოში, ჩემს ღარიბ ოჯახში ვღებულობ და ის ურთიერთობა მქონდეს ადამიანებთან, ურომლისოდაც სიცოცხლე არ შემიძლია! არა, არავითარ შემთხვევაში არ არის ცხოვრების მიზანი - მატერიალური დოვლათის შექმნა და დაგროვება და, ალბათ, ამაშია მარქსიზმისა და კომუნისტების უდიდესი შეცდომა!

ამერიკელთა უმრავლესობის - ბიზნესმენების, სახელმწიფო მოხელეების და სხვადასხვა პროფესიის ხალხის - სულიერი სიღატაკე მით უფრო აშკარად ჩანს, რაც უფრო ტექნიკურად განვითარებულ პირობებში ცხოვრობენ, რაც უფრო მატერიალურად უზრუნველყოფილი არიან! „ჩემს სახლში რომ მოხვალთ და სასწოროზე აიწონებით, დახრა არ დაგვირდებათ, სასწორი თვითონ გეტყვით - რა სიმაღლისა ხართ და რამდენს იწონით!“ - იკვეხნიდა ერთი ბიზნესმენი, ვისთანაც სტუმრად დამატიყეს. მივედი და, მართლაც, იატაკის სასწორში ჩამონტაჟებულმა უხილაგმა მიკროფონმა ზუსტი ცნობები მომაწოდა ჩემი სიმაღლისა და წონის შესახებ!.. ასეთია ეს ქვეყანა, დაკუნთვაც ეხარებათ ტექნიკით განებივრებულ ამერიკელებს!

ამიტომ არა გასაკვირია, რომ ამდენი მსუქანი კაცი და ქალი, რაც ამერიკაშია, სხვაგან არსად შემხვედრია, - არც ჩვენთან, არც ევროპაში, - და ეს მაშინ, როცა არავინ ისე არ ზრუნავს თავის ჯანმრთელობაზე, როგორც ამერიკელები!

ნიუ-იორკსა და ვაშინგტონში უამრავი წიგნის მაღაზიაა. ხალხიც ბევრია შიგ, მაგრამ წიგნს, როგორც ასეთს, მით უმეტეს მხატვრულ ლიტერატურას, მგონი, არავინ კითხულობს. ტყუილად კი არ ტრაბახობდა საბჭოთა კავშირი თავისი „მასობრივი მკითხველი“. ალბათ, ყველას ახსოვს მოსკოვის მეტრო, სადაც კაციშვილს ვერ ნახავდი, რომ წიგნი არ სჭეროდეს ხელში. ამერიკაში ასეთ რამეს იშვიათად ნახავთ. ესენი ძირითადად გაზეთებს კითხულობენ და ტელევიზორს უყურებენ. გამოწერილი აქვთ ცნობარები, სადაც წერია, რომელ მაღაზიაში რა იყიდება და რამდენი ღირს, ბირჟაზე როგორი კურსი აქვს დოლარს.

ქალები მოდის ჟურნალებს ათვალიერებენ, კულინარიის ახალ მიღწევებს ეცნობიან, მაგრამ სად არიან ამ დროს ფოლკნერი,



ჰეინეუეი, სტეინბეგი, აჰლაიკი, თუნდაც მარკ ტვენი? სად არის ამერიკული კულტურა, რომელსაც ჩვენ, ყოფილი საბჭოთა ხალხი, თვითონ ამერიკელებზე უკეთესად ვიცნობთ?

ერთხელ მე და ტომა სტუმრად წავედით. ერთი შეხედვით, კულტურულ ოჯახში მოვხვდით: მდიდრულად მორთულ ბინაში წიგნებით სავსე კარალებიც იდგა, როიალიც იყო და კომპიუტერიც. ჩემმა შვილმა ოჯახის უფროსს უთხრა: მამაჩემი ახლახან რუსეთიდან ჩამოვიდა, იქ ცხოვრობდა და მუშაობდა... ბიზნესმენმა გაიღიმა და იკითხა: „მამათქვენი, ალბათ, ხშირად შეხვედრია დღევანდელი ტოლსტოის, უსაუბრია კიდეც მასთან?!“ კარგია, რომ ინგლისური არ ვიცო, თორემ ხმამაღლა გავცივებდი!

ჩემი სიძის, ვალოდიას ოჯახი ნიუ-ჯერსის შტატში, პატარა ქალაქ მაუნტენსაიდში ცხოვრობს. მაუნტენსაიდი ინგლისურად, მგონი „მის ფერდობს“ ნიშნავს და ტყეებით არის გარემოცული. ჩვენი სამსართულიანი შენობა ქალაქის განაპირას დგას. ამასწინათ აიენიდან ირმების ჯგოფი დავიხანებ, ცხოველები ბალახს ძოვდნენ. ულამაზესი ნუკრი თავის დედიკოს ახლდა და კუდს სასაცილოდ აქიციებდა. მე და ტომა ჩუმად ვუთვალთვალებდით ირმებს, მერე კატინემ მორბინა და ყვირილი მორთო. ცხოველები დაფრთხნენ და ბუჩქნარში გაუჩინარდნენ... ჩვენი სახლის წინ, ქუჩის მხარეს, სადაც დილაობით ბალახს ვრწყავ, ბევრჯერ მსუქანი და ბავჯავჯა მარცვ მიხანავს. ფრინველებიც ბევრია აქ და ნაირნაირი პებლებიც. თვითონ ტყე კი უდაბურია და, თუმცა კულტურულად „პარკს“ უწოდებენ, იქ არავინ სეირნობს, არც სოკოს კრეფენ... ტომამ მითხრა, ერთხელ ჩემი სამზარეულოს ფანჯრიდან ფუტკრისხელა ჩიტი დავიხანახო, ჭრელი იყო და ძალიან გრძელი ნისკარტი ჰქონდაო. „იქნებ კოლიბრი იყო?“ - გავიფიქრე, რადგან ამერიკაში ყველაფერი მოსალოდნელია.

გუმინ ოციოდე კილომეტრით გავცდით სახლს და ყვავილების მაღაზიაში ვაშლისა და ატმის ნერგები ვიყიდეთ. მე და ვალოდიამ ეზოში დავრგეთ. თუ გაიხარა, ჩემს სახელზე გაიხარებს და ჩემს შვილს და შვილიშვილებს ჩემს თავს გაახსენებს... ჩვენი სახლის წინ აგვისტოს მზემ ბალახი გადაწვა და ვალოდიამ გადაწყვიტა მიწის მწვანე საფარის განახლება. ვიფიქრე, ალბათ, ნიადაგს დაბარავს და, როგორც ჩვენში იციან, კონდარს დათესავს-მეთქი. არაფერიც მაგისტანა! იმავე ყვავილების მაღაზიაში 5-7 სანტიმეტრის სისქის მიწის საფენი შევიძინეთ ზედ ამოსული კონდრით. იგი, სატელეფონო კაბელის მსგავსად, ვებერთელა ხის კოჭზე იყო დახვეული და სატვირთო მანქანით მოგვართვეს სახლში. მერე მუშები მოვიდნენ, ძველი საფარი მიწას სუფრასავით გადახადეს და ახალი დაფინეს!



უკვე ათი დღე დარჩა ჩემს გამგზავრებად. ერთი სული მაქვს, სანამ თბილისში დავბრუნდები. აღარ მინდა არც ამათი მამდარი ცხოვრება, არც ამათი ტექნიკური საკვირველებანი და არც სიმშვიდე, რაც აქ სუფევს. მენატრება ჩემი ცოლ-შვილი და, რაოდენ ბანალურიც უნდა იყოს, რუსთაველის პროსპექტზე ფეხით გასეირნება...

ლამის ორი საათია და არ მძინავს. გარეთ საშინლად წვიმს, ნამდვილი თავსხმა! ნეტა რა ხდება ახლა თბილისში? როგორ არიან ჩვენები? მათ რაღაცების ყიდვა დამაბარეს და სწორედ დღეს ყველაზე დიდ სუპერმარკეტში ვიყავი, სადაც ყველაფერი იყიდება - საქონელიცა და სურსათიც. მაღაზიაში სამშენებლო მასალების განყოფილება და იქით გავმუშურე, რომ გოგაისთვის წებო მეყიდა. „კარგი წებო ჩამომიტანე, ისეთი, ყველაფერს რომ აწებებს“, - დამაბარა ბიჭმა. წებოების მეტი აქ რა არის: წებო, რომელიც ქაღალდს, მუყაოს, ხეს, ბამბას, კრამიკას, ლითონს, ასე გასინჯავ, რკინა-ბეტონსაც აწებებს! აირჩიე, რომელიც გინდა! მეც ვარჩიე, ვარჩიე და ბოლოს „ქრეიზი გლუ“ ვყიდე, რაც ინგლისურად „გადარეულ წებოს“ ნიშნავს! ინსტრუქციაში, რომელიც ტომამ მითარგმნა, ეწერა, რომ ეს წებო ნებისმიერ მასალას აწებებს, თან განუსაზღვრელი ვადით (მართო ეს რეკლამა რად ღირს!). მე მგონი, გოგაის გაუხარდება...

კატინე შიგადაშიგ ინგლისურს მასწავლის. მე ქართულ სიტყვებს ლათინური ასოებით ვუწერ და მიხარია, როცა ყოველ დღილი, სამზარეულოში შემოსულია, დილა მშვიდობისაო მეუბნება. მეც, ალბათ, მალე ინგლისურად დავლაპარაკებ, რადგან უკვე ვიცი ერთი სიტყვა: „ქრეიზი გლუ“! მაინც რატომ ამეკვიტა ეს „გადარეული წებო“? იქნებ იმიტომ, რომ ამ ქვეყანაში ყველაფერი არაჩვეულებრივია და სულ არ ჰგავს იმას, რაც მანამდე მინახავს!

\* \* \*

ნიუ-იორკში ე.წ. „რუსული რადიო“ არსებობს, რაც ფაქტობრივად ებრაული

რადიოა. ასევე რუსული გაზეთიც „ნოვოე რუსკოე სლოვო“, სადაც რუსულად დაბეჭდილ მასალას ამკარად გამოკვეთილი ებრაული აქცენტი აქვს.

რუსულ რადიოს ხელმძღვანელობს ვინმე იოსიფ საცი - ჩემი მოსკოველი მეგობრის, გრიშა გორინის ნაცნობი. რამდენჯერმე დავურეკე ამ კაცს (თუ საცს?) მაგრამ ადგილზე არ დამხვდა. მინდოდა რადიოთი გამოვსულიყავი და ჰონორარის მსგავსი რაღაც მიმეღო, რადგან ამ ხნის მწერალს ცოტა მრცხვენია, რომ ნათესავების კმაყოფაზე ვიმყოფები...

იოსიფ საცი საკმაოდ ყურადღებიანი ვინმე გამოდგა. გორინის წერილი რომ გადავეცი, ხელად პროგრამაში შემიტანა და მეორე დღისათვის დანიშნა ჩემი რადიოგამოსვლა: „ქართველი პოეტი მიკროფონთან“. მივედი. ყურებზე ვეება „ნაუშნიკები“ ჩამომაცვებს და საცმა გამაფრთხილა: „მხედველობაში იქონიეთ, ეს გადაცემა ღია ეთერში მიდის, თქვენ მთელი ამერიკა გისმენთ!“ ჩართეს მიკროფონი და მე მოვახსენე „მთელი ამერიკას“ აფხაზეთის ამბების შესახებ, შევარდნაძესაც ორიოდ სიტყვა შევაწიე და იმედი გამოვთქვი, რომ მისი ხელმძღვანელობით საქართველო გაჭირვებას თავს დააღწევს და მსოფლიო ასპარეზზე გავა... ორმოც წუთამდე ვილაპარაკე. მერე დაველოდე რადიომსმენელთა შეკითხვებს. კარგა ხანი არავინ ხმას არ იღებდა, ბოლოს, ვიღაცამ მკითხა: „როგორ ცხოვრობენ თბილისში ებრაელები? ამბობენ, რომ მათ დევნიან და ავიწროებენ, მართალია?“ მე ვუპასუხე, რომ ამჟამად ებრაელები თბილისში ისეთსავე გაჭირვებას განიცდიან, როგორსაც ქართველები, თათრები, ბერძნები, რუსები, ქურთები და სხვა ეროვნების წარმომადგენლები, ანუ მთელი თბილისის მოსახლეობა. სხვა შეკითხვები არ ყოფილა.

ამ ორმოცწუთიან საუბარში, ჩემდა გასაკვირად, 50 დოლარი გადამიხადეს.

\* \* \*

მე და ვალოდიამ ამას წინათ ჩვენი სახლის მიმდებარე ტერიტორია დავასუფთავეთ: სარეველა ბალახი გავკაფეთ, ხეებს ხმელი ტოტები შევაჭვრეთ, ორმოები მიწით ამოვავსეთ და გავასწორეთ. ვალოდიამ ყვავილების ჩითილები მოიტანა და გაზონებში დავრგეთ. ეს წერილმანი საქმეები ხალისს მმატებს და სამშობლოზე დარდს მიქარვებს. ვალოდია მუდამ დაკავებულია და მე და ტომას საკმარისი დრო გვაქვს სასაუბროდ. მთელი ჩემი ცხოვრების მანძილზე ადენი არ მილაპარაკია ჩემს შვილთან. რაზე აღარ ვსაუბრობდით? ცხოვრებაზე, ლიტერატურაზე, პოლიტიკაზე, თეატრზე, მოდაზე...

\* \* \*

ჯანმრთელობის მხრით ასე კარგად არასდროს ვყოფილვარ! ტომა სულ თავზე

მეგლება, აღარ იცის რით მასიამოვნოს: ხან თავისი ბიბლიოთეკიდან უცნობი მწერლის წიგნს მომცემს, ხან თანამედროვე მუსიკას მომასმენინებს, ხან ეგზოტიკური კერძით გამიმასპინძლებს... თან სულ ჭკუას მარიგებს, როგორ უნდა მოვიქცე და ვიკვებო, რომ დიდხანს ვიცოცხლო. პაპროსის წევას მაინც ვერ გადაამჩვია და ვეწვევი გადასარევ ამერიკულ სიგარეტებს, რომლის მსგავსი არც მოსკოვში, არც თბილისში არ მომიწევია! შაბათობით ორივენი „სუპერმარკეტში“ მივიღივართ მთელი კვირის სამყოფი სანოვავის საყიდლად. თუ კატინეც ჩვენთან არის, აუცილებლად „მაკდონალდსში“ შევიხიერებთ, რომ უგემრიელესი შემწვარი კარტოფილით და ნაყინით ვისამოვნოთ... მოკლედ, სამოთხეში ვარ! ტყუილად კი არ დავარქვი ჩემს ნარკვევს „უნახავმა რა ნახაო?!“ განსაკუთრებით „სუპერმარკეტში“ მაგიუებენ! ყველაფერი არის, რასაც ადამიანი ინატრებს! შიგნით, მალაზიაში, ერთ გამყიდველსაც ვერ ნახავთ: მხოლოდ თაროებია და მათზე გამოფენილი საქონელი. კულინარიის განყოფილებაში, ვიტრინებს შორის, მაგილებია ჩარიგებული, სადაც მყიდველს შეუძლია გემო გაუსინჯოს პროდუქტს, რომლის შეძენასაც აპირებს. თუ პროდუქტი ცივად იჭმება, მაკვირიდან ამოვიღებენ, თუ გაცხელებას საჭიროებს, გააცივებენ, თან გამაგრებულ წყალსაც მოგართმევენ, რომ ყელზე არ დაგადგეს... ამში ფულს არ გახდევინებენ. ასე რომ, თუ თქვენ გზით, საჭმელს ნუ იყიდით, მუქთად დანაყრდით, სანამ მალაზიაში იმყოფებით (ეს, რასაკვირველია, ჩემისთანა „უნახავებს“ ეხება, თორემ ადგილობრივი მოსახლეობა ასე არ იქცევა!).

\* \* \*

ნიუ-იორკში ერთი უბანია, - „ბრაიტონ-ბიჩს“ ეძახიან. ეს საბჭოთა კავშირიდან ჩამოსული ემიგრანტების რაიონია. ადრე აქ ზანგები ცხოვრობდნენ, მაგრამ ახალჩამოსულები იმდენად აგრესიულები აღმოჩნდნენ, რომ შეავიწროვეს და განდევნეს შავკანიანი მოსახლეობა. „ბრაიტონ-ბიჩზე“ რომ მოხვდები, შენი თავი ოდესამდე ან გომელში გეკონება: ვიწრო, დანაგვიანებული ქუჩები, ყველგან რუსული წარწერები, ებრაული აქცენტით მოყვანილი ბრბო... ქუჩებში იმდენი ხალხია, თავისუფლად ვერ გაივლი!

საბჭოთა რეჟიმის ნოსტალგიით დაავადებული კაცი „ბრაიტონ-ბიჩზე“ ხელად განიკურნება: აქ მისთვის ყველაფერი ნაცნობი და მშობლიურია: გრძელი რიგებიც, გამყიდველებიც, უხეშობაც, ლანძღვა-გინებაც (განსაკუთრებით, რუსული ღვინის გინება!). აი, სად უნდა დაასახლო დღევანდელი კომუნისტები: ამხანაგი ზიუგანოვი და ბატონი პანტელეიმონი! არც სხვებს აწყენდა ამ „სამოთხეში“ ყოფნა, რომ ცოტა ჭკუა-

ზე მოსულიყვნენ...

ორი დღის წინ ჩემს სიძეს რაღაც წვეულება ჰქონდა და მე და ტომა „ბრაიტონ-ბიჩზე“ წავედით დელიკატესების საყიდლად. ტომამ თქვა, იქ კარგი ქაშაყი და სოკოს წნილი იყიდებაო. „ელიოდკა“ და „კრიბოჩკები“ ზომ რუსული სუფრის მშვენიერია!.. მალაზიას რუსულად გასტრონომი ეწერა. შიგნით ხალხის ტევა არ იყო. ამერიკაში რიგები არ მინახავს, აქ კი ისეთი ორომტრიალი იდგა, გეგონება, იმი დაიწყო და მოსახლეობა პროდუქტებს იმარაგებს, რომ შიმშილით არ ამოწყდესო! ტომამ ერთ რიგში დაიკავა ადგილი, მე მხორეში ჩამაყვანა, სალაროსთანაც გავაფრთხილეთ ხალხი... მოკლედ, მშობლიურ სტიქიაში ვიგრძენი თავი, თითქოს მოსკოვში ან თბილისში ვიმყოფებოდი...

\* \* \*

ჩვენს სახლთან მანქანების მოსახვევია. დილაობით, როცა ბალახს ვრწყავ, ერთი შემთხვევა არ მახსოვს, რომ მანქანას გაველოს და მძღოლს ჩემთვის სალაში არ ეთქვას: კაცია თუ ქალია, ზანგია თუ თეთრკანიანი, სვლას შეანებებს, თავს გამოყოფს, ხელს დამიქნევს და „ჰელოუ!“ მომამახვებს. კარგია ეს! ჩვენს სოფელშიაც ასე იცოდნენ ძველად: ნაცნობსა თუ უცნობს გულეკაცი ყველას ესალმებოდა. „სალამი ღვთისაო“, - ამბობდნენ სოფლები. ახლა ეს წესი დაირღვა. ალბათ, იმიტომ, რომ გაუჭირდა ხალხს და ბევრ კარგ თვისებასთან ერთად ზრდილობაც დაკარგა. მაგრამ მაუნტენსა-იდი ზომ ქართული სოფელი არ არის! თანამედროვე ამერიკული ქალაქია. მაშ საიდან აქ პატრიარქალური ქართული ჩვეულება? მე გომონი, პატრიარქალობა და ქართველობა არაფერ შუაშია, უბრალოდ, ამერიკელი მოქალაქე კმაყოფილია თავისი ცხოვრებით და ყველას მიმართ კეთილად არის განწყობილი...

როგორც ჩემმა შვილიშვილმა ანიკომ მითხრა, ამერიკაში თურმე ყველაზე უპატივებელ დანაშაულად რასიზმი ითვლება. საკვირველია, ღმერთმანი! საბჭოთა პროპაგანდა სულ იმას გაიძახოდა და სკოლაშიც ამას გვასწავლიდნენ, ამერიკა რასიზმის ქვეყანაო, „კუკლუქს-კლანი“ მარტო იქ არსებობსო... ანიკოს თქმით კი შეერთებულ შტატებში ადამიანის დაზარალება მხოლოდ იმის გამო, რომ იგი შავკანიანია ან სხვა ეროვნებას ეკუთვნის, მიუტყვებელ დანაშაულად ითვლება! მე მაინც მგონია, ეს უფრო სახელმწიფოს ოფიციალური პოზიციაა, ვიდრე სინამდვილე. თუმცა ჩემი შვილიშვილები უპირატესად ზანგ ან კორეელ ბავშვებთან მეგობრობენ და ერთხმად გაიძახიან: ისინი, ამერიკელებთან შედარებით, უფრო „გულიანები“ არიანო! (იქნებ ქართული სისხლი ალაპარაკებთ?)

ბავშვებთან დაკავშირებით კიდევ ერთი

რამ მინდა აღვნიშნო: ადამიანის უფლებების დაცვის მექანიზმი აქ ისე კარგად მუშაობს, რომ საკმარისია პოლიციელმა ქუჩაში შეამჩნიოს კაცი ან ქალი, - მშობელი, რომელიც თავის ბავშვს სცემს და ატირებს, - წესრიგის დამცველს შეუძლია იგი დააპატიმროს და პოლიციაში მიაბრძანოს! მერე სასამართლო განსჯის უფროსის ღესპოტურ მოქმედებას და შესაძლოა მშობლობის უფლებაც წაართვას!

\* \* \*

ისევ ადამიანთა ურთიერთობას მინდა შევეხო. მე უკვე ვითხარით: ამისათვის ვცოცხლობ-მეთქი და ეს ლიტონი სიტყვა არ არის. ხუმრობით ბევრჯერ მითქვამს: „მარტო ნუ დამტოვებთ, ვინმესთან კონტაქტი დამამყარებინეთ და თუნდაც მარხუბეთ მასთან!“ ეს ქართველი კაცის პოზიციაა! ამერიკაში ადამიანთა ურთიერთობა თითქმის ყოველთვის პრაქტიკულ ინტერესს ემყარება და არა სიყვარულს, მეგობრობას, პატივისცემას და სხვა. ისინი იმდენად პრაგმატიკოსები არიან, იმდენად გამჯდარი აქვთ სისხლსა და ხორცში წმინდა მცნება „დრო ფულია“, რომ დაუკითხავად, წინასწარი შეტყობინების გარეშე, მეგობარი მეგობართან ვერ მივა და ნათესავი ნათესავს ვერ მოინახულებს! ერთი მხრივ, ეს კარგია, რადგან პიროვნების სუვერენიტეტის შელახვის უფლება არავის აქვს. მაგრამ რა შუაშია სუვერენიტეტი, როცა სიყვარულსა და მეგობრობაზე ლაპარაკი?! ჩემი ღრმა რწმენით, ამ პაწაწინა პლანეტაზე ყველანი ნაცნობები ვართ (სამწუხაროდ, ჩემს მეტმა ეს არავინ იცის!) და, რაც უფრო მალე მივხვდებით ამას, მით უკეთესი იქნება! განა საწყენი არ არის, ისე გავატაროთ ჩვენი წუთისოფელი, რომ არ გამოვეცნაუროთ, არ დაველოდოთ, ხელი არ გავუწოდოთ ერთმანეთს და დავვივლოთ ის უდიდესი საიმოვნება, რასაც ადამიანი განიცდის, როცა მოყვასს გააბედნიერებს?!

\* \* \*

თბილისში ჩემს წასვლამდე სულ ორი დღე დარჩა. ბილეთი უკვე მომიტანეს, ბარგიც ჩალაგებულია. ხვალ უკანასკნელად მანქანებზე ვაკეცავ ზაერებით მე და ტომა. იქ ერთი მართმადიდებლური ეკლესიაა და სასანიტო მინდა ავანთო. მადლობა, ღმერთს შინ ვბრუნდები! ბევრი არაფერი მიმაქვს, გარდა „გადარეული წებოსი“ (განსოვთ „ქრეიზი გლუ“?) და დიქტოფონზე ჩაწერილი ჩემი შთაბეჭდილებებისა...

ძალიან გთხოვ, ჩემო მკითხველო, ამ ჩემი „გაურკვეველი ნარკვევის“ მიმართ მკაცრი ნუ იქნები. გავიმეორებ იმას, რაც წინასიტყვაობაში ვითხარე: ამერიკა არც ქვეყანაა, არც კონტინენტი. იგი გამოუცნობი პლანეტაა, რომელიც ყოველთვის თავის ახალ აღმოჩენის ელის. ერთი ასეთი აღმოჩენილი მეც ვარ.



# „მამულის“ მფლობელია: კომპიუტერის ექიმი

www.mycompwiz.com; 1-908-361-9590 აკაკი ჯიქია

## ვირუსისგან გაფხმნდა

თუ შეამჩნევთ, რომ თქვენი კომპიუტერი არ ფუნქციონირებს ისე, როგორც ადრე, შესაძლებელია კომპიუტერი ინფიცირებული იყოს ვირუსებისგან, Malware, Spam ან კიდე keylogger ისგან, რომელსაც ესაჭიროება გაქმნა;

## სადენის შეკეთება

ხშირ შემთხვევაში ლეპტოპის სადენი ზიანდება სხვადასხვა მიზეზის გამო და შეუძლებელი ხდება ბატარეაზე დენის მიწოდება. ესაჭიროება შეკეთება;

## მიკროსისტემების გამოცვლა

ჩვენ შეგვიძლია ნებისმიერ ლეპტოპს ან დესკტოპს გამოვუცვალოთ დაზიანებული მიკრო-სისტემა და დავაბრუნოთ მუშა მდგომარეობაში;

## კლავიატურის გამოცვლა

თუ თქვენს ლეპტოპს ესაჭიროება კლავიატურის გამოცვლა, ჩვენ მზად ვართ დაგეხმაროთ ნებისმიერი მოდელის კლავიატურის გამოცვლაში. თუ ფიზიკურად არ ხერხდება ჩვენამდე მოსვლა, და-

\* \* \*

ჩვენ შეგვიძლია ინტერნეტით, თქვენთან მოუსვლელოდ დაუკავშირდეთ კომპიუტერს. ჩვენი მომსახურება გარანტირებულია, ვინაიდან პროფესიონალურად ვეკიდებით ჩვენთვის დაკისრებულ მოვალეობას და შესაბამისად, მომხმარებლებიც ბედნიერია ჩვენით.

გეხმარებით საფოსტო მომსახურებით;

## ფენის გამოცვლა

თუ თქვენი ლეპტოპი ითიშება ხშირად უმიზეზოდ, შესაძლებელია ფენი იყოს დაზიანებული ან გამოსაცვლელი. გათიშვის მიზეზი შესაძლებელია გადახურება ან გაძლიერებული დათვიანობა და ცხელი გარემო. მოულოდნელმა გათიშვამ შეიძლება ვინჩესტერიც დაზიანოს, ამისათვის დროულად უნდა შეკეთდეს;

## ეკრანის გამოცვლა

არასწორმა მოპყრობამ ადვილად შესაძლებელია ლეპტოპის ეკრანი დაზიანოს და საჭიროებს გამოცვლას;

## ფაილების აღდგენა

ფაილების დაკარგვის შემთხვევაში, ვინჩესტერის გაფუჭების, „USB flash drive“, „External hard drive“, „IDE“, „SCSI hard drive“, „SSD“ ჩვენი პარტნიორის ლაბორატორია საშუალებას გვაძლევს, რომ მოვიპოვოთ ის დაკარგული ინფორმაცია, რასაც ჩვეულებრივი „recovery“ პროგრამა ვერ აკეთებს;

# გიოხგი კაკაყხიძე

## აკირაბი დაკონსერვას?

ან გსურთ რომ საკუთარ თავს, ან მეგობარს საჩუქარი გაუკეთოთ და შეიძინოთ სუფთა და ხარისხიანი ბრილიანტი ან ბრილიანტით გაწყობილი სამკაული ან ბეჭედი თქროში?

გთხოვთ მობრძანდეთ  
55 West 47th Street, Mezz 330  
New York, NY 10036

ან დაგვიკავშირდეთ: 646-755-4591 ჩვენ შეგვიძლია დაგიმზადოთ ბეჭედი ან სამკაული თქვენი დიზაინით.

„სამსერე“ სარეკლამო რეპროდუქციები და სხვა მსგავსი მსახურები



## ნიუ-იორკში:

**Taste of Georgia**  
1637 East 18th street,  
Brooklyn, NY 11229

**Brick Oven Bread**  
230 Kings Hwy,  
Brooklyn, NY 11223

**Pesvebi - Studio**  
70 Avenue O  
Brooklyn, NY 11204

**Georgian Church on**  
170 Avenue T  
Brooklyn, NY 11223

**St. Nino Church**  
1835 Bay Ridge Parkway  
Brooklyn, NY 11204

**Barami**  
164 Brighton 11 St.  
Brooklyn NY 11235

**Georgian Food & Bakery**  
109 Brighton 11 street,  
Brooklyn, NY 11235

**Tone-Café**  
265 Neptune Ave,  
Brooklyn, NY 11235

**Tone - Georgian Bread**  
125 Brighton Beach Ave  
Brooklyn, NY 11235

**Georgian Consulate**  
144 East 44th street  
New York, NY 10017

**Tone-cafe**  
134 E 17 st.  
New York, NY 10003

**ვაშინგტონში:**  
**Embassy of Georgia**  
1824 R street,  
Washington, DC 20009

**ფილადელფიაში:**  
**St. George Church**  
1916 Welsh Rd  
Philadelphia, PA 19115

**Bell's Market**  
8330 Bustleton Avenue,  
Philadelphia, PA 19152

**ნიუ-ჯერსიში:**  
**Barami**  
84 Harbor Drive,  
Jersey City, NJ 07305



❖ **ოთარ სეფიაშვილი,**  
საქართველოს ხელოვნების  
დამსახურებული მოღვაწე

„ვარსკვლავები არ კვდებიან.  
ვარსკვლავები ქრებიან მხოლოდ“  
ამას ამბობს ლეგენდა.  
ლეგენდად იქცევიან ადამიანები.  
ადამიანები კვდებიან.  
ლეგენდის დღეები კი წუთისოფლით  
არ იწურება.

ლეგენდაში ცოცხლდება სინამდვილე  
ნაცნობარი - ის, რაც იყო და რაც წარმო-  
სახვით შეიქმნა. და თუ ლეგენდა არ არის  
ყოველთვის მართალი, სამაგიეროდ, ლამა-  
ზია მუდამ. ხელოვნება კი იმთავითვე მშვე-  
ნიერების ტრფიალი იყო. ამიტომაც, ძნელი  
წარმოსადგენია მხატვრული სამყარო ლე-  
გენდების გარეშე.

ქართული კინოს გზასავალზეც დარჩა  
ერთი ლეგენდა - ლამაზი, ნათელი და სე-  
ვდანარევი. ლეგენდა იმაზე, რომ ვარსკვლავ-  
ები არ კვდებიან, ვარსკვლავები ქრებიან  
მხოლოდ...

\* \* \*

ასე იწყება ეს ლეგენდა:

საქართველოშიც ჩამომდგარიყო კინო  
- მეოცე საუკუნის „გლახაკთა და უპოვარ-  
თა“ მუხა, უმრწემესი მუხათა შორის.  
თრთოლვით შესცქეროდა დიდოსტატ ხუ-  
როთმოდვართა ქვაში გამჟღავნებულ ამყ  
სულესს, ჟრუანტელს გვირდა მონღოლთა  
თვალებდათხრილი ღვთისმშობლის ფრეს-  
კები, ოქროქანდაკებულთა სინატიფეს ეწაფე-  
ბოდა ყველაზე ძლიერ კი, ხიბლავდა ხა-  
ლხის უდრეკი და ლამაზი სული. ეს იყო  
მისი შთაგონება, ხელოვნად გახდომაზე  
ოცნებობდა და თავის ვარსკვლავს დაეძებ-  
და თურმე.

„ცხოველ სურათებად“ ინათებოდა კინო  
ჩაბნელებულ დარბაზში. და თუმცა მასში  
მცირე იყო სიცოცხლე და კიდევ უფრო  
ნაკლები - ხელოვნება, მაინც გაუჩნდნენ  
თავგანისმცემლები. ამ დროს კი, საოპერო  
თეატრის სცენაზე უკვდავებს ეზიარებოდა  
უფლისწული აბესალომისა და ობოლი  
ეთერის უბედო სიყვარულის თქმულება,  
დაწერილი იყო „მთაწმინდის მთვარე“ და  
„მერი“, თბილისის ტავერნების კედლებიც  
დაეპყრო ფიროსმანის მომავადობებელ ფე-  
რებს.

ათვალწუნებით შეხვდნენ ხელოვნების  
პარნასზე კინოს. უგვარტომობისათვის ძრა-  
ხავდნენ ახალი ტექნიკის პირმშოს. სიტ-  
ყვის ქურუში ფარავდნენ თავიანთ მტრობას:



თავის დღეში ვერ შეგურიგდებითო პოე-  
ტები კინოს ხელოვნებად აღიარებას. ზოგმა  
კი იმთავითვე იწამა ძალა მისი ზრდისა  
და ნატრობდა ენახა ეკრანზე მომხიბლავი  
სურათი, სადაც „დამბრმავებელი სილამა-  
ზით გაიელვებდნენ მშვილდისარნი ამორმა-  
ლები, გაქაფულ ცხენებზე ამხედრებულნი“.

კინო კი მალღებოდა და კვლავ დაე-  
ძებდა თავის ვარსკვლავს. ხმა დაირხა -  
შარშან თბილისში გამართულ ჯირიტზე  
მოუკრავთო თვალი მისთვის. ვილაცამ თქვა:  
ერთი ფოტოგრაფის ვიტრინაში ახლაც  
ჰკიდიაო მისი სურათი. მივიდნენ, ნახეს,  
მოიხიბლნენ კინოს მსახურნი. შემდეგ ალაზ-  
ნის ველზე მიაგნეს ამომავალ ვარსკვლავს.  
იმას, ვინც ქართული კინოს მნათობი უნდა  
გამხდარიყო, ვის სახელსაც ლეგენდად  
ქცევა ეწერა.

ეს სახელი იყო ნატო ვაჩნაძე.

ასე, ან თითქმის ასე მოვიდა ნატო ვაჩ-  
ნაძე კინოში. ამ ლეგენდას აქვს გაგრძე-  
ლება - მლეღვარე, მიწიერად მომხიბლავი,  
აქვს დასასრულიც - პოეტურად ლამაზი  
და სევდიანი.

\* \* \*

ნატო ვაჩნაძე კინო ხელოვნებაზე სულ  
რალაც ცხრა წლით უმცროსი იყო...

საოცარია, მაგრამ ასეა - მას არ უოცნე-  
ბია კინოზე, თავად გახდა კინოს ოცნება.  
და მე აღარ მიკვირს, როცა ლეგენდა ამ  
მშვენიერ, მიწისა და მინდვრის ყვავილე-  
ბის სურნელვით გაუღუნთილ ცხრამეტ  
წელიწადს აქცევს მხოლოდ ერთ ქარაგმა-  
ში. ალბათ, ლეგენდებმაც იციან ეჭვიანობა.

ჩვენ კი ვიყოთ მიუკერძოებელნი. ეს  
ცხრამეტი წელიწადი გზაა მიწიდან ვარ-  
სკვლავებამდე. ნატოს უხმობდა ქართული  
კინოხელოვნება. იგი უნდა მისულიყო მას-  
თან და მივიდა კიდევ.

\* \* \*

„პირველი შთაბეჭდილება ცუდი იყო.  
სახე მკრთალი, დაღლილი, შეშინებული  
თვალებით, - იგონებდა ვლადიმერ ბარსკი,  
რეჟისორი სურათისა „არსენა ყაჩაღი“,  
რომელშიც მთავარი როლის შესასრულებ-  
ლად მიიწვიეს ნატო ვაჩნაძე.

ქალი არწმუნებს: ეკრანი არ მიმიღებს,  
მსახიობი ვერ გავხდებიო. თითქმის დაუ-  
ჯერე. მაგრამ თვალს არ ვაცილებ... უცბად  
ნატოს სახე შეეცვალა, თვალები გაუბრწყინ-  
და, გახდა მშვენიერი და მომხიბლავი.  
ვხედავ ჩემს წინ აღმასია. მხოლოდ საჭი-  
როა მისი დახვეწა, რომ სრულიად გაბრ-  
წყინდეს. მერე შეუფარავი სიამაყით დას-



ტენდა: ეკრანის ეს მარგალიტი მე აღმოვაჩინეო. მაგრამ უფრო მართებული იქნებოდა გვეთქვა, რომ ნატო ვაჩნაძე მთლიანად ქართული კინოს აღმოჩენაა. აქ იყო რაღაც კანონზომიერება.

\* \* \*

სასინჯოდ გადაღებული ათამდე ფოტოსურათი. ყველა აღტაცებულია. აქ ალლო ბევრ ნიშნავს, სთავაზობენ ორ როლს: ნენოს - „არსენა ყაჩაღი“ და ნუნუს „მამის მკვლელში“.

ეს ორი სურათი თითქმის ერთდროულად გამოვიდა ეკრანზე.

ნატო ვაჩნაძის ნუნუ ერთ-ერთი დამავგერებელი ფიგურაა „მამის მკვლელში“. ფილმის პოპულარობაც მან განაპირობა. ნატო ქართული კინოს საკუთრებაა - „მისი გარეგნობა, შინაგანი განცდა, უესტი, მიმიკა ვერ წარმომიდგენია ქართული კოლორიტის გარეშე“, - წერდა „მამის მკვლელის“ რეჟისორი ამო ბეკ-ნაზაროვი.

\* \* \*

ფილმი „სამი სიცოცხლე“, 1924 წელს გადაიღო რეჟისორმა ივანე პერესტიანმა გიორგი წერეთლის „პირველი ნაბიჯის“ მიხედვით.

სურათში ნატო ასახიერებდა მკერავ ქალს - ესმას. ფილმი დღემდე შემორჩა ეკრანზე და გვიდასტურებს მაშინდელი რეცენზენტების ნათქვამს: ნატო კი არ თამაშობდა, ეკრანზე ცოცხლობდა.

„სამი სიცოცხლე“ ის რეალისტური სურათია, რომელმაც ქართულ კინემატოგრაფს განუმტკიცა „წითელი ეშმაკუნებით“ მოპოვებული მაღალი რეპუტაცია, ხოლო ნატო ვაჩნაძეს საქვეყნო დიდება მოუტანა.

\* \* \*

ნატოს მიერ შესრულებული ყოველი ახალი როლი მისი ახალი აღსარება იყო. ამ აღმავალი არტისტული გზის დასაწყისში შესანიშნავია ფატიის სახე რეჟისორ ალექსანდრე წუწუნავას ფილმში „ვინ არის დამნაშავე“, რომელმაც მსოფლიო ეკრანი მოიარა სახელწოდებით „უაღდ ვესტის მხედარი“.

ნატო ვაჩნაძე არ შეიძლება ჩაითვალოს ერთი ამპლუის კინოვარსკვლავად თუნდაც იმიტომ, რომ იგი ცდილობდა ყოველ ახალ როლში შეექმნა ახალი ხასიათი. „საწყენია - წერდა ნატო 1926 წელს, რომ ჩემს მიერ განსახიერებული როლები ერთფეროვანია. მე მიხდება პასიური ქართველი ქალის როლის შესრულება. იქნება იმიტომ, რომ ეს ცხოვრებაშიც ასეა - ახალი, აქტიური ქართველი ქალი მხოლოდ იბადება“.

\* \* \*

არადა, ნატო ვაჩნაძე მართლა იყო კინოვარსკვლავი.

1927 წელს გამოვიდა ფილმი „გიული“ შიო არაგვისპირელის მოთხრობის მიხედვით. აქ შეხვდნენ ერთმანეთს ახალგაზრდა





პოეტი, დებიუტანტი რეჟისორი ნიკოლოზ შენგელაია და ნატო ვაჩნაძე, რომელიც სურათში მთავარ როლს ასრულებდა.

საერთო მიზანსწრაფვამ, უახლესი ხელოვნების - კინოს თადავიწყებულმა სიყვარულმა, სულიერად დაანათესავა ორი ახალგაზრდა შემოქმედი. და მოხდა ის, რაც თითქმის, უთუოდ უნდა მომხდარიყო - ნატო გახდა შენგელიას ცხოვრების თანამგზავრი ვარსკვლავი, შენგელაია კი - ნატოს „ცხოვრების რეჟისორი“.

აღსანიშნავია, რომ ნატომ მარჯვანიშვილის ორ სურათში მიიღო მონაწილეობა: „ამოკში“ - ასრულებდა ევროპელი კომერსანტის ცოლის, „თეთრი ქალის“ როლს, ხოლო „კრანანაში“ ასახიერებდა ახალგაზრდა მებრძოლ იტალიელ ქალს - ჯემას.

იმათ, ვისაც ნატო ვაჩნაძის ამპლუად პასიური აღმოსავლელი ქალი მიიჩნდათ, ზურგი შეაქციეს „ევროპელ“ ნატოს. სხვა-ნი სხვა აზრისანი იყვნენ. მაგრამ, ალბათ, არ შეეცდებით, თუ ნატოსეულ სახეებსაც ვიგულისხმებდით იმ სიტყვებში, მარჯვანიშვილს რომ უთქვამს თავისი ფილმების გამო: „შესადლოა, ეს დადგმები მცდარი იყო, მაგრამ არც ერთი უფერული არ ყოფილა“.

შემდგომ იყო ბოშა ქალის - მამას საოცრად პლასტიკური და ვნებით ანთებული ეკრანული სახე-იერი ფილმში „ცოცხალი ლეში“, სადაც პროსტასოვს ასახიერებდა შემდგომ კინოს კლასიკოსად აღიარებული ვსევოლოდ პუდოვკინი. იყო უკრანულ სურათში „გარეუბნის კვარტალში“ გარკვეული როლი, რომლის სცენარიც მიკოლა ბაჟენს ეკუთვნოდა - ფილმებს იღებდნენ მოსკოვში, ბერლინში, კიევში... ნატო მოგზაურობდა. ნატოს შეეძლო ენახა ეკრანზე ამერიკელი დევიდ უორკ გრიფიტის ფილმები, რომლებშიც მონტაჟი, მსხვილი პლანი, მოქმედების პარალელური განვითარება გააზრებული იყო.

და აი, ნატო ისევ თბილისშია. შთაგონებული, გამოცდილებით დატვირთული, კვლავ მომხიბლავი ადის ეკრანზე.

აუხდა ათი წლის წინათ რომ ნატობოდა - მხიარული, აქტიური ქართველი ქალის დახატვა მსურსო. ახალი, ნათელი ცხოვრებისეული ფერებით ქმნიდა იგი კოლმეურნე ქალიშვილების - ნანისა და ნათელას სახეებს ნიკოლოზ შენგელიას ფილმებში „ნარინჯის ველი“ და „სამშობლო“.

საოცარი უბრალოებით და მომხიბვლელი სისადავით დახატა ნატომ ქართველი გლეხი ქალის - მართას სახე ფილმ „ქაჯანაში“. აქ პირველად შეასრულა დედის როლი, ითამაშა პირველად და დაუვიწყარად. ის იყო სახიერება იმ საოცრად მართივი, ამასთან რთული ჰარმონიისა.

ომის წლებში კი, ბევრ სხვა ცნობილ ხელოვანთა მსგავსად, ნატოს შეუდარებე-



ლი სილამაზის სახემაც შეიძინა მკაცრი იერი და ბუნებრივად შეერწყა იმ საბედისწერო პირქუში დღეების მოვლენათა პანორამას, ნატოს ხშირად ნახულობდნენ ჰოსპიტალებში, დაჭრილებს რომ აწუებდნენ.

შემდეგ, როცა უკვე კავკასიონთან ისმოდა ომის გრიალი, იგი მონაწილეობდა იმედოვან ფილმში „ის კვლავ დაბრუნდება“. მოგვიანებით კი თავად იგონებდა: ისეთი შერბინება მქონდა, რომ იმ წლებში სულ ჩემს გვერდით იდგა სიკვდილი. და აკი, აუხდა შიში - სურათის გადაღებისას მოულოდნელად გარდაიცვალა რეჟისორი ნიკოლოზ შენგელაია. დადლილმა გულმა უმტყუნა მანქანის საჭესთან, თბილისისაკენ მიმავალს... ცივ შარაზე, წვიმაში ნაბადზე დასვენებულს დასცქეროდა „ვარსკვლავი“ თავისი „ცხოვრების რეჟისორს“ და მუუღლეს.

ამის შემდგომ დიდხანს აღარ გამოჩენილა ეკრანზე, მაგრამ სიცოცხლის ტრფიალმა და შემოქმედების უნმა კვლავ მოაბრუნა იგი კინოსაკენ.

იყო სხვა როლებიც...

ნატო იყო პირველი ქართველი მსახიობი, რომელიც საერთაშორისო კინოფესტივალზე მოხვდა.

\* \* \*

ჩვენს ლეგენდას აქვს დასასრულიც - პოეტურად ლამაზი და სევდანარევი.

იგი ამბობს, რომ მეოთხედი საუკუნე იწვოდა ვარკვლავი ეკრანზე და შუქი არ გაკრთობიაო. წლებმაც ვერა დააკლესო რა მის სილამაზეს. და როცა ადამიანები კინოხელოვნებაში ოცდახუთი წლის ყოფნისათვის სიყვარულის გვირგვინს ადგამდნენ თავზე. იგი ოცნებობდა ეკრანზე დაეხატა ეკატერინე ჭავჭავაძე - გენიოსი ბარათაშვილის პოეტური სიყვარული.

მაგრამ ვერ მოესწრო...

ორმოცდაცამეტში გაზეთები იუწყებოდნენ მწუხარე ამბავს - ჰაერში, თვითმფრინავის კატასტროფამ იმსხვერპლა ვარსკვლავი. ბედისწერაა - თვითმფრინავს, რომლითაც ნატო ღონის როსტოვიდან თბილისისაკენ გამოფრინდა, სწორედ ნიკოლოზ შენგელაიას მშობლიური სოფლის თავზე მოხვდა ტექა-ქუხილი და დაიღუპა.

და იყო რაღაც მშვენიერიც და შემზარავი ცაში ამაღლებულ ამ სიკვდილში. ასე მიეფარა თვალს...

მკვდარიც არავის უნახავს...

- დაიწვა, გაქრა...

\* \* \*

ახლა ისევ ვათვალთვინებ ფოტოსურათებს - ნატო ცხოვრებაში, ნატო როლებში... უამრავია, აი, ფოტოგრაფი შინმანის გადაღებული სურათი, რომლითაც ნატო კინოში მიიწვიეს. საოცარია, უბრალოდ ფოტომ რაზომ შთავიწინებებს დაუდო სათავე!

აი, ნატო ცხოვრებაში, სწორედ ისეთი, როგორიც მანსოვს, როგორიც მინახავს.




\* \* \*

ეს მხედველობის დარღვევა თუ...  
მოკლედ, მთელი დღეა ადამიანები საშინ-  
ლად მეპატარაებიან. დილით ფლაშინგში  
ვიყავი. ვაკე ადგილია და გზაზე რომ მი-  
დიხარ მანქანით, ჰორიზონტამდე ხედავ  
რომ აქეთ-იქით ორსართულიანი შენობების  
გარდა არაფერი დგას. ხოდა, ყოველ შუქნი-  
შანზე გაჩერებისას, გავყურებდი წინ ამ  
დაბალ შენობებს, მანქანებს, ადამიანებს და  
საშინლად მეპატარაებოდა ყველაფერი.  
ვაიმე, რა პაწაწინა ხარ ადამიანო!

ნეტავ შემოაბოტებდეს აქ, ვინმე დიდი  
ტანის და ისეთ ფერებში გამოწყობილი,  
რომელიც ამ უბანს, თავისი ფერებით ნახ-  
შირით დახატულ გრაფიკულ ნამუშევარს  
რომ გავს, ვიდრე ადამიანებით დასახლე-  
ბულ ადგილს, - გაასალისებდა. აგვანმაუ-  
რებდა ამ პატარა ჭინჭველებს, რომლებიც  
ასე უაზროდ ვმოდრაობთ პატარ შენობებს  
შორის. ერთს გამოვიტყდებით, რომ თუ  
მანჭეტენზე არ ცხოვრობ, საკმაოდ მოსაწ-  
ყენი, ერთფეროვანი და მომაბეზრებელია  
ნიუ-იორკი.

მანჭეტენზე, ადამიანი ტანით კიდევ უფ-  
რო პატარა ჩანს ცათამბჯენების ფონზე,  
მაგრამ როცა ანალიზზე, რომ ირგვლივ  
რასაც ხედავ, მისი ნამოქმედარია, მაშინ  
ეს შენობებიც კი თავს გიკრავენ პატივისცე-  
მის ნიშნად.

არა, ეს რუხი ცა მინც გახსნილიყო  
და ოქროსფერი ფხვნილი ჩამოყრილი-  
ყო! რაღაც საინტერესო მინდოდა მომხდა-  
რიყო, ისეთი რაც სუნთქვას შემიკრავდა  
და სინანულს გამოიწვევდა ჩემში, რომ ამ  
საოცრებას მართო შევესწარი. ახლა კი,  
სულაც არ მწყდებოდა გული, რომ თქვენი  
თვალები ვერ ხედავდნენ იმას, რასაც მე  
ვხედავ. პირიქით, მათი მშურდა ვისი თვალე-  
ბიც ახლა ყაზბეგშია, ბაკურიანში, თბილისში,  
მცხეთაში, სიღნაღში, ბათუმში... სადაც  
არასდროს არაფერია რუხი ფერის! ყოველ  
შემთხვევაში ჩემთვის.



# სულ სხვანაირი ირინა


**ირინა მიქაბერიძის** ყველა იცნობს ჩვენს დიასპორაში - „თვისტომის“  
სამედიცინო ჯგუფის ხელმძღვანელს. მაგრამ, სულ სხვანაირი ირინას გაცნობა  
მოგიწევთ ჩვენი ჟურნალის მკითხველებს დღეს.  
„ფეისბუკში“, სტატუსებად გაბნეულ პატარა ჩანახატებში, დღეს რომ სახელდა-  
ხელოდ ავკინძეთ, სჩანს თეთრ ხალათის მიღმა დამალული ტალანტი, რომლის  
გაღვიძებასაც ვაპირებთ ამ ბეჭდური დებიუტით ჩვენი ჟურნალის ფურცლებზე.

\* \* \*

ჩემს ეზოში პუტკუნა, ოქროსთმიანი, ოქ-  
როსგულიანი და საერთოდ ყველაზე  
ნათელი და კარგი ბიჭი, გიგა, ცხოვრობდა.  
ვიცოდი, რომ დედა „სხვაგან“ ჰყავდა და  
ბებო ზრდიდა. მე, ამის გამო კიდევ უფრო  
მიყვარდა. ეზოში თუ ვინმე მოხუცს დახ-  
მარება და ყურადღება სჭირდებოდა, ყვე-  
ლას იმედი გიგა და მისი დაიკო იყვნენ.  
მთელ დღეებს ეზოში ვატარებდით დაღა-  
მებამდე. ხანდახან, სპექტაკლებსაც ვდგამ-  
დით. პერიოდულად შევიკრიბებოდით და

„მზიურში“ მივდიოდით - ჩვენგან განსხვა-  
ვებით „პროფესიონალი მსახიობის“, პატარა  
გიგას სპექტაკლის სანახავად.  
რომ გავიზარდეთ, ნელ-ნელა დავშორ-  
დით ბავშვები ერთმანეთს, მერე გავთხოვდი  
და დიდხანს აღარავინ მყავდა ნანახი.  
წლების შემდეგ ჩემს ეზოში რომ დავბ-  
რუნდი, რატომღაც, ყველასთან მეუხერხუ-  
ლებოდა დაკონტაქტება. დიდი ხნის ემიგრ-  
რანტი რომ უკან დაბრუნდები და შენს  
ადგილს აკვირდები, ისევ შემოგენახა თუ  
ბალახი ამოვიდა ზედ, ეგრე ვიყავი...





ერთ დღესაც, შუშის მსხვერვეის ხმა გავიგე. გადავიხედე ეზოში და დავინახე გიგა, გაკვირვებული რომ იყურებოდა ფანჯრიდან. გავბედე და გავძახე, რა მოხდა-თქო. „ფანჯრიდან შუშა გადავარდა თავისით“, - მიპასუხა.

ციოდა... მეც ახალი ჩატეხილი და ჩასმული მქონდა. ამოდი, დიდი ნაჭერი მომრჩა და შუშის საჭრელიც მაქვს-თქო. მოკლედ, უკვე გამოცდილი ვარ, ამოდი და მოგეხმარები-თქო. გაუკვირდა და გაუხარდა. ბევრი ვიციინეთ, ერთი დღის ინტერვალით ჩამსხვრეულ შუშებზე და ჩემს „შუში-სმჭრელობაზე“.

მას მერე აღარ მინახავს. გავიგე, რომ აივნებიდან გადავარდნილა, შეითხვევით.

გიგა! რაზე გამახსენდი ახლა და...

ტელევიზორი ჩაერთე და დილის გადაცემაში შენი სახელი ასხენეს. დიდი გამოფენა მოგიწვევს და ორი წინადადებით თქვეს, რომ ძალიან ღრმა ნამუშევრები გაქვს და ადრე წახვედი. სანამ გავიგებდი რომ შენზე იყო ლაპარაკი, სისხლი გაყინული მქონდა. არ მეგონა, თუ ასე განვიციდი შენს ხსენებას... ნეტავ თუ იციან, რომ ყველაზე ოქროსფერთმიანი, ლამაზი, საყვარელი, თბილი, ყურადღებიანი და წესიერი ადამიანი წახვედი?! გამახსენდა. შენი ილიაში ამოჩრილი ფურცლები... ნეტა ხუთი წუთით მომახვედრა მაგ გამოფენაზე... რამდენ რამეს წავიკითხავდი და ვიცნობდი ჩემი და შენი ბავშვობიდან.

\* \* \*

ბაკურიანში, აგვისტოს ბოლოს თიბვა იწყებოდა. ეს იყო ჩემი ყველაზე საყვარელი დრო. დღისით - მზე ქარვისფერ ბულულებს კოცონივით აბრიალებდა გადახოტრილ მინდორზე; საღამოს დარაჯუბივით იდგნენ, ბუნდოვნად ჩანდნენ, ნისლში წვერები არ მოუჩანდათ, მაგრამ სოფლის მისადგომებთან შემოსული პირამიდებივით იდგნენ...

დღე სვობდა დამეს... გაექანებოდი და, ამ ერთი შეხედვით ღუნულა ბულულში ჩაებერტყებოდი ზურგით. არც ისე რბილი აღმოჩნდებოდა, დაგაკწრავდა, გატკენდა... იშორებდი თმოდან, პირიდან, ისრესდი ნატკენ შიშველ მკლავებს, მაგრამ მაინც ვერ ჩერდებოდი... სუნი, სილაღე... არ ვიცი, ზუსტად რა, მაგრამ მიუხედავად დისკომფორტისა, მაინც მოგწონდა, ბედნიერებას განიჭებდა.

ასეა ცხოვრებაც... ბულულივით... გტკენს, მაგრამ მაინც არ გწყინდება, რომ მასევე ვერ გაექანო და ჩაეფლო შიგ... ვერ ელევო სუნს, სილაღეს, სიგიჟეს და ვინდა რომ სულ ასე იყო - დაკაწრული, მაგრამ მომღიმარი და ბედნიერი!

P.S. თორმეტი წელია ვზუზუნებ - ბუჩქი და ხე მიყვარს, მენატრება ჩემი ქალაქის-თქო და ვერცერთხელ მოვიფიქრე რომ - გამეხვია და წამომელო...

\* \* \*

ბებიჩემს ჩემი კაბები ნიკელის საწოლის განიერ რკინაზე ისე მოწესრიგებულად ჰქონდა გადაკიდებული, გამოძრობა დაგენანებოდა... თუმცა გარდაუვალი იყო.

გამოაძრო (მე არ მანდობდა ამ საქმეს), გადამაცვა, ჩავიცივი სანდლები, ხის ქონიდან გავვიდი და სამყაროს შევეუერთი მისით - დღევანდელ დღეს აბლაბუდები უნდა დავიარო და ყველა მწერი გავათავისუფლო!

შესვენებაზე სახლში მივბრუნდი, არა ნებაყოფლობით, რა თქმა უნდა და მერე ისევ ჩემს საქმეს დავებრუნდი...

- ობობას ნუ მოკლავ, ბებო, მგზავრს ნიშნავსო, - მომამახა.

სალამომდე მუხლჩაუხრელად ვიშრომე, მერე მომეზრდა და დაღლილი ვერა ბაბოს ჭიმჭირის წინ გოგოებს შევეუერთი. მეც



მინდოდა მომეფიქრებინა ტყეილი და მომეცოლა, რა მაგარი ვარ (როგორც მეორე გოგო, სქელ ყვითელანწავიანი ლენკა იტყუებოდა). ვერ მოვიფიქრე და სახლში წამოვედი. სახლში მიბრუნებულს, ბებო წამოწოლილი დამხვდა, წამოხტა, ჩაი დამისხა. „მოელი დღე ვავარდნილი ხარ ბებო გარეთ, ლოყები დაგეწვა ამ მწერების დევნაში, მოდი ჭამე და დავწვეთო“...

ბებო... როგორ მინდა, რომ კიდევ ერთხელ წამოხტე ჩემთვის.

რომ იცოდე, ახლა რამდენი ხნის გავარდნილი ვარ გარეთ და როგორი დაღლილი... ოღონდ ლოყები კი აღარ მეწვება, მიფერმკრთალებდა... ტყეილის თქმა ისევ ვერ ვისწავლე, მწერებს კი ისევ ვათავისუფლებ, ოღონდ როცა გზაზე შემხვდება. ლენკას ტყეილები აღარ მომისმენია მას მერე და ახლა დავვადებოდი და ვიტირებდი მასთან ერთად. ისიც ბებოსთან ჩადიოდა ბაკურიანში და მეც. ალბათ, მასაც ძალიან ენატრება ის დრო...

ანდა, დავდგებოდი ახლა ნიკელის საწოლზე მუხლებით, ნიკელის პატარა ბურთულეებს მოვუშვებდი და დავამაგრებდი, მოვუშვებდი და დავამაგრებდი და უაზროდ ვიციინებდი. მერე რა, რომ ობობებს სიბრაზისგან არ სძინავთ... სამაგიეროდ ბავშვი მწერები სახლებში დაბრუნდნენ ბებო მწერებთან და ისინიც დაიძინებენ ჩემთან ერთად...

\* \* \*

ბებიჩემი თეთრეულის რეცხვისას ლილას ხმარობდა.

ვეუყურებდი ამ ფერს და საშინლად მწყდებოდა გული, რომ ამ სილამაზეს ჩემთვის ესოდენ უმნიშვნელო დატვირთვა ჰქონდა. პირველად ტიმოთესუნის ეკლესიის



კვლევაზე ვიპოვე ლილისფერი და ცას ვეწიე სიხარულისგან.

ოხ, ბებო, ბებო! რას ნიშნავს ხატვა რომ არ იცი. ხომ ვიცოდი რომ ეს ფერი არ იყო მხოლოდ ზეწურისთვის და ბალიშისპირისთვის განკუთვნილი.

ეს ეკლესიის ცის ფერი იყო! ეკლესიას ყოველთვის ძალიან ლამაზი ცა აქვს და იქიდან ყოველთვის ისინი გვეყურებენ, ვისი დანახვაც სულ გვაინტერესებს, ვისაც სულ ვემუდარებით და ვემადლიერებით.

ძალიან შორს წავიდი. მე რომ დიდი გოგო ვავიზრდები, ვიყიდი ლილისფერ კაბას, რომელსაც ოქროსფერი მანები ესატეხა. ახლა, ვისაც არ გინახავთ, განახებთ მერაბ აბრამიშვილის ნახატს და ზედ ტიმოთესუბნის გუმბათსაც მივაყოლებ. თუმცა, იცოდეთ, რომ ბებოს ზეწარი ყველაფერს მირჩევნია - ის ჩემი ნახატიცაა, რწმენაც და როგორც აღმოჩნდა, ლილით შესრულებული ყველაზე ძვირფასი ნამუშევარიც.

არაფრის მეორედ ნახვას ისე არ ვნატრობ, და შევრძნებას, როგორც მისი გამზადებული თეთრეულის.

\* \* \*

მაკა ჩემზე ერთი წლით დიდი იყო. 13 წლის ვიქნებოდი, ის 14. ლენტეხში ვიყავით, მასთან. ის დიდგულა და მამაცი იყო, დიდი ტანის. მასთან შედარებით მე პატარა ვიყავი, მაგრამ ჩემი წილი სიმამაცე არც მე მაკლდა.

მოკლედ, უარფავით გოგოობა და ვართ ბიჭები. ირგვლივ ცამდე მთები გვარტყია, დავდივართ წყაროზე, ვუყურებთ ძაღლების ჩხუბს და შიგადაშიგ საქმის გარჩევებსაც ვესწრებით, ვერვით კიდევ, სადამდეც ხელი მიგვიწვდება.

ერთ უსაქმურ და ჩუმ საღამოს, უაზროდ ბოდიელში, კინოში აღმოვჩნდით. რა გვინდოდა იქ (სადაც დღე კაბიანი გოგოები დადიოდნენ და ღამე მარტო ბიჭები), კაცმა არ იცის. მოკლედ შევედით. ძლივს ვსუნ-

თქავდი. აბანობის ჩაიხანას გავდა იქაურობა. ბევრი კაცი იყო და ამიტომაც ბული იდგა. დიდ კედელზე კი ეკრანიზებული, უმბერტო ეკოს „ვარდის სახელი“ გადიოდა. ცოტა ხანს გაუუძელით.

მალევე მივხვდი, რომ იმ წუთას, იქ გოგო ვიყავი და კიდევ უფრო დამძიმა ჰაერი უხერხულობისგან. მალევე გამოვიპარეთ. მივხვდით, რომ ბიჭები არ ვიყავით, მაგრამ ერთმანეთისთვის არ გაგვიმხელია.

მაკა მალევე გარდაიცვალა. მე კი იმდენ ხანს ვიცოცხლე, რომ ერთხელ კიდევ მომიწია გოგოობის უარყოფა. თუმცა, ახლაც ვიცი რომ ბიჭი არ ვარ, მაგრამ გამხელა ისევ მიჭირს. იქნებ, უფრო პატარებიც ვიყავით მაშინ?

დღეს, თითქმის 30 წლის შემდეგ, ძლივს ვუყურე ფილმის დამთავრებას. მიჭირს რაღაცის დამთავრება იმის გარეშე, ვისთან ერთადაც დავიწყე. „რა მშვიდი იქნებოდა და რა წყნარი ცხოვრება აღსო სიყვარულის გარეშე, მაგრამ რა არასაინტერესო“.

\* \* \*

ერთი ბებო პრანჭია მყავდა - ხავერდის აბაღოკით, ბეწვის საყელიანი კარაკულის შუბით და რელიკულით დადიოდა. ოქროს ბროშით ჰქონდა შიფონის ბლუზის ბაფთა ყელთან დამშვენებული და ლამაზ ფაფუკ ხელზე საფირონის თვლიანი ბეჭედი მუდამ ეკეთა.

მეორე ბებოც პრანჭია იყო - ოღონდ არა ჩაცმულობით, არამედ მანერებით. მორიდებული და პრანჭია. ტურნები სულ მოპრუწკული ჰქონდა. იცოდა, რომ სიცილი უხდებოდა. იღბალი ნშირად არ აძლევდა გაციხების შანსს, მაგრამ თუ გაციხებდა, ღირდა სანახავად - გადაიკისკისებდა და ბროლივით კბილები უჩანდა. ჭაღარა თმა ჰქონდა და არასდროს შეუღებია. ემიგრაციაში რომ წამოვედი, მალევე გარდაიცვალა. ვერ შევირგე ის, რასაც სულ ვნატრობდი: დიდობაში ერთად ვყოფილიყავით და ხელის გულზე მეტარებინა.



გადავუხვით. სულ ამ მიმართულებით მივყავარ ხოლმე ამ თემას. არადა, იმის თქმა მინდოდა, ამერიკაში რომ ჩამოვედი, პირველი, რაც თვალში მომხვდა, აქაური მოხუცების ყოფა-ცხოვრება იყო. ერთხელ, ახალ ჩამოსულს, ქუჩაში ამომიღდა იაგუარის მარკის მანქანა, საიდანაც მარტო გამხმარი ხელები სჩანდა - საჭეზე მოხუცხელებად, ხელთათმანებით ჩამოკიდებული.

კარგად რომ დავაკვირდი, მოხუცი ქალი მართავდა მანქანას. თითქმის ყოველი მეორე მანქანა მოხუცი ქალის განკარგულებაში იყო ლონგ-აღლენდზე. მაღაზიებიც, განსაკუთრებით Macy's მათი საფულობელია. ყველაობენ, მაქვთ, ნაწილს იტოვებენ, ნაწილს აბრუნებენ, - მოკლედ, საქმეში არიან.

რისთვის ყიდულობენ, თვითონაც არ იციან. უბრალოდ, ერთობიან. სილამაზის სალონში დღესაც რომ შევდივარ, ყველაზე ახალგაზრდა მე ვარ. არადა, წლებია დავდივარ. პარასკევ-შაბათს ცხვირს ვერ შეყოფ - სხედან და იფუებენ შეთხელეებულ თმას, იკეთებენ მანიკურ-პედიკურს და ემზადებიან უიკენდისთვის.

ჩემო ბებო! გინატრე ერთი-ორჯერ, მაგრამ არა თმის ასაფუებლად.

მე შენი ტალღოვანი, თეთრი თმა, უკან კოსად შეკრული და შავი შპილკებით დამაგრებული ყველაფერს მირჩევნია. უბრალოდ, მინდოდა გენახა, რა სასაცილოდ გამოიყურებიან ეს მოხუცები - სასაცილო და საყვარლები.

შენ კი სხვანაირად საყვარელი და ლამაზი იყავი, - არასასაცილოდ. მშვიდი, ლამაზი, დარდიანი, თეთრთმანი და თაფლისფერი თვალებით, დაკობსილი ცხვირით და ლამაზი ტუჩებით.

საშინლად მენატრები. კიდევ კარგი, რომ ეს მოხუცები სულაც არ მახსენებენ შენს თავს. სულ მომწონდა „მოვლილი“ ქალი.





ახლა კი ვუყურებ და მეცინება, - რა უნდა წაისვან და რა უნდა გაიკეთონ, რომ შენამდე მოვიდნენ? ქართველი ქალივით ლამაზი და შარმიანი ხომ არავინაა.

და ქართველ ბებოზე ნამდვილი და კარგი ბებო მსოფლიოში არ არსებობს!

არაუმავს. ერთ დღეს გნახავ და მოგიყვები ყველაფერს. მერე ერთად ვიკისკისოთ! \* \* \*

ახლა, რაღაცას ვიტყვი...

არაა აუცილებელი ყველა დამეთანხმობო! წელის მალეზე გავიკეთე ოპერაცია. სულ მაწუხებდა ეს წელი და სულ მოშლიდა ხელს ეკლესიაში სიარულში. დავდიოდი, მაგრამ შერბენით. არადა, ხანდახან გაჩერება მინდა და არა შერბენა.

დღეს ბერძნულ ეკლესიაში ვიჯექი. უკეთ ვფიქრობდი ღმერთზე და წუთისოფელზე, ვიდრე წელი რომ მტანჯავს და ფეხზე დამდგარი ვიკლავს ხოლმე. ჩვენთანაც დგას საქართველოს ეკლესიებში სკამები, ოღონდ მიფარებულში და ძირითადად მოხუცები სხედან. თან სულ რაღაც დანაშაუდვად ვგრძნობ თავს ან ინვალიდად, როცა ვზივარ და ყველა დგას. არადა, ვკვდი ისე მიჭირს დგომა.

რა მოხდება რომ ერთ ეკლესიაში დაიდგას სკამები. უფრო მეტი მოხუცი მიათავის სულის სიმშვიდისთვის და უფრო მეტი „ჩემნარი“, წელმტკივანი და კლაუსტროფობი. დღესასწაულების დროს შეუძლებელია ჩემი იქ მისვლა. ვიჭყელიტები, ჰაერი არ მყოფნის და ცუდად ვხდები. ხმას არ დავძრავდი, მაგრამ როცა ბევრი ეკლესია შენდება, მორიდებულად ვიკითხე, რა მოხდება ერთში რომ დავდგათ სკამები. ახლის ამშენებას არ ვითხოვ.

\* \* \*

ახლაც არ მიყვარს „დაიბინეს“ რომ მეუბნებიან.

პატარა რომ ვიყავი, „დაიბინე“ ჩემთვის „მოკვდის“ ტოლფასი იყო. ამ დროს ქრებოდა შუქი და წესით უნდა მოემკვდარიყავი. არადა, მაშინ იწყებოდა ცხოვრება - ორი ქვეყანა იყო ერთ ოთახში - საბნისქვეშეთი და საბნისზედეთი.

საბნისქვეშეთში მეორე ოჯახი მყავდა, ღამის ოჯახი. მთავარი ეს არაა. ევ ცალკე ამბავია, იქ რა ხდებოდა. მთავარი ისაა, რომ იქაც მთავრდებოდა ცხოვრება - იღლებოდი და გარეთ გამოდიოდი საბნისქვეშეთიდან.

საბნისზედეთში კი ბნელოდა და მართო ვიყავი. იქ ზურგზე ვიწექი სულ. გადატრიალების მეშინოდა. დარწმუნებული ვიყავი, გადავტრიალდებოდი თუ არა, ზურგს უკან „ის“ საშიში თვალებით დამიწყებდა ყურებას.

ვინ? არ მკითხობო! დღესაც არ ვიცნობ. ხოდა, ზურგზე ვიწექი და მაღლა ვიყურებოდი. მაშინ ჭერი ძალიან შორს იყო და

ვცილობდი, თვალებით მიწვდომოდი. უცებ ჭერზე გადაირბენდა შუქი, რასაც ფეხდაფეხ მოყვებოდა გარედან შემოსული მანქანის ხმა, მერე ისევ შუქი, მერე ისევ მანქანის ხმა.

აა! მივხვდი! მანქანა შუქს მისდევს! შუქი შემოირბენდა ჩემს ოთახში, გადაირბენდა ჭერზე და გაუჩინარდებოდა. გაწბილებული მანქანა ჩაიქროლებდა და სადღაც შორს, ამ შუქის ძეხვას აგრძელებდა.

მე კმაყოფილი ვიყავი! ვერ მიაგნო, სადღაც ჩემთან დაიმალა, ხვალ ვნახავ, ახლა ვერ ავდგები. სიბნელის მეშინია. ასე დარბოდნენ შუქები ჩემს ჭერზე პერიოდულად და უჩინარდებოდნენ, გაშმაგებული მანქანები კი დაქროდნენ ქალაქში და ეძებდნენ მათ.

რა კარგია, რომ შუქების გადარჩენა შემიძლია! არავის და არაფრის დიდებით არ ვეტყვი რომ დავინახე! დილას, ალბათ, ყველა ერთად იკრიბება, დღის შუქზე ველარ ხედავდნენ მანქანები და ისინიც მშვიდად დაიარებოდნენ. იცოდნენ, რომ დამე რაც არ უნდა მომხდარიყო, ყოველთვის შეედლოთ ჩემს ოთახში შემოვარდნა, ჭერზე გადაირბენა და დამალვა.

ამიტომ უნდა დავწე დროზე. რა ვიცი, იქნებ დარბიან და ვერსად იმალებიან.

\* \* \*

კონცერტს ვუყურებ და გამახსენდა.

მთელი ბავშობა ვეჭვიდავებოდი აკორდეონს. მინდოდა ესუნთქა. მეცოდებოდა, მკვდარი რომ იდო. ადამიანვითაა, თუ არ ასუნთქე, მკვდარია. როგორც კი გაშლი ფილტვებივით და დაიწყებს სუნთქვას, ეგრევე მზადაა ბეგრების ამოსაშვებად. თითქოს ანეგზადას ჩაისუნთქავს და ნახშირორჟანგს ამოისუნთქავს. ამ დროს იწყებს ან სევდიან მოყოლას, რას განიცდიდა როცა არ სუნთქავდა, ან კი მხიარულია და უხარია სიცოცხლე. უხარია, ახლიდან რომ სუნთქავს.

„მოდი ბებო, რას ეჭვიდავები მაგას. შენხელაა ხომ ხედავ. მოდი პიანინოზე დაუკარი“. რა იცოდა ბუბინაჩემმა, რომ ამ დროს რეანიმაციულ ღონისძიებებს ვატარებდი და კეთილი აკორდეონის სიცოცხლის გადასარჩენად ვიბრძოდი.

დღეს ბებოს ფოტო გადმომივხავენს აკორდეონით!

\* \* \*

ფეხში მორტყამ! ფეხში მორტყამ! - და ისე წავიდა, რომ თიბვა არ მასწავლა. არადა, ისე უყვარდა, რომ სულ მაინტერესებდა რას გრძნობდა ამ დროს.

თბილისში, სვანეთიდან სასწავლებლად წამოსული ემიგრანტი იყო. სერიოზული „ლავსიორის“ შემდეგ დაქორწინდა ძირძველი და შეძლებული თბილისელის ერთადერთ ქალიშვილზე. ჩემხელა, უკვე პროფესორი იყო, აკადემიკოსიც მალე გახდა, მაგრამ... ისევ ისე თიბავდა... არმაზში თუ



ბაკურიანში - ყველგან ერთნაირი თავდავიწყებით თიბავდა.

მე მეგონა, თიბვა უყვარდა. ახლალა ვხვდები, რომ თიბვით მის სვანეთს და ბავშობას უბრუნდებოდა. ყველაფერი ავიწყდებოდა ირგვლივ ცელის ქნევის დროს... იქ იყო აშკარად... პატარა და ფეხშიშველი... ნეტა, ცოტა უფრო დიდი ყოფილიყავი მაშინ, - რა სიამოვნებით ჩაუყუროფი ცხვირს და რა სიყვარულით მოუფათურებდი ხელს სიღრმეებში... უარს არ მეტყოდა! დღესაც მგონია, რომ ყველაზე მეტად მე ვუყვარდი - პირველი შვილიშვილი.

თიბვას კი მაინც ვისწავლი. უკვე ჩემი ბავშვობაცაა.

\* \* \*

ადამიანი, რომ იხრდები, შენი ბავშვობის ოცნებები გავიწყლება... გგონია, რომ სასაცილოა და სულელობაა დიდ ასაკში იმ ოცნებების ახდენა.

რამდენიმე დღის წინ პარკში ვსერირობდი. მოღრუბლული ამინდი იყო და ირგვლივ ზამთრისგან გადანაცრისფერებული ხეები და ნაცრისფერი ცა შემაღონებლად ერთფეროვნად მოჩანდა. შემეშინდა. ნაცრისფერი მეც ვარ ახლა და ხომ შეიძლება, ვერ გამომარჩიონ და ველარ დამინახონ ადამიანებმა-თქო.

სახლში წამოსასვლელად შემოვბრუნდი. უცებ შორს, მამა-შვილი დავინახე - ცაში ფრანი ჰქონდათ გაშვებული. ეს ფრანი, ფერადი კონვერტივით დაფრინავდა ცაში, თითქოს შეგნითაც ფერადი წერილი იდო.

გამახსენდა, როგორ დავატრევი, პატარა რომ ვიყავი, თოქს. ვაწებებდი ფერად ფურცლებს, გამოვამაძი ამ თოქს და დავახოხებდი მიწაზე. ვერასოდეს გავაფრინე ფრანი.

ახლა კი, სახალხოდ ვწერ და პირობას ვდებ, რომ მე ამ ზაფხულს ავაფრენ ფრანს, ავიხდენ ბავშვობის ოცნებას და ყველაზე ბედნიერი ვიქნები. ■

- ჭალის დასამაგრებელი ერთ დოლა-  
რად ვიყიდეთ, - თქვა ელენემ.  
- ჩემსაში ოცდაათი ცენტი გადავიხადე.  
- აი, ეს სასმელების კარადაა.  
- ნაძვლილი ხე თუა, კარგია, - დაეჭვდა  
მისი კლივენდონი, - საათი როგორია?  
- შიგნით წარწერა აქვს.  
ელენემ ოთახი გადმოჭრა და საათის  
კარი გამოაღო.  
- გამარჯობათ, - ვთქვი მე და საათიდან  
გამოვედი, - საცურაოდ ვაპირებდი წასვლას,  
მაგრამ შევაძინე, რომ საათი ხუთი წუთით  
უკან რჩებოდა. ცოტა შევაკეთე. უკვე კარ-  
გად იმუშავებს.  
ელენემ სტუმარი გამაცნო.  
- უპ, - ამოიხვნეშა მისი კლივენდონ-  
მა, როცა ჩემი გვარი გაიგონა, - მეც ასე  
ვიფიქრე, - მან ხმადაბლა ჩაახველა, თითქოს  
უსამსი რამის თქმას აპირებო და მკითხა:  
- თქვენ უცხოელი ხართ? რუსი?  
- არა, მაღამ! მე ქართველი ვარ.  
- ჰო, მაშინ თავადი იქნებით. მგონი,  
ყველანი თავადები ხართ.  
- არა, მაღამ! მე გლეხი ვარ!  
- გეტყობათ, ძალიან თავმდაბალი ხართ.  
სხვები ყველანი თავადობას ჩემობენ.  
- ჩემი პაპის მამაც და უფრო ადრე,  
პაპის პაპის პაპაც გლეხები იყვნენ. ასე  
თუ მივყვებით, ნოემდე სულ გლეხებად  
მივალთ.  
- ნოემდე?  
- ჰო! იგი არარატზე გადაჯდა. ვფიქ-  
რობ, წაკითხული გექნებათ. მერე იქ გადა-  
სახლდა, სადაც ჩვენა ვცხოვრობთ. უფრო  
მშრალი ადგილია.  
- აჰა! მივხვდი, ბიბლიის ნოე. ახლა  
მითხარით, მოგწონთ ეს პატარა კუთხე?  
კუთხარი, რომ მოგვწონდა. ელენემ ჩვენი  
საქმიანობა აუწერა. მე ბოდიში მოვუხადე  
- ზევით ავალ და ტანსაცმელს ჩავიცვამ-  
მეთქი. როცა უკან დავბრუნდი, ელენეს  
სასადილო ოთახისაკენ მიჰყავდა მისი  
კლივენდონი. თევშებზე ნამცხვრები ეწყო,  
ყავადანი მხიარულად თუხთუხებდა.  
- ყოჩაღ, ქეთი, - თქვა ელენემ, - ყველა-  
ფერი გაუმზადებია. აქ დაბრძანდებით, მი-  
სის კლივენდონ?  
მაგრამ, ეტყობა, ელენე უფრო მეტად  
ლელავდა, ვიდრე ამჩნევდა. ასე რომ არ  
ყოფილიყო, შეამჩნევდა, რომ ქეთი ბეილის  
ამზადებდა და მისის კლივენდონს სიმინ-  
დის ქაუქაფა ვისკის აღარ დაუსხამდა.  
მისის კლივენდონი გაყვითლდა.  
- ვფიქრობ, რომ ჩემი წასვლის დროა,  
- იგი წამოდგა, - მე ერთ ადგილას ვარ  
მისასვლელი. სხვა დროს იყოს, - მისის  
კლივენდონმა ხელთათმანები წამოკრიფა.  
კარამდე მივაცილე.  
- ძალიან მწყინს, რომ ვერ მოიცადეთ,  
- ვუთხარი მე, - ძალიან გთხოვთ, კვლავ  
მოხვიდეთ. მეორედ, იმედია, თქვენნი ქმრის

## რედაქტორისაგან:

გიორგი და პეტრე პაპაშვილების „ყველაფერი შეიძლება  
მოხდეს“ ავტობიოგრაფიული ნოველების კიებუცია.

იგი ინგლისური ენაზე დაიწერა და პიხველი 70 მტის მინათ,  
1944 მტის გამოიყარა. დღემდე ამ მტის 20-მილიონამდე ეგზე-  
მპლარი გაყიდული, რკინეგვრის გამოიყარა ამერიკაში, ითხიგ-  
მნა იტალიაში, ფინანსურ, ნოხვეგიურ, დანიური ენებზე. გადღე-  
ბულია ამაცე სახეიროების ფინანსაც პოლიტეში.

მიგნი გვიხატავს 1930-იანი მტების ქახთველი ემიგრანტის  
ცხოვრებას და ამაც დიოს გიხის თვლით დანახურ ამერიკას.  
ანთოლოგიაში, მსოფლიოს 50 საყკეთესო მტის მტის,  
ხომეშიც ყველაზე ყკეთ აისახა ამერიკა - ჯეკ ლონდონის,  
გიკეხიანდის, სელინგეხის და პემინგეხის გკეხით მეხვეებით  
ამ მტისაც.

გაცნობის ბენიერება მექნება.

- მისტერ კლივენდონი სამი წლის  
წინ დაგვარგე.

- უადრესად სამწუხაროა. იმედია იპო-  
ვით. რამდენადაც ვიცი, ქმრები ყოველთვის  
განზრახ იკარგებიან (რადაცით ხომ უნდა  
გამეძნევებინა მისი კლივენდონი).

- ნახვამდის, ნახვამდის.

ელენემ ძლივს მოითმინა, სანამ მისი  
კლივენდონი მანქანაში ჩაჯდებოდა.

- მაგისი ქმარი მოკვდა, შენ კი, ღმერთო  
ჩემო, იმედი მიეცი, ნახავო.

საქანელას ამოფარებული ქეთი ჩვენთან  
მოვარდა, - მადლობა ღმერთს ყველაფერი  
გათავდაო, - წამოიძახა.

- რატომ არ მითხარით, რატომ არ გა-  
მაგებინეთ რომ ქვრივია? - ვუსაყვედურე  
ორივეს.

- აი, ეგ ბებური... - თქვა ქეთიმ და ლო-  
ბეს წიხლი ჰკრა.

- მეც მაგ აზრისა ვარ, - თქვა ელენემ.

- ახალგაზრდები ხართ და გეიოლებათ.  
მარტო რომ დარჩეთ, მაგაზე უარეს დღეში  
ჩავარდებით.

ეზოში გამოვვარდი და მანქანას ვეცი.  
მისი კლივენდონი ის-ის იყო ჭიშკარში  
გადიოდა. ფანჯარაში თავი შევრგე:

- მომიტევეთ, არ ვიცოდი, თუ ქვრივი  
იყავით. როდის ინებებთ გეახლოთ და  
შემა შეგიტანოთ სარდაფში.

- შემა?

- ალბათ, შემის შეპიდავი გყავთ, არა?  
მოხენა? როცა დაგჭირდებათ, მოვალ.

- მოხენა?

- ბოდიშს ვიხდი. მე არ ვიცი, რა სა-  
ქმიანობას ეწვეთ აქ. წინათ არასოდეს  
მიცხოვრია ფერმაში. ჩვენ სამშობლოში

წესად გვაქვს, ქვრივებს ერთი დღე მივეხ-  
მართო, მაგრამ თქვენ თუ სხვანაირი წესი  
გაქვს, მე დიდი სიამოვნებით გავიღებ ჩემ

წვლილს. რა სახითაც არ უნდა იყოს.

- არა, მადლობელი ვარ! ძალიან დიდი  
მადლობა, - მისი კლივენდონმა გაიღიმა  
(ამას კი ვერასოდეს წარმოვიდგენდი), -  
ჯერჯერობით მე თვითონ ვუძღვები საქმეს.  
სხვათა შორის, იმ კვირას გეცვლებათ თქვენ  
და თქვენს მუულებს, რომ მეწვიოთ?

ვეწვიეთ და მის შემდეგ კარგად დავმე-  
გობრდით. ხშირი მისვლა-მოსვლა გვქონდა  
ერთმანეთში და ერთხელ, როცა უკვე ძვე-  
ლისძველი ნაცნობები ვიყავით, მისი კლი-  
ვენდონმა მითხრა:

- იცით, პირველად რომ გნახეთ, რადაც  
ვერ გაგიგეთ. ვიფიქრე...

- სრულიად გასაგებია, მისი კლივენ-  
დონ, ნუ მებოდიშებთ. თქვენ ლოთები  
გეგონეთ, ჩვენ კი ვიფიქრეთ, რომ თქვენზე  
ავი ქალი აღარავინ შეიძლება იყოს. ბო-  
ლოს და ბოლოს, რა მოხდა, შეცდომა  
ყველას მოსდის.

## მიწას ვერ მოატყუებ

მთელი იმ ხნის განმავლობაში, რაც  
ვირჯინიაში ვცხოვრობდი, ერთი სახის  
ქიმიურ პრეპარატს ვიწერდი გერმანი-  
დან და საბეჭდი მანქანის მელანს ვაკე-  
თებდი. ალბათ, სიკვდილამდე ამ მელანის  
გაყიდვით ვიცხოვრებდი, გერმანიაში მომხ-  
დარი ამბები რომ მომწონებოდა. ახლა კი,  
აბა როგორღა შემეძლო გამეგზავნა ფული  
პრეპარატის საყიდლად და სინდისი დამ-  
შვიდებული მქონოდა.

ჯერ ვიფიქრე, ჩემს ცენტებს რა მნიშ-  
ვნელობა აქვს-მეთქი. მე ერთი ვარ, აბა,  
რას წარმოადგენს ერთი კაცი? მაგრამ  
შემდეგ ჰკუამ მიკარანსა: ერთი კაცი თუმცა  
ერთი კაცია, სხვა გზა უნდა მეძებნა თავის  
გასატანად. გადავწყვიტე მიწათმოქმედება  
დამეწყო.

პირველი, რაც გამოვარკვიე, ის იყო,



რომ თუ ფულის შოვნა გინდა, ქათმები არ უნდა მოაშენო. მაგრამ ამის გამოსარკვევად ათასი დოლარი და ერთი წელი დავხარჯე. ქათმები ფრიად ქურუხი ცხოველები არიან, სასიკვდილოდ კორტინან ერთმანეთს. ამას გარდა ცეცებიც არიან: დაფართხუნობენ, შფოთავენ, კრიახობენ და სიმართლე თუ გინდათ, თვითონვე პატივობენ მელებს, ძაღლებს, სკუნსებს და სინდიოფალებს, მოგვიტაცეთო.

- დამიჯერე, ქათმის დანახვა აღარ შემიძლია, - ვუთხარი ელენეს იმ დღეს, როცა ბოლო გაღია გავვიდეთ, - უკან კობინთკარში რომ დავბრუნდები, იქნებ დამიჯერონ რადიოსა და მეტროპოლიტენის არსებობა, იქნებ ემპაიერ სტივტ ბილდინგი და ავტომატებიც ირწმუნონ, მაგრამ, არასოდეს დამიჯერებენ, რომ ამერიკაში ქათმებს სათვალეს უკეთებენ, რომ მათ თუნუქის კაბებს აცმევენ, რათა ერთმანეთი არ დაჭამონ. არაფრით დაიჯერებენ!

ქათმების შემდეგ თხების მოშენება ვცადე. ნეტა რატომ ვერ ეწყობა ადამიანი თხას? მათ აბრეშუმითი პრიალა ბეწვი, ნახი ტუჩები და ფაქიზი მადა აქვთ - აქ ქორფა ღვარძლას წაწიწკნის, იქ ერთ ბლუჯარდიან ბალახს გეახლებათ. მერე მადის გასახსნელად ორიოდ ფოთოლს დააყოლებს ან მწარე ღეროს გაღვავებს. ხან კი სამყურას თითო კვირტებს გასინჯავს - ისე არჩევს მინდორში საჭმელს, გვეონება, კაფეტერიის დახლიაო. ამასთან რძესაც იძლევიან - მთლად ნაღებია. მეტი რაღა უნდა კაცს? მაგრამ ვერც ამ რძეს და ვერც მისგან გაკეთებულ გემრიელ ყველს ვერავის მიჰყიდი. რაღაცა ეჩვენებათ: თხებს სუნი უდისო - ამბობენ. ადამიანებს რა, ნაკლები სუნი უდით?

შემდეგ მეფუტკრეობა ვცადე, მერე სიმინდის მოყვანა, მერე ცხვრები, ხორბალი, ღორები, სელი. გულდასმით დავამუშავე სასოფლო-სამეურნეო ბიულეტენები და სულ მალე თითქმის აღარაფერი დამრჩა საცდელი, თუ საექსპორტო ხმელ ხილს და დედალი ფარშევანგების მოშენებას არ ჩავთვლით (თუმცა აქედან მხოლოდ ქინძისთავის საფასურსა და სიამოვნების მიღება შეიძლებოდა).

სადაც შეცდომა დავუშვი, მაგრამ სად? ფერმის ბრალი არ არის, რადგან მიწა ნოყიერია და ნაკაღულამდე ზომიერი დაქანება აქვს. ესე იგი, მე თვითონ ვარ დამნაშავე. იქნებ საკმაოდ მუყაითად არ ვმუშაობ? მართლაც, ამერიკაში ზოგ საქმეში შევიძლია წაიყალთაბანდო, მთელი მონდომებით არ იმუშავო, მაგრამ მიწას ვერ მოატყუებ და, ეტყობა, ჩემი მიწაც შეურაცხყოფილად გრძნობდა თავს.

ამიტომ გადავწყვიტე ერთხელ კიდევ მეცადა ბუდი - მთლიანად ჩავხვნიდი მიწას და მთელი ენერჯია ჩამეთესა შივ.



# ყველაფერი შეიძლება მოხდეს

ანდუყაფარ ჭვიშვილისეული თარგმანო

## ბიორბი და ჰელენ პაპაშვილები



მაგრამ რა მოვიყვანო? ხან რა ვიფიქრე და ხან რა. გაზაფხული ახლად დამდგარი იყო, როცა სასადაილოში ვიღაცეების საუბარს მოვკარი ყური. ისინი თესვაზე ლაპარაკობდნენ. ჩემმა მეზობელმა მისტერ გლიდენმა თქვა:

- პამიდორი! პამიდორი ძალიან სარფიანია. დავირავებუდი სახლი გამოვიხსენი და სასურავიც გავუახლე. კიდევ მეტი - კანალიზაციის ორმოც ამოვთხარე. ეს ყველაფერი პამიდორის წყალობაა!

ძალიან დავინტერესდი და კვითხე, სადა ჰყიდით-მეთქი.

- საკონსერვო კომპანია ყიდულობსო, - მიპასუხა ვიღაცამ.

- რომელი კომპანია?

- ტომატის კომპანია, - მითხრა მის-

ტერ გლიდენმა, - მაგრამ მე იმათთან არ ვიჭერ საქმეს. ლოკ-სტრიტის ბაზარზე ვყიდი. სეზონის დასაწყისში ერთ დოლარს ან ხანდახან დოლარ-ნახევარსაც ვიღებთ თითო კალათაში, მერე კი, პამიდორის მოლევამდე, იტალიელები თითო ურიკაში 25 ცენტს მამლევენ, კეტჩისათვის ყიდულობენ.

- კეტჩისათვის?

- ჰო, კეტჩისათვის, შემწვარ კარტოფილს რომ ასხამენ ხოლმე.

- პამიდორი ჩემი საქმე ყოფილა, - ვუთხარი ელენეს იმავე დღეს, - შესანიშნავი ბოსტნეულია; თავისი მეობა გააჩნია. თან იმუშავებ და თან თვალს ასიამოვნებ.

მარტის შუა რიცხვებში თესლების კომპანიას შეეკვთა გავუზავნეთ. მათ ჩითილები მოგვიმზადეს და მაისში, ჯერსიში

რომ ჩავედით ჩითილების ჩამოსატანად, ისინი უკვე 15-20 გოჯის სიმალლისანი იყვნენ. ზოგს კი უკვე ესხა პატარ-პატარა პამიდვრები.

მიწა უკვე დაბუშვებული ჰქონდა. დარგვა მისტერ გლიდენმა მასწავლა. პალოები მოვამზადეთ - მძიმე და მრუდე ჯონები. წვერზე თითბერი ჰქონდა გადაკრული. ორმოს ვთხრიდით, შიგ ჩითილს ვდებდით და მიწას მივატკეპნიდით ხოლმე. შემდეგ წყალს მოვასხამდით და ახლა მეორე ჩითილის დარგვას შევეუდგებოდით. რამდენიმე საათის განმავლობაში ბალერინებივით ვცეკვავდით. ორმოს ჩათხრა, ჩარგვა, დატკეპნა, მორწყვა, ორმო, ჩარგვა, ტკეპნა, მორწყვა...

ჩითილებმა კარგად იხარა. ორჯერ ისე გულდაგულ გავაფხვიერე მიწა, რომ მუქ წაბლისფერ ხალიჩას დავამგვანე და ძალიან შეურაცხყოფილად ვგრძნობდი თავს, როცა სადმე სარეველა გაბედავდა თავის ამოყოფას.

ივლისში პირველი მოსავალი დავკრიფე. ორმოცი კალათა გამოვიდა. მაშინვე დოკ-სტრიტზე გაეჟანქე, დამე ბაზარში გავათიე და დილას თითო კალათა თითო დოლარად გავყიდე. კარგი ფასი იყო.

მაგრამ მეორე კვირას მაზანდა დაცა და ამავე დროს პამიდორმა ისე სწრაფად დაიწყო დამწიფება, რომ იძულებული გავხდი, ბიჭი ამეყვანა დამხმარედ. ბიჭი კრეფდა, მე კი ვფუთავდი.

მთავარი ჩაწყობა იყო.

- საუკეთესოები ყოველთვის ძირში ჩააწყვე და მუშტრებს იმდენ ხანს შეირჩენ, სანამ პამიდვრის მოყვანის ძალა გეყოფაო, - მითხრა მისტერ გლიდენმა, როცა პირველი მოსავალი დავკრიფე და თითქმის მთელი დღე შემოგვწირა, რომ რესტორანში გასაგზავნი კალათების მომზადება ესწავლებინა:

ფსკერზე წრიულად ვალაგებდით მწვანე პამიდვრებს და ცენტრში ერთ დიდ პამიდორს ვდებდით, შემდეგ მეორე რიგს ვაწყობდით, შემდეგ მესამეს, მეოთხეს... სანამ პირთამდე არ აივსებოდა: მუქი მწვანე, ბაცი მწვანე, ღია ვარდისფერი, მარჯნისფერი, ღია წითელი, ალისფერი. ბოლო ორი რიგი ძალიან მწიფე უნდა ყოფილიყო, რომ მზარეულს ქვედა პამიდვრების დამწიფებამდე ისინი ეხმარა. ერთი სიტყვით, მთელი ხელოვნება იყო.

შუა აგვისტოს მერე პამიდორი ზღვად გასკდა. სადღა იყო იმისი დრო, რომ დოკ-სტრიტზე ვმდგარიყავ და ფასზე მეჯანჯლა - შინ უნდა გავეტყუულიყავ და ახალი პარტია დამეკრიფა. მერე კვლავ ბაზარში, შინ, ბაზარში, შინ... კვირაში სამ ღამეს მეძინა, თავს ბედნიერად ვთვლიდი. სადილზე ჩანგლის პირთან მიტანას ვერ ვასწრებდი - მეყვინებოდა ხოლმე. სულ უფრო და



უფრო სწრაფად უნდა მებუშავა. რა მექნა? უნდა გამეძლო, თუნდაც თან გადავყოლოდი. უნდა დამემტკიცებინა მიწისათვის, ღირსეული მფლობელი ვარ-მეთქი. უკვე ადამიანი აღარ ვიყავი - მანქანად გადავიქციე. პამიდვრის საკრეფ ავტომატად, რომელიც ყოველგვარი დახმარების გარეშე მუშაობს. თანაც ყოველგვარ ამინდში, რომელიც კრეფს, ფუთავს, სწევს, მიაქვს, კრეფს, ფუთავს... მერე სახელური გადაიწევა, კალათი გაქანდება და საზიდავზე იდება. გაქანდება და იდება. მზე კი სულ უფრო და უფრო იკბინებოდა, მტკერი და ოფლი მჭამდა. ოფლს რომ მოვიწურავდი, პამიდვრის ყვავილის ფერფლი სახეზე მჩრებოდა. კაცს დაჟანგული ვეგონებოდი. 27 აგვისტოს 312 კალათა მოკრიფეთ. რა მოკრუნოვით ამდენს! ავდექი და საკომისიო კანტორას ჩავაბარე, რათა მალე დაგბრუნებულეყავ უკან და კვლავ დამეკრიფა.

- სამოთხს დღეში ჩეკს გამოგვიგზავნიან, თითო კალათაში სულ ცოტა ოცდამეცხრამეტ ცენტს მოგვცემენ - ახლა კარგი ბაზარია-მეთქი, - ვუთხარი ელენეს, როცა შინ მოვბრუნდი. მაგრამ იმ ღამეს ქარიშხალი ატყდა. ფანჯრებზე სეტყვა აკაკუნებდა და შემდეგ მამაპაპური წვიმა დაიწყო. ცას არც მეორე და მესამე დღეც შეუკრავს პირი. მინდორში გასვლაც კი ვერ შეგძელი - წებოსავით ტალახი იდგა.

კვირას კამკამა მზემ გამოანათა და შუადღისას უკვე ვნახეთ, რაც დაგვტყუიდა თავს - მთელი პამიდორი მიწაზე იყო დაფენილი და ექვს აკრიან ქოთანში იფუთებოდა. ყველაფერი გათავდა.

- რაც არის, არის, - ვთქვი მე, როცა ჩემი მამული შემოვიარე. არავის ბრალი არაა. უარესიც შეიძლებოდა მომხდარიყო. პირველი კალათების გაყიდვით აღებუ-ლი ფულის უმეტესობა ხარჯებზე წავი-

და. ახლა იმით, რასაც კომისიონერი გამოგზავნის, სასუქის ვალს გადავიხდით და რაც რჩება, მოგება იქნება. მე გმონი, ამჯერად კარგად წავა ჩვენი საქმე.

ორი დღის განმავლობაში, სანამ ფოსტალიონს ვუცდიდით, ელენეს ვეკითხებოდი, იმ ფულით რა ვიყიდო-მეთქი. ბოლოს პაკეტი მივიღეთ. გავხსენით. შიგ ჩეკი იყო. ამაყად შევიტანე ოთახში.

55.75 წაიკითხა ელენემ. რალაც შეცდომაა. 55.75?! შეუძლებელია.

ელენემ კონვერტიდან მოგრძო რალაც ამოიღო: - 163 კალათი 38 ცენტად = 61.94 მიწის 10% 55.75, 149 კალათა გადაიყარა.

- გადაიყარა?

- ჰო, გადაყარეს, - ელენე ფანჯარას მიადგა და ბოსტანს დაუწყო მზერა, - მათ ყველაფრის გაკეთება შეუძლიათ.

გულზე რალაც მომაწვა. არც კი გამაგებინეს. წამოვიღებდი და დამშეულებს და ვურიგებდი ქუჩაში. გადაყარეს, ჩემი პამიდორი ფილადელფიის მდინარის ფსკერზეა. იქნებ ჯერ კიდევ მთელებია, წითლები, პრიალები. ახლა, ალბათ, იმ მდორე მდინარის ფსკერზე, ლამში ყრია და ღებება, ჩემი შრომა წყალში ჩაყარეს.

იქნებ ვინმეს მოსწონდა ასეთი ცხოვრება, მე კი არა. ისევ სამსახურს მივბრუნდი.

ამის შემდეგ ხშირად მიფიქრია, მაგრამ ვერასოდეს მივხვდი, თუ რატომ ხდება, რომ კაცს მიწა და ორივე ხელი აქვს და ლუკმაპურს კი ვერა შოულობს. წარმოდგენელი ამბავია! მაშ, თავიდან როგორ აშენდა ეს ქვეყანა? არა, რალაც მიზეზია. მაგრამ რა?

## ძია ვანო მარად იცოცხლებს

ჩვენს ფერმაში ხეების რგვა დავიწყეთ.



გვინდოდა სიბერეში ტყე გვექონოდა. ათასობით პატარა, ტოტის ოდენა ხე დავრგეთ. საშობაო მწვანე ნაძვები, ფიჭვები, რომლებშიც შამშები იჭახჭახებდნენ, არყის ხეები, რომლებიც ლალად იზრდებიან ხოლმე.

შუა მუშაობაში რომ ვიყავით გართულნი, ფოსტალიონმა ორჯერ დაიხსავლა ჭიმკართან - დეპეშა! დეპეშა!

იგი ემილიას გამოეგზავნა:

„მიიღეთ ჩემი სალამი და კოცნა. ცუდი ამბავი უნდა შეგატყობინოთ. ჩამოდით და საფლავებაზე. მია ჯონი მოკვდა“.

მია ვანო აღარ არის!

გული მწუხარებით აგვევსო და ირგვლივ თითქოს ჩამობნედა კიდევ.

მია ვანო მოკვდა? რაღაც სიცარიელე ვიგრძენი მკერდში. ვილა გამახსენებს სამშობლოში გატარებულ დღეებს, ჩვენ სოფელს? ვილა გაიხსენებს იმ დროს, როცა ჯარიდან გამოქცეული პეტრე შევიფარეთ, ბუცას ოინებს, ან იმას, ვერცხლით მოჭედული ქარქაშის გაკეთებაში ჯილდო რომ მივიღე? ვილა იხარხარებს, როცა მოვეყვები, პოლიციის უფროსი რომ დათვრა და სალორეში დაიძინა?

არავინ!

ვინ მომივდება სუფრაზე გვერდით და ვინ დალევს იმ მეგობრების სადღერძელოს, რომლებსაც მარტო ჩვენ ორნი ვიცნობდით. აღარავინ მომიტანს შესაკეთებლად თავის ხარახურას - გატეხილ დანებს, გაფუჭებულ ელექტრორეკლამებს, ზამბარა გაწყვეტილ ფონოგრაფებს, ზორცის საკებ მანქანებს. ბიჭო ვოგაიასაც არავინ დამიძახებს. არა, მარტო მია ვანო კი არ დამიკარგავს! - მასთან ერთად თითქოს სამშობლოს ნაწილიც დავკარგე!

დიდი დასაფლავება გვექონდა. მე მკონი, თვითონაც ნასიამოვნები დარჩებოდა, რომ დაენახა. კუბო ეკლესიის შუაგულში იყო დასვენებული და ირგვლივ იმდენი ყვავილები ელაგა, ბალი გვეონებოდათ. ვარდები, მინდვრის ზამბახები, მისაკები, ყვითელი ნარგიზები, სუმბულები... ვილაც ბავშვმა დამტყნარი იების თაიგული მოუტანა. იგი წინათ არასოდეს მინახავს, მაგრამ მია ჯონმა, ალბათ, მასაც დასდო ამაგი.

ბესომ სანთლები ჩამოგვირიგა. სანთლები სათითაოდ აინთო.

სულ ცოტა სამასი კაცი იქნებოდა. ორი პიტსბურგიდან იყო, ერთი ვირჯინიდიდანაც კი ჩამოსულიყო. სანამ მღვდელი ფსალმუნს კითხულობდა და მუსიკა უკრავდა, მე ჩვენს ბოლო შეხვედრაზე ვფიქრობდი. ეს სულ ორიოდ კვირის წინ იყო.

კალიფორნიიდან გამოსვლის შემდეგ მია ვანომ ერთი პატარა რესტორანი შეიძინა „მეოთხე ქუჩაზე“, მაგრამ ერთ დღეს მოებზრა და იმავე დღეს ექვსი თუ შვიდი რუსი შეიამხანაგა. ღამით ყველა ერთად მოვიდა საბუთების გასაფორმებლად და

თან თითო ადვოკატი მოიყვანეს. პირველად ცოტა არეულობა მოხდა, მაგრამ ბოლოს მორიგდნენ და მილიანად გადაიხადეს თავთავიანთი წილი.

- უპირველეს ყოვლისა, - მითხრა მია ვანომ, - მე იმდენი ფული უნდა გადავდო, რომ იგორ ანდრეის საუკეთესო ფეხი ვუყიდო. დე, კვლავ იცეკვოს - ესამოვნება. მერე ჩანჩო გავიყოლიოთ, სტრიტზე წავიდეთ და დანარჩენი ფულით სულ საჩუქრები ვუყიდოთ ჩვენს მეგობრებს.

ჯერ ყველა ზომისა და ყაიდის ხელთათმანებით სავსე ურიკის ყიდვა უნდოდა.

- იცი, გავაგორთოთ და მეგობრების სახლებს ჩამოვუაროთ. გამოვლენ ქუჩაში და რამდენიც უნდათ, იმდენს ამოირჩევენ. თან ტკბილი სიტყვებიც დავაყოლოთ. კარგი ხუმრობა გამოვა! რას იტყვი ამაზე?

მაგრამ გამყიდველი ვერაფრით შეეღია ურიკას.

- არა უშავს, მაშინ მარტო ქალებისათვის ავარჩევ საჩუქრებს, - გადაწყვიტა მია, - კაცებს კი ვაქეიფებ.

კარგა ორი საათი ვათვალისწინებ ვიტრინები. ბოლოს, მია ვანოს რაღაცამ მოსტაცა თვალი პირველი სართულის ვიტრინაში.

- წვივსაკრავები, - უთხრა მან ნოქარს, როცა მაღაზიაში შევედი, - აი, ისეთი, ფანჯარაში რომაა - ჭრელები. ან აი, ისინი, ფარმევანგის ფრთებიანი. რაიმე მდიდრული.

- ნოქარმა ყველანაირი წვივსაკრავებით სავსე ყუთი გადმოგვიღო. მიაშ ერთი წვეილ წითელ სატინის წვივსაკრავებზე შეაჩერა არჩევანი და ფასი იკითხა.

- გროსი 12 დოლარი.

- გროსი რას ნიშნავს?

- 144 წვეილს.

- მომეცით. ამდენ ქალს ჯერ არ ვიცნობ, მაგრამ დარწმუნებული ვარ, თანდათან გავიცნობ.

ამაში ეჭვი არ მეპარებოდა. სრულ სიმართლეს ამბობდა, რადგან შეერთებულ შტატებში რომ ჩამოვიდა, რუსული, თურქული, ასურული, სომხური, აზერბაიჯანული და ქართული იცოდა. ბუნებრივია, რომ ინგლისურისათვის ბევრი ადგილი აღარ დარჩებოდა თავში. ამიტომ, როცა რომელიმე საჭირო სიტყვას ვერ იხსენებდა, უბრალოდ იტყვოდა ხოლმე „I luff gon“ და რაღა თქმა უნდა, უამრავ მეგობარს იძენდა, განსაკუთრებით ქალებს.

როცა გარეთ გამოვედი, მია ვანოს ახალი აზრი მოუვიდა თავში:

- გამიგონე, - უთხრა მან გამყიდველს, - მე მინდა რამდენი წვივსაკრავიც მიმაქვს, იმდენი ეუვანი ვიყიდო ქაშის ბალთაზე დასამაგრებლად. ქალები სულ რაწკარუწკით ისეირნებენ. რაღაც არაჩვეულებრივი რამ იქნება!

- ძვირი დაგივდებათ, მარტო ჯაფა იანგარიშეთ...

მია ვანომ ფული გაუწოდა.

- ხარჯი რა სახსენებელია, აი, ფული. გახსოვდეს, ბიჭო, - მომიბრუნდა მია, - როცა საჩუქარს ყიდულობ, ყოველთვის რაიმე ძვირფასი შეარჩიე, ან არადა, სულ ნუ იყიდი.

როგორ შეიძლებოდა მია ვანოსთან კაცი მომკვდარიყო?

კაცი, რომელსაც ასე უყვარდა ქვეყანა, რომელიც ასე დაუმეგობრდა ცხოვრებას. მაგრამ მია ვანო აღარ იყო და ახლა საცეცხლურს აქანავებდნენ, ირგვლივ საკმეხლის სუნი ღებოდა. მერე ლოცულობდნენ... მაგრამ მია ვანოს არც გუნდრუკი სჭირდებოდა და არც ლოცვა, რაც კი სიკეთე დაეთესა, კუბოს ირგვლივ მდგომთა სახეებზე წაიკითხავდით, მათ ცრემლებში დაინახავდით, ცრემლებში, რომლებიც აღმასივით ბრწყინავდნენ სანთლის შუქზე.

საწყალი ჩანჩო მოშორებით იდგა, მაგრამ მია ვანოს სახიდან სულდარა რომ ახადეს, მივიდა და სახეზე აკოცა, მერე კიდევ მობრუნდა, კიდევ და კიდევ...

მკლავში მოვიკიდე ხელი და ვუთხარი:

- მოდი, ცოტა ხნით გვერდზე გავდგეთ, მია ვანოს სხვა მეგობრებიც ჰყავდა.

- გიორგი ივანიჩი, - ძლივს ამოილულულა საწყალმა ბიჭმა, - მია ჯონმა დამტოვა, რატომ დამტოვა, რატომ?!

- ასეა, ჩანჩო! ყველანი დავიხოცებით!

- ვაჯავრებდი ხოლმე. ძალიან ხშირად. მაგრამ განა განგებ. თვითონაც იცოდა, რომ უნებლიეთ მომდიოდა.

- იცოდა, ჩანჩო, იცოდა.

- მე სულელად მთვლიან. ყველა ასე ამბობს. ბიჭები ქვებს მესროლდნენ. მარტო მია ჯონმა იცოდა, რომ გიყი არ ვიყავი. ეს ქვეყანა ყველას ეკუთვნისო, ამბობდა.

- მართალია!

- ო, მია ჯონ! მია ჯონ!

- ნუ, ჩანჩო, ნუ. იგი ვეღარასოდეს ვეღარ გამოეცხმადურება, ამით მარტო სხვებს აუჩუყებ გულს!

- ახლა მია ჯონი აღარაა და ისინი კვლავ დამიწყებენ ქვების სროლას.

- არა, ჩანჩო! ნუ გეშინია. თუ გინდა, ჩემთან წამოდი. ეს ქვეყანა ყველას ეკუთვნის, მეც ასე ვფიქრობ, მაგრამ მარტო ძალიან ცოტას, მარტო მია ჯონის მსგავს ადამიანებს სწამთ ასე!

იმ ცივ, ნესტიან დღეს ყველა დიდხანს ვიდექით მია ვანოს საფლავის პირას და მღვდელს ვუსმენდით. ვილაცის ცივი ხელი გულის ფიცარზე მიკაკუნებდა, როცა საფლავიდან ამოყრილ მიწას თვალს მოვაცილებდი და მეზობლებს გადავხედავდი, მათ სახეზედაც ჩემ საკუთარ შიშს ვხედავდი. თითქოს სარკეში ვინებდებოდი. ილიკო, არსენა, კოსტა - ყველანი, მუჭით რომი-

წას აყრიდნენ კუბოს, ფიქრობდნენ, ნეტა ვინ იქნება შემდეგი? იქნებ მე უნდა მოვკვდე ძია ვანოს შემდეგ, სამშობლოს მოშორებული. დავიმარხები უცხო მიწაში და ჩემი საფლავის ქვის წარწერასაც ვერავინ წაიკითხავს!

უკან კრიჭამეკრული დავბრუნდით.

ქელეხი ანტოსთან იყო დანიშნული, მაგრამ მანამ ვერ დავიწყებდით, სანამ ზაქარას და ბესოს არ შევარიგებდით. ისინი სამი წელი იყო, რაც ხმას არ სცემდნენ ერთმანეთს. მეც კვლავ უნდა დავმეგობრობოდი კუკულას - რაც მოხდა, უნდა დაგვევიწყა, და ეს ყველაფერი ძია ვანოს ხსოვნის პატივსაცემად იყო. ძველისძველი, მაგრამ საუცხოო ადათია. იგი ადამიანს საშუალებას აძლევს საფლავში მაინც შეასრულოს მოვალეობა, რომელიც სიცოცხლის განმავლობაში აკისრია: ტკბილი ურთიერთობა დაამყაროს თავის მეგობართა შორის.

ასე რომ, ოცი კაცი შემოვუსხედით მაგიდას. ჩვენ ძია ვანოს სულის მოსახსენებელი უნდა დაგველია და ამ დღის შესაფერი კერძი - ცხელი შილაფლავი გვეჭამა, - ძალიან მარგებელია ახლად გათხრილი საფლავის ცქერით აკანკლებულ და სულიერად დაცემულ ხალხისათვის.

მაგრამ განა მარტო ძია ვანო ვახსენებთ იმ დღეს. ყველა მოვიგონეთ, ვინც კი სუფრაზე გვაკლდა. დავითი, რომელმაც იმდენი იწვალა ჩურჩხელის დამზადებაზე, რათა აქ დაბადებულ ბავშვებს მშობლიური ტკბილეულის გემო გაეგოთ. პაპ მონტო, რომელიც ოცდაათი წლის განმავლობაში დაულაღავად ნადირობდა ქართულად მოლაპარაკებზე და ამ წლებს დაკარგულად არ თვლიდა. მერე ნიკო, ვასო, პეტრია და ბევრი სხვა. არაფერ გამოგვჩენია. როგორღაც ამ სუფრამ ის შეძლო, რასაც ვერავითარი სიტყვები ვერ შეძლებდა - გამოგვპარუნა და იმის იმედი ჩავვისახა, რომ, როცა კი ვინმე მეგობარი სუფრას მიუჯდებოდა, ჩვენც მოგვიგონებს. ამაზე მეტი რა უნდა ინატროს კაცმა?

როგორც ყველაფერი ამქვეყნად, ჩვენც სუფრაც დასასრულს მიუახლოვდა. ილიკო წამოდგა და ბოლო ჭიქაც ძია ვანოს სახსენებლად ასწია:

- ამ პატარა ჭიქით მე მინდა იმ კაცის მოსახსენებელი დავლიო, რომელიც იმდენად ჭკვიანი აღმოჩნდა, რომ ქონება არ დაგვტოვა, რათა ერთმანეთს არ წაგვიდებოდით. ქონების ნაცვლად მან თავისი გემოვნება დაგვიტოვა და თან მთელი თავისი ცხოვრებით გვასწავლა, თუ როგორ უნდა მოიხმარო ერთიცა და მეორეც. ამქვეყნად ჯერ კიდევ უამრავი რამაა მოსაგვარებელი, ამიტომ, დე მღვდელმა მომიტევეს, თუ ცოტათი შევცვლი ბიბლიის იმ სიტყვებს, რომელიც მან სასაფლაოზე წაითხა. ცოტა სხვანაირად ვიტყვი - ჩვენ

სიკვდილის წიაღშიც ვცოცხლობთ. ამინ!

## სადღებრძელი

- მოდი, წვეულება გავმართოთ, - ვუთხარა ელენეს, როგორც კი ბანკიდან გამოვედი.

- ახლა რატომღა?

- მე ხომ ბოლო შესატანი გადავიხადე, მე ხომ ერთი ნაგლეჯი ამერიკული მიწის მფლობელი გავხდი.

- საბაბის გამონახვა არ გიჭირს. როდის მოვაწყვით და ვინ დავაპატიჟოთ?

- აღდგომა... ყველა უნდა დავაპატიჟოთ, ყველა ჩვენი ქართველი და ამერიკელი მეგობარი. ძალიან დიდი ქეიფი უნდა გადავიხადოთ. ისეთი, რომ მომავალში რაიმეს რომ მოჰყვებიან, აღნიშნონ, ეს ამბავი ჩვენს ქეიფამდე მოხდა თუ ქეიფის შემდეგ.

- ყველაზე კარგად სად ვიქეიფეთ, თუ გასსოვს? - მკითხა ელენემ.

- ძნელი სათქმელია. მგონი, ბესოს ქალიშვილი რომ გათხოვდა, მაშინ, - ვუპასუხე ცოტა ფიქრის შემდეგ, - გასსოვს, სამ დღეს უკრავდნენ მუსიკოსები. ახალ სუფრას რომ გამოიდნენ, ხონჩებთ ცხელ-ცხელი ჭადები მოჰქონდათ ხოლმე. ძალიან კარგი იყო. შენ რომელი მოგეწონა ყველაზე უფრო?

- ილიკოსთან რომ ვიყავით შობა თუ აღდგომა იყო, მგონი, აღდგომა. ვასო იყო თამადა. სუფრას უძღვებოდა და ახალ-ახალ სადღებრძელებს გვთავაზობდა. ერთი შესანიშნავი რამ თქვა - ვილაცამ ჭიქა ასწია სადღებრძელოსათვის: - ეს ისეთი კაცს გაუმარჯოს, ვისაც თავისი ქვეყნის წინაშე ღვაწლი მიუძღვისო. ვასომ უპასუხა: კაცმა რაც უნდა გააკეთოს, სამშობლოს ვალს მაინც ვერ გადაიხდისო. კარგი ნათქვამია, არა?

- აი, რა დამამასოვრდა ყველაზე უფრო, - განაგრძო ელენემ, - ორი საათი იყო, მაგიდას რომ მივუსხედით. თევზი, სალათა, - რა გინდა, რომ სუფრაზე არ ყოფილიყო; ორი საათის შემდეგ ნამუსრევილა დარჩა.

ემილიამ აალაგა და ახალი სუფრა დააფინა - წიწილები და ღორი მოგვართვა. დილაზე მეტს სუფრა გამოცვალა. მეექვსედ ზეწარი გადააფარა სუფრას!..

- მე წავალ, სადმე გოჭს ვიშოვი, ეზოში შამფურზე შევწვით.

- მე ყველაფერს მოვაშაადებ, რაც კი ვიცი, სულ ყველაფერს.

- ოღონდ იცოდე, რასაც მოამზადებ, ყველაფერი ბლომად იყოს.

ხალხი დავაპატიჟეთ, შაბათს ჩვიდმეტი კაცი და ოთხი ბავშვი გვესტუმრა. ჩვენიანად ოცდასამი მოვდროვდით.

- კარგია, - ვუთხარი ელენეს, - ამაზე არც მეტი ვარგოდა და არც ნაკლები.

ასეც გამოდგა. ოთხ საათზე სუფრას რომ შემოვუსხედით, სწორედ იმდენი ვიყა-

ვით, რამდენიც კარგი ქეიფისათვისაა საჭირო. ყველა საიმოვნებით შეუდგა ჭამას. ვიდურეთ ქართული სიმღერები. ამერიკელმა მეგობრებმა საპასუხოდ შესანიშნავად იმღერეს რომელიღაც სახლზე კენტუქში, სადაც ისინი წინათ ცხოვრობდნენ და ვიღაც ლედის შესახებ, რომელიც მუსლმოყრილი უკრავდა ბანჯოს: იმღერეს გაჭირვებაში ჩავარდნილ კოვბოებზე. იმღერეს ყველა ლამაზი კოლეჯური სიმღერა. ჩემი აზრით, ისინი ყველაზე ლამაზი სიმღერებია ამერიკაში, განსაკუთრებით კი ფუნქურთის შესახებ, ძალიან მუსიკალური თამაში უნდა იყოს, კარგი საყურებელი იქნება.

ერთ-ერთი მანდილოსანი ესტონელი იყო - ვერა პეტრეს ასული. ყველამ ერთად თქვა, რომ კალიფორნიის უნივერსიტეტის ჰიმნი და ესტონური სიმღერა, რომელსაც ძიობაზე მღერიან ხოლმე, ერთ ჰანგზე იმღერებო. დიდხანს იმღერეს და ძალიანაც ისიამოვნეს. ხანდახან მომღერლებს ბედი შეიწყალებდა და მოტივე ერთმანეთს დემთხვეოდა ხოლმე, მაშინ კი ნამდვილი დუეტი გვეგონებოდა.

დიან, კარგი ხალხი მოგვროვდით. მე ავდექი, ბოდიში მოვიხადე და ეზოში გავვედი, მინდოდა გულში ჩამჭვლიოდა, მინდოდა საშუალოდ დამამასოვრებოდა ხეებს შორის დარჩეული ჰანგები, საკვამურიდან ამოსული კვამლის ბოლქვები, შემწვარი ხორცის, ნამცხერისა და ერბოს სურნელი, რომელიც სამზარეულოს ღია კარიდან გამოდიოდა, ოქროსფრად განათებული ფანჯრები და ხალხი - ჩემ სახლში მოღვნილი ხალხი!

როცა ოთახში შევბრუნდი, სტუმრები კვლავ მღეროდნენ: „ვის უტოვებს კაცი სახლ-კარს, როცა ომში გაიწვევენ?!“ - იკითხა პეტრეს ძლიერმა ბანმა, „ცოლს უტოვებს, ერთგულ ცოლსა“, - უპასუხა ბესოს ტკბილმა მოძახილმა და შემდეგ ყველამ ერთად გაიმორა: „ცოლს უტოვებს, ერთგულ ცოლსა, როცა ომში გაიწვევენ“.

- მე ახლა ბოლო ჭიქა მინდა დაელო, - თქვა პეტრემ, - ჩვენმა თამადამ, როცა სიმღერის ხმა მიწყდა, - თუმცა ჯერ თერთმეტი საათია, მაგრამ ხვალ აღდგომა და თავი უნდა შემოვიწახოთ.

მეორე დილას ჩვენ, უცხოელებმა, ჩვეულებისამებრ ერთმანეთი გადააკონცენთ და აღდგომა მიულოცეთ ერთმანეთს, „ქრისტი აღსდგა“.

- ლამაზი ჩვეულებაა, - თქვა მისის ბეტიმ, - რომელიც საუხმეს უწყობდა ბავშვებს, - რას ნიშნავს „ქრისტი აღსდგა“?

მე ვუთარგმნე, რასაც ნიშნავდა. უნდა უპასუხოთ - „ჭემშმარითად“. ეს ნიშნავს: მე მწამს, ნამდვილად მჯერა, რომ აღსდგა. ეს ჩვენებური მილოცვაა, თქვენ, ამერიკელებმა ხომ იცით აღდგომის მილოცვა - ბედნიერ აღდგომას გისურვებთო, ამბობთ.



- თქვენი სჯობს, „ქრისტე აღსდგა“, ძალიან მომწონს. ლამაზი და ჭკვიანურია, აღდგომა დილისათვის „ქრისტე აღსდგა“.

- ქრისტე აღსდგა, - შემოგვძანა ბესომ, სამზარეულოში შემოვიდა და გადაგვკოცნა.

- მჯერა თუ როგორ ამბობთ? ჰო, ნამდვილად მწამს, რომ აღსდგა, - უპასუხა მისის ბეტიმ, - მე კი მეგონა ათეისტები იყავ, ბესო.

- ვარ კიდევ. ავიღოთ, მაგალითად, ადამისა და ევას ამბავი...

- ვიცი, გუშინ არ მისხნიდი? მაგრამ რატომღა ამბობ, ქრისტე აღსდგაო!

- რატომ? - ბესო, ცოტა არ იყოს, შეცბა, - მართლ იმიტომ, რომ აკაკი ათეისტი... პეტრე, შალიკო! მან ორივე ორჯერ გადააკოცნა და განაგრძო: - კაცი თუ ათეისტი, ზრდილობა არ უნდა ჰქონდეს. - ვის უნდა სააღდგომო კვერცხი დაეურტყა?

- მე, მე, - შემოესივნენ ბესოს ბავშვები.

- არა, ჯერ ის კვერცხები მონახეთ, თქვენი სახელები რომ აწერია, ასეთია წესი... უკვირ იპოვეთ? წვერით უნდა დავარტყათ, - აი, ასე. მე დავიჭერ, შენ დაარტყამ, გატეხილი კვერცხი გამტეხისაა. წაგებული ჯარიმასაც იხდის, მაგრამ ეს წაგებული მე არ ვიქნები, არა! მაშინ ბესოც აღარ ვიქნები! აბა, მოდის! რაო? ჩემი გატყდა? ეგ როგორ მოხდა? აბა, ეს მეორე ვცადოთ.

ბავშვები ხტუნვით უვლიდნენ ბესოს გარშემო და ეხვეწებოდნენ: ახლა მე, ახლა მე! ბესოს ოთხი კვერცხი გაუტეხეს. მან ჯიბიდან ოთხი საჩუქარი ამოიღო და მაგიდაზე ჩაამწკრივა.

- საოცარია, - ამოიხვნეშა ბესომ, - ყველამ როგორ მაჯობა! გიორგი, მეორე აღდგომას ქვის კვერცხი უნდა გამოიკეთო. ლურჯად შევლებავ, მოვხატავ და ყველას ვაჯობებ. ოღონდ სიტყვა არ დაგცდეს ვინმესთან!

ოთხივე ბავშვმა უარის ნიშნად თავი გააქნია, ოთხივე აჭყლობინდა: არა, არა!



- აი, ყოჩაღ, სამაგიეროდ ოთხივეს შევამხანავებთ.

საუზმის შემდეგ ცეცხლი დავანთეთ. როცა ნაკვერჩხალი დაცვივდა, გოჭი შამფურზე წამოვავეთ, მიწაზე ჩარჭობილ ორკაბა ჯოხებზე გავდეთ და მანამ ვატრიალეთ, სანამ არ დაიბრაწა და ტკაცატკუცი არ დაიწყო. შორიასლო ჩაცუცქულ ძაღლებს ენები გადმოვედოთ და მშვიდი თვალებით მიშტერებოდნენ ჩვენს გოჭს. ხალხიც ამ დღეში იყო.

იმ დღეს თამადად შალიკო იყო და კარგადაც ვაართვა თავი საქმეს. სიმღერა არ წყდებოდა, ჭიქები იცლებოდა, ისეთ სადღევრძელოებს ამბობდა, რომ ყურში კი არა პირდაპირ გულში გვხვდებოდა.

- აბა, სენა იყოს, - თქვა მან ბოლოს, - ჩვენ მრავალი სადღევრძელო შევსვით დღეს - სუფრის წვერებისა სათითაოდ, ბავშვების, მშობლების, ჩვენი დიასახლისის, ოჯახის უფროსისა, ახლა ერთი განსაკუთრებული სადღევრძელო მინდა დავლიოთ. პეტრე, შეწყვიტე, გენაცვალე, მაგ თხილის მტვრევა და მომისმინე.

- სიამოვნებით. ნეტა უფრო დიდი ყურები მქონდეს, მაშინ უკეთესად მოვისმენდი. მე გისმენ და უფრო მეტიც - ვსვამ. ვილაცამ ჭიქა შეუვსო პეტრეს. მან სინათლეზე გახედა ღვინოს.

- შესანიშნავი ღვინოა. გამდნარი ლა-

ლივითაა. იმედი მაქვს, კარგ სადღევრძელოს იტყვი, შალიკო, - ამ ღვინოს რომ შეეფერება, ისეთს...

- სანამ შემაწყვეტილებდნენ, გეუბნებოდით, განსაკუთრებული სადღევრძელო უნდა დავლიო-მეთქი. ჰოდა, ამ პატარა ჭიქით სამშობლოს გაუმარჯოს. ჩვენ გვიხარია, რომ სუფრასთან ადენ ამერიკელს ვხედავთ. განსაკუთრებით იმიტომ, რომ წინათ მათ პატივი გვცეს - თავიანთ ფართო სუფრასთან მიგვიწვიეს და გულუხვად გაგვიმასპინძლდნენ. ჩვენ ვცდილობდით კარგი სტუმრები ვყოფილიყავით და იმედი მაქვს, ვიყავით კიდევ. ეს ერთი სამშობლოა. მათ გარდა მრავალი სხვადასხვა ეროვნების ადამიანი შევიკრიბეთ აქ - ქართველები, რუსები, ბერძნები, ლატვიელები, ესტონელები, ირლანდიელები - ნამდვილი ერთა ღვიგაა. მე ვსვამ ყველას სამშობლოს სადღევრძელოს და როცა ვხედავ, თუ როგორ მშვიდობიანად ვსხედვართ ერთმანეთის გვერდით, მწამს, რომ მთელი მსოფლიო მოგვბაძავს. ბოლოს და ბოლოს, ეს ზომ ბედნიერი ცხოვრების ერთადერთი გზაა. მამ ასე - სამშობლოს გაუმარჯოს!

- სიამოვნებით ვსვამ, - ვთქვი მე, - სამშობლოს გაუმარჯოს, სამშობლოს, რომლის იატაკი დედამიწაა, ჭერი კი ზეცა.

დასასრული

# ჩვენი მშობარია ექიმო მარაგ ბოთარაგვილი

მსხვილი ვარიკოზული ვენების მშობარაგვის უახლოესი და მშველამ მდებარეანი ექიმო

*ლხვილის*

2177 65th st.  
Brooklyn, NY 11204  
1-718-238-1555

თქო ქინაჲ სოთინის  
**VEIN & LASER CENTER**



ჯორჯ ბალანჩინის რთული და ძნელად შესაცნობი ფენომენია. მისი მაღალი ხელოვნების არსი, საიდუმლოება, ხიბლი და სპეციფიკა პროფესიული განსჯისა და შეფასების საქმეა. მდენად, ჩვენ არა გვაქვს პრეტენზია, ჯორჯ ბალანჩინის საბალეტო ჯადოქრობის არსი და თავისებურებანი განვსაჯოთ.

ეს ჩვენს კომპეტენციას აღემატება. ამჯერად, ჩვენი მოკრძალებული სურვილი და მიზანია, სამშობლოს გარეთ, შორეულ ქვეყანაში, ამ ამერიკელი ქართველის მოღვაწეობის, დიდებისა და პოპულარობის ამბავი ზოგადი შტრიხებით წარმოვაჩინოთ ქართველი მკითხველისათვის.

ბალანჩინის სახელი ამერიკაში ლეგენდად არის ქცეული. იგი მიაჩნიათ იმ ქვეყნის შვილად, რომლის ხელოვნებამ დაიპყრო ამერიკა და მსოფლიოში მოახდინა საბალეტო ხელოვნების რევოლუცია. იგი პირველი შვილია ქართველი კომპოზიტორის მელიტონ ბალანჩივაძისა. მისი ძმაც, ანდრია, ცნობილი კომპოზიტორია.

მელიტონ ბალანჩივაძე ახალგაზრდობისას სწავლობდა რუსეთში, პეტერბურგში, აქ ეზიარა იგი საბალეტო ხელოვნებას, აქვე დაოჯახდა, ცოლად შეირთო ვასილიევას ქალი, რომლის ერთგულებითა და თანადგომით თვალსაჩინო წარმატებასაც მიაღწია ხელოვნების ურთულეს სფეროში. მათ შეეძინათ სამი შვილი - ორი ვაჟი და ერთი გოგონა. სამივე პეტერბურგში გაიზარდა და ჩამოყალიბდა ღირსეულ მოქალაქეებად და მოღვაწეებად.

უმცროსი ძმა, ანდრია დაბრუნდა საქართველოში და თბილისში განაგრძო შემოქმედებითი მუშაობა, უფროსი ძმა - გიორგი კი პეტერბურგში დაჩრია. იგი საიმპერატორო ქორეოგრაფიული სასწავლებლის და პეტერბურგის კონსერვატორიის აღზრდილი იყო. საბალეტო ხელოვნებას ეუფლებოდა რუსული საბალეტო სკოლის საფუძველზე. ერთ-ერთმა მასწავლებელმა (დიაგილევი) ბალანჩინს მოღვაწეობის დასაწყისში გამოუცვალა გვარი და ჯორჯ ბალანჩინი დაარქვა.

მისი ამერიკელი ბიოგრაფი უოლტერ სორელი წერდა - „ბალანჩინი, რომელშიც ქართული სისხლი ჩქეფს, 27 წელიწადზე მეტია - ამზადებს და ამაღამინებს კლასიკური ბალეტის ამერიკელ ოსტატებს, სჭედს და ჰქმნის მოცეკვავეთა ეროვნულ კადრებს“. სწორედ, ამ ხნის განმავლობაში ბალანჩინმა დაიმსახურა ის, რომ სიტყვები „ბალანჩინის მოწაფე“ უმაღლესი მოცეკვავის სინონიმია. მან შექმნა ამერიკის კლასიკური ბალეტის თანამედროვე სტილი და ამისათვის საუცხოოდ გამოიყენა იქაური პირობები. პლასტიკური მრავალფეროვნებით და უეცარი მხატვრული ელემენტით ბალანჩინს სიამოვნებით ადარებენ

ჟურნალის ამ ნომრის გამოცემისას საქართველოში აღნიშნავენ ქუთაისის საპატიო მოქალაქის, კრიტიკოსისა და პოეტის, ბატონ **სიმონ არველაძის 95 წლის** იუბილეს. მკითხველი საზოგადოება მას კარგად იცნობს ცნობილი ნაშრომით „ომ-გადახდილი ვეფხისტყაოსანი“.

რამოდენიმე ხნის წინ კი ჩვენმა რედაქციამ საჩუქრად მიიღო მისი რჩეული ნაწარმოებების ტომეულები და ახალი წიგნიც - „შორეული თავისიანები“.

უკურთღებთ საიუბილეო ღონისძიებებს და გთავაზობთ ორ ნარკვევს ამ წიგნიდან.



მხოლოდ პაბლო პიკასოს.

1904 წელს გაგრცვლდა საგაზეთო ინფორმაცია: „რუსეთის იმპერატორს არ მოეწონა პეტიპას რომელიღაც დადგმა და თეატრის ბალეტმაისტერობა ჩამოართვა მას“. იმავე წლით დათარიღებულ ერთ-ერთ ბარათში პეტიპა წერდა: „მე ძალიან ბევრი რამ გავაკეთე რუსეთში, ახლა კი ასე უდიერად გამომაგდეს. ყველაფერი გათავდა ბალეტში“.

ეს ბარათი 8 იანვარს არის დაწერილი. მეორე დღეს, 9 იანვარს დაიბადა ქართველი ბიჭი, რომელმაც, ჯორჯ ბალანჩინად ქცეულმა, მთელი თავისი ცხოვრებით დაამტკიცა, რომ ბალეტში არასოდეს არაფერი მთავრდება.

ჯორჯ ბალანჩინის გენიალობის ნათელსაყოფად ფრიად მნიშვნელოვანია 2004 წელს რუსეთში გამართული ფესტივალის „ბალანჩინის საუკუნე“ (1904-2004) მრავალფეროვანი პროგრამა. ეს იყო რუსეთ-ამერიკის პროექტი, რითაც კიდევ ერთხელ მიაგეს პატივი მეოცე საუკუნის ერთ-ერთი უდიდესი ქორეოგრაფის სსოვნას.

„უსაზღვრო და უკიდევანო ბალანჩინი“ - ასეთი სათაურით დაიბეჭდა „ლიტერა-

ტურნაია გაზეტაში“ (6189, 2004 წ.) არცაღი სოსნოვის სტატია, რომელშიც მოთხრობილია კამათის თაობაზე ფესტივალის რუსეთ-ამერიკის პროექტის მონაწილეთა შორის. სტატიაში ნათქვამია, რომ რუსეთს ჯერ არ უნახავს ამდენი და ასეთი რაოდენობით ბალანჩინი. ხაზგასმულია ის, რომ რუსეთ-ამერიკის პროექტმა, რომელმაც გაერთიანა ადამიანები, რომლებსთვისაც ძვირად ფასობს ბალეტის ბრწყინვალე ინოვაციორის შემოქმედება და მეგვიდრობა, მისცა დასაბამი აგრეთვე საინტერესო კამათის იმის შესახებ, თუ რომელ ეროვნულ სკოლას ეკუთვნოდა ეს გენიოსი ხელოვანი.

ამ სტატიაში სრულად არის წარმოდგენილი პოლემიკა ფესტივალის ოკეანის გადაღმელი სტუმრებისა რუს კოლეგებთან. მკითხველისათვის ინტერესმოკლებული არ იქნება, გავაცნოთ აქ გამოთქმული რამდენიმე მოსაზრება:

პირველი ვერსია: ჯორჯ ბალანჩინი არის რუსული წარმოშობის ამერიკელი ქორეოგრაფი, ამერიკამ მისცა მას ფული და ძიების თავისუფლება. ბალანჩინმა ჩამოაყალიბა ამერიკული ბალეტი;

მეორე ვერსია: ბალანჩინი არის რუსი



ქორეოგრაფი, რომელიც ბედის უკულმარ-  
თობის გამო ცხოვრობდა და მუშაობდა  
ამერიკაში. ყველაფერი დაიწყო პატარა და-  
სით, მხოლოდ რუსეთიდან ჩატანილი კლა-  
სიკური ცოდნა-განათლების საფუძველზე.

სტატიის ავტორი არკადი სოსნოვი  
შენიშნავს, რომ ეს კამათი ღიმილის მომ-  
გვრელია. თავად იგი გვთავაზობს ახალ  
თავისებურ ვერსიას: ბალანჩინი დაიბადა  
რუსეთში და აქვე ჩამოყალიბდა როგორც  
ხელოვანი. ეს მოხდა რევოლუციისა და  
პრეზიდენტის საუკუნეების მიჯნაზე.

„ბალანჩინი არის ჩვენი წვლილი მსოფ-  
ლიოს კულტურაში“ - ასეთია მისი კატე-  
გორიული დასკვნა. ამავე მოსაზრებას იზი-  
არებენ თურმე ხელოვნებათმცოდნე სტუნი-  
კოვი და სხვა პეტერბურგელი ბალეტომა-  
ნები. ბოლოთქმაში ა. სოსნოვი ახმოვანებს  
ასეთ მოსაზრებასაც - ჩვენს სასწავლებლებ-  
ში, ვაგანოვას სისტემის სწავლებასთან  
ერთად, უნდა შემოვიღოთ ბალანჩინის ტექ-  
ნიკის გაკვეთილები, მოვამზადოთ მოცეკვა-  
ვეები მისი ქორეოგრაფიისათვის, რომელიც  
ასე ეხმარება საუკუნის დინამიკას. ალბათ,  
ეს იქნება მორიგი თანმიმდევრული და  
ძალზე საჭირო ნაბიჯი რუსულ ბალეტში  
იმ დიდოსტატის დაბრუნებისა, რომელიც  
თავის თავზე ასე ამბობდა: „სისხლით  
ქართველი ვარ, კულტურით - რუსი, ეროვნე-  
ბით პეტერბურგელი“, - ეს ერთობ უცნაური  
ინტერპრეტაციაა სოსნოვის მხრიდან -  
გენეტიკურად, სისხლით ქართველი, ხომ  
იგივე ეროვნებით ქართველია“

\* \* \*

შორეულ ამერიკაში მოღვაწე ბალანჩინი  
არ ივიწყებდა თავის ეროვნულ ფესვებს,  
ასევე მეორე სამშობლოს - რუსეთსაც.  
იგი არაერთხელ ეწვია საქართველოს, სხვა  
ეროვნულ რესპუბლიკებსაც - რუსეთსა  
და უკრაინას.

როგორც მისი ძმა ანდრია სტატიამი  
„ჩემი ძმა - ჯორჯ ბალანჩინი“ წერდა, გე-  
ნიალური ბალანჩინი მიწვევით ბევრ ქვეყ-  
ანაში დგამდა სპექტაკლებს, ჰქონდა დიდი  
შემოსავალი. ეს თანხა უკლებლივ ხმარდებ-  
ოდა საბალეტო ხელოვნების განვითარების  
საქმეს. მთელი ცხოვრება მან ბალეტს  
შესწირა, სხვა გატაცება მას არ ჰქონია.

1972 წელს ბალანჩინი ეწვია საქართვე-  
ლოს. მანამდე გასტროლები ჰქონდა კიევში,  
მოსკოვში, ლენინგრადში და თბილისში.

აქ, ფილარმონიის დიდ დარბაზში, მათ  
წარადგინეს ახალი და ძველი დადგმები.  
ბალანჩინს შეხვედრები ჰქონდა ხელოვნე-  
ბის თვალსაზრისით ქართველ მოღვაწეებთან,  
ამავე დროს გაეცნო თავისი ძმის - ანდრიას  
ახალ ბალეტს „მთების გული“. მას ძმის-  
თვის უთქვამს: „მთელ ბალეტს არ დავდამ,  
მისგან ავიღებ მუსიკალურ ნიმუშებს, ავიღებ  
აგრეთვე ნაწყვეტს სიმფონიიდან, შენს „ხო-  
რუმს“ ქალთა ცეკვად გადავაკეთებ და  
კარგ „ხარშოს“ გავაკეთებ“.

უაღრესად მნიშვნელოვანი იყო ბალანჩი-  
ნის საბალეტო დასის ჩამოსვლა სამშობ-  
ლოში, სადაც დიდ ხელოვანს ოჯახის  
წევრებთან და მეგობრებთან ერთად მთე-

ლი თბილისის საზოგადოებრიობა დახვდა.

კომპოზიტორი ბიძინა კვერნაძე იგო-  
ნებს: „ბალანჩინმა, ქუთაისში, წინაპრების  
საფლავის ნახვა მოინატრა. გავეყვით, მი-  
ვიწყებული საფლავის ძებნაში კოკისპი-  
რულად გაწვიმდა. ბატონი ანდრია გვამ-  
ხნევედა, მოითმინეთ, მეგობრებო, ჩემი ძმა  
აპოლონი მოვა და მოიტანს ნამდვილ სვან-  
ჭკარას. უკვე დაგვადგა ყარაული: ვინა-  
ხართ თქვენ, ამ წვიმაში რომ დააბოტებოთ.  
როცა გაიგო ჩვენი ვინაობა, იქვე, ვიღაცის  
საფლავზე მიგვითითა. ამასობაში გამოჩი-  
ნდა აპოლონიც დოქტი ხელში, რომელსაც  
საცობი ფურჩი ავარდნოდა და წვიმა  
ჩაღიოდა შიგ. დალიეთ, ამხანაგებო, კარგი  
წვიმიანი ღვინო, გვითხრა. ძმის რეკომენ-  
დაციით ჯორჯმაც მორჩილად შესვა ორი-  
გინალური ნექტარი.“

რამდენიმე დღეში ძალიან შევეჩვიეთ  
და გამეზავრებისას გულანუყვებულ მეგობ-  
რებად დავციდით ერთმანეთს. შთაბეჭდი-  
ლება ამ ფანტასტიკური ფერისსაგან ზმა-  
ნებად შემოგვრჩა დღემდე“.

მოგონებიდან საუგუნოსხმოა აგრეთვე  
მეორე მომენტია: თავის დროზე პოეტ ზომ-  
ლეთელს ანდრია ბალანჩინიძისათვის უთ-  
ხოვია, დაეწერა მუსიკა მის ლექსებზე.  
ალბათ, ელოდა რომანტიკულ, ძველვარე  
რომანსს და დაიწყო კითხვა: „ტყეს შიშინს,  
ულრანისს, გაუგლიანს, პირმაიანს...“ ბატონ  
ანდრიას მიამიტურად დაუსვამს კითხვა:  
„Откуда вы набрали столько ар-  
мян“...

## ბიოგრაფიული

### XIX ბალანჩინი

ამერიკელ ქართველთა შორის, გენია-  
ლური ჯორჯ ბალანჩინის გარდა, გამოჩე-  
ული იყვნენ მწერლები და ხელოვანი მო-  
ღვაწეები: სანდრო ნებლო (პაპუაშვილი),  
პაველ ჭავჭავაძე, მოქანდაკე ლადო გუჯა-  
ბიძე, ისტორიკოსი-მეცნიერი თეიმურაზ ბაგ-  
რატიონი და სხვ.

მათ შორის ცალკე უნდა გამოვყოთ  
მწერალი და მოქანდაკე გიორგი პაპაშვილი,  
რომელმაც იქ სახელი გაითქვა არა მხო-  
ლოდ სკულპტურებით, არამედ მეოცე საუ-  
კუნის 40-იან წლებში განხორციელებული  
წიგნით: „ქვეყანა, სადაც ყველაფერი შეიძ-  
ლება მოხდეს“.

გიორგი პაპაშვილი წარმოშობით კახე-  
თიდანაა, სოფელ კობიანთკარიდან.

დაიბადა 1898 წელს. ბავშვობა თავის  
სოფელში გაატარა. დაეუფლა ხელობას  
- უნაგორების კეთებას. ამ კონტექსტში  
გავისხენოთ ერთი ეპიზოდი მისივე მონათ-  
ხრობიდან: „პირველი მსოფლიო ომი ბო-  
ბოქრობდა, ჯარში გაწვევა ჯერ არ მიწვე-  
და, მაგრამ, რატომღაც, ომისკენ მიმიწვედა  
გული. ავდექი და ქალაქში ჩავდი. ვიპოვე

ის ადგილი, სადაც საჯარო ბიჭებს იძახებ-  
დნენ. უფროსთან შევედი. ცოტა ხანს მო-  
იცადეთ. როცა სხვა იქ მყოფები ოთახიდან  
გავიდნენ და ჩვენ ორნი დავრჩით, ქართულად  
მკითხა: საიდან ჩამოხვედი და რა გინდაო.  
ვუთხარი, საიდანაც ვიყავი და თხოვნაც  
გავუთქორე. წამოდგა, მომიახლოვდა, ერთი  
ალიყული მაჭამა და შუბლმეკრულმა მით-  
ხრა: ნიკოლოზის ომში თავი რათ უნდა  
მოიკლა, შე მამაძაღლო, შენაო. ის არ კმა-  
რა, რომ იქ ქართველები იხოცებიათ. ახ-  
ლა წადი და შენს სახლ-კარს მიხედეთ,  
ეცადე, შენს სამშობლოს გამოადგეო.

დავფიქრდი და მივხვდი, რომ ალალი  
იყო ის სილა ჩემთვის, - ასე დაამთავრა  
ამ ეპიზოდის თხრობა და უცხოეთში გადა-  
ხვეწის პირველი დღეები გაიხსენა“.

1918 წელს ნიუ-იორკის ნავსადგურში  
პატარა ბერძნულმა გემმა ჩაუშვა ლუხა.  
მეზავრები ნაპირზე გადმოვიდნენ, მათ შო-  
რის იყო წარმოსადგეი ახალგაზრდა, რომე-  
ლიც შორეული საქართველოდან ამერიკაში  
გადმოიხვეწა სამუშაოდ. მან ინგლისური  
არ იცოდა, ფულიც არ ჰქონდა, გზაში შე-

მოზარჯვოდა, ჰქონდა ხელობა - უნაგირე-  
ბის ოსტატობა. ამერიკაში კი ვის სჭირდებო-  
და ამ ხელობის ადამიანი?

...თხუთმეტი წლის ხეტილის შემდეგ  
გიორგი პაპაშვილმა ცოლად შეირთო ამე-  
რიკელი მწერალი ქალი ჰელენ უაიტი,  
რომლის მშობივით მან პატარა ფერმა  
შეიძინა პენსილვანიის შტატში და მამა-  
პაპის ხელობას - ხვნა-თესვას მიჰყო ხელი,  
ამასთან ეწეოდა შემოქმედებით საქმიანობას.

ჩვენმა თანამემამულემ და მისმა მეუღ-  
ლემ ჰელენმა 1938 წელს დაწერეს რომანი  
„უფრო ზუსტად, ავტობიოგრაფიული ნოვე-  
ლების წიგნი „ყველაფერი შეიძლება მოხ-  
დეს“. ეს წიგნი ითარგმნა და მრავალჯერ  
გამოიცა მსოფლიოს სხვადასხვა ხალხთა  
ენებზე. 1950 წელს წიგნი შეტანილ იქნა  
ამერიკის რჩეული ლიტერატურის ბიბ-  
ლიოთეკაში (ეს ბიბლიოთეკა შედგება ჯეკ  
ლონდონის, ჰემინგუეის, ფოლკნერის, ლონ-  
გველოს, მარკ ტვენის, უილიამ საროიანის  
და სხვა გამოჩენილი ამერიკელი მწერლე-  
ბის ნაწარმოებებისაგან).

მოკლედ ამ წიგნის სიუჟეტური ქარ-

გისა და პოპულარობის შესახებ.

ნაწარმოები გვიჩვენებს მეოცე საუკუნის 30-იანი წლების ეკონომიკური კრიზისის, გაფიცვებისა და უმუშევრობის რეალისტურ სურათებს, ამავე დროს - ქართველი ემიგრანტის მძიმე თავგადასავალს, სამუშაოს ძებნის მრავალი დაბრკოლების დაძლევის ფაქტებს, იმას, თუ როგორ ეგუება იგი ამერიკული ცხოვრების წესს. არც ქებას იმუშავებს, თუკი რაიმე მოეწონა ამერიკაში, ამავე დროს პიროვნულად აღწერს იმასაც, თუ როგორ მიაღწია თვალსაჩინო წარმატებას - მხატვრული ლიტერატურისა და ქანდაკების შექმნის ხელოვნებაში.

რაც შეეხება ნაწარმოების პოპულარობას, იგი თარგმნილია მრავალ ენაზე და ითვლება ბესტსელერად. ამ წიგნის მიხედვით ამერიკელმა რეჟისორმა ჯორჯ სიტონმა პოლივუდში 1951 წელს გადაიღო კინოფილმი, რომელშიც მონაწილეობდა კინოვარსკვლავი ხოზე ფარერი. ტექნიკური ღირებულებები იყო დიზაინერი ლადო (ვლადიმერ) ბიბიშვილი, მსახიობთა შორის გამოირჩეოდა ასევე ქართველი ემიგრანტი ალექსანდრე ფუტკარაძე. ასე რომ, ცოლქმარ პაპაშვილების ერთობლივ შემოქმედებით ნაშრომს, „ყველაფერი შეიძლება მოხდეს“ თვალსაჩინო პოპულარობა ხვდომია წილად არა მარტო ამერიკაში, არამედ მსოფლიოს სხვა ქვეყნებშიც.

პირველი ნაწარმოების ასეთი განუზომელი წარმატება თვით ავტორებსაც არ მოსვლიათ ფიქრადაც. ერთი კრიტიკოსის თქმით, ეს მხატვრული ქმნილება ითარგმნა თხუთმეტ უცხო ენაზე - ჩინურის, იაპონურის და ურდუს ჩათვლით, ევროპული ენების გარდა ქართველმა მწერალმა გაამხიარულა და გულთანად აცინა ჩინელი და იაპონელი მკითხველებიც.

აღნიშნული წიგნი მრავალჯერ გამოიცა მეორე მსოფლიო ომის წინ და ომის წლებშიც. იგი უადრესად პოპულარული საკითხავი წიგნი ყოფილა ამერიკელ ჯარისკაცთა და ოფიცერთათვის, სულ გამოსულა 600 000 ცალი, რაც იმ დროისათვის უმაგალითო მოვლენა ყოფილა.

ამან განაპირობა ისიც, რომ წიგნი იქცა ბესტსელერად და ჟურნალმა „ბესტსელერმა“ კიდევ მრავალათასიანი ტირაჟით გამოსცა ორი ათეული წლის შემდეგ. ცოლქმარნი პაპაშვილებმა ამერიკის საზოგადოება კიდევ ერთხელ განაცვიფრეს ახალი წიგნით, „მინ, კვლავ მინისაკენ“, რომელიც 1973 წელს დაიბეჭდა.

\* \* \*

გიორგი პაპაშვილმა არა მხოლოდ მწერლური შემოქმედებით მოხიბლა ამერიკელი მკითხველი, არამედ იგი ძალიან წარსდგა მსოფლიოს წინაშე, როგორც ჩინებული მოქანდაკე, არა მხოლოდ ქვაზე, არამედ ხეზედაც. ამის შესახებ ერთ-ერთი გალე-

რეის კურატორი წერდა:

„გიორგი პაპაშვილი გახლავთ ბუნებრივი და იშვიათი ტალანტი. არ შეუშლია რა ხელი იმას, რომ მას არ ჰქონდა ოფიციალური გაწვრთნა, მისმა ძლიერმა შეგრძნებამ ფორმებისა, იგი მიიყვანა პროფესიულ განვითარებამდე და ჩააყენა ჩვენი ყველაზე გამოჩენილი მოქანდაკეების რიგში“.

უპირატესად, მას ყველგან მოიხსენიებდნენ, როგორც ცნობილ მოქანდაკეს და შემდეგ მწერალს. ნეკროლოგში არაერთხელ საზვასმით წერდნენ: „პაპაშვილი გარდაიცვალა, ემიგრანტი საქართველოდან - გახდა მსოფლიოში ცნობილი სკულპტორი. გიორგი პაპაშვილი, რომლის ცხოველთა ქვის ქანდაკებებმა სიყვარული მოუტანა ბავშვებს, გარდაიცვალა ამ ქვეყანაში 55 წლიანი ცხოვრების შემდეგ, განახორციელა რა ის, რასაც შეიძლება ეწოდოს „ამერიკული ოცნება“.

მხოლოდ ამის შემდეგ ენება ნეკროლოგის ავტორი მოთხრობას „ყველაფერი შეიძლება მოხდეს“... ჯორჯ პაპაშვილმა დატოვა ისეთი მარადიული რამ, როგორიცაა მისი ქანდაკებები. ჩვენ მან გვასწავლა ჭეშმარიტი აზრი და მნიშვნელობა მეგობრობისა, პატიოსნებისა, პირდაპირობისა“. ყოველივე ზემოთ ფრაგმენტულად თქმული არის დიდებული შეფასება მისი, როგორც უბაღლო პიროვნებისა და ხელოვნისა.

მისი ქანდაკებანი გამოფენილი ყოფილა მრავალ საზოგადოებრივ დაწესებულებაში, ბიბლიოთეკებსა და უნივერსიტეტებში, გალერეებსა და მუზეუმებში. მათ სპეციალისტებისაგან დაუმსახურებიათ მაღალი შეფასება, ერთ-ერთი თავგანისმცემლის აზრით, „მისი ნამუშევარი უზრალოდ, საუცხოო და ჩინებულისა, რომლითაც დატკბება მომავალი თაობები. მე არასდროს მინახავს ბავშვები, რომელნიც ალტაცებულნი არ ყოფილიყვნენ მისი (პაპაშვილის) ნაშრომით.“

ამერიკაში მცხოვრები მწერალი გივი კობახიძე თავის სტატიაში „ბუნების მოტრფიალე“ მარჯვედ და მოხდენილად ავლებს პარალელს ვაჟა-ფშაველასა და პაპაშვილს შორის, უწოდებს რა მათ ბუნების ტრფიალთა და მქობებთ.

იგი წერს: „ვაჟა-ფშაველა ბუნების მოტრფიალე იყო და ამიტომაც გენიოს მწერლად ჩამოიქნა. გიორგი პაპაშვილი ბუნების ტრფიალი იყო და თუ ფშაველი ხეებს, მცენარეებს ალაპარაკებდა, მთიელმა გიორგიმ ცივი ქვეები ამბეჭყველა. ამდენად, ისიც გენიოსთა წყებაში მოექცა...“

ჩარგალი და კობახიძის შორი-შორის ხომ არ არიან ერთმანეთისაგან?

ბუნების ტრფიალში კი, ეს ორი მთიელი ქართველი, ტოლნი არიან.

**სიომონ არაშვილი**


სუ ცეტები მყვანან, ქმარიც და შვილებიც. რაც მაგათ არ გააკეთონ, ის უნდა გაგიკვირდეს. ჩემმა პატიოსანმა ქმარმა, მე რომ მომიყვანა, იმ წელიწადს ხარი შეღება, ერთი წითელი ჰყავდა, ერთი თაფლა, ორივე კოლექტივისები. ჩვენაო წითლები ვართო, წითელი ხარები უნდა მყავდესო, და წავიდა, იორმულანლოში ჩავიდა, თათრის მოლა იყო ერთი, იმას გამოართვა საღებავი, თათრები წვერებს იღებავენ იმით, ამოიტანა და შეღება ის თაფლა ხარი. მერე, დიდი ბიჭი რომ გამიჩნდა, შალიკო, თხა გაწურთხა, ორ ფეხზე დააყენებდა, დაუძმებდა, ჩემი სულელი ვინ არიო, და თხაც უპასუხებდა, - მეუო. თან მეე-მეეს იხსნდა, თან აეგო სიმრგვლივ დადიოდა და ხალხს თავს უკრავდა. კოლალები ჰყავდა, ტყეში, ფულუროში ენახა პატარა ბღარტები, ისე შეიჩვია, დადგებოდა შუა ეზოში, - კული-კულიო, - და შეაფრინდებოდნენ აქეთ-იქიდან ოთხნი. ფრონტზე რომ სახედრებს კულზე ქვასა ჰკიდებდნენ, არ იყროყინონო, ეგეც ჩემი ქმრის მოვინილია.

დიდმა ბიჭმა, შალიკომ, ომიანობას მარხილში ძალი შეაბა და იმით ეზიდებოდა ლაგებურადან შემას. პატარა კიდევ, ამირანა, - ვილაცას ეთქვა, შმიშარა ხარო, - და მთელი ზაფხული ნათლიმცემლის ნანგრევებში იძინებდა. ორმოცდაცამეტში, სტალინი რომ მიიცვალა, გორში წავიდნენ ექსკურსიაზე, იქიდან რომ დაბრუნდნენ, ცხინვალელი გოგო ჩამოგვგვარა. რა უნდა გვექნა, ვიყავით გამტკნარებულები. ბრიადელს ეთქვა ჩემი პატიოსანი ქმრისთვის, რა ჩუმადა ხართ, ხალხო, პატარაძალი ხომ მოიყვანეთო! ჩუმადაო! გაიტანა ჩემი მზითვის დიდი სპილენძის ტაშტი ჩემმა ქმარმა და დაკა! - ეგეთი ბრახუნი აუტეხა, ქალაქში ჩავიდილა იმისი ხმა, - ეხლა ხომ გაიკონეთო.

- ენაც ფინთი აქეთ სუყველასა. ჩემი ქმარი იყო, რაიონიდან გადმოსულ კაცს რომ ჰკითხა მინდორში, - ვინა ბრძანდებითო. მომაგრებული ვარო. აბა, შვილო, თუ ეგრეა, მე მოფამფალეუელი ვარ და თოხი შენ გამომართვი, მე ცოტას წავუძინებო. მაგაზე გადაგვეკიდა თავმჯდომარე, ხე-ტყის დამზადებაზე გაგზავნა და კინალამ მოინელა კიდევ. მორი დაეცა მარცხენა ფეხზე და ძვალი მარილივით გადაუშტვრია. სახედარი მაგისათვის გაჩინა, სახედარი და ტაჭკა, დაჯდებოდა იმ ტაჭკაზე და იმით დადიოდა ვენახი იყო თუ რა იყო. ხო ფეხს ძლივს დაათრევა, სიცეტეს მაინც არ იშლიდა. ხრუშჩოვობას, სახედრები რომ დაიძახეს დამზა-







# ჯემალი აჯიაშვილის მეზამუხარე

**ჯემალ აჯიაშვილი** სულ სხვადასხვა ვითარებაში მასსოვს. მის არაერთ საღამოს დავსწრებივარ, ლხინის სუფრასთანაც არაერთხელ გვისაუბრია, კოლეგებიც ვიყავით და თანამშრომლებიც, ბიჭვინთის მწერალთა სახლში მთარგმნელთა სემინარსაც ერთად ვესწრებოდით. ფოტოც მახსენდება, სადაც ასევე ერთად ვართ აღბეჭდილნი - მე, ჩემი მეგობარი თამაზ ბაძაღუა და უფროსები - ჯემალ აჯიაშვილი და თამაზ ჩხენკელი. სამწუხაროდ, დღეს არცერთი მათგანი ჩვენთან აღარ არის.

ჯემალი საინტერესო მოსაუბრე იყო. არ უყვარდა მენტორული ტონი და პათეტიკური, თავაწეული საუბარი. თავმდაბლობა და იუმორი სხვათაგან გამორჩევედა. თუ კარგად დააკვირდებოდი, მის არსებაში აღძრულ ნაღველსაც შეატყობდი და ამბობათა ამბობების შერძინებასაც. სიტყვაუხვი არ ყოფილა, თითქოს ბოლომდე ყველაფრის თქმას ერიდებოდა და დუმდებოდა ამჯობინებდა. არადა, ისიც ეტყობოდა, რომ ბევრს ფიქრობდა და უკვე ბევრი ჰქონდა ნაფიქრი. მისი ყოველი შენიშვნა ამ ხანგრძლივი ფიქრის ნაყოფი იყო.

მასსოვს ერთხელ ლიტერატურაზე საუბრისას ერთმა ლიტერატორმა უთხრა: ზოდასევიჩი მაინც ვერ შესწვდება მანდელშტამსო. ამაზე ჯემალმა მოკლედ უპასუხა: „ნუ ვიტყვით ასე“. ეს წყნარი პასუხი ძალიან მომეწონა, არა მხოლოდ იმიტომ, რომ მაშინ უკვე ვთარგმნიდი ზოდასევიჩს, არამედ იმიტომაც, რომ ყოველ ნიჭიერ პოეტს თავისი უნიკალური ნიშანი აქვს და ეს სძენს მას მნიშვნელობას. ასეა ზოდასევიჩიც.

ჯემალი ოდნავი წამღერებით წარმოთქვამდა თავის თარგმანებს. მასსოვს მოშეიბნ ეზრას ლექსი:

*„სებიაო, სებიაო,  
გაღმა ბნელი გზებიაო!..  
მოვირთვია სხვათა მდელიო,  
მოვინარევიზებიაო“.*

ისეთი შთაბეჭდილება იქმნებოდა, თითქოს მთარგმნელისთვის ბგერწერული ჟღერადობა, ბგერწერულ-რიტმული რხევა, ჟღერადი რითმა ანიჭებდა პოეზიას აზრს. ასეც იყო. ებრაული პოეზიის მისტიკური მუსიკალობა ჯემალის სულის მოძრაობას ემთხვეოდა. ეს მისი გულისცემის, მისი სუნთქვის რიტმი იყო, ამიტომ მისეული დეკლამაცია შთაბეჭდავად გადმოსცემდა ავტორის ლაღადისს.

ჯემალმა ბევრი რამ თარგმნა. ცხადია, ის სრულიად გამორჩეულ პოეტებს თარგმნიდა. მრავალფეროვანია ის სამყარო, რომელიც მისი მეშვეობით ქართულ ენაზე ამეტყველდა. ამას იმიტომ ვამბობ, რომ დიამეტრულად განსხვავებული პოეტების თარგმნა თავისებურ სიძნელეს ქმნის. ვთქვათ, ებრაული პოეზიისგან სავსებით



განსხვავებულია ვლადიმირ მაიაკოვსკის პოეზია. ჯემალ აჯიაშვილის თარგმანი ლექსისა „საიუბილო“ მართლაც რომ სანიშნოა სისადავით და სიმკაცრით, მაიაკოვსკისეული ვირტოზული რითმით, რაც ქართულში ოსტატურად არის გაშლილი და გადმოტანილი.

ახალგამოცემული ჯემალ აჯიაშვილის 100 ორიგინალური ლექსი კიდევ ერთხელ წარმოაჩენს სალექსო ფორმის ავტორისეულ ფლობას. ჩვენ ხშირად ვმსჯელობთ ხოლმე იმის თაობაზე, თუ რა ხარისხით ფლობს პოეტი ლექსის ფაქტურას, მის მხატვრულ ინვენტარს. ამგვარი ფლობა პროფესიული დონის მაჩვენებელია. და თუმცა ჯემალი თავის თარგმანებში პროფესიულ ოსტატობას მოჭარბებულადაც ამჟღავნებდა, მკითხველს მაინც გაუჩნდება სურვილი მისი ორიგინალური შემოქმედების იმავე ნიშნით მოსინჯვისა.

ჩემი აზრით, ჯემალის ლექსებში მისივე თარგმანებიდან ბუნებრივად გადავიდა ფრაზეოლოგია, მეტყველი რითმა, ლაღადისის ინტონაცია. „100 ლექსში“ თავმოყრილი სონეტები თითქმის იმავე ამაოებთან ამოცების განწყობით არის შეფერილი, რითაც ებრაული პოეზია გამოირჩეოდა. მე ისეთი შთაბეჭდილება მრჩება, რომ ჯემალი ბოლომდე არ გამოსულა თარგმნილი ავტორების თვალსაწიერიდან, ის თითქოს მიჰყვება იმ ინერციას, რომელსაც შუა საუკუნეების და აღორძინების ხანის პოეტები ქმნიან. ასე გზადაგზა იქმნება მისი საკუთარი ლირიკა, სადაც ავტორი ძალდაუტანებლად თამაშობს უკვე თარგმნილი პოეტების ალუზიებით და რემინისცენციებით. ოღონდ ეს მისი განწყობაა, მისი რეალობა, რომელშიც გარესინამდვილევ ირეკლება და წიგნიერი სამყაროც. აი, ვთქვათ, პოეტი წერს სონეტს შიშზე. და მაშინვე თავს იჩენს ბიბლიური მოტივები ანუ, სხვაგვარად რომ ვთქვათ, მწიგნობრულ რეალიტებს ემპირიული რეალობა გადაენასკვება:

„შიშით ჩამკვიდრდა კიდურებში  
ზამთრის სიზანტე,  
შიშმა აოტა კენიდან მოდგმა აბელთა,  
შიში ჩაგითრევს, უმსგავსობას  
კიდრე იზამდე,  
და ჯამბაზივით ჩაგაოთხებს  
ჩამწყდარ საბელთას“.

სონეტის ეს სტროფი თავისთავად მეტყველებს იმ სიმბოზზე, რომელიც ყოველთვის არა, მაგრამ ხშირად არის დამახასიათებელი პოეტი - მთარგმნელებისთვის.

ბორის პასტერნაკი ამბობდა, რომ ორიგინალის მსგავსად, თარგმანი სიტყვიერების ნიმუშის კი არა, ცხოვრების ცხოველმყოფლობის შთაბეჭდილებას უნდა ტოვებდესო. ამის მიღწევა ძნელია. ვთქვათ, პასტერნაკის მიერ თარგმნილი ბარათაშვილის ლექსებიდან, ამ ნიშნით ყველაზე გამორჩე-

ულია თარგმანი ლექსისა „ცისა ფერს“.

ჯემალ აჯიაშვილის თარგმნილი ებრაული პოეზია, პეტრარკას და მიქელანჯელოს სონეტები ისეთივე ემოციურ ზემოქმედებას ახდენს მკითხველზე, როგორც მისი ორიგინალური ლექსები. ემოციური ზემოქმედების თვალსაზრისით განსხვავება აქ მინიმუმამდეა დაყვანილი. და თუ არსებობს განსხვავება, ალბათ იმ ნიშნით, რომ ებრაული პოეზიის მეტრულ-რიტმული სტრუქტურა უფრო მრავალფეროვანი, უფრო ჟღერადი და პათეტიკურ-ზეაწეულია, ვიდრე ორიგინალური ლექსებისა. ეს განაპირობებს არქაული სიტყვების მძაფრ შეგრძობას და მუსიკალობის უფრო მრავალფეროვან სპექტრსაც. ეს მუსიკალობა, რომელიც საუკუნეების წიაღიდან მოედინება, მთარგმნელმა თითქოს სხვა ინსტრუმენტზე, სხვა, „ქართული ენის ქანაზე“ გადაიტანა თუ გადააწყფო. რთული ოპერაცია კი მან თავისი პიროვნულ-ინდივიდუალური სულიერი ძალების დაძაბვით შეძლო. ძალისხმევა უპირველეს ყოვლისა ქართული ენის ფლობაში მყლანდებდა. მასხენდება პოლ ვალერიის ნათქვამი: „მწერლობა სიტყვიერი ხელოვნებაა. უკეთესია ის, ვინც უკეთ ფლობს თავის ენას“.

ამ ფლობამ გადაწონა ყოველივე, როგორც უკვე ვთქვი, ისეთი შთაბეჭდილება მექმნება, რომ ჯემალმა უკვე საკუთარ ლექსებში გვერდით გადაადო ღედნები. მხოლოდ „ღედანი“ მაინც დაიტოვა - რეალობა, თავისი პიროვნული სამყარო, ბედისწერა და შემოქმედებითი თხზვა განაგრძო. უცნაური ის არის, რომ ფიქრის ინტონაციის აღმძვრელ მჭიდრო ფრაზეოლოგიასთან ერთად ორიგინალურ შემოქმედებაში ამაოების განწყობაც გადმოვიდა. მინდა მოვიყვანო ერთი ძალზე შთაბეჭდვადი სონეტი:

„მზის მიწურვისას ეგეოსთან  
იჯდა ფილონი,  
ცხრებოდა ზღვა და მეზღვაურებს  
ტკბილი და ნავსი ხმით იზიდავდნენ  
ჯადოსნური სანაპირონი  
და ანგელოსი ნანაობდა  
ზურმუხტის ნავში  
სადაფის მთებზე იღვრებოდა  
უცხო მირონი  
და მგელი, რომელიც სატრაპეზოდ  
პატარა ფარეხში დაესვი,  
ცხოვართან სამძოდ განაწყობდა  
ცა - საფირონი  
და ტყისპირ თიენებს აძოვებდა  
პატარა ბავშვი,  
მანსოვს სხვა ხილვაც, -  
აქრონი, კუშტი ქარონი,  
ქარონის იქით -  
წყარონი და სხვა სამყარონი,  
ქარი, რომელიც ლეგენდებში  
დღემდე ხორხოცებს,  
ოდესმე ამ ზღვას სხვანაირი

ჯადოთი კრავდა,  
ვაუძლო სულმა გამუდმებულ  
მეტამორფოზებს, -  
უცვლელად დარჩა მეტაფორა  
მგელთა და კრავთა“.

ამ სონეტში ავტორი მარადისობას უსწორებს თვალს. მარადისობაში უცვლელია ბუნების მოვლენები - ქარის ქროლვა და ზღვის ღელვა, ამ მოვლენათა ხშიერება, ცხადია, ლეგენდებშიც არის გადასული და მითებშიც. ბუნება მარადიულია და უცვლელი, კულტურას კი ადამიანი ქმნის და ამიტომაც ცვალებადია. ცვალებადია თვითონ ადამიანიც, რომელიც კულტურის წიაღში ცხოვრობს. განსხვავებულია, ვთქვათ რენესანსის ადამიანი შუა საუკუნეების ადამიანისგან და ა.შ. მაშასადამე, არსებობს მეტამორფოზები („ვაუძლო სულმა გამუდმებულ მეტამორფოზებს“), მაგრამ პარადოქსთა სფეროს უნდა მივაკუთვნოთ ის, რომ ამავე დროს არსებობს კულტურის უცვლელი გამოხატულებები. ასეთია, ვთქვათ, მეტაფორა „მგელთა და კრავთა“. მართალია, ეს მეტაფორა სხვადასხვა დროში გამოყენებული და ცვალებადია კონტექსტი, მაგრამ თვითონ მეტაფორის მინარსი უცვლელია. ჯემალ აჯიაშვილის სონეტიც ამ პარადოქსულ ვითარებაზე აგებული: კულტურის წიაღში კონკრეტული მეტაფორის უცვლელობაზე.

100 ლექსად გამოცემული სონეტები ერთ რომელიმე ისტორიულ ეპოქაზე, ძეგლზე ან წერილობით პირველწყაროზე არ არის მიჯაჭვული. არც შეიძლება რომ იყოს, რადგან ასეთი გარშემოწერილობა ორიგინალური შემოქმედების განსნილობას შეაფერხებდა. როგორც ზემოთ უკვე ვთქვი, ჯემალმა ებრაული პოეზიაც კი თავის „ხმის ტემბრს“, თავის ქართულ ფრაზეოლოგიას, ქართულ ენას, „ქართულად სტრუქტურირებულ“ სამყაროს შეუთანადა და, მითუმეტეს, შეუძლებელი იქნებოდა ორიგინალურ შემოქმედებაში ისეთი საზღვრები დაეწესებინა, რომელიც ლირიკულ გზნებას და საძრებობას შეზღუდავდა. იქნებ ეს ზოგადი განსაზღვრება იყოს, მაგრამ მაინც ვიტყვი: სონეტების ციკლში პოეტი ფიქრობს მარადიულობაზე და იმ წარმავალი დროის მონაკვეთზე, რომელიც განგებამ განუწესა ადამიანს.

ჯემალ აჯიაშვილის სონეტებში ბიბლიურ-ფილოსოფიურ რეალიტებს ორგანულად ეთავსება საქართველოს ისტორიის რეალიტები. ამ ციკლში რუსთაველის და გურამიშვილის პერსონაჟებიც წარმოჩნდებიან. მრავლისმეტყველია ტოპონიმიკაც - ქალდეა, ითაკა, ფაზისი, მარტვილი, ქუთაისი, კარაღეთი და ა.შ. მაგრამ მთავარი მაინც პოეზია - ისტორიის გადასახედზე მდგარი ადამიანის დამნახველი თვალი და მისი ღრმა განცდა.

ანდრო ბუაჩიძე



ეს შენი ტელევიზიაა

**TVOYO**

[www.tvoyo.tv](http://www.tvoyo.tv)

**საუკეთესო ხარისხი ფასად**

-   
160+ არხები მეტი
-   
HD ხარისხი
-   
გადახვევა არქივი
-   
ინტუიტიური მენეჯ
-   
მსოფლიოს ნებისმიერ წერტილში ხართ
-   
ვიდეოთეკა



<p><b>1</b> <b>შელი</b> ყოველთვიური გადახდა <b>25 \$</b></p>	<p><b>1</b> <b>თვე</b> წინასწარი გადახდა <b>30 \$</b></p>	<p><b>6</b> <b>თვე</b> წინასწარი გადახდა <b>120 \$</b></p>	<p><b>1</b> <b>შელი</b> წინასწარი გადახდა <b>215 \$</b></p>
<p><b>+45\$ STB</b> <b>სულ 95\$</b></p>	<p><b>+45\$ STB</b> <b>სულ 75\$</b></p>	<p><b>+30\$ STB</b> <b>სულ 150\$</b></p>	<p><b>+25\$ STB</b> <b>სულ 240\$</b></p>

პირველი თვე გრძელდება

**საუკეთესო ხარისხი ფასად**



24 საათიანი მომსახურება

1 800 563 7705  
1 347 462 1924  
1 347 748 0459





# გამოტოვე კოლეჯი!

სკოლიდან  
- პირდაპირ  
უნივერსიტეტში

დავით ტვილიდიანის  
საექიმინო უნივერსიტეტი  
**ბთავაზრობით**

**უიროკლეს და ყველაზე  
ხელმისაწვდომ გზას  
ამერიკაში ექიმობისკენ**

**200-ზე მეტი ჩვენი  
კურსდამთავრებული  
უკვე მუშაობს ექიმად ამერიკის  
და ევროპის წამყვან კლინიკებში**

**ინფორმაცია** • [www.dtmu.edu.ge](http://www.dtmu.edu.ge)  
**დაგვიკავშირდით** • [fr@dtmu.edu.ge](mailto:fr@dtmu.edu.ge)





**რეალისტური მენეჯერ კაჩაბეძე**

**მისამართი:** PO Box 13121, Jersey City, NJ 07303  
**ტელ.:** 1-347-724-0770; **თბილისიდან:** 2-420-320  
**ელფოსტა:** mamulusa@gmail.com; [www.mamuli.com](http://www.mamuli.com)

